

دیوان

جوہر المصائب

جلد اول

بالمحتات

از قریب

تائب تبریزی

١  
هذا ديوان جوهر المصائب

جلد اول با ملحقات

اثر قريحه ذره بي مقدار

الحاج صادق المتخلص به

تائب تبریزی

چاپ سزم



## بِسْمِ اللَّهِ الرَّحْمَنِ الرَّحِيمِ

درود و سپاس مر خداوندی را سزااست که با قدرت لایزالی تمام کاینات را آفریده و به نظم طبیعی مرتب و مربوط فرموده است و صلوات وافر بر حضرت خاتم الانبیا محمد المصطفی (ص) و تسلیمات متکثره بر ابوالاثمه هدی علی المرتضی و یازده فرزندان که شایستگان مرتبه رفیعۀ امامت و خلافت می باشند و هستند صلوات <sup>اللّٰه</sup> عنهم اجمعین و سلّم تسلیما.

اما بعد این کتاب بنام جلد اول جوهر المصائب از ۱۳۳۵/۲/۱۸ تا کنون دوبار چاپ و منتشر گردیده بنا به تشویق و اصرار جمعی از دوستداران و شیفتگان سرور آزادگان حضرت ابی عبداللّٰه الحسین (ع) نوبت سوم کتاب مذکور در ۵۱۲ صفحه به خط خوانا از چاپ درآمده و در دسترس دوستداران اهل بیت طهارت قرار داده می شود با تشکر از تقدیر و تشویق دوستان از درگاه احدیت به عموم مسلمین سلامتی و بهبودی و پیشبرد مقاصد اسلامی را خواستارم.

خاکپای خادمین دربار حسینی

الحاج صادق نایب

## فِي التَّوْحِيدِ

به کف از قرص مه قرطاس و خامه شاخه طوبا  
بباید تا کنم اثبات توحید خدا انشا



ولی اثبات او محتاج گفتن یا نوشتن نیست  
ز خورشید است روشن تر خدا در دیده بینا  
همه هستی عالم بر وجود هستیش برهان  
ز پیدائیش هر پیدا بهر پیداست او پیدا  
به غیر از هستی او هستی عالم همه فانی  
وَكُلُّ مَنْ عَلَيْهَا فَإِنْ وَجْهُ رَبِّكَ يَبْقَى  
به اثبات وجود ذات خود ذاتش دلیل آمد  
چنان کز هستی خورشید خورشید جهان آرا  
به امرش بر وجود آمد همی نه طارم افلاک  
بهشت و دوزخ و حور و ملک هم زشت و هم زیبا  
مه و خورشید و سیارات اندر چرخ مینائی  
به غبرا جمله ذرات و ماهی در دل دریا

صدف اندر دل دریا و در بطن صدف گوهر  
 شرار لاله حمرا به سنگ و لعل در خارا  
 گل نسرين و سبرخ و یاسمین در صحنه گلشن  
 بنفشه در کنار جویبار اندر چمن رعنا  
 گل و بلبل به باغ اندر همه آهو به راغ اندر  
 ز صانع بر سراغ اندر خدا گویان خدا جویا  
 به شاخ سروها در بوستان کوکوزنان قمری  
 بود در شاخساران در ترانه بلبل شیدا  
 بهار و ابر و باران و صفا در صحن گلشنها  
 هوای گرم تابستان و سبزیجات در صحرا  
 خزان و برگ ریزی درخت افسردگی در گل  
 زمستان برف و باد سام اندر دی مه و سرما  
 چه خوش اختر چه بد اختر چه خوش منظر چه بد منظر  
 به دنیا هر چه خشک و تر نشان از خالق یکتا  
 به دل مهر و جنین در بطن مادر شیر در پستان  
 نوای طفل مادر زاد در آغوش مادرها

وجود هیکل نوع بشر از پای تا بر سر  
 نشان از بی نشانی می دهد چه پیر و چه برنا  
 گدا و شیخ و شاه و شحنه زاهد صالح و طالح  
 عوام و جاهل و عالم خواص و عالی و آدنا  
 سما و ارض و کوه و دشت و آب و خاک و آتش باد  
 زهر سو بر ثنا خوانی او هستند هم آوا  
 خدا قادر خدا قاهر خدا حاضر خدا ناظر  
 خدا اول خدا آخر خدا بی مثل و بی همتا  
 چه بی همتا همه آفاق مصنوعند و او صانع  
 چه صانع سر بسر مصنوع او دنیا و مافیها  
 مرا یارای شرح کلمه توحید کی باشد  
 چنان صعوه گشاید بال در جولانگه عنقا  
 خطا شد از خطای خویشتن باید شدن تائب  
 به تائب گفته تائب خامس آل عبا طوبا  
 طوبی لمن کان نادماً ارقاً  
 یشکروا الی ذالجلال بسلواه



وصیت حضرت رسول اکرم ﷺ  
خطاب به دخترش حضرت زهرا علیها السلام

صبر ایله ای نوگل گلزار عصمت فاطمه  
ویرسه یوز مندن صورا هر بیر مصیبت فاطمه



فرقتیمده دُوز قزیم چوخ گلمه داد و شیونه  
غصّه لّمه آغلیوب توکمه سرشگون دامنه  
آغلاسان یا غصّه لّسن غصّه یوز ویرسه سنه  
باغ جنتده گورر روحیم اذیت فاطمه  
آه چکمه شعله آهیله سینه داغلاما  
بوینی چگنینه دوروب اشگون عذاره باغلاما  
صبر ایله گلمه بو قدری شور و شینه آغلاما  
ایتمه ناله بلبل باغ رسالت فاطمه

حسرتیله باخما چوخ تغیر ویرمه حالوه  
آغلاما تخفیف ویرگوزده سرشگ آلوه  
آغلاسون عالم گرک زهرا سنون احوالوه  
عارضه توکسون غمونده اشگ خسرت فاطمه  
من بوگون ئولّم گرک اولسون قراسی باشوین  
موسفید اولسون بو زلف مشکسای باشوین  
عمرون آزدی لیک وار چوخ چوخ بلاسی باشوین  
تاپماسان بیر آن بلایادن فراغت فاطمه  
باغ عیشون باد ظلمیله سولار مندن صورا  
غصّه دن قانیله دل جامین دولار مندن صورا  
دست اشراریله حقّون غصب اولار مندن صورا  
حقّوی الدن آلاز اهل عداوت فاطمه  
تا حیاتون وار مصیبتدور سنه همدم قزیم  
روزگارون غم ایدر زلفون کیمی برهم قزیم  
قامت رعناوی بار محنت ایلر خم قزیم  
خم اولار بو قامت شور قیامت فاطمه

گه قزیم اهل جفا بیر مجلس شورا قورار  
 رأی آلوب درباریوی نار ستمله یاندرار  
 گل یوزوندن گه جفائیله عدو سیلی وورار  
 حقدن سانمازلا کیم سنسن امانت فاطمه  
 گه قزیم اهل شقاوت حقوی یکسر دانار  
 آتش ظلمیله گه حرمتلی دربارون یانار  
 گه در و دیوار آرا خسته وجودین اودلانار  
 سینه وه گاهی یترکاری جراحت فاطمه  
 دشمنی ایلر قزیم جام تغافل ایله مست  
 دللرینه تیر حقائقتون ایتمز نشست  
 حقون اوسته عاقبت ایله پهلوی شکست  
 ایله سن پهلوشکسته درک رحلت فاطمه  
 سانما هرگز ظلمدن اشرار کین گستر دویار  
 حفظ ایدر نه احترامین نه سنه حرمت قویار  
 هم قاپوی یاندرار هم سینه وی قانه بویار  
 مرگوه آخر اولار بو صدمه علت فاطمه

گل کیمی باد مخالفدن سولارسان سن قزیم  
 بیر صدف تک گوهر غمله دولارسان سن قزیم  
 بو یاخلیقدان منه ملحق اولارسان سن قزیم  
 عمریوی کوتاه ایدر طول مصیبت فاطمه  
 چوخ سوزوم واردی ولی یوخ دلده یارای مقال  
 شمع جان خاموش اولور وار منده حال ارتحال  
 گل دویونجاگور منی تبدیل اولور هجره وصال  
 بیرده مشگلدور بیله هنگام فرصت فاطمه  
 موسم هجراندی و صلیم بیر بو آنه بسته دی  
 درد الیندن حالی پوزقون دور بابان دلخسته دی  
 واردی حال احتضاری مطلقا جان اوسته دی  
 قُربینه جانان منی ایلوبدی دعوت فاطمه  
 آرزو قالور سولسون منیم عالمده عمریم گلشنی  
 آخرین دیداریمیز دور گل دویونجاگور منی  
 صون نفسده ای گوزوم نوری گوزوم منده سنی  
 جان ویرنده قالماسون قلییمده حسرت فاطمه



درک ایدوب پیک اجل وار قلبده چوخ نسکلیم  
ویر خبر گلسون باشیم اوسته ایکی نورس گلیم  
اولسا یانیمده حسینله حسن تک سُو گلیم  
جانی تسلیم ایلرم جانانه راحت فاطمه  
آتمیشام گوزدن هامی دنیا و مافیهای من  
ایستورم درک ایلیم خلوتگه جانانی من  
اقتیمدن ناگرانم لیک زهرا جانی من  
چوخ یوک غمدور منه بو فکر امت فاطمه  
پشت پادینه وورالار مجلس شورائیله  
اقتی یولدان ایده لر منحرف اغوائیله  
کشف اولار اول مجلسین اسراری عاشورائیله  
اونداکه ایلر حسین درک شهادت فاطمه  
تائباً لطف ایلوبدور حق سنه شیرین زبان  
نوحه یاز تا وار حیاتون اشگوی ایلره روان  
اوز آدون یازدیر حسینین دفترینده نوحه خوان  
تاسنه محشر گونی ایتسون شفاعت فاطمه

### مجلس سقیفه، روزد فن حضرت رسول ﷺ

بوگونون مثیلنده دینه راه بدعت آچدیلار  
باب حقی باغلیوب باب ضلالت آچدیلار



بو جهانی ترک ایدن گون حضرت ختمی مآب  
ایستدیلر شورا افساده بیر نچه خانه خراب  
اوردا طرح اولدی همین کیفیت کشف حجاب  
نص معنای حجابیه شرح صورت آچدیلار  
جمع اولوب اهل سقیفه قوردیلار بیر انجمن  
قول چکیلدی نقض عهده اولدیلار پیمان شکن  
مزرع اسلامه اوردا سپدیلر تخم فتن  
بیچماقا محصولینی دست عداوت آچدیلار  
قوردولار مجلس خطا بیر رأی تحصیل ایتدیلر  
نقص جهلی مجلس شوراده تکمیل ایتدیلر  
جهلیله کاینه اسلامی تعطیل ایتدیلر  
عدل دیوانین پوزوب دارالجنایت آچدیلار

دو تدیلاړ دنیانی مذهبډن کناره چیخدیلاړ  
 آتش افروزان کفر آل خلیلی سخدیلاړ  
 پشت پا دینه ووروب شرعین بناسین یخدیلاړ  
 دین آدیله پرچم ضد شریعت آچدیلاړ  
 باده کفریله بسکه اولدیلاړ مدهوش و مست  
 ساتدیلاړ دنیایه دینی اولدیلاړ دنیا پرست  
 سالدیلاړ بیر رخنه کاخ مذهبه اولدی شکست  
 مسلمینه تا جهان وار راه ذلت آچدیلاړ  
 قوردیلاړ اول گون که کفرین مجلس شوراسینی  
 سالدیلاړ دیرینه کینین صورته معناسینی  
 یازدیلاړ اون بیر امامین قتلینین فتواسینی  
 عترت پیغمبره باب مصیبت آچدیلاړ  
 اهل کین سیندیردی صهبای وفا پیماننه سین  
 اود ووروب یانددیردیلاړ شیر خدا کا شانه سین  
 پشت درده سخدیلاړ پیغمبرین ریحانه سین  
 عصمت کبرایه ال اهل شقاوت آچدیلاړ

ووردی بیر صدمه فشار در بتولین جانینه  
 یتدی بیر کاری جراحت سینه سوزانینه  
 محسنی سقط اولدی ظلمیله بویاندی قانینه  
 دار دنیادن بستوله راه رحلت آچدیلاړ  
 ظلمه هر ساعتده بیر تشکیل تازه قوردیلاړ  
 باد ظلمیله گل پیغمبری سولدوردیلاړ  
 گه بتوله تازیانه گاه سیلی ووردیلاړ  
 غصبا یدوب حقین یوزینه باب عسرت آچدیلاړ  
 قویدولار بیر اوخ کمانه اشقیا شورا گونی  
 اولدی جاگیر هدف بو تیر عاشورا گونی  
 اسمی عاشورا حقیقت محشر کبرا گونی  
 درس آلوب اوردان حسینه دست جرأت آچدیلاړ  
 بوردا بیر مجلس بناسی فرقه دون ایتدیلاړ  
 کربلاده اکبری آغشته خون ایتدیلاړ  
 فرقتینده بینوا لیلانی مجنون ایتدیلاړ  
 لیلیه راه جنون قوم رذالت آچدیلاړ



گر دیسم باجادی بو مجلسده بیر رای آلدیلار  
 کربلاده حضرت عباسی آتدان سالدیلار  
 سو دیوب یاندی سویا اطفال حسرت قالدیلار  
 بیریر قزلار زبان استعانت آچدیلار  
 ایتدیلر تصویب بوردا فرقه بیدادگر  
 کربلا دشتینده اوخلاندی سوسوز بیر سود آمر  
 اللری بی کس آناسی سنیده قالدی مَلر  
 تیریله سوتدن اونی اهل جهالت آچدیلار  
 یازدیلار برنامہ بو مجلسده اشرار عنید  
 کربلاده قویدیلار اجرایه اتباع یزید  
 سو کنارینده حسینی ایتدیلر تشنه شهید  
 اهل بیتین سویماقا اهل غارت آچدیلار  
 قوردی بیر مجلس بو یرده قوم بی شرم و حیا  
 کربلاده اولدی زینب دستگیر اشقیا  
 یاتدی ویران شامده ویرانده آل عبا  
 شام لفظیله بیوک طومار محنت آچدیلار

بیر رقیه آدلی قز شیرین زبان شیرین سخن  
 آغلادی ایتدی خرابه گوشه سین بیت الحزن  
 دوشدی دلدن ویردی جان قالدی حسین تک بی کفن  
 باشی اوسته باشلارین آل رسالت آچدیلار  
 جان ویرینجه بو بالا گوزلردی اکبر قارداشین  
 بیر او شور عشقیله سالمیشدی غوغایه باشین  
 دله اکبر آدی رخساره توکردی گوزیاشین  
 گنج غربتده اونا باب ریاضت آچدیلار  
 دشمن آغلادی او طفلی اوزلرین گولدوردیلر  
 ظلم بی پایان لارین آفاقده بولدوردیلر  
 تولمدی اول نازنین قز ووردیلار تولدوردیلر  
 ظلم الین بسکه اونا ساعت به ساعت آچدیلار  
 تا خموش اولدی او بلبل یاسلی گل لر سولدولار  
 ابر نیشان تک همین ساعتده گوزلر دولدولار  
 بیر بیره دگدی خانملار، خردالار ساچ یولدولار  
 مجلسه شور قیامتدن علامت آچدیلار

آلدیلار نعلشین آرایه باجیلار عمه آنا  
 داغلی دلر داغلانوب لاله کیمی دوندی قانا  
 وای رقیه ناله سی پخش اولدی دوشدی هر یانا  
 شامده دارالاعزا اهل ولایت آچدیلار  
 نه عزراخانه مَشام جان آلور بوی وفا  
 نه عزراخانه سنق قلبه ویروور رنگ صفا  
 نه عزراخانه مریضه اوردا وار کلی شفا  
 بیر مطب آوردا بدون وقت و نوبت آچدیلار  
 ای گوزل آدی رقیه بانوی مهد وفا  
 تائب قلبیم سنقدور ایسترم سندن صفا  
 بیر مریضیم وار جواندور ایستوری سندن شفا  
 مدفون تک هاردا بیر دارالطیبات آچدیلار  
 نوحه یاز تائب حسین گل فغان و شیونه  
 گوهر اشگون نثار ایت درج گوزدن دامنه  
 حضرت زهرا اوزی محشرده لطف ایلر سنه  
 اونداه پرچم به عنوان شفاعت آچدیلار

### ولادت حضرت زهرا علیها السلام

بوگونه حی لم یزل اظهار قدرت ایلدی  
 پیغمبره زهرا کیمی بیر قز کرامت ایلدی  
 ❖❖❖❖❖  
 زهرا نه زهرا عصمت کبری اوزی خیرالنسا  
 صدیقه مرضیه اولان کفو علی المرتضا  
 اون بیر امامین مادری کان ادب کنز حیا  
 اسمین آتاسی مایه فخر و شرافت ایلدی  
 ویردی آنا بطنینه سس هانسی آنایه بیر بالا  
 هانسی اوشاق شائینده وار دلدن آنا دردین آلا  
 قویموب آناسین بو خانم تک ایوده بی مونس قالا  
 گلدی آناسیله دله بطنینه صحبت ایلدی  
 ایوده خدیجه هر زمان غم لندی یوز ویردی آلم  
 قلبی دو تولدی غصه دن دولدی گوزینه اشک غم  
 لحن فصیحیله اونا سس ویردی اول مریم شیم  
 هر دم آناسین فاطمه صبره هدایت ایلدی



دُوزدی خدیجه صبريله هر بير غمی ايتدی قبول  
 باشه ويروب اوز گونلرين گه شاد گاهی دل ملول  
 اولدی ياخين قويسون قدم بو دار دنيايه بتول  
 بيرير خديجه مُنتَسَب نسوانی دعوت ايلدی  
 يتدی قريشين سربه سر نسوانينه بو اختبار  
 بير فردی اصلاً گلمدی اولدی خديجه دلفگار  
 بو امره راضی اولمادی لطفه گلوب پروردگار  
 دوندردی حال یأسینی محض مسرت ايلدی  
 سارا او ساعته اونا اولما قليقا همدم گلوب  
 سارا نه يالقيز، آسيه سارائيله باهم گلوب  
 کثوم موسی خواهری عمران قزی مریم گلوب  
 زهرا آناسينه اولار فخريله خدمت ايلدی  
 تا قويدی دنيايه قدم پاک و مطهر فاطمه  
 نوريله مگه ايولرين ايتدی مُسخر فاطمه  
 سالدی ايشيق دنيايه چون بدر منور فاطمه  
 باجادی خورشیدی ديسم نوری خجالت ايلدی

دولتسرايه اون نفر حوريه گلدی مشگ مو  
 هر فردی جام الده دولی کوثر سويوندان موبه مو  
 جسم بتوله ويرديلر کوثر سوئيله شست شو  
 جنت لباسينه قدر عناسی زينت ايلدی  
 خوش لحنيله نطقه گلوب دُخت رسول ممتحن  
 آچدی لب لعین گلوب گفتاره اول شیرين سخن  
 جاری ايدوب دلده او دم ذکر خدای ذوالمِئن  
 اللّٰه وحدانيتين اقرار او حضرت ايلدی  
 عرض ايلدی مندن آتام پیغمبره اولسون سلام  
 سیددی پیغمبرلره ذاتاً اوزی خیر الانام  
 بيرده عم او غلوم حیدره صلبونده وار اون بير امام  
 بيرده سلام اولادينه اول کان عفت ايلدی  
 نور جمال فاطمه گويلرده سالدی شعشان  
 اولدی مسخر سربه سر اول نوريله هفت آسمان  
 مژده ويروبلر بيريره حوريه لر شادی کنان  
 سبّوحیان گویده بنا بير بزم عشرت ايلدی

آلدی خدیجه شوقیله آغوشه اول غنچه تری  
 سود ویرماقا پستانینه سالدی بتول اطهری  
 پستان و سود گلدی دله یاد ایت رباب و اصغری  
 سود سوز آنایه آج بالا باخدیقجا حسرت ایلدی  
 نه صبر آناسیندا قالب نه تاب او شیر خواره ده  
 نه سو اولوب ویرسون اونا نه سود او بختی قاره ده  
 نه سینه سی اوسته یاتوب نه یوخلادی گهواره ده  
 شدت سو سوز لوق سوزشی ساعت به ساعت ایلدی  
 نه چاره تاپدی بینوا تا رفع آلام ایلسون  
 نه دل بولوردی دل دیوب اول طفلی آرام ایلسون  
 اصغر نه دل آچمیشدی تا اوز دردین اعلام ایلسون  
 یاندی بالا باخدی آنایه دردینده شرکت ایلدی  
 سود سوز آنایه آج بالا حسرتله باخدی آغلادی  
 گه آمدی لعل لب لیرین اشگین عذاره باغلادی  
 گه چکدی آه آتشین قلب ربابی داغلادی  
 آغلار آناسیندان بالا تاراج طاقت ایلدی

سولموش گوروب غنچه گلین گل تک یانوب سولدی آنایه  
 دولموش گورنده گوزلرین بیر ابر تک دولدی آنایه  
 گوردی یانور عطشان بالا یاندی کباب اولدی آنایه  
 باخدیقجا آرتدی حسرتی اندوهی شدت ایلدی  
 بانی اولوب بو مطلبه کاتب حسین نوحه خوان  
 تائب ویروبدور بو سوزه بو طرز یله شرح و بیان  
 مأجور اولور بو نوحه ده هم نوحه خوان هم سوز یازان  
 تائب دیدی بو سوزلری کاتب کتابت ایلدی  
 ویرم قسم یارب سنی شهزاده اکبر جانینه  
 دین اوسته حلقیندن آخان شش ماهه اصغر قانینه  
 واردور مریضی تائبین عاجز قالب درمانینه  
 سن ویر شفا کیم ناخوشا سن تک طبابت ایلدی



ذکر مصائب حضرت زهرا علیها السلام  
بعد از وفات حضرت رسول ﷺ

ایدوبدی پیمبر اسلام ترک دنیانی  
گتوردی درده مصیبت بتول عذرانی  
آسوب سموم مصیبت حیات گلشنینه  
ساراتدی غصه گل گلستان طاهانی  
دولاردی نرگس شهلاسی مثل ابر بهار  
توکردی عارض گلفامه اشگ بارانی  
چکردی عارضینه پرده گرد محنت و غم  
سیلردی فاصله سیز اشگ چشم گریانی  
قویاردی چیگینه بویون گل بنفشه کیمی  
گلردی درده اونون بلبلان خوشخوانی  
ایدوبدی عمر آتاسیندان صوراجوخ آزمدت  
بو آ زماندا اولوب محنت فراوانی  
جوان لقیندا اونون سرو قامتی بوکولوب  
آغاردی طره مشگین و عنبرافشانی

یانوبدی داغلی دلی دوندی لاله تک قانه  
قاریشدی گوزده اونون اشگینه جگر قانی  
حریم حرمتینی اهل کینه ساخلامادی  
رعایت اولمادی عدلیله عزت و شانی  
او فاطمه که فداها دیردی پیغمبر  
ستمه حقیقی غصب ایتدی فرقه جانی  
او فاطمه که پیمبر اُپردی ایگلردی  
قای دالیندا ووروب یخدیلار او نالانی  
همان قاپی که اونا جبرئیلیدی دربان  
گلوب او بابیه او بدفطرت و جفاکانی  
دیددی گرک آپارام مسجده ایده بیعت  
امیر مُنتخب خَلقه شیر یزدانی  
جواب ویردی او روبه خصاله فضه او دم  
بیر امر واجبه مشغول ایدوب او مولانی  
دوباره غیظیله تکرار ایدوب که کلمه سه گر  
حَقارتیله آپاررام علی عمرانی

بو گفتگوده خانم فاطمه چیخوب دیشره  
 قاپی دالیندا دوروب جسم مصطفی جانی  
 بویوردی ال چکون ای اشقیای بی ایمان  
 بیزه نه تنگ دوتورسوز وسیع دنیانی  
 بو گلماقوزدا سیزه اهل کین ندور منظور  
 جواب ویردی امیر گروه نفسانی  
 ندن علی او توروب ایوده گوندروبیدی سنی  
 ندور بو گلمه ماقندا دلیل و برهانی  
 خانم بویوردی من اتمام حجتہ گلدیم  
 که انتباهه سالام تابعان شیطانی  
 دوباره ایلدی تکرار او شوم ازل کی سوزین  
 گستوردی درده بو تکرار فخر نسوانی  
 بویوردی اولمیوب اولماز که عالم برحق  
 برله امیر اوزینه اهل جهل و نادانی  
 او بی حیا دیدی گر اولماسا علی حاضر  
 بو یرده صورته سالام تمام معنایی

بو باباه اود وورارام اهل بیته یانديررام  
 حقارتيله آپارارام او رکن ایسمانی  
 اودون گتورديله اود ووردیلار قاپی یاندى  
 گوروم يره توکولیدی بو چرخ خضرانی  
 تمام غیظینه ظالم ووروب آچیلدی قاپی  
 فشاريله درو دیوار سیخدی زهرانی  
 او سینه ئی که ویروب سود حسینيله حسنه  
 باتوب او سینه مسمار آخوب يره قانی  
 دایاندى قانینه غلطان بتول دیواره  
 اسفلی حاليله دلدن او جالدى افغانی  
 همین او حالده عرض ایتدی یارسول الله  
 نه حاله سالدیلار گل گور بو زار و نالانی  
 او فاطمه که شورودون سنون عزیز یویدی  
 سالوب نه حالته گل گور زمانه دونانی  
 دوباره ایتدی ندا فضه گل بالام تولدی  
 بو تنگ وقتده درک ایت بو قانه غلطانی



عم او غلوما خبر ایت فضّه جان بو احوالی  
 که دشمن آلدی الیمدن منیم توانانی  
 همین او حالده ظالم بیر اوزگه ظلم ایتدی  
 دیمم صریح او موضوع محنت افزانی  
 بو قدر واردی یره دوشدی گوشواره لری  
 سوز اهلی اولسا سچر رمزیله قضایانی  
 یخلدی فاطمه تو پراق لار اوسته ضعف ایلدی  
 بیر ال علامتی تار ایتدی ماه تابانی  
 چیخوب ولی خدا شرق خانه دن گون تک  
 گوروب خسوفه سالوب قان جمال زهرانی  
 دوتوب او شوم ستم پیشه نین گریبانین  
 ووروب یره او شقاوت شعار دورانی  
 بو فکره دوشدی او شیر ئولدوره او روباهی  
 خیاله سالدی پیمبر ایدن وصایانی  
 گوتوردی آل او شقیدن بویوردی ای ظالم  
 گیت اول وصیت و امر رسول قربانی

گر اولماسیدی وصیت رسول اکرمدن  
 بيله جسارته تا پمزدی کیمسه امکانی  
 او شوم بولدی علی ذوالفقار چکمیّه جاق  
 وصیت ایلوب عاجز او شاه مردانی  
 عبای شیر خدانی سالوبلا گردنینه  
 کشان کشان آپاروبلار غریب مولانی  
 چکوبله بیعتّه اشرار اونی او حاليله  
 قراگونه سالالار ملت مسلمانی  
 گل بهشت گلوب بلبلین حمایینه  
 مباد اینجیده خار عندلیب شیدانی  
 یستنده پشت دره بضعة رسول الله  
 فشاريله قاپونی آچدی قنفذ دانی  
 توخوندی فاطمه نین سندیروب قابورقاسینی  
 او صدمه اولدی وفات بتول عنوانی  
 بو بیر خبردی که اشرار چوخ شقاوتيله  
 چکوبله بیعتّه سلطان جن و انسانی

یانینجا هر ایکی نورس گلین سالوب زهرا  
 قویوبدی مسجده یوز دلدۀ آه سوزانی  
 سزیلیدیوب ایله دلدن چکردی واغوثا  
 سزیتلی سی آریدوب قلب سنگ خارانی  
 بتولی گوردی او احوالیه گورن پوزولوب  
 یغیشدی دورۀ زهرایه عالی و دانی  
 یتندۀ مسجده پیغمبرین قزی گوردی  
 که ساخلیوبله قولی باغلی شیر یزدانی  
 نه وار چگینده عباسی نه باشد اعمامه  
 دوتوب عدو باشی اوستونده تیغ عریانی  
 دیور خلیفه لازمندی بیعت ایلیه سن  
 امیر بول هامو تک سن بو پیر نادانی  
 گوروب عم او غلوسینی فاطمه او حالیه  
 داشتیدی ساحل رُخساره گوزده دریانی  
 بویوردی ال چکون ای اشقیا عم اغلومدان  
 بو قدر ایلمیون نقض و سست پیمانی

خدایه آند اولال چکمه سزاله آلام  
 کمال شوریلۀ بو زلف عنبرافشانی  
 بولود کیمی دولارام ایلرم سیزی نفرین  
 نه تک سیزی ایدرم محوکون و امکانی  
 ایدر طبرسی مرحوم نقل مسجده  
 قازیلدی دورت طرفیندن جدار بنیانی  
 او قدر پایه لر آیریلدی سطح مسجده  
 یقین که ممکن اولاردی عبور تحتانی  
 او حالدۀ متوجّه اولوب علی گوردی  
 بتول حالی ویرور انقلاب اعلانی  
 بولوردی فاطمه نین قدرتین ولیّ الله  
 بتول ایسته سه ویران ایدر بو دنیانی  
 پسوزار عوالم امکانین انتظاماتین  
 اگر آلا الینه طرّۀ مُطرانسی  
 اودور که دوندی ولیّ خدا او ساعتده  
 مخاطب ایتدی او یرده جناب سلمان



بویوردی ساکت ایله یادگار طاهانی  
 مباد ایلیه نفرین بو قوم طغیانی  
 يتوردی بو سوزی سلمان جناب زهرايه  
 او امر منصرف ایتدی بتول عذرانی  
 دیدی عم او غلوم علی صاحب ولایتدور  
 مُطاعدور هامی خلقه امام فرمائی  
 مطیع امرینه چون قائلم ولایتینه  
 گرک بو دم قویام اجرایه امر مولائی  
 او قوم وحشته دوشدی علیدن ال چکدی  
 ایدوبله ظاهراً آزاد اول شکیبائی  
 خلاص اولدی علی لیک قالدی خانه نشین  
 ایوینده ایتدی اونی روزگار زندانی  
 ولی او صدمه که زهرايه یتدی ظلميله  
 همین او صدمه ایاقدان سالوب او نالانی  
 غرض اونون مرضی دمبدم ایدوب شدت  
 یاتیتدی بستر غمده او قدی چوگانی

بو ذکر غمده گلور خاطریمه بیر موضوع  
 بیر اوزگه طریزله سالام نظامه عنوانی  
 دوشوب مدینه سس چوخ مریضدور زهرا  
 هامونی ایلدی غمگین او لفظ غم افزا  
 نشان ویرردی او مظلومه نین رخ زردی  
 که سخت دور مرضی چوخ آغیرلاشوب دردی  
 نگاه چشمینی حساس گوز گوریدی اگر  
 سیچردی کیم او خانم انتظار مرگ چکر  
 که یعنی دار فنادن بتول گتملیدور  
 گوزل بالالارین عالمده ترک ایتملیدور  
 اولار که اولدیلار منکر علی ولایتینه  
 مریضه فاطمه نین گلدیلر عیادتینه  
 دوروب او دم قاپودا ایستیوبله اذن دخول  
 اجازه ویرمدی اما او امره دُخت رسول  
 یتویدی یأس او دم اشقیای بدکیشه  
 گلوب علی یانینا دشمن بداندیشه

بو باره ده ایلوب مرتضایه چوخ الحاح  
 بتولدن آلا رخصت امام فوز و فلاح  
 گلوب کنار بتوله سلام ایدوب اول شاه  
 خطاب قیلدی که ای دختر رسول الله  
 بودور چکیده منظور خُره خدمتوه  
 گلوبله ظلم ایلین لر سنون عیادتوه  
 بوسورده فاطمه نین دولدی اشگ غمله گوزی  
 پوزولدی حالی اودم گل کیمی سارالدی یوزی  
 گوزینده اشگ خطاب ایتدی ویرم رخصت  
 گله عیادتیمه دشمنان بد فطرت  
 خدایه آند اولا بو امره من رضا دگیلم  
 که قویم یوبدیله بو عالم فناده گولم  
 اولار نیدولله عم اوغلی منیم عیادتیمی  
 سالوبلا ظلمیله ضیقه منیم معیشتیمی  
 اولار دگولله مگر حقیقی منیم داندی  
 الیم بوش اولدی دلیم نار فقریله یاندی

حسینله حسنینم سولدی غصه دن گل تک  
 باخوب او گل لره گلدیم نوایه بلبل تک  
 قاپیم یاناندا آچوب ظلم الین منه اشرار  
 هله یوزیمده عم اوغلی بیر ال علامتی وار  
 قاپیم یاناندا یتوبدور منه بیر ایله گزند  
 بیلک لریمده هله واردی نقش بازوبند  
 دانشمارام اولاریله ئولونجه هرگز تا  
 بو حالتیله ملاقات ایلرم آتام  
 بابام حضورینه گیتسم بو دار فانیدن  
 شکایت آچارام دل بو قوم جانیدن  
 جواب ویردی ولی خدا که یا زهرا  
 اجازه حاصل ایدم قول ویرمیشم اولارا  
 گلوب دوباره دله سویلدی او دلخسته  
 وجودی مهر و محبت نهالینه هسته  
 سنون ایویندی بو ایو من اولانمارام مانع  
 عیال صاحینه دائماً اولار تابع



نه امرون اولسا مطیعم او امره لا دیمرم  
 نه امری سن سُوه سن منده یا علی سُورَم  
 رضایتون ندی راضیدی صدقیله زهرا  
 عم او غلی گر سُوه سن گیت اجازه ویر اولارا  
 اجازه حاصل اولوب گلدیلر او ایکی لئام  
 پیمبرین قزینا ویردیلر از لده سلام  
 و یروب جواب سلامی او فخر خیل زنان  
 او ایکی شوم و ستمگردن اولدی روگردان  
 دیدیله ای گل باغ حیا مَضی ماضی  
 گذشت قیل بیزی بیزدن گل اولگلن راضی  
 بو یوردی حضرت خیرالنسا سیزی الله  
 دیون منه گوروم ای حق دانوب اولان گمراه  
 ایشیتموسوز که مراتب آتام رسول خدا  
 دیوب که پاره تندور منه قزیم زهرا  
 بـتـولـه ایـلیـه هرکس اذیت و آزار  
 من اینجیرم نه چون ایلوبدی حقیمی انکار

منه اذیت ایده گر بیری بو دنیاده  
 خدانی اینجیدوب اولسون عذابه آماده  
 جواب ویردیله کیم ای حبیبه ذوالمن  
 ایشیتموشوخ بو حدیثی رسول اکرمدن  
 بو یوردی من ایدرم شکر حضرت باری  
 که باطل آغزوزیله حق سوز ایلدی جاری  
 صدف کیمی دُر اشگیله دولدوروبدی گوزین  
 حضور قلبیله درگاه حقّه دوتدی یوزین  
 دولوب بولود کیمی عرض ایلدی او کان ادب  
 منیم بو سوزلریمه شاهد اول اوزین یارب  
 رسول رحلت ایدندن جماعت جانی  
 ایدوبله ظلمیله مظلوم دهر زهرانی  
 اَلْوَیْلَا حَقِّمِی الدن منیم جفائیله  
 انیس ایدوبله منی دائم آه و وائیله  
 حسینیه حسنین گل کیمی سولوب سارالوب  
 چو عندلیب گویه داد و شیونیم او جالوب

باخوب بالالاریمما گلمیشم خدا درده  
 دوتوبدی گوگلیمی خونابه پرده به پرده  
 بولاردیلار در و دیوار آرا منی سیخدی  
 همین او ظلم ایاقدان سالوب منی یخدی  
 او قدر سیخدی منی قوم بی حیا و ادب  
 همان فشاریله سقط اولدی مُحسِنیم یارب  
 ووروبدیلار منه ظلمیله ای خدا سیلی  
 اولوبدی ضربت سیلیله عارضیم نیلی  
 خدا بو قومدن اصلاً رضایتیم یوخدور  
 سَنه ولیک بولاردان شکایتیم چوخدور  
 نه ظلم اولوب منه عالِمسن ای حق مَنان  
 بو امرده سن اوزون ایله عدلیله دیوان  
 بیوک جنایتَه بانی گورنده بو حالی  
 دوشوبدی واهمیه چوخ پوزولدی احوالی  
 شکسته نی کیمی ایتدی نوا صدائیله  
 تنوکوب سرشگین ایدوب ناله هایهائیه

ندامتیله او غدار کین شعار دنی  
 دیدی ازله آنام دوغمییدی کاش منی  
 رفیق شومی او شومه سالوب نگاه عتاب  
 عتاب اوزیله ایدوب گوئیا بونوع خطاب  
 سالوب تعجبه بو امرای رفیق منی  
 اوزینه مَلت اسلام ایدوب امیر سنی  
 نولوب یوزه توکوسن بیله اشگ حسرتوی  
 نه خوف الیندن آلودور بیله جسارتوی  
 بو قدر ناله و فریادیوین ندور سببی  
 سنی سالوبدی نه خوفه بو فاطمه غضبی  
 بیتول سوزلرینه ایلمه چوخ اندیشه  
 رضاسی اولماسا اولموبدی دوشمه تشویشه  
 دوروب ایاقه عتایله هر ایکی جانی  
 ایدوبله ترک او دم دودمان زهرانی  
 دونوب بتول ولی خدایه بیر باخدی  
 او باخماقیله او مظلومی یانندیروب یاخدی



دیدى وارىمدى منيم بيرجه خواهشيم سندن  
قبول ايله بو بير عرضى لطيله مندن  
ايدنده دست اجل چشم بند زهرانى  
که يعنى من ايلين دمده ترک دنيانى  
تا پان زماندا خزان عمر يمين گلستانى  
فلک قويار آناسيز زينب پریشانى  
او دم که داده گلر طوطيان خوش سخني  
يقيم اولار آناسيندان حسينيله حسني  
نظرده ساخلا بو بير عرضى اى شه عالم  
مباد نعشيمي تشيع ايده ايکى ظالم  
نهانى غسليمى وير دفن ايله منى گيزلين  
منافقيندن ايله مزاريمي ايستگين  
مزاريم اوسته اگر گلسه قوم بد فطرت  
عم اوغلى قبرده ده من ياتانمارام راحت  
پيمبرين قزى هر سوز دیدى او حالينده  
على ولي خدا ساخلادی خيالينده

او دم که حضرت زهرانى ايتدى درک اجل  
همين وصيته ايتدى امام عينا عمل  
بتول گون کيمي يتدى غروبه اول شب  
طلوع ايتدى هلال مصيبت زينب  
بلالى زينبين اوندا بلاسى باشلاندى  
ديسم سزادی غم کربلاسى باشلاندى  
بلایه دؤزماقا آلميشدى درس زهرادن  
يوزين ئولونجه او دؤندرمدى بلایادن  
آناسى تک نه بلا ويردى يوز بلا ويردى  
قضايه دؤزدی خانم صدقيه رضا ويردى  
بتول رحلتى يشرده منتشر اولدى  
حجاز توپراقى شور و نوائيله دولدى  
مخدرات بنى هاشم آه و وائيله  
اوجا صدائيله آغلاشدى هايهايله  
گلوبله ديشره او ساعتده دلده واويلا  
هاموسى شيونيله سسلردى يازهرا

ایدوبدی ناله سسی اوج عرش اعلايه  
 قویوبلا شوريله یوز دودمان زهرايه  
 گلن گلردی او دولتسرایه تعزیه  
 دلین آچاردی گوزی یاشلی عرض تسلیه  
 علی او تورموشیدی یاسلی لار سیاقینده  
 گوزینده اشگ بتولین غم فراقینده  
 بتول گلشنین گل لری حسین و حسن  
 برابرینده او تورموش ایدردیلر شیون  
 یتیم لیق توزی یوزلرده چوخ پریشان حال  
 گل بنفشه کیمی سربه دوش محو ملال  
 سزیلدیوب ایله شوريله سینه داغلادیلار  
 صدا صدایه ویروب حاضرین آغلادیلار  
 کتاب مقتله بیله ایدوبدیلر مرقوم  
 همین او وقتده دیشره چیخوب خانم کلثوم  
 باشینا چادر عصمت سالوب وقاريله  
 جهانه سوز سالوب آه شعله باريله

غم ایل میشدی گلوگیر غصه سی چوخودی  
 تکلم ایتماقا هرچند قدرتی یوخودی  
 دُردی قبر رسوله طرف ایدردی نگاه  
 دیردی اودلی دلیم یاندی یار سول الله  
 آنام بتول منی اوج یاشیندا ترک ایتدی  
 آنام که گیتدی آنامیله خوش گونوم گیتدی  
 آنام اگرچه یتوبدور مقام ممتازه  
 ولی اونون غمی ایتدی سنون غمون تازه  
 سنون نشانه ویدی دهرده آنام زهرا  
 آنام وفاتی سنی یاده سالدی یاجدا  
 باخاردیلار یغیشانلار او غملی احواله  
 توکردیلر یوزه قانیاش ایدردیله ناله  
 بو فکر تيله یغیشمیشدیلار او مأوایه  
 نماز ایلیه لر برگزار زهرايه  
 چیخوب ابوذر او دم دلدۀ ناله شبگیر  
 بتول دفنی دیدی تاپدی بو گیجه تأخیر



او جمع ایولرینه تک به تک ایدوب عودت  
 گیدوب جماعت اولوب مرتضی ایوی خلوت  
 بیر اوزگه عالمیدی دودمان مولاده  
 ایدنده شرح الیمده قلم گلور داده  
 بتول غسلینه مشغول اولوب ولی الله  
 ویرردی غسل چکردی یانارلی دلدن آه  
 گوزی دوشوب او همان نیلفام اعضایه  
 اولوبدی صبر دل پاک بردباری تباه  
 تداعی ایلدی دیوار و در و قایعینی  
 یارالی سینه قزارمیش او چشم مست و سیاه  
 بیر آل علامتی گوردی او گل جمال اوسته  
 مجسم ایتدی وروب پنجه سیله زاغ سیاه  
 او جسم پاکه سو اسما توکردی آهسته  
 مباد سس چیخا همسایه لر اولا آگاه  
 علی نی آل نظره روزگارینی سیرایت  
 بتول غسلینی گیزلین ویرور او عالی جاه

ویرردی غسل علی دلدۀ آه آتشبار  
 دولی گوزیله دوروب زینبی ایدردی نگاه  
 او گل جنازه دن آخدیقجا سو خانم زینب  
 دولوب توکردی یوزه گوزیاشین بسان میاه  
 صغیر او شاق گورور الدن داخی پناهی گیدر  
 پناهی یوخ آپارور گوزده گوزیاشینا پناه  
 نهان سیزیلتی سی دلدۀ حزین زمزمه سی  
 علی ایوینده عزا دو تماقا قوروب خرگاه  
 دیردی گیتسه آنام بیرده بو ایوه گلمز  
 بیزیله محشره دیداری قالدی یا الله  
 یتوبدی امر اورا شهبانوی حجازی علی  
 نهانی غسل ویرور لاله الا الله  
 نه صحنه گوردی علی بولمورم الین چکدی  
 چکیلدی ایلدی دیواره تکیه سینه ده آه  
 دولوب بولودکیمی آغلاشدی هایهائیه  
 توکوبدی گوزیاشینی چکدی ناله جانگاه

سئوال قیلدی علیدن او حالدده ورقه  
 بتول هجرینه آغلورسان ای ولی الله  
 بویوردی واردی یری فاطمه فراقینده  
 نقدر عمریم اولا آغلیام یانام هرگاه  
 ولیک واردی منی آیری آغلادان گوردی  
 او گل بدنده گوزوم قمچی یرلرین ناگاه  
 او صحنه ایتدی بیان کیم بلالی فاطمیه  
 نقدر ظلم ایلیوبدور او ظالم گمراه  
 وفالی یارینی الدن ویرن بلی آغلار  
 شرار آه شررباری عالمی داغلار  
 بتوله غسل ویروب ایلدی گجیله کفن  
 دونوب بالالارینی سسلدی او شاه زمن  
 دیدی آنازی دویونجا گلون گورون زنهار  
 فراق موسمی دور قالدی محشره دیدار  
 گوزینده اشگ آناوای دلدده مجتبا گلدی  
 شکسته حالیه مظلوم کربلا گلدی

او دمده شور و نوا عاشقانه باشلادیلار  
 کنار گلدده چو بلبل ترانه باشلادیلار  
 نظر سالاردیلا اطرافه دیدۀ تریله  
 دیردیلهر آناوای چوخ یانقلی دللریله  
 ایله سزیددیوب اوخشاردیلهر پریشانحال  
 که ایلمیشدیلده شیر خدانی محو ملال  
 او ایکی بلبل شیدا دوشندی شاخ گله  
 گلوبله شاخ گل اوستونده شیونیه دله  
 حسن اُپردی او گلدن لطیف اولان بدنی  
 دیردی لطفیله دیندیر من فلک زده نی  
 گهی دیردی حسین باغیریم اولدی غمدن قان  
 کمال مهریله آل گوگلومی منیم آناجان  
 همین حسینم آنا چوخ سوردون عالمده  
 منه محبت ایدردون هر آن و هر دمده  
 گورنمزیدون آنا اشگریز گوزلریمی  
 همیشه دلدن آلاردون یانقلی سوزلریمی



نقدر دیندیریرم ایمدی دینموسن نیه بس  
 سسیمه ویرموسن ای مهربان آنام بیر سس  
 سنقدی گوگلوم آنا اولموشام پریشانحال  
 او ساقلیقون کیمی بیرده منیم بو گوگلومی آل  
 اویان بیر ایله نظر بو شکسته حالیمی گور  
 یانقلی سوزلریمی گوزده اشگ آلیمی گور  
 توکوب حسین و حسن گوزدن اوزلره قانیاش  
 دیردیلر بو مقالاتیله ایکی قارداش  
 حضور جذیمیزه ایلین زماندا خرام  
 یتور بیزیم دیلیمزجه رسول حقه سلام  
 او شاهه عرض ایله هجرونده گل کیمی سولدوخ  
 فنا جهانده سندن صورا یتیم اولدوخ  
 روایت ایلوری بو یرده مرتضی بو سوزی  
 دیر که بو سوزه شاهددی کردگاریم اوزی  
 او حالده که حسین و حسن ایدردی نوا  
 کمال رافستیه آچدی قوللارین زهرا

کفن ایچینده ویروب سس حسینی نین سسینه  
 بالالارینی محبتله چکدی سینه سینه  
 آنا سز یلدادی نازلی بالالار آغلادیلار  
 دو یونجا آغلیوب آهیله سینه داغلادیلار  
 او قدر قالمادی غمدن جهانده اود سالالار  
 نه ال چکردی آنا بوشلیوری نه بالالار  
 ولی حقه یتوب سس مقام بالادن  
 آیرگیلن حسینی بستول عذرادن  
 حسینیه حسن آغلالاتیله سطح غبراده  
 ملک لری گتوروللر فغان و فریاده  
 بو صوت آلدی توانا شه شکیبادن  
 او وقتده حسینی آیردی زهرادن  
 غرض امامیه اول وقتده نچه همراز  
 کنار خانه ده مرضیه قیلوبلا نماز  
 بو یرده فکریمه بیر سوز گلور که باجادی  
 بیان حالدی تأثیری وار غم افزادی

سُور آناسینی هر قز قزین سُور هر آنا  
 خصوص قز اولاً زینب آنا اولاً زهرا  
 میسر اولسا اگر قز آنادان آیریلماز  
 حسین باجیسی دا خیرالنسادن آیریلماز  
 تصوّر ایله که زینب نه حالته قالدی  
 نجه دُوزوب آنا تابوتینی یولا سالدی  
 واریدی حقی که غمدن باشین آچیدی خانم  
 ایاق یالین دالسینجا اونون قاچیدی خانم  
 گیدردی نه دالجا کثرت حیا سندان  
 دونه بیلردی نه اوز مهربان آناسندان  
 باخاردی اللری قوینوندا چوخ پریشانحال  
 توکوردی حسرتیله گل یوزینه اشک ملال  
 تمام اورکلری اودلانديران بو بیر سوزدی  
 او آیریلیقدانجه صبر ایدوب نجه دُوزدی  
 قسار زینب درد آشناندن آیریلدی  
 اودم که حضرت خیرالنسادن آیریلدی

سارالدی عارضی اولدی بهار عیشی خزان  
 گیدوب طراوتی ذوق و صفادن آیریلدی  
 بتول ظاهرأ آیریلدی لیک معناده  
 تمام خوش گون او کان وفادن آیریلدی  
 بلالری او بلاکش بلالی خاتونین  
 همین بو غصه فزماجرادن آیریلدی  
 بلایه دُوزماقا اولدی بو یرده آماده  
 دیمه ئولونجه بیر آنی بلادن آیریلدی  
 بتول گیتدی سزادی دیسم اونون روحی  
 کسوب علاقه سین اول مبتلادن آیریلدی  
 نه غم چکیلدی بیر آنی کناره زینبدن  
 خانم نه محنت بی مُنتهدان آیریلدی  
 عزیز اولار آنائيله هر ایوده هر بیر قز  
 ییر شکست آناسی تا بالادن آیریلدی  
 بو رسمدور داخی آفاقدن یوزی گولمز  
 او قز که خردالقیندا آنادان آیریلدی



او دور که وای آناوای زینبین اولوب وردی  
 دیمه مصیبت او غم آشنادن آیریلدی  
 دگول حسابیه گلن چکدیقی بلایاسی  
 بلا نه اونندان او نه ابتلادن آیریلدی  
 بو غم او غم زده نین ابتدای محنتیدی  
 بیر اوزگه غم لو خبر مُبتدائن آیریلدی  
 باباسی یاره سینی خشک بند ایدوب گاهی  
 تَحْشُرِیله شه اولیادن آیریلدی  
 گهی گوروب حسنین پاره پاره لبلرینی  
 قرار و صبر او بی اقربادن آیریلدی  
 حسینی رزمگه گه سوسوز یولا سالدی  
 دلینده حسرت او گلگون قبادن آیریلدی  
 خدا بولور که نه احواله قالدی زینب زار  
 او ساعتی که شه کربلادن آیریلدی  
 گوروب که خامس اهل کسا شتایله  
 خیام عترت اهل کسادن آیریلدی

دالینجا باخدی دیدی گتیمه بیر سوزوم واردی  
 داخی قرار من بینوادن آیریلدی  
 بو یوز گوروم گله جاقسان دوباره خیمه لره  
 و یاکه اُفتین آل عبادن آیریلدی  
 اشاره ایلدی باشیله یعنی نیزیه باخ  
 بو باشیم اوندا که تشنه قفادن آیریلدی  
 دیدی حسین گتور بیر اوپوم بوغازوندان  
 بو سوزده صبر شه نینوادن آیریلدی  
 اله گتوردی حسین زینبین سق قلبین  
 او لطفیله غم او کان حیادن آیریلدی  
 سوسوز دوداقینی قارداش بوغازینه قویدی  
 شمیم وصل آلوب اول دلربادن آیریلدی  
 تصور ایت گله گور اول محبتیله باجی  
 نه نوع دُؤزدی دایاندی اخادن آیریلدی  
 گینه کناره چیخور خامه سوزدن اوز باشینا  
 گرکدی من دولانام یازدیم سوزون باشینا

یا نوب ولی خدا حسرت احتراقینه  
 گجیلہ فاطمہ نی گتدی قبر ایاقینہ  
 دیسم غلط دگو شیرین حیاتدن دویدی  
 او دم که قبره او خاتون عصمتی قویدی  
 بتولی قبره قویوب قبرین ایلدی ایتگین  
 کنار قبرده اگلشدی دل ملول و حزین  
 الینی دامن وصل بتولدن اوزدی  
 او آیریلیقدا یوزہ اشگ دانه سین دوزدی  
 پیمبرین قزنین سالدی نسکلین یاده  
 یانقلی دل لریله گلدی شیون و داده  
 سزیلدیوب ایله توکدی عذاره اشگ بصر  
 سزیتلی سی ایلدی قلب سنگ خاره اثر  
 قالوبدی بیر ایله حاله امام دل مجروح  
 باخان گورردی او مولانی قالب بی روح  
 بتول قبرینه باخدی بویوردی شاه حجیز  
 عزیز عالمی ای خاک تیره ساخلا عزیز

یا توبدی نازیلہ آئینہ وفا سنده  
 اولوبدی دفن بو گنجینہ حیا سنده  
 یا توبدی سینه وین اوستونده عصمتین اوزیدی  
 خدیجه دور آناسی ختم مرسلین قزیدی  
 یا توبدی نازیلہ سنده پیمبرین روحی  
 اولان زمانه ده مین درد و غصه مجروحی  
 اوزی بتولدی باغ رسالتین گلیدی  
 وفالی فاطمه پروردگارہ شو گلیدی  
 غمیلہ سنده حسین و حسن آناسی یا توب  
 یوزینده سیلی یری سینه ده یاراسی یا توب  
 قولی سنق بدن یاره قلبی صدپاره  
 دُئوب ایشیق گونوزی غصه دن شب تاره  
 یوروب مصیبت و غم درد الینده خسته یا توب  
 خمیده قدّدی پهلوسیده شکسته یا توب  
 بنون جهان ده آغلار قالان بالالاری وار  
 دلینده وای آناوای سینه ده یارالاری وار



بستولدن صوراً من نیلورم بو دنیانی  
 اولوب فراقی منه آه و ناله عنوانی  
 بودور هراس اولاً عمریم زیاده دنیاده  
 یانام زیاده فراق بستول عذراده  
 فراق فاطمیه یوخ منیم دلیمه توان  
 اجل گله ویرم ایکاش من بو حالده جان  
 بو آرزو که تمنای مرگ عبارتیدور  
 حقوقی غصب آدامسزلیقین علامتیدور  
 بوشاتدی قلبینی مولا شکسته حالیه  
 قیتدی منزلینه محنت و ملالیه  
 یغوبدی باشه او شه رأفتیه اطفالین  
 آلوب بالالارینین بیربه بیر خبر حالین  
 چکور الین بیرینین باشینه محبتیه  
 بیرین اوپور چکور آغوشینه عطوفتیه  
 چو عندلیب آلوب آغوشه یاسلی گل لرینی  
 کمال لطفیه دیندیردی آلدی دل لرینی

فغانیه بالالار باهم آغلادی دولدی  
 حسن حسنیله آغلاشدی قول بویون اولدی  
 گل جمال لری سولموشیدی بیر گل تک  
 گلوبله شور و نوایه نوالی بلبل تک  
 قورولدی حلقه ماتم اولوبلا دل مغموم  
 بلالی زینبیه اولدی قول بویون کلثوم  
 باخوب او حاله گلوب داده شاه آزاده  
 شه آغلینده گلوب شاهزاده لر داده  
 گلوبله بیر دلیله هر بیر سی افغانه  
 شکسته حالتیه قوردولار عزراخانه  
 سیلردی شاه گهی شاهزاده لر گوزینی  
 اوپوب یوزیندن آلاردی اورکده کی سوزینی  
 بستول قزلاری یاسه باتوبلا یاسینده  
 تاپوبلا رنگ عزرا فاطمه عزاسینده  
 آناسنین یرینی بوش گورن زمان زینب  
 ایدردی عارضینه گوز یاشین روان زینب

دیردی دهرده مظلوم ئولن آنام ایوای  
غمی زیاده اولان آزگولن آنام ایوای  
چتیندی سنسیز آنا شاد اولا گوله زینب  
جهاندا کاش داخی قالمیه ئوله زینب  
بلالی زینبینون شه باخاردی گوز یاشینا  
محبتیه چکردی الین اونون باشینا  
دیردی دوزدی یانار قالسا هانسی قز آناسیز  
آناسیز اولسا گلر داد و شیونه هر قز  
آناسی تک ای اولان هر بلایه آماده  
یانان مدام یوزی گولمین بو دنیاده  
اولان حسینیمه غمده شریکه الاعظم  
وفا و مهر و محبتده شهره عالم  
بو قدر آغلاما صبر ایت باشی بلالی قزیم  
اوزی مدینه لی مشهور کربلالی قزیم  
ویرردی شه او آناسیزلارا تسلی دل  
مباد اولا آناسیزلیق بالالارا نسکل

گلوبدی دلدۀ اونون مهر و رأفتی جوشه  
بیرین قویوب یره آلدی بیرینی آغوشه  
آلوبدی لطفیله اطفالینی دیزی اوسته  
او نور دیده لری ساخلادی گوزی اوسته  
اوشه گل اوزلیلرین قویمادی یوزی سولسون  
گوزل بالالارینین قلبی دردیله دولسون  
بو مهریله نیه بس گلمدی شه کونین  
یانان چادر دا یاتان وقتده عیال حسین  
گوریدی قزلارینی مین غم و ملالیه  
اورکده اللری پوزقون شکسته حالیه  
ویریدی تسلیت اول شاه دین بالالارینا  
اولیدی دادرس اوز دلغمین بالالارینا  
گوریدی بیر نجه بزم عزا قوروب زینب  
شکسته حالیه ماتم نشین اولوب زینب  
حسین بالالارینی دیندیرردی خوش دلیله  
آلاردی هر بالانین گوگلینی یانان دلیله



اُپردی گه بیرینین مین نوازشیله یوزین  
 آلوب قوجاقه بیرین مهریله سیلردی گوزین  
 بیریسینین ایاقینا باتوبدی خار یاتوب  
 بیرسی چوخ یورولوبدور بی اختیار یاتوب  
 شکایت هره سی بیر دلیل دل آچدی  
 بیری دوروب باباسیندان اوتور چوله قاچدی  
 بویاندا لیلی دیور وای جوان علی اکبر  
 رباب سسلوری بیر یاندا وای علی اصغر  
 باتوبدی قاسم آناسی او سمتده یاسه  
 اویاندا شوریه کلثوم او خشور عباسه  
 الونده اود توکوری تائب آتشین قلمون  
 یازور کتابده موضوع دلنشین قلمون  
 تفاخر ایلمه صاحب کلامین اوز سوزیدی  
 یازانماسان بیله سوز یازدیران یقین اوزیدی  
 بو سوزلری که یازوبسان کتاب و دفترده  
 ویرکله صاق الیه عرصه گاه محشرده

### زبانحال امام حسین علیه السلام خطاب به مادرش

نطقه گل دردون منه آندور آنا یا فاطمه  
 آز حسینون قلیینی یاندور آنا یا فاطمه



بیله حالیه گوره بیلمز سنی ئولسون حسین  
 بیر دانش گول گولماقین گورسون سنون گولسون حسین  
 دردییوی گیزلتمه کشف ایت دردییوی بولسون حسین  
 وار نه دردون دلدن پنهاندور آنا یا فاطمه  
 سن پیمبر گلشنینده بیرگوزل گلشن آنا  
 وار نه علت ناله دن شوریده بلبل سن آنا  
 شاد اولار قلییم گولر بیرده دیوب گولسن آنا  
 گوزلرون چو خداندی گریاندور آنا یا فاطمه  
 سن ملول اولسان هامی عالم ملول اولسون گرک  
 گوزلرون دولسا هامی گوزاشگیله دولسون گرک  
 گل یوزون دولسا هامی گلزار وگل سولسون گرک  
 سن سونسن دهر شاداندور آنا یا فاطمه

نه سبب واردور آنا بیله بولود تک دولموسان  
 صرصر ظلمیله سولموش گلستان تک سولموسان  
 اوز حیاتونندان مگر بالمره مایوس اولموسان  
 یا حیات امیدی حرماندور آنا یافاطمه  
 وار نه علت خود بخود رخساره گوزیاشون آخور  
 گه حسینه گوزلرون گه زینبه حسرت باخور  
 یاندرور طرز نگاهون قلبیمی اود تک یاخور  
 او غلوام دردون منه آندور آنا یافاطمه  
 گوزلرون گوزم دولوب من دردیله دولام آنا  
 حالیوی پوزقون گوروب پژمرده حال اولام آنا  
 گل یوزون گوزم سولوب منده باخوب سولام آنا  
 گوئیگل برگی خنداندرور آنا یافاطمه  
 درد و محنت داغلی دلدن صبریوی آلمیش ندن  
 نار حسرت جانوه بیر بیله اود سالمیش ندن  
 واضحین سویله بئلونده بس آلون قالمیش ندن  
 سرو قدون مثل چوگاندرور آنا یافاطمه

گورمورم علت ندور مدّتی من دلخوش سنی  
 دولموسان غمله ایدور سور عالمیندن بوش سنی  
 داغلانور قلبیم گورنده ای آنا ناخوش سنی  
 لاله تک باغیریم دولی قاندرور آنا یافاطمه  
 ای گل طاهانه تیز سولدون جفای خارندن  
 طوطی شیرین سخن دوشدون نه تنز گفتاردن  
 سرو قدون بوکدی غم دوشدون بیله رفتاردن  
 گوزلرون چون ابر نیساندرور آنا یافاطمه  
 نولدی بیله قانه دوندی گوزده گوزیاشون سنون  
 عالمی اودلار نندن آه شررپاشون سنون  
 نه سبب وار تیز آغاردی مشگ تک باشون سنون  
 حالتون بیله پریشاندرور آنا یافاطمه  
 سن اوسان دائم اوپوب ایگلردی پیغمبر سنی  
 سن اوسان چوخ لطفیله ایلردی زیب بر سنی  
 خوش دیله دیندیرردی هر دم اول سرور سنی  
 ایمدی آهون سینه سوزاندرور آنا یافاطمه



سن اوسان دلن آدون سالمازدی جدیم مصطفی  
 دائماً سسلردی زهرايه اولا جانیم فدا  
 گلسون ایمدی کاش بیر گورسون او ختم الانبیا  
 سنده نه حالت نمایاندور آنا یافاطمه  
 ای اولان عالمده خورشید رسالت کوکی  
 قزلارون گورنه اوجالموش ذکر یارب یاری  
 بیر باجیم کلثومی دیندیر بیر دانشدیر زینبی  
 هر بیریری بیر یاندا نالاندور آنا یافاطمه  
 بیر گوز آچ ایله نظاره گوشه چشمیله سن  
 گور نجه بیر حالت قالموش حسینیه حسن  
 نه دلیله دل دیوللر بو ایکی شیرین سخن  
 سوزلری دلدن آنا جانندور آنا یافاطمه  
 احمدیدن ایلدی بیله سفارش رنجبر  
 رشته نظمه دؤزوب تائب بیله عالی گهر  
 بسدی زهرايه دیسه سلطان مظلومان اگر  
 شاعر و بانی نواخواندور آنا یافاطمه

زبانحال حضرت زهرا علیه السلام  
 در جواب امام حسین علیه السلام

ایتمه شیون پوزما زهرانی حسینیم آغلاما  
 جانوه قربان آنان جانی حسینیم آغلاما  
 سن حسینیم آغلاما باخما آنان آغلار یانار  
 آتشین آهیله اودلی سینه سین داغلار یانار  
 دیده دن رخسارینه خون جگر باغلار یانار  
 آغلادان واردی بونالانی حسینیم آغلاما  
 باخما من دولام بولود تک اشکه سن دولما حسین  
 باغریقان اولام باخوب سن باغریقان اولما حسین  
 گل کیمی سولام سارالام سن بیله سولما حسین  
 من بو سولموش رنگ قربانی حسینیم آغلاما  
 غصه لی گورم سنی آرتار گوگلده نسکیم  
 درده گللم آغلینده سن گل اوزلی شوگلیم  
 قلبیمی اودلار یانقلی سوزلرون شیرین دلیلم  
 اودلاما بو قلب سوزانی حسینیم آغلاما

من پیمبر گلشنیده گرچه بیر نورس گلم  
 ناله دن اقا بهاریمده نوالی بلبلم  
 نیلیوم گوگولوم آچیلمور بیر دیوب باری گولم  
 محتیم چو خودور حسین جانی حسینیم آغلاما  
 سن خبر آلماندن آغلار بولد تک دولموشام  
 بیر خزان دیده بهاری گل کیمی من سولموشام  
 ناامید اگلشمیشم حسرتله مانوس اولموشام  
 دردیمن وار سر پنهانی حسینیم آغلاما  
 سزی وار گوزدن آخار رخساره گوز یاشیم منیم  
 اود سالار آفاقه بو آه شرر پاشیم منیم  
 کثرت غمدن آغاردی مشگ تک باشیم منیم  
 اولموشام غملر پریشانی حسینیم آغلاما  
 حقیمی غصب ایتدیلر جانہ دایاندیم ظلمیلہ  
 ووردیلار درباریمہ اود منده یاندیم ظلمیلہ  
 محسنیم تولدی حیاتیمدن اوساندیم ظلمیلہ  
 حق آلاز بیرگون همین قانی حسینیم آغلاما

یوز چویردی دمبدم درد و محن سیلی منه  
 بیچدی خیاط قضا بیر جامه نیلی منه  
 گاه دشمن تازیانه ووردی گه سیلی منه  
 ظلمده قالمودی نقصانی حسینیم آغلاما  
 بیر بیرینه اوندا که قاتل ایکی قانی قاتوب  
 سینه مه بیر آهین مسمار او ساعتده باتوب  
 اولموشام پهلوشکسته ظلمیلہ سینم باتوب  
 قدیم اولموش بیلہ چوگانی حسینیم آغلاما  
 آلمیشام بار مصیبت چوخ تن بیمارہ من  
 دوشموشم بیلہ ایاقدان حسرتم رفتارہ من  
 یول گیدنده ایلرم تکیہ اودور دیوارہ من  
 سن سوروشما وار نہ عنوانی حسینیم آغلاما  
 باخما حسرتله منه گلہ بو قدری شیونہ  
 قویما بوینون چکنوہ گلسون اوغول دردون منه  
 آغلاما بیر بیلہ عالم لرگوزی آغلار سنہ  
 آغلادان سنسن بو دنیانی حسینیم آغلاما



گوزلرون قربانیم اولما بیله مهموم سن  
 من نجه مظلومه ام سنده ایله مظلوم سن  
 من شهیده سن قتیل اشقیای شوم سن  
 ای منای عشق قربانی حسینیم آغلما  
 بیر یانا هر غم سنون دردون حسینیم بیر یانا  
 بیر یانا اوددور غمون مطلق سالور آتش جانا  
 غملرون یاد ایلینده آز قالور دل اودلانا  
 اولموش آه و ناله عنوانی حسینیم آغلما  
 یاده سالام کربلانی شورش و غوغاسینی  
 بو بلالی زینین بیر محشر کبراسینی  
 کربلا صحراسینین تشکیل عاشوراسینی  
 ایسلادار اشکیم بو دامانی حسینیم آغلما  
 غرق اولار قانه سنيله اوردا یتیمیش بیر نفر  
 بعضیسی پیر و جوان لب تشنه بعضی سودامر  
 قانلاریله تک به تک اول قانلو صحرانی بَرَر  
 لاله زار ایلله میدانسی حسینیم آغلما

ال تاپار اوردا حقیقت اهلینه اهل مجاز  
 ئولدورر تشنه نماز اوسته سنی اهل نماز  
 باشون اوسته باش آچار یکسر خواتین حجاز  
 دولدورار شیون او صحرانی حسینیم آغلما  
 اوردا ظلمیله قالار بی خانمان بیچاره لر  
 بیر یانان خیمه قورالار آخر اول آواره لر  
 ماتمون ساخلار قرانلیقدا او باشدا قاره لر  
 خوار اولان شام غریبانی حسینیم آغلما  
 ایله بیر ماتم سراکه هرکس آغلار بیر کسه  
 فاطمه مشکل قزیندان رشته الفت کسه  
 اوردا گللم منده ویرم زینبيله سس سه  
 قویمارام یالقیز او نالانی حسینیم آغلما  
 اوردا اولام دادرس بیر عده قاره پوشه من  
 هر بالا گیتسه اوزیندن تئز گتورم هوشه من  
 چولده قالسا هر بیر آلام اوزوم آغوشه من  
 اولام اطفالون نگهبانی حسینیم آغلما

قتلگهده گه رباین دلدن آلام سوزلرین  
 گاه سیللم خیمهده نازلی رقیه گوزلرین  
 بوسه قیلام رأفتیله قزلارین گل یوزلرین  
 سالمارام گوزدن صبیانی حسینیم آغلما  
 رنجبر ویردی نشان ایمائیه راه صواب  
 بو زبانحالی تائب ایلدی زیب کتاب  
 گوئیا ویردی حسینه فاطمه بیله جواب  
 ایتمه شیون پوزما زهرانی حسینیم آغلما

## رباعی

آفاق پر از بوی وفای زهراست  
 اوصاف صفا رمز صفای زهراست  
 آن خلد برین که آرزویش داری  
 باز آی که در زیر لوای زهراست

## ذکر وصیت حضرت زهرا علیها السلام

## خطاب به حضرت علی علیهما السلام

فارسی

ای ولی الله اعظم معنی ایمان توئی تو  
 معدن لطف و عنایت منبع احسان توئی تو  
 فاطمه جان می دهد آیات قرآن کن تلاوت  
 طالبم بر صوت قرآنت خود قرآن توئی  
 دردمندم سر به بستر گر به بالینم نشینی  
 حاجتم نی بر دوا درد مرا درمان توئی  
 آخر ایام وصل و اول فصل است باز آ  
 زندگی از سر بگیرم اول و پایان توئی تو  
 فاطمه مظلومه در اسلام و تو مظلوم اول  
 جان عالم جان این مظلومه را جانان توئی تو  
 حق را کردند غصب این اشقیای بی عدالت  
 گرچه دانستند مطلق عدل را میزان توئی تو  
 تائب درمانده دارد یک مریض بی مداوا  
 از تو می خواهد شفا اهداگر درمان توئی تو



زبان حال حضرت فاطمه علیها السلامخطاب به حضرت علی علیه السلام

گل عم او غلی یا علی ترک ایلورم دنیانی گل  
فاطمه اولسون گلن یوللاریوین قربانی گل



اولموشام مدتدی بو ایوده شریک غم سنه  
گلمیشم سن غم لئن ساعتده دلدن شیونه  
لطف قیل بو صون نفیسه همدل اول سنده منه  
قویما یالقیز جان ویرن وقتینده بو نالانی گل  
درک ایدوبدور پیک رحلت بو خمیده قامتی  
بیر طرفدن ای عم او غلی احتضارین زحمتی  
بیر طرفدن خانه قبرین هراس و وحشتی  
چوخ ایدوبدور مضطرب بو سینه سوزانی گل

گل منه جان اوسته اوز لطفون عم او غلی شامل ایت  
بو مریضه خسته دن بیر بازدید کامل ایت  
وحشت جان ویرماقی بو اولدی دلدن زایل ایت  
ای اولان بو خسته و بیمار جسمین جانی گل  
بیر طرفدن فکر هجران صبری می الدن آلوب  
بیر طرف نار مصیبت قلیمه سوزش سالوب  
حسرت دیداروام بو گوزلریم یولدا قالوب  
قویما یولدا منتظر بو دیده سی گریانی گل  
آختارار جان اوسته اوز ایستکلیسین هر جان ویرن  
تا ایده درد دلین آخر نفس کشف و علن  
دله دردیم چوخدی آختارام سنی جان اوسته من  
کشف ایدیم بیریر سنه هر نکته پنهانی گل  
شاهدیم سنسن نه غم یوز ویردی یوز دوندردیم  
بیر گل شادی حیاتیم گلشنیدن درمدیم  
صون چاقیندا عمریمین دنیاده خوش گون گورمدیم  
اولدی صبریم سینه دن دست جفا تالانی گل

هیچ کیمین روحیه سی من تک جهاندا ئولمیوب  
 سن بولور سن وار نه دردیم دلدۀ اوزگه بولمیوب  
 بو یوزوم پیغمبر اکرم گیدندن گولمیوب  
 اولموشام بیداد اهل کینه نین نالانی گل  
 نه غمیلۀ باشه ویردیم سنسن آگاه عمریمی  
 آهی چکدیم آه اوستن قورتاروب آه عمریمی  
 طول دوران مصیبت ایتدی کوتاه عمریمی  
 غم جوان مرگ ایلدی بو قامتی چوگانگی گل  
 عمریم آز اولدی ولی بی حد درد و محتیم  
 باغیریمی غملر ایدوب قان دلدۀ آرتدی حسرتیم  
 باد ظلمیلۀ سارالدی سولدی رنگ صورتیم  
 عاقبت تاپدی خزان عمریم بهارستانی گل  
 اولموشام باغ بهشته گرچه دعوت میهمان  
 اولمارام راضی ولیکن آیریلام سندن بیر آن  
 بیر دم وصلوندی زهرا یه بهشت جاودان  
 ای ایدن عطری معطر جنت المأوانی گل

دوشموشم گرچه ایاقدان ای امام مُمتحن  
 لیک اگلشن طیبانه باشیم اوستونده سن  
 لذت جان ویرماقی ویرمم هامی دنیایه من  
 ای بتولین جانندان آرتوخ مهربان جانانی گل  
 گرچه جان ویرماق هراسیندن بو باغیریم قان اولور  
 وحشتیم آرتور وجودیم برگ تک لرزان اولور  
 گورسم اما گل یوزون جان ویرماقیم آسان اولور  
 ایلرم جانانیمه تسلیم راحت جانی گل  
 ای کلام الله ناطق وجهی وجه کبریا  
 خوشدی سندن استماع صوت آیات خدا  
 ایله بیر قرآن تلاوت صوتۀ جانیم فدا  
 جسم بیروحه ویرن جان نغمۀ قرآنی گل  
 شام هجرانه اولور تبدیل وصلت گوندوزوم  
 چاره یوخ دامان وصلوندن گرکدور ال اوزوم  
 جان ویرم خوشدور او نورانی جمالوندا گوزوم  
 گون گوزین خیره ایدن ای طلعت رخشانی گل



آیر یلیق هنگامیدور باشه یتوب فصل وصال  
 شمع جان خاموش اولور ای شمع بزم جان تعال  
 حقّوه ویزم قسم حقّون منه ایله حلال  
 خرم و خرسند قیل بو باغریقان زهرانی گل  
 نازنین اطفالیمین سولموش گورنمزدیم یوزون  
 گوز گوتورمه سنده من قربانیم آغلار گوزون  
 بو آناسیزلار نقدری یاتمیوب یاتما اوزون  
 لطفوی ایله شکسته دلترین جبرانی گل  
 بیرده خواهش ایلم ای خسرو گردون جلال  
 زینیم مندن صورا قویما اول پثر مرده حال  
 خوش دلیله هر زمان دیندیر دانشدیر گوگلین آل  
 سالما گوزدن بیر دقیقه زینب کبرانی گل  
 گل بود اقیمده حسیندور خاصه بیر نورس گلیم  
 دویمادی مندن تثر آیریلدی بو نازلی شوگلیم  
 دویمادیم منده بالامدان قالدی دله نسکلیم  
 توصیه ایلم سنه بو نوگل زیبانی گل

بو حسینین باشینین بیللم بیوک غوغاسی وار  
 عالمه تأثیر ایدن بیر محنت عظماسی وار  
 کربلا ده ماجرای یوم عاشوراسی وار  
 سنده قربانگاه اولان گون کربلا میدانی گل  
 اوندا که قان ایچره یالقیزلار اونی قوم عدو  
 دمدم جان اوسته سسلر العطش بو سز هر  
 باشی اوسته حاضر اول اله گتور بیر جام سو  
 قویما جان ویرسون سوسوز کوی وفا قربانی گل  
 منده گللم کربلا دشتینده سینه داغلیم  
 قتلگهده بو حسینین باشی اوسته آغلیم  
 جان ویرنده اولسا ممکن گوزلرینی باغلیم  
 اوندا که سسلر حسینی قاصد ربانی گل  
 نوحه خوانیمدور منیم بو تائب شیرین مقال  
 یاد ایدر او غلوم حسین آلامین آغلار ماه و سال  
 جان ویرن ساعت اونی لطف ایله سن ده یاده سال  
 قویما جان اوسته ایده وحشت او باغریقانی گل

زبانحال حضرت علی علیه السلام به حضرت زهرا علیها السلام

آچ گوزون ای بحر عصمتده صدف یافاطمه  
 دُری اون بیر گوهر دُرج شرف یافاطمه  
 یاتما بیلہ نازیلہ ای عصمت کبرا اویان  
 ای یگانه یادگار حضرت طاها اویان  
 مرتضی دورموش باشون اوستونده یازهرا اویان  
 دُر اشگہ گوزلرین ایلوب صدف یافاطمه  
 آتماز اوز ایستکلیسن هیچ باوفاگتمز یانش  
 آشناسین دیندیرر چوخ خوش بیانیله تانش  
 آشنایم من سنے آل گوگلومی منله دانش  
 ای شهید ظلم اتباع عسف<sup>(۱)</sup> یافاطمه  
 تاپمادون بو دودماندا درد و محنتدن فراغ  
 روزو شب محنت سنی، سن محنتی ایتدون سراغ  
 شمع آه آتشین اولدی سنے دائم چراغ  
 همدمون اولدی سنون آه و اسف یافاطمه

۱- عسف جمع عسف یعنی ظالمها.

هر مصیبت و یردی یوز بو ایوده یوز دوندرمدون  
 بیر گل شادی حیاتون گلشنیدن درمدون  
 سن پیمبردن صورا عالمده خوش گون گورمدون  
 باد غم عمرون گلین ایتدی تلف یافاطمه  
 سن بو آز عمر ونده چکدون بسکه رنج بی شمار  
 دائماً زلفون کیمی اولدون پریشان روزگار  
 بیر دقیقه درد و محنت اولمادی سندن کنار  
 ای مصیبت کش آدیله مُتصف یافاطمه  
 بیر پولود آفاقدہ آغلار گوزون تک دولمادی  
 بیر گل لاله سنون باغرون کیمی قان اولمادی  
 بیر گلستانین گلی عمرون گلی تک سولمادی  
 یتدی باغ عیشوه بیر حال جف<sup>(۱)</sup> یا فاطمه  
 ای رسول عالمین شوکلی ریحانه سی  
 گوگلون اولدی دمبدم بو ایوده غم کاشانه سی  
 ایلدون دائم اوزون شمع عزا پروانه سی  
 سنده بیر گور سنمادی حال شعف یافاطمه

۱- جف یعنی خشکیده گی.



هیچ کیمین روحیه سی غمدن سنون تک ئولمه دی  
نه غم اوز ویردی سنه من بولدوم اوزگه بولمه دی  
بو یوزون پیغمبر اکرم ئولندن گولمه دی  
اولمادی سندن مصیبت برطرف یافاطمه  
شام تار اولدی مصیبتدن گوزونده گوندوزون  
اقتی غمگین گورنده دولدی اشگیله گوزون  
اهل فقره ایلدون اطعام آج قالدون اوزون  
ایتمدون احساندن هرگز حَنَف<sup>(۱)</sup> یافاطمه  
عمر و آزا اولدی ولی چوخ چوخدی درد و محنتون  
ایتدی نیلی رنگ سیلی ضربی رنگ صورتون  
بار درد و غصه بوکدی ایلدی خم قامتون  
اولدی کافوری باشون یاللاسف یافاطمه  
چوخ چتیندور دهرده محرم فراقی محرمه  
فرقتون فکریله غرقم گورنه دریای غمه  
آلمیشام مین حسرتیله باشوی من سینه مه  
جلوه گردور گوزده آلام سلف یافاطمه

قَصّه مشهور دور مشتاق اولار بلبل گله  
شاد اولار شوریده بلبل گر یوزینه گل گوله  
ای گل اوزلی گول دلون قربانی دلن گل دله  
بلبلین سالמוש باشون اوسته کنف یافاطمه  
درک ایدن ساعت رسول اللهی یا خیرالنسا  
ویر اونا مندن سلام ای معدن شرم و حیا  
عرض قیل آلدی الیمدن حقیقی اهل جفا  
گوسترو بلر نقض پیمان و حَلَف<sup>(۱)</sup> یافاطمه  
هر مصیبت چکمو سن بیریر خانم ایله بیان  
دی آتان پیغمبره درد دلون ای باغریقان  
گل یوزینده لیک اونا سیلی یرین ویرمه نشان  
سینه سی ای تیر آلامه هدف یافاطمه  
سن حسینی توصیه ایتدون منه اعزازیله  
پرورش ویزم اونا بیر شیوه ممتازیله  
دردینی آلام اورکدن بَسَلَرَم مین نازیله  
قویمارام سولسون گل باغ شرف یافاطمه

بو حسین که سن منه تا بشور دون ایمدی رو برو  
 کربلاده ظلمیله مقتول ایدر قوم عدو  
 سوکنارینده دوشر تشنه آخار هریانه سو  
 العطش سویلر یانار بو جان به کف یافاطمه  
 خاک و خون ایچره یخالار زخمدار آهوکیمی  
 مرگ دامینده چالار بو دست و پا تیهو کیمی  
 قان یاراسیندان آخار توپراقلار اوسته سوکیمی  
 قتیلنه حاضر دورالار صف به صف یافاطمه  
 نینوا دشتی اوگون شور و نوائیله دولار  
 نازنین قزلار او چولده باش آچوب زلفین یولار  
 زینبین گوندوز گوزینده لیلۀ دیجور اولار  
 آفتاب دین اولاندا مُنکسف یافاطمه  
 تائبم بو خامۀ غمدور منیم هم صحبتیم  
 قابلیت یوخدی منده ایله که وار شهرتیم  
 آستانوندا ایتم لطف ایله آرتسون قیمتیم  
 لطفیله باخسان دونه دُرّه خرف یافاطمه

### ولادت حضرت علی علیه السلام

بنابه درخواست غلامرضا شیعه خُصّ

بو قاصر فکریمه بیر ماجرای دلگشاگلدی  
 دل غمدیده مه بو نکته دن ذوق و صفاگلدی



بودور فکریم یازام من حیدرکزار میلادین  
 اگر یار اولسا حق گوزم که هر سوز جابجاگلدی  
 گوزل طرزیه بو شرحی یازوب استاد شاعرلر  
 ولیکن علتی وار خامه مه بو ماجراگلدی  
 بو شرحی ایستدی مندن نواخوان شیعه خُصّ  
 اودور مندن ظهوره بوردا بیله ادعاگلدی  
 گرامی دور پیمبرلر تماماً محضر حقه  
 مقدس بیر مکاندا بو جهانه انبیاءگلدی  
 ولیکن چوخ گرامی اولدی بو عالمده بیر مولود  
 وجوده بیر گوزل یرده او نور کبریاگلدی  
 علی المرتضیٰ آدی رسول اکرمه ارخا  
 او مولودیله دینه بیر قوای مستهاگلدی



ولی اللہیدی چون کہ او مولود سعادت مند  
 او دور بیت خداده عالمه شیر خدا گلدی  
 آناسی فاطمه تا حامله اولدی او مولوده  
 کنار بیت حقّه بیرگون اول کان حیا گلدی  
 اولوندی مُنشَق امر داوریله کعبه دیواری  
 خانم بیته اولوب داخل حصوله مُدعا گلدی  
 مقفل اولدی باب کعبه دیواری بوتون لشدی  
 اولاخلوت او بیت امر خدای ذوالعطا گلدی  
 اولوندی بیت خلوت جوش ایدوب دریای لطف حق  
 جهانہ اون اوچ ماه رجبده مرتضا گلدی  
 الی اوسته دو توب بنت اسد اول تازه مولودی  
 کناره بیت حقدن دلده مین حمد و ثنا گلدی  
 او طفلین آدین الله اوز آدیندان ایلدی مُشتَق  
 آناسینه خدای لامکاندان بوندا گلدی  
 علی قوی آدینی بو تازه مولودین منم اعلا  
 ولتیم دور منیم دنیا یه کیم بو مُقتدا گلدی

اولار اجرا بونون تیغیله حکم دینیم عالمده  
 بو سوزده شاد اولوب شکر حقّه دلدن آنا گلدی  
 آلوب هرکس قوجاقینه آچوب گوز باخمادی اصلاً  
 گورنلر فکرینه اول طفل اعمی بر ملا گلدی  
 آتاسین بیله غملو ماجرادن ایتدی لر حالی  
 که نسلوندن جهانہ بیر گل اوزلی مه لقا گلدی  
 درخشان دور یوزی گون تک ولیکن گوز آچوب باخماز  
 ابیطالب پوزولدی درده دلدن بر ملا گلدی  
 تمام آل مَنافی حیرته سالدی بیله مَنظر  
 اولوب حالی همین بو ماجرادن مصطفی گلدی  
 آلوب آغوشینه تا کامینه لطفاً دِلین ویردی  
 مَشامه شیرحق گوردی شمیم آشنا گلدی  
 آچوب اوز گوز لرین وَجد تمامیلہ او ساعتده  
 سلام ایتدی کمال لطفه ختم الانبیا گلدی  
 رسول اللہدن آلدی اودم رخصت ولی الله  
 ایدہ آیات حق جاری جوابینده بلا گلدی

زبورى لحن داووديله ايله ايلدى ایراد  
 زبورین صاحبی داوود او بزمه گوئی اگلدی  
 دوباره باشلوب انجیلی قرائت ایلدی بیر باش  
 غلط دوشمز دیسم روح مسیحایه صفا گلدی  
 صُحْنَدَن بیر قدر ایتدی تلاوت اول لسان الله  
 هامی حیران قالوب وجده رسول مجتبا گلدی  
 هسله پیغمبره قرآن مُنْزَل اولمیوب نازل  
 او دمده باشلیوب قرآنی نطقه لافتی گلدی  
 قرائت ایلدی بیر نیچه آیه حجت باری  
 اولوب خوشحال گفتاره اودم شمس الضحا گلدی  
 بویوردی بیر کسه ممکن دگل بیر بیله نطق اصلا  
 فقط بیله فصاحت بیر بو مولوده سزا گلدی  
 پیمبر گوز لریندن او پیدی ردّ ایتدی آناسینه  
 آنا آلدی قوجاقه قلبینه محکم قوا گلدی  
 علی نین اللرین قویدی قماطه فاطمه بوردا  
 خیاله بیر آنیله بیر بالا بیر کربلا گلدی

اوگون که کربلاده قالدی تشنه آل پیغمبر  
 سوسوزدان خیمه لرده جانہ آل مصطفی اگلدی  
 علی اصغر ايله یاندی سوسوزدان غنچه تک سولدی  
 اولوب بی تاب آناسی باخدی درده بر ملا گلدی  
 گوروب دل سیز بالانین یوخ دلی دردین ایده اظهار  
 ولی آرام دو تـمـور رفته اول مبتلا گلدی  
 علی اصغرین گتدی قماطه اللرین قویدی  
 باخوبلار بیر بیره درده آنا گلدی بالا گلدی  
 بالا اوز لبلرین آمدی دیدی رمزاً آنا یانندیم  
 آنا رخسارینه باخدی قجا رنگ کهر با گلدی  
 باخوب گه حسرتیله چکدی اصغر آهی آه اوستن  
 ربابی یانندیروب یاخدی دله اول بینوا گلدی  
 او غوشدوردی اورک باشین توکوب رخساره گوز یاشین  
 دیدی یارب منیم تک درده هانسی بیر آنا گلدی  
 هوانین ایسی چوخ خیمه لرده بیر ایچیم سو یوخ  
 ندور چاره بالام اودلانندی جانہ ای خدا گلدی



نه بو سینمده واردور سود ویرم بلکه اولآ آرام  
 دولاندیم خیمه گاهی نه اله بیر جرعه ماگلدی  
 نه دل آنلور بو دل سیز دل دیم تا ایلیم ساکت  
 غریبه باشیمه بیر ماجرای نارواگلدی  
 بیله ده درد اولار یارب اوزوم تشنه بالام عطشان  
 آنابالا باشینا هاردا بیله ماجراگلدی  
 بالام تک بیر بالا نه قالدی عطشان لبلرین آمدی  
 آنالار باشینه من تک نه درد بی دواگلدی  
 باخور حسرتله بو دل سیز بالام طرز نگاهیندن  
 دونور قنانه گوگل درده بو سینم مطلقاگلدی  
 بالام نی تک سز یلدار من باخوب ازبس نواقیلام  
 گوزیمه آغلاماقلیقدان سیاهی بیر غطاگلدی  
 دایان تائب الون ساخلا سوزی بیله اوزان دیرما  
 مواظب اول آزارسان گور سوزون هاردا ن هاراگلدی  
 اوزون سال باب باب الله وار هر حاجتون ایسته  
 ویره لر اولدی مُستغنی بو بابنه هر گداگلدی

### احوالات غدیر خم و گریز به شهادت امام حسین (علیه السلام)

واردی بو غدیر خَمین گونلر ایچره احترامی  
 بولدولر بوگون علیدور ماسواللهین امامی



خلقی ایلمیشدی دعوت دینینه رسول رحمت  
 آنلاموشدی واجبات دینی سربه سر جماعت  
 لیک قالمیشیدی پنهان امر نکته امامت  
 بولمه میشدیلر رسولین کیمدی قائم مقامی  
 فکر ایدردی اولماسا گر نکته امامت اظهار  
 قوم کینه پرور ایلر بو امامت امرین انکار  
 انتظاریدی که اولسون صادر امر حق قهار  
 یتدی بو غدیر خمدنه مصطفایه حق پیامی

گتدی جبرئیل اکملت آیه سینی چوخ شتابان  
 مرتضا ولایتین تئز یا محمد ایله اعلان  
 اولماسا بو امر اعلان دین تاپار کمال نقصان  
 افته گرک دیولسون حق پیامی حق کلامی  
 نقص قالماسون گرکدور نکته رسالتیندن  
 اوز عم او غلوین بو خلقی حالی ایت امامتیندن  
 حالی اولسون اهل عالم مرتضا ولایتیندن  
 ختم مرسلین او یرده باشه یغدی خاص و عامی  
 امر ایدوب همین او یرده ایتدیلر درست منبر  
 ایلدی صعود او دمه منبر اوستونه پیمبر  
 خطبه فصیح ایراد ایتدی اول حبیب داور  
 جمع اولانلار ایتوردی خطبه سینده حق مرامی  
 کمرین دو توب علی نین تاجدار ملک بطحا  
 قوزادی او قدر گوردی مرتضانی پیر و بُرنا  
 سویله دی جهاندا مندن صورنا بو علیدی مولا  
 فرض دور سیزه منیم تک بو علی نین احترامی

مرتضا منه جماعت یر یوزینده جانشیندور  
 هادی شریعت و دین پیشوای مسلمیندور  
 اهل عالمین امیری بو امیر مؤمنیندور  
 تقویت تاپار بونیه شرع احمدی قوامی  
 هم علی منه وصیدور هم ولی کبریادی  
 نفوسزه منیم تک اول بو علی مرتضادی  
 خلقه واجب الاطاعه تاجدار هُل اتادی  
 حقیقی دانان دانوبدور حق حی لاینامی  
 موبه مو امامت امرین گرچه ایتدی کشف طاها  
 داندی بو امامت امرین مشرکین بیرگون اما  
 اولدیلار حسینیه یاغی دشت کربلا ده اعدا  
 ثولدوروب تمام یارین یخدیلار او مستظامی  
 سویلوب ای گروه جانی مصطفی منیم بابامدور  
 آفتاب چرخ عزت مرتضا علی آتامدور  
 اولدوزام سپهر عصمت ماهی فاطمه آنامدور  
 روشن ایلوبدی نوریم بو جهان نیلفامی



بیر بيله جفا و ظلمه ئولموش ارتکاب ایدورسوز  
 وار نه علتی بوقدری قتلیمه شتاب ایدورسوز  
 ئولدوروب پیمبر اوغلون دین ایوبن خراب ایدورسوز  
 ایستوسوز که برهم اولسون دین حقین انتظامی  
 نامه لر یازوب ازله ای گروه پست فطرت  
 سیز منی قوناق آدیله ایلدوز بو دشته دعوت  
 رسم میزبانلق اقا بوردا تاپدی عکس صورت  
 قتلیمه اولور مُبدل بو قوناقلیقین مقامی  
 پیکریم ویرور سو تک قان وورموسوز او قدر یاره  
 یوخ قیامه اختیاریم یاره وورمیون دوباره  
 دوشموشم داخی ایاقدان ال چکون گیدون کناره  
 ایتمیون بوقدر مظلوم اهل کین غریب امامی  
 ال چکون ای اهل کوفه سیز بو جلدی مُنگمش دن  
 دله مقصدوزده قتلیم واقفم بو کشمکشدن  
 جان دوداقیمه یتوبدور ئوللم ایمدی من عطشدن  
 بیر نفر دن اوتری ئولموش ایلوسوز بو ازدحامی

سالموسوز داخی نفسدن سیز بو بی پناه و یاری  
 بیر بيله ندن ووروسوز بیر غریب زخمدا ری  
 رحم ایدون بو صون نفسده بیر ایچیم ویرون سو باری  
 ایتمیون قتیل تشنه اهل کین بو تشنه کامی  
 بو بلا چولونده لشکر نه وفالی یاوریم وار  
 عون و فضل و قاسمیم یوخ، نه علی اکبریم وار  
 قارداشیم گیدوب الیمن، نه امیر لشکریم وار  
 پوزموسوز ای اهل کوفه بوردا مُستظم قوامی  
 یوخ منیم آنام بو چولده دلدن اولموشام شکسته  
 یول ویرون وفالی زینب بیر گله بو باشیم اوسته  
 سینه مین گوروب یاراسین سینه داغلیه او خسته  
 اوز آنام یرینده باری باغلاسون باجیم یارامی  
 آغلا تائب آغلا دائم توک یوزه سرشک حسرت  
 آغلا نوحه یاز همیشه ایله بو حسینه خدمت  
 ایسته قبرینی حسینین ایلسونله بلکه قسمت  
 سنده گیت یتور او شاهه شیعه گوندون سلامی

## ذکر فضایل حضرت علی علیه السلام

علی محبتی قلبیمنده تا پموش استیلا  
 ایدوبدی دایره عشقه منی دارا  
 علی وصی پیمبردی مطلقا سوز یوخ  
 او نکته دن دلیم آئینه سی تا پوبدی جلا  
 علیدی نکته توحیدی ایلین تفسیر  
 ولادتسینده گتوردی دله کلام خدا  
 پیمبرین اوزینه نازل اولمیوب قرآن  
 او خوردی آیه قرآن او سید والا  
 علیدی کان فضیلت علیدی پایه دین  
 علیدی شمس امامت علیدی نور خدا  
 علیدی فتح فتوح و علیدی راحت روح  
 علیدی قاسم نیران و جنت المأوا  
 علیدی شاه ولایت علیدی باب الله  
 علیدی عزت امت شفیع یوم جزا  
 اولوب او شهدی که شأنینده هل اتی نازل  
 امام عالم الاسرار بر عیان و خفا

علیدی ناطق قرآن حی لم یزل  
 امام جن و بشردی او عروة الوثقی  
 علیدی منبع احسان علیدی کان کرم  
 علیدی دست خداوند فرد و بی همتا  
 جمال خالقه مرآت دور جمال علی  
 او دور تمام صفات حمیدیه دارا  
 علیدی فارس میدان علیدی سرور دین  
 علی صراط حقیقت علیدی راهنما  
 علیدی علت ایجاد سایه رحمت  
 علیدی نور هدا حجت حق یکتا  
 علی ولایتینه هرکس ایتمسه اقرار  
 ججیم روز جزاده اولور اونا مأوا  
 گر اولسا اهل ولایت مقصر و عاصی  
 گینه جهنم اودوندان امیدوار قوتولا  
 اولوبدی امت الیله جهاندا چوخ مظلوم  
 جزا گونونده گینه امته اودور ملجا



اولوبدی عمر شریف و عزیزی آتمیش اوچ ایل  
 گورروب آز عمرده بی حد اذیت و ایذا  
 یازیلسا حشره کیمی ابتلاسی قورتولماز  
 نه لر گلوب باشینا شرحه دلدۀ یوخ یارا  
 پیمبر اقمینه مهربانیدی چوخ چوخ  
 ایدردی السیز ایاقسیز جماعتی احیا  
 مگر ایشیتمه میسن کیم تمام عمرینده  
 گورونمیوب ایده میل استراحتۀ ابد  
 گورونمیوب که اولافوت بیر گیجه اونندان  
 تَفَحَّصَ فقرا و عیادت مَرَضی  
 گیجه زمانی گلنده او شاه دریادل  
 چیخاردی دیشره ایویندن ولی به طور خفا  
 یتیم و قاره لچک جمع مستحق لره  
 ویرردی دائم او شه مایه معاش و غذا  
 او صاحب کرمی کیمدی بولمادی بیرکس  
 دوتاردی الدن آدین ایلمزدی لیک افشا

جماعت آنلادی کیمدور او منبع احسان  
 اوگون که یتدی کسوفه ستمله شمس هدا  
 گیجه کی عادتیه انتظاریدی فقرا  
 گوروبله وقت گیچوب گلمدی او میر هدا  
 امیدلر کسیلوب هاموسی ایدوبله یقین  
 همین او سروریمیش دادرس اولان اولارا  
 غرض بودور که یازام مرتضا شهادتینی  
 اگر کمک ایلسه حی فرد بی همتا  
 گیچوب وفات رسول کرامدن اوتوز ایل  
 ابوالائمۀ ایدوب ترک دهر و مافیها  
 اولوب او ایلده شب نوزدهم رمضان  
 بیر اوزگه عالم اولوب شهر کوفه ده پیدا  
 همان گیجه او امامین تمام انصاری  
 ایدردیلر هاموسی مسجد ایچره حمد و ثنا  
 ایدردیلر هره سی بیر طرفده راز و نیاز  
 بیری تلاوت قرآن بیری ایدردی دعا

او گنجیجہ جملہ سی مشغولیدی نماز شبہ  
 تمام صبحہ کیمی ساخلا میشدیلار احیا  
 جماعتیلہ دولیدی او مسجد کوفہ  
 مهاجر ایت میشدی اعتکاف جابر جا  
 اوزینی مُعتکفہ ایل میشدی قطامہ  
 او آدیله اودا ایت میشدی خیمہ سین برپا  
 اونیلہ واریدی ہم خیمہ اوچ کیشی او گنجیجہ  
 علی قتالینہ حاضر ہر اوچ <sup>(۱)</sup> ولدزنا  
 قلنجی ہر اوچی سیراب زہر ایت میشدی  
 خیال قتل شہ دینینہ او اوچ آدنا  
 او بی حیا ہر اوچون بو ایشہ ایدوب وادار  
 او سوزدہ ویر میشیدی وعدہ وصال اولارا  
 بیرسی دە اولارین ظالم ابن ملجمیدی  
 علاقہ مندیددی قطامیہ او بی پروا

۱ - حضرت باقر (ع) در مجلس یزید فرمود: انبیاء و ائمه را نمی کشد مگر ولد الزنا.

علی قتالینہ بئل باغلادی بویاندا بولار  
 اویان طرفدن ایویندن چیخوب ولی خدا  
 کمال سرعتیلہ مسجدہ روان اولدی  
 امیر ملک عرب شیرحق جل و علا  
 او مُقتدا یتیشوب اولدی مسجدہ داخل  
 گنجیچوب او وقتدہ محرابہ ملجا الضعفا  
 دولاندیروب یوزینی سمت قبلہ شہ دین  
 نماز نافلہ صبحی باشلادی مولو  
 گوتوردی پردہ نی ستار لم یزل او زمان  
 بہ حکم خالق اکبر آچیلدی باب سما  
 ملائکہ اولونوب صادر امر ربانی  
 گورون ایدر نجہ محبوبہ جان حبیبی فدا  
 ابوتراب قویان حالده ترابہ جبین  
 علی یوزینہ او دہمدہ آچیلدی باب قضا  
 او شاہ بی بدلی ابن ملجم ایتدی کمین  
 او زہرلی قلجین آندیروب او شوم دغا



دیسم غلط دگی فرق پیمبره دگدی  
 دگنده تیغ جفا مرتضا علی باشینا  
 اوتوردی فرقینه شمشیر آخدی آلقانی  
 اولوبدی قانیه سرشار دیده شهلا  
 او آق محاسینی آلقانیه خضاب اولدی  
 کمال ضعفیه محرابه دوشدی میر هدا  
 بویادی صفحه محرابی قرمزی قانی  
 ترابده هامی احکام دینی یازدی اما  
 پیمبر ایتدی نوا باشین آچدی جنتده  
 هواده شیونیه جبرئیل ووردی ندا  
 دیدی که قانه بویاندی علی نماز اوسته  
 تمام کوفه نی دولدوردی بو آسغلی صلا  
 ایشیتدی کوفه نین اهلی صدای جبریلی  
 توکولدی دیشیره هامی دلده بانگ واویلا  
 بیوک کچیک کیشی عورت جوان و پیر او دم  
 قویوبلا مسجده یوز دلده شیون و غوغا

یازالاً قالمادی ایولرده بیرجه پرده نشین  
 ولیک چیخمادی دیشره او زینب کبرا  
 خانمدا حالی اولوب ایستدی چیخا ایودن  
 چیخانمادی او حیاکانی مانع اولدی حیا  
 دیار کوفه ده قرخ مین او گون قوشون واریدی  
 جهاده حاضریدی دین یولوندا بی پروا  
 اولاردا اولدیلا حالی همین او واقعه دن  
 توکولدی لر قلعج اللرده دلده واسفا  
 سپهرین آلتی دولوب صوت واعلیان  
 گوروندی کوفه ده شور قیامت کبرا  
 دو توبلا حیدرین اطرافین حیدر اولادی  
 گلوبله شیونه گوزیاشلی دلده واغوثا  
 دیز اوسته آلدی یارالی باشین امام حسن  
 توکوب سرشک بصر اول شهید زهر جفا  
 بویاندا شیون ایدردی حسین تشنه جگر  
 توکردی گوزیاشی بیر یاندا تشنه لب سقا

او زخم کینه ایاقدان علینی سالمیشدی  
 یوخیدی قدرتی اوز دودمانینه گیده تا  
 قویوبلا پیکرینی بیر کلیمه انصاری  
 کمال عزتیه احترام اولوندی اونا  
 یارالی حمل اولونوب دودمان شاهه طرف  
 یاخونلاشاندا بویوردی او سرور بطحا  
 قویون پیاده گیدوم دودمانیمه من اوزوم  
 مباد بيله گوروب زینبیم منی قورخا  
 علی یارالی بو یرده کلیمه چولقلانور  
 سلیلی نعشینه بیر یرده ده بوروندی عبا  
 بونون فقط باشینین بیر قلج یری واریدی  
 اونون وجودی سراسر یارائیدی اما  
 حسین هر ایکسین حمل ایدنده حاضریدی  
 دیردی بوردا بابام وای او یرده واولدا  
 گلوب اوغول باشی اوسته او شاه دریادل  
 گوروب جوانینی صدپاره دوغریوب اعدا

یارالی باشینی گوتدی آلوب دیزی اوسته  
 اورگی درده گلوب یاندی سیدالشهدا  
 کمال رأفتیه اکبرینی دیندیردی  
 بیر اوزگه حاله دوشوب گوردی مظهر طاها  
 اورک باشینا باسوب مهريله جوان بالاسین  
 قویوب دوباره یره تاجدار کرب و بلا  
 دوشندی اکبرینین نعش پاره پاره سینه  
 گینه سرومادی قلب شریف شاه ولا  
 قویوب اوغول یوزینه اوز یوزین امام غریب  
 او آغ محاسنینی لاله تک بویادی دما  
 اوغوشدوروب اورگین توکدی اشگ حسرتینی  
 بو حالتیه دیدی دور ایاقه یاتما بالا  
 علی نه خوش بزیوب قان بو جسم زیبانی  
 یارالارون باش آچوب مثل لاله حمرا  
 ایاقه دور آپاروم خیمیه باجون گوزلر  
 سکینه چوخ نگران دور تیکوبدی گوز یولوا



سنون جوان تُولومون ای جوان قوجاتدی منی  
 عجب محلده سالدی منی کمندۀ قضا  
 نقدر سسلدی سس گلمدی اولوب مایوس  
 پوزولدی حالی اوغولدان الینی اوزدی آتا  
 خیال ایدوب که ایده نعشی حمل قتلايه  
 گوروب ايله داغیلوب گلموری اله اعضا  
 او پاره پاره اولان پیکری عبایه یغوب  
 ووروب او دمده جوانان هاشمیۀ ندا  
 گلون گلون گوتورون نوجوانیمین نعشین  
 جوانیمی گورورم روحیمه اولور ایذا  
 بو تیره توپراقا آخدیقجا اکبرین قانی  
 همان او قانه بو قلب ملول دور مجرا  
 بالام حیاتیمة باعث دیزیمده قوت دور  
 گوزومده نوردی بو قلبیمه منیم یارا  
 بو ماه طلعتی کیم دوغریوبله بندبه بند  
 بو روح دور من نالانه من بدن آرا

او دم که تولدی بالام گوتیا اوزوم تولدوم  
 من ایستیم داخی بوندان صورا حیات حاشا  
 یامان اولار بیلر عالم جوان اوغول داغی  
 خصوص بيله جوان حسنی گل قدی رعنا  
 باجیسی شیونيله خیمه ده یولون گوزلر  
 گوزین تیکوبدی یولا اشگبار و زار و فگار  
 خلاصه گوتدی جوانلار علی جنازه سینی  
 دوشندی خیمه قباقینده تا او فرش عزا  
 عبادن آچدی لار اول پاره پاره گل بدنی  
 توکولدی دیشره خیمدن تمام آل عبا  
 توکردی عارضه اشگ زلال عمه لری  
 یولوب ساچین باجیلاری ایدردی شور و نوا  
 قیامت ایستدی او نعش اوسته آل پیغمبر  
 او وادی غمی دولدوردی بانگ واویلا  
 قوتار بو مطلبی تائب بیر اوزگه مطلبه گنج  
 بیر اوزگه طرزیه حیدر غمین ايله انشا

او گون که شیرحقین دگدی زخم‌کین باشینا  
 باشینی یاره‌لدی آخدی قانی گوز قاشینا  
 یتوردیلر ایوینده رکن دین و ایمانی  
 قلع یریندن آخاردی سو تک قزلقانی  
 تصوّر ایله نه حاله قالار مخذره‌لر  
 او حالتیله او رکن شریعتی گوره‌لر  
 او شمع دینه اولوب اهل بیت پروانه  
 گلوبله نالیه هر تک‌تکی یانایانه  
 گورنده باشند اولوب شیر لم یزل مسموم  
 یخاسین ایلدی پاره یانوب خانم کلثوم  
 گورنده قان ایلوب مرتضا یوزینی خَضَب  
 ال آتدی ساچلارینا شوریه خانم زینب  
 علی او قوّت قلبیله تاب ایدنمزدی  
 نجه یارائیدی بیلمم او شه دُوزنمزدی  
 یارا الیندن ایله اختیارین آلمیشدی  
 ایاقدان اول شه اسلامی یاره سالمیشدی

سزیلداشاردی یارا پیچ و تاب ایدردی علی  
 ایدردی ضعف اوزیندن گهی گیدردی علی  
 سالاردی یاره‌سینه مرهم اقرباسی اونون  
 ولیک شدت ایدوب دمبدم یاراسی اونون  
 قالاردی شیرخدا هر دقیقه بیر حاله  
 باخوب یاناردی حرم‌لر او غم‌لی احواله  
 دُوزوب علی ایکی گوندوز او سوز و سازیله  
 بولنمورم نجه صبر ایتدی اول گدازیله  
 دولانندی اولدی شب بیست یکم رمضان  
 یاناردی زخمی سزیلداردی حجت یزدان  
 امامده گورونوب ارتحال احوالی  
 بنات طاهره‌نی پوزدی مرتضی حالی  
 امامدن یاخون اولدی ال اوزسون آل امام  
 ایدوب حرم‌لری مأیوس وضع حال امام  
 چالیشدی‌لار نقدر لیک اولمادی چاره  
 ایدوبدی شدت امامین باشینداکی یاره



همین او حالده اولادی بیله بیلدی صلاح  
 علی طبابتینه بسیر نفر گله جراح  
 چیخوبلا ایودن حسین و حسن بو فکر تیله  
 گیدردیلر یولی چوخ منتهای سرعتیله  
 بتول گل لری دوشموشدی بسکه تشویشه  
 اوز اوزلرینه او یولدا ایدردی اندیشه  
 دیردی بیر بیرینه بوی درد و غم گلوری  
 نولوبدی گوزلره بی اختیار نم گلوری  
 گهی دوتوب گویه یوز کشف ایدردیلر مطلب  
 دیردیلر که یتیم ایلمه بیزی یارب  
 پناهیمیز آتامیز دان صورا بیزیم یوخدور  
 گواهنسن بابامیزا علاقه میز چوخدی  
 بابامیز اولماسا گولمز داخی بیزیم یوزیمیز  
 یقین لیله مظلم اولار بو گوندوزیمیز  
 یتیم لر یوزی بو آشکار دور گولمز  
 بیلر یتیم بو احوالی اوز گه سی بیلمز

طبابت اولماقا اول راه حق مصباحی  
 گتوردیلر اورا نعمان آدینلی جراحی  
 او مرد پاک علی باشی اوسته تایتدی  
 کمال دقتیله بیر معاینه ایتدی  
 یارالی باشد یا رایه دوشوب اونون نظری  
 دیدی گیدون گتورون ایمدی بیر قویون جگری  
 گتوردیلر آیروب بیر دمار او آزاده  
 قلج یاراسینه فوراً سالوب او ائنانده  
 نه گوردی یاره ده بیلیم که گوزلری دولدی  
 پوزولدی حالی او دم رنگ عارضی سولدی  
 یوزینه دقتیله شیر داورین باخدی  
 چکوب بیر آه یوزه اشک حسرتی آخدی  
 دیدی بو باشد که بیله اساس غم قورولوب  
 بیله نشان ویروری زهرلی قلج ووریلوب  
 اولونسامین نفره بو یارا اگر تقسیم  
 او یاره نیله ایده لر تمامی جان تسلیم

همین او جمله ده آندیردی یعنی یوخ چاره  
 علینی ئولدوره جاقدور باشیندا کی یاره  
 دوتوب دوباره یوزین شاه دینه گلدی دله  
 یغ اهل بیتوی باشه آقا وصیت ایله  
 بو حالتوندن آقا بیله که گلور نظره  
 بو گیجه آخر عمریندی چخماسان سحره  
 یقیندور اولاجاقسان حیاتدن عاری  
 یغ عترتون باشوا بیر دویونجا گور باری  
 دیوب بو سوزلری اشگ ترین روان ایتدی  
 علی ایوینی او جراح ترک ایدوب گیتدی  
 علی ایوینه هوا بارش الم آلهدی  
 یغیشدی عترتی شیرخدانی دوره لدی  
 نه نوع گور پوزولار اهل بیتین احوالی  
 گورنده شیرخداده او پُر آسف حالی  
 گوروب او حالی گوزین دولدوروب امام حسین  
 یتیم قالماقا آماده اولدیلار حَسَنین

پوزولدی حالی توکوب گوزیاشین خانم کلثوم  
 او غوشدوروب اورگین سینه دن اولوب مغموم  
 او اهل بیته اولوب کشف تا همان مطلب  
 یانوب اورکدن ایتیردی اوزین خانم زینب  
 دولانندی زینب زهرا مثالین احوالی  
 یوزینده اولدی هویدا یتیمه لیق حالی  
 غرض ولی خدا باشه یغدی عترتینی  
 او ضعف حالتیله باشلادی وصیتی نی  
 دولاندیروب یوزینی مجتبیاه میر هدا  
 بویوردی قاتلیمه ویرمیون فشار ابد  
 اگرچه عاطفه دن بو شقی اوزاقدی او غول  
 نه اولسادا ایویمیزده بیزه قوناقدی او غول  
 تهیه ایتسوز او غول مندن اوتری هر نه غذا  
 ویرون مضایقه سیز، سیز همین غذا دن اونا  
 نجات ویرسه منه حی قادر و ذوالمن  
 بو قاتلیله اوزوم ایلمرم معامله من



منیم بو دردیمه هرگاه اولماسا چاره  
 گر ئولدوره منی باشیمده کی اولان یاره  
 ووروبدی چون باشیما بیر قلج بو شوم شریر  
 شن آل قصاصیمی ویر بو لعینه بیر شمشیر  
 تمام عترتینی صبره امر ایدوب اول شاه  
 ایدردی حسرتیله اهل بیت دینه نگاه  
 سالوب نظر او زماندا او سرور حرمین  
 بیر اوزگه حالیه گوردی دوروب امام حسین  
 بیر آیری سمته باخاندا گوروب او اشجع ناس  
 دوروبدی اللری قوینوندا باوفا عباس  
 چاغیردی هر ایکسین شاه دین مقابلینه  
 گتوردی قویدی ابوالفضل الین حسین الینه  
 بویوردی بیرجه تمنا واریمدی سیزدن او غول  
 ئولونجه اوزمیون ال سیز بیر یزدن او غول  
 دوزون دوام ایدون هر درد و هر بلائیله  
 ضرور دور سیزه انسیّت ابتلائیله

همیشه بیر بیریزه جان دیون ایشیدون جان  
 بیر ییر یزدن او غول آیری دوشمیون بیر آن  
 مُقدراتوزه هر نوع حق مشیتی وار  
 تمامی سینده قزیم زینبینه ده شرکتی وار  
 حمایت ایلیه سیز دینه سیز شهادتیله  
 سیز یله شرکت ایدر زینبیم اسارتیله  
 بو کوفه کیم منه حرمت ایده لله خلق عرب  
 اسیر اولوب گله جاقدر بورا قزیم زینب  
 بو رمز یله دیدی باشد بلا واروزدی سیزون  
 که یعنی موقوف کربلا واروزدی سیزون  
 سپرده بیر بیرینه ایتدی احتضارینده  
 نتیجه ویردی بو سوز کربلا دریارینده  
 او گون که قالدی سوسوز خیمه لرده آل عبا  
 حسینه ویردی وفاسین نشان سوسوز سقا  
 بو نکته نی قلمون ایتمه یازماقا ترغیب  
 علی مصائبینی ایله تائباً تعقیب

او گون که ایتدی بو دنیانی ترک شیر خدا  
 قراگیندی باتوب یاسه عترت طاها  
 علی ایویندن او جالدی سمایه ناله و آه  
 قاریشدی بیر بیرینه عترت رسول الله  
 مخدرات حرم اوزگه حالته قالدی  
 شه ولایتین اطرافین اهل بیت آلدی  
 گلردی نالیه شوریه زینب مظلوم  
 وراردی باشینه آغلاردی بینوا کلثوم  
 دیردیلر بیزی بو روزگار عجب سیخدی  
 آلوب بابامیزی الدن ایویمیزی یخدی  
 ایدردیلر هره بیر یاندا داد و شیون و شین  
 توکردی گوزیاشی آغلاردی شوریه حسنین  
 بویون چیگینده دوروب حال یاسیه عباس  
 توکردی دیده سی رخساره سوده الماس  
 جناب زینب اودم اوزگه حالته قالدی  
 باشا ووروب آتا تابوتینی یولا سالدی

شه ولایت ایوی داد و آهیله دولدی  
 جنازه سی گوتورولدی نجفده دفن اولدی  
 اودم که تاپشوروب توپراقا شه کونین  
 کمال حُزنیه اوردان قیتدیلر حسنین  
 یول اوسته یتدیه ویرانه بیر یره ناگاه  
 نه گوردیلر که گلور صوت ناله جانگاه  
 زبس اولاردان ایله ناله اختیار آلدی  
 همان خرابیه فوراً اولار گذر سالدی  
 نه گوردیلر که یاتوب اورداییرجه پیر ضعیف  
 زبس سیخوب مرض اندازه سیز اولوبدی نحیف  
 ولیک یوخدی یانیندا اونون مواظب اولان  
 ایدن دواسینی حاضر اونا مراقب اولان  
 او پیرمرددن ایتدی سؤال امام حسن  
 گتور بیانه گوروم ای مریض سن کیمن  
 بو شدت مرضیه مراقبون کیمدی  
 گلور عیادتوه کیم مواظبون کیمدی



نیه بو حالتیله بوردا یا تموسان آیا  
 مریض سن سنه کیملر ویرور طعام و دوا  
 شکسته دل قوجا تاگوردی بيله بیر رأفت  
 گلوب دله بو مقالاتیله ایدوب صحبت  
 اوزوم قسیله سیزم ناخوشام غریبم من  
 منیم دوا ویره نیم یوخدی بی طیبیم من  
 منه مکاندی بو ویرانه یر نه مدّ تدور  
 سز یلتی هم نفسیم دور انیس محتدور  
 مرض سیخوب آریو بدور بو نوعیله بدنیم  
 نه بیر دوا ویره نیم واردی نه گلوب گیده نیم  
 یاناردی بیر نفر اما بو ضعف حالتیمه  
 گلردی لطفیله دائم منیم عیادتیمه  
 منه نوازش ایدردی کمال رأفتیله  
 اولاردی حالیمه جویا منیم عطوفتیله  
 اولاندا بو یره وارد او مرد پاک و سلیم  
 ایدردی بو در و دیوار او سروره تعظیم

ولیک گلکیوب اوچ گوندی اول حمیده شعار  
 نه یوز ویرو بدی اونا بیللمورم باشیندا نه وار  
 حسن بو یوردی او سیز امتین امامیزدی  
 قتیل ایدوبله ستمله بیزیم آتامیزیدی  
 او پیر آغلادی عرض ایلدی منی گوتورون  
 مزاری اوستونه باری او سرورین یتورون  
 علی مزارینه تا سالدی مجتبیای حلیم  
 دیولله ایتدی علی قبری اوسته جان تسلیم  
 بو یرده یاعلی یاندون او پیر حالتینه  
 خرابه ده بالاوین گلمدون عیادتینه  
 گوریدون اوردا سنون قزلارون نه حاله قالوب  
 رقیه رنگی غم و غصّه دن سولوب سارالوب  
 یتیشدی بیر یره سوز سیندی خامه تائب  
 مداد اشگیله ایسلاندی نامه تائب  
 حسین آدین ایلوبدور الینده دست آویز  
 اونا شفاعت ایدر جدی روز رستاخیز

### ضربت خوردن حضرت علی علیه السلام

مطلع شعر از مرحوم حاج حسن جهازچی

شق القمر اعجازینی انکار ایدن هر کافره  
اثبات اولوندی باخساگر فرق ولی داوره  
آی تک اولونوب مُنشق قانیله یازوب یاحق



اولساگونون هر وقتده آخر کُسوفیندن خبر  
بو مُبتدای حشر دور قرآن صریحین ذکر ایدر  
گون تک خُسوف عارض شیرخدادن بیر اثر  
اولدی یاخین برپا اولامحشر عیال حیدره  
تردید یوخدور نفخ ایدر اولده اسرافیل صور  
اوندان صورا محشر قوپار محشور اولار اهل نشور  
اقا او شیوه کوفه ده جبریلدن ایتدی ظهور  
ویردی قیامتدن خبر سالدی تزلزل یرلره

سسلندی سندی آند اولاللهه ارکان هدا  
قُتِلَ ابن عم المصطفی قتل الوصی المجتبا  
باش سجده ده ضربت لنوب قانه بویاندی مرتضا  
یرگوی او قدری قالمیوب دگسون بو سوزده بیر بیره  
قاره یل آسدی گور سَنوب بیردن هواده انقلاب  
شیون اوجالدی کوفه دن فریاده گلدی شیخ وشاب  
ناگه ایشیتدی بو سسی کلثوم ایتدی اضطراب  
ایوای بابام وای ناله سی یتدی سپهر اخضره  
چیخسون اوزیندن آرز قالبوب دخت امیر مؤمنان  
لحسن حجازیله خانم ایلردی فریاد و فغان  
درده گلوب آغلاشدیلار سَبوحیان قدوسیان  
معناده اولدی همصدا خیرالنسا اول مُضطربه  
دیشره توکولدی سربه سر ایولردن آل مصطفی  
یوز قویدی گلدی مسجده گوز یاشلی غمگین مجتبا  
آلدی کنار حیدری مظلوم دشت کربلا  
عَبَّاس نام آور گلوب بالین شیر داوره




چوخ رافتيله مجتبا آلدی ديز اوسته باشینی  
 ایلردی پاک اول سرورین قانه باتان گوزقاشینی  
 حسرتله شاه کربلا توکدی یوزه گوزیاشینی  
 عباسین آه و ناله سی اوج ایتدی یتدی گویلره  
 یانیدردی آل حیدری شیرخدا نسکل لری  
 آلدی کناره گل کیمی شوریده سر بلبل لری  
 ایتدی نوا هر تک تکی دللرده سوز دل لری  
 حمل اولدی نعلش مرتضی دولتسرای حیدره  
 تاپدی ایکی یرده علی آدلی حسین باشدایارا  
 بیر بوردا بیرده کربلا دشتینده شاه کربلا  
 اورا دیردی وای او غول بوردا دیردی وای ابا  
 چشمین ایکی یرده صدف ایتدی دُر اشک تره  
 قان ایچره گورجک او غلونی اشگیله دولدوردی گوزین  
 توکدی گوزیندن خون دل حسرتله ایسلاتدی یوزین  
 بی اختیار اولدی او شه آتدان یره سالدی اوزین  
 یرده سوروندی تا یتوب نعلش علی اکبره

گوردی گولر سانسيز يارا گل پیکرینده گل کیمی  
 جسمینده او خلار باش باشاچاتموش سر سنبل کیمی  
 شوره گلوب اول باغبان شوریده سر بلبل کیمی  
 آرامینی سلب ایلدی بیر ایله خونین منظره  
 پاک ایلدی شهزاده نین گوزدن دوداقدان قانینی  
 فکر ایتدی سوندورسون او شه نار دل سوزانینی  
 آغوشینه چکدی او دم جان تک عزیز جانینی  
 خورشید دین قویدی یوزین رخسار ماه انوره  
 هر قدر دیندیردی او شه اول نوجوان نورسی  
 ديللنمدی دلگیر ایدوب اول شهریار بیکسی  
 دلدن او جالدى شوريله ايواي او غولواي ناله سی  
 گلدی نوايه آغلادی باخدی قجا اول گل پیکره  
 قانیله دولدی جام دل باخجاق یارالی باشینه  
 قلبین او غوشدوردی اودم رخصت و یروب گوزیاشینه  
 مسلندی دنیانین علی سنسيز کول اولسون باشینه  
 ای خلق و خلق و منطقاً مرآت اولان پیغمبره

ای شوقیله پروانه تک شمع محبته یاران  
ایتمیشدی شانه تل به تل زلف گره گیرون آنان  
پوزموش نظام زلفوی بیر عده قرآنی دانان  
لعن خدا گلسون او غول اول فرقه کین پروره  
بو شعره ویردی سر سخن بیر نوحه خوان آدی حسن  
اسمی حسن خلقی حسن خلقی حسن فعلی حسن  
گلموش نفس حقدن یازوب بو تائب شیرین سخن  
تحصیل اولار گوز یاشلاری بیر توشه روز محشره

حضرت علی علیه السلام غرقه در خون  
در محراب مسجد کوفه

سجده ده ضربت تنو بدور شیر داور کوفه ده  
قانی آخدی ایلدی محرابی احمر کوفه ده



پارچالاندی باشی آخدی قانی سولدی رنگ آل  
اولدی مستولی او شاهنشاه عشقه ضعف حال  
ویرماقا باشه نمازین ضعف دل ویرموب مجال  
تاپدی اوزگه حال قان ایچره او سرور کوفه ده  
ضعف دل ویردیتجا یوز آلدی دلیندن صبر و تاب  
ضعف حالیه دوشوب محرابه شاه بو تراب  
آخدی قانی صفحه رخسارینی ایتدی خضاب  
اولدی دین احکامی قانیله مُسَطَّر کوفه ده



آغلادی اولدی گریبان چاک جبریل امین  
 دادیله اعلان ایدوب قُتِلَ الامیر المؤمنین  
 سطح غبرادن سماواته اوجالدی شور و شین  
 آزالوب اولسون نمایان شور محشر کوفه ده  
 خاندان مصطفایه تایتیشدی بو خبر  
 صبر لر تاراجه گیتدی هامی اولدی خونجگر  
 مسجده یوز قویدیلار فریادیه با چشم تر  
 آلدی حیدر دوره سین اولاد حیدر کوفه ده  
 مجتبا آلدی دیز اوسته باشینی فریادیه  
 آل طاهاشیون ایتدی شور شین و دادیله  
 باشینه ووردی حسین چوخ خاطر ناشادیله  
 آغلادی شور یله عباس دلاور کوفه ده  
 آغلا شوب آل پیمبر خاطر مهمومیه  
 همصدا عباس اولوب شاهنشاه مظلومیه  
 بیر طرفه زینب آغلاردی خانم کلثومیه  
 هر ایکی باجی اولوب زار و مکدر کوفه ده

بوردا زینب چکماقا درد و بلا بئل باغلادی  
 کوفه شهرینده ایکی موقوفه سینه داغلادی  
 بسیر ولی کردگارین ماتمینده آغلادی  
 آغلادی بیرده اسارتده او مضطر کوفه ده  
 کربلا ده چون شهید اولدی امام مستطام  
 اهل بیتین ایتدی قول باغلی اسیر اشرار شام  
 عازم اولدی دست بسته کوفیه آل امام  
 بیلمورم نه چکدی اولاد پیمبر کوفه ده  
 خوش دلیله کف چالوب آت اوینا داری کوفیان  
 دشمن ایلردی شماتت اهل بیت آه و فغان  
 اود دوتوب یاندی اورکدن زینب بی خانمان  
 تا گوروندی نیزه باشینده نه سر کوفه ده  
 آغلادی گوردی او غول باشین جداده هر آنا  
 وای او غول وای صوتی تقریر یله گلمزدی سانا  
 هر آنا یاندی ولی ذیحقدی چوخ لیلا یانا  
 سوز آه یله سالا آفاقه آذر کوفه ده

او غلنوں باشین گورنده یاندی گلدی شیونه  
 سسلدی جان ای جوانیم اشگی آخدی دامنه  
 نیزه ده گوردوم یارالی باشوی ایوای منه  
 بس نندن پڑمرده دور باشوندا تل لر کوفه ده  
 گوردی زینب نیزه ده قرآن او خور قارداش باشی  
 ظلمیله خاکستره آلوده اولموش گوزیاشی  
 سینه دن بیر آه چکدی آخدی گوزدن گوزیاشی  
 ایلدی دامانینی اشگ تیری تر کوفه ده  
 باخدی قارداش باشینه حسرتله اول بی خانمان  
 سسلدی وای قارداشیم وای دیده ده اشگ روان  
 ووردی چوب محمله باشین باشیندان آخدی قان  
 ارغوانی اولدی رخساری سراسر کوفه ده  
 تائبان حال مولایه دلونده سوز ساز  
 ایستوسن ایتسون شفاعت حشرده شاه حجاز  
 خوشدی اول مصرعی ذکر ایت دوباره بیرده یاز  
 سجده ده ضربتلنوبدور شیر داور کوفه ده

### ذکر وصیت حضرت علی علیه السلام

#### خطاب به قمر بنی هاشم علیه السلام

سپهر آل هاشمه مه لقا ابوالفضلیم  
 بو سن بو قارداشون حسین باوفا ابوالفضلیم  
 نولونجه قویما حسینمی بی کس و وحید او غلوم  
 ای منیم رشید او غلوم



مقدّر اولموشدی ازل حکمت خدائیله  
 اولام فدای دین حق بیله ابتلائیله  
 خضاب اولام محاسنیم عارضیم دمائیله  
 مقدّرات آلدی یرین بر ملا ابوالفضلیم  
 اوگون که اگنیمه قضا بیچدی قرمزی جامه  
 باشیم یاریلدی سجده ده یتدی عهدیم اتمامه  
 سیزه او غول یازدیم آخان قانیمیله برنامه  
 دیوم او برنامه نی گل جابجا ابوالفضلیم



ایدوب صحیفه غمه منشی قضا مرقوم  
 تمام اولادیم اولاً تک به تک منیم مظلوم  
 از لده او غلوم حسنی اشقیا ایدر مسموم  
 شهید زهر کین اولار مجتبا ابوالفضلیم  
 حسینیمه یوز ویره جاق لیک بیر بیوک غوغا  
 غمینده آغلار قالاجاق شیعه واردی تا دنیا  
 باشیندا کربلا ده وار ماجرای عاشورا  
 او چولده یالقیزلار اونی اشقیا ابوالفضلیم  
 حسینیمی گرچه حسن چوخ شور بو دنیا ده  
 ولی او گونده اولماز اول وادی غم افزاده  
 اونون یرینه داد خواه اول او غملی صحرا ده  
 او گون که اولماز او غلوما مریجا ابوالفضلیم  
 او گون که یالقیزلار اونی اشقیای جنگ افروز  
 حسینیه تک لیق آرتیرار دله حسرت جانسوز  
 اماندی ایله وقتده قویما او غلومی یالقیز  
 امیدسیز قارداشوا اول رجا ابوالفضلیم

او گونده کی مطرح اولوب بو بلا و محنتلر  
 آلودی درس محنتی ایلیوب حسین ازبر  
 اولوبسان اوندا منتخب سن حسینیه سر لشکر  
 بو رتبییه غبطه ایدر آتقیا ابوالفضلیم  
 وفا اگر فرض اولا بیر باغ ای وفا کردار  
 منم او باغه باغبان سنده سرو خوش رفتار  
 دیار کربلا ده قیل اوز وفاوی سن اظهار  
 حسینیمی قویما او گون تک قالا ابوالفضلیم  
 هامی عوالمده او غول اولین شجاعم من  
 جهانیده سنده منه وارث شجاعتم سن  
 ثولونجه ویر حسینیه سس اولماسون جری دشمن  
 نجه رسوله ویردی سس مرتضا ابوالفضلیم  
 آت اوسته قیل محکم او گون همتیله زانووی  
 گله نقدر ظلم اوخی ایلمه خم ابرووی  
 ایله عدویه ویر نشان ضرب و شست نیرووی  
 دیسونله دوست و دشمنون مرحبا ابوالفضلیم

او چولده لب تشنه قالار اهل بیت پیغمبر  
 صدای العطش دوتار کربلا چولون یکسر  
 سوسوز دوداقینی آمر سودامر علی اصغر  
 ایدلله ناله هم آنا هم بالا ابو الفضلیم  
 سوسوزدان آل حیدرین گل یوزه آخار اشگی  
 او یوزلری که گللرین وار او یوزلره رشگی  
 او وقتده سال گله سن چکنوه قوری مشگی  
 اول اوردا سقای شه نینوا ابو الفضلیم  
 وفاوی سن او گون کی گون عالمینه ویر اعلان  
 فراتی آل سو ایچمه قیل اهل عالمی حیران  
 اوزون حسینه نفسووی نفسینه ایله قربان  
 شریعت اوسته جانوی قیل فدا ابو الفضلیم  
 آدی پیمبر آدی بیر سینه زن اولوب بانی  
 یازوبدی تائب بیله خوش سبکیله بو عنوانی  
 تسوکلله حسرتله یوزه دمبدم جگر قانی  
 نصیب اولا زیارت کربلا ابو الفضلیم

زبان حال حضرت امام حسن علیه السلام خطاب  
 به قمر بنی هاشم در عزای پدر

یوزه توکوب گوز یاشون بیله باوفا ابو الفضلیم آغلاما  
 بابام فراقینده صبر ایله آغلاما ابو الفضلیم آغلاما  
 چکوب بیله آه آتشین قارداش آغلاما سینه داغلاما



عزیزیمز رحلت ایلوب گرچه چوخ مصیبتدی بیزلره  
 عزالیوخ یاسلیوخ جهان دار درد و حسرتدی بیزلره  
 بلایه دؤزماق او شاءدن لیک بیر وصیتدی بیزلره  
 گرک اونا امتثال ایداخ مطلقا ابو الفضلیم آغلاما  
 بو ایله بیر غمدی ماسوا بو غمه گرک جمله توش اولا  
 هامی یارانمیش گرک نوله جام مرگدن جرعه نوش اولا  
 منامی تحت تراپ اولا یعنی شمع عمری خموش اولا  
 مشیت ایلوب بو طرز یله اقتضا ابو الفضلیم آغلاما



آتان گیدوب قلبون اودلانونب گرچه سن اورکدن یارالیسان  
غم فراقه دوزنموسن سن اونون پریشان خیالیسان  
یانقلی دلدن سزیدیسان بیر شکسته نی تک نوالیسان  
ولی شرار غمه منی داغلاما ابوالفضلیم آغلاما  
اولان مه برج هاشمی ابر تک اوزون ایتمه اشکبار  
او مه جماله بو طرزیه توکمه اشگ آلون ستاره وار  
دولاندیروب مرتضی باخیش گوزلرون منی ایتمه دلفگار  
شکسته حالیه باخما چوخ صاق صولا ابوالفضلیم آغلاما  
بنفشه تک قویما بوینوی چگنیوه بیله گلمه شیونه  
او گل یوزوندن سرشگوی ژاله تک بیله توکمه دامنه  
بو باغریمی لاله تک منیم قانه دوندروب ویرمه غم منه  
بو حالتون محنت آرتورور برملا ابوالفضلیم آغلاما  
او اللرون قویما قوینوا ای جمالی گل سرو قامتی  
آتام عزیزی او اللرین چوخ بیوکدی شأن و جلالتی  
بلا چولونده بو اللرین چوخ اولار حسینیه حمایتی  
اوگون که یالقیزلار اول شهی اشقیا ابوالفضلیم آغلاما

اوگون که اهل حقیقه روبرو دورار فرقه مجاز  
بو اللر ایسر او چولده بیر خدمتیه تحصیل امتیاز  
آچار لوای شریعتین شقه سین ویرر ایله اهتزاز  
آسر دم محشره کیمی اول لوا ابوالفضلیم آغلاما  
بلا دیارینده ایستدوقون خدمته بو اللر گواه اولار  
همین بو اللر حسین قالان گونده بی کمک دادخواه اولار  
پناه عالمدی گر حسین لیک اونا بو اللر پناه اولار  
امیدسیز وقت اولار اونا مُرتجا ابوالفضلیم آغلاما  
همین بو اللردی هر بیر ال جنگده او الدن دالی قالار  
همین بو اللردی وادی کسریلاده نهر فرات آلار  
همین بو اللردی ظلمیه بیر سو مشگی اوسته عدو سالار  
دولار سوای نوائیه نینوا ابوالفضلیم آغلاما  
همین بو اللردی چوخ اولار دین حقّه عالمده خدمتی  
خدا بولور حشرده ندور بو ایکی الین قدر و قیمتی  
همین بو اللردی حشرده امتین امید شفاعتی  
او دم که واقعا دیر مصطفی ابوالفضلیم آغلاما

او قورخولی عرصه ده دوشراقتین ایشی چوخ صعوبته  
 گئر آنام فاطمه کسک اللرون الینده حمایته  
 دیر ابوالفضلیمین ایدر اللری کفایت شفاعته  
 ایدر او سوز درد اشته خوش دوا ابوالفضلیم آغلاما  
 دایان داخی یازما تائبا ایلمه قیامت سوزین رقم  
 قیامت ایتدی بو نوحه ده دلده کی بیان الده کی قلم  
 بیله کلامی یازانماسان اوزلری بو سوزده ویروبله دم  
 دیدی یوزه گوزیاشین توکوب باوفا ابوالفضلیم آغلاما

زبانحال فاطمه صغرا دختر مریم  
 امام حسین علیه السلام خطاب به برادرش  
 علی اکبر علیه السلام

آتما صغرانی اماندور علی قربانون اولوم  
 آیریلیق دردی یاماندور علی قربانون اولوم



طمطراقیله بوگون ایلموسن عزم سفر  
 بیلمیرم وار باجون ئولسون بو سفرده نه اثر  
 بو سفر آدی گلنده دل غمدیدم آسر  
 اورگیم چوخ نگران دور علی قربانون اولوم  
 چوخ آغیر دور بو سفر گل علی صرف نظر ایت  
 بو مریضه باجوارحم ایله ترک سفر ایت  
 حسرتیم چوخدی علی آرمی خونین جگر ایت  
 داغلی سینم دولی قان دور علی قربانون اولوم




نه روادور من اولام حسرت دیدار حبیب  
 بستر غمده یاتام تک نه مداوانه طبیب  
 گیدی سوز اوز وطنیمده قالورام زار و غریب  
 بو نجه دور زماندور علی قربانون اولوم  
 یاندرار عالمی بو دلده کی نسکل لی سوزوم  
 بیردم آیریلماقوا یوخدی بو سینمده دؤزوم  
 نه روادور قالای لار بوی یوللاردا گوزوم  
 منه بو حال گران دور علی قربانون اولوم  
 من ئولونجه تیکرم یول لاریوا گوزلریمی  
 باغلارام سیل کیمی گل یوزه اشگ تریمی  
 دیرم دم بدم الله یتور اکبریمی  
 گل آدون ورد زبان دور علی قربانون اولوم  
 آیریلیق دردی یامان دور نجه من سهل سانوم  
 یوخ توانیم غم هجرانوه گیتسن دایانوم  
 ایستورم باری دوروب باشوه قارداش دولانوم  
 منی باشیوه دولان دور علی قربانون اولوم

باخارام گل یوزیوه شاد اولارام گوللم علی  
 نجه سندن بو محبتله دؤنه بیللم علی  
 قدر تیم اولسا دالینجا سورونوب گللم علی  
 گوز یاشیم گور نه روان دور علی قربانون اولوم  
 داخی سنسیر نه گولوب گوگلیمی نه شاد ایدرم  
 طوی اطاقون بزم ناله و فریاد ایدرم  
 خانه صبر دلی اشگیله برباد ایدرم  
 بو همین نکته عیان دور علی قربانون اولوم  
 بو وطنده علی غربت توزی قوندی یوزیمه  
 داخی سنسیر اولی یکسان گیجه گوندوز گوزیمه  
 نه امید یله ویریم بیرده تسلی اوزیمه  
 منه بو نکته نی آندور علی قربانون اولوم  
 نجه سنسیر گیدرم سیر گل و گلشنه من  
 نه یوزیله باخارام بیرده گل سوسنه من  
 هاردا گل گورسم ایدم ناله گر کدور سنه من  
 همدیم آه و فغان دور علی قربانون اولوم

گل یوزون یاد ایدرم هاردا قزل گل گورسم  
 یسار اولار زلف سرون دسته سنبل گورسم  
 دلرون یادیمه سالام علی بلبل گورسم  
 سندن هر فردی نشاندور علی قربانون اولوم  
 سنسیر آفاقدہ صغرا داخی گل تک سولاجاق  
 داغ هجرونله دلی لاله صفت قان اولاجاق  
 گوزلری ابر بهاری کیمی دائم دولاجاق  
 باغ اقدی خزان دور علی قربانون اولوم  
 نجه تخفیف ویریم قانه دؤنن گوز یاشیما  
 ایمدی دن گتدی فلک بیله بلانی باشیما  
 قالورام حسرت دیدار گوزل قارداشیما  
 گلماقون بیرده هاچاندور علی قربانون اولوم  
 تائیم نوحه گرشاه زمان و زمَنم  
 اوزلری لطف ایلیوبدور بیله شیرین سخنم  
 دیرم سرسخنی غرق سرشگ مَخنم  
 آتما صغرائی اماندور علی قربانون اولوم

### زبانحال فاطمه صغرا خطاب به علی اکبر علیه السلام

من زاری ترک ایدوبسن گیدوسن عراقه قارداش  
 دؤزه بولمرم بولورسن بو غم فراقه قارداش



بولوسن چتیندی فرقت غمی ای عزیز جانیم  
 نجه گور من مریضه غم هجریوه دایانیم  
 منه رحم ایله اماندور علی باشوه دولانیم  
 اورگیمده یوخدی طاقت که دورام ایاقه قارداش  
 منیدیم عزیز عالم بو قبیله بو ئلیله  
 قالورام وطنده یالقیز گیدوری بو ئل قبیله  
 ایده جاقدی کیم محبت بو مریضه خوش دلیله  
 اولاجاقدی کیم مواظب من صبری طاقه قارداش  
 بیله شوقیله گیوبسن علی سن سفر لباسی  
 دیموسن اولار بو صغرا غم و محنت آشناسی  
 گله بو مریضه جانیه او رسا بویون بلاسی  
 باجوی آتوب اراده ایلمه عراقه قارداش



بولورم من ای گل اوزلی لبی غنچه قَدّی رعنا  
اولا جاق جهاندا صبریم غم فرقتونده یغما  
دایان ایلیم دویونجا بویواسنون تماشا  
دل بی قراره بلکه اولا بیر افاقه قارداش  
گیدوری بو ئل قبیله هامی سنده گیتمه باری  
بیله درد هجره سالما من زار و بیقراری  
یخیلار فراق ایلله علی صبریمین حصاری  
بولوسن اوزون واریمدور سنه چوخ علاقه قارداش  
یوخ آنام سنقدی گوگلوم بو جهاندا غم نصیم  
توگنوب قرار و صبریم بولوسن که بی شکیم  
غم و غصّه بسترینده او مریض بی طسیم  
بدنیمده یوخدی طاقت که دورام ایاقه قارداش  
دیمه شاد اولوب اورکدن داخی بو جهاندا گوللم  
گیدوسن گیدور سنیه علی روحیم ایلله بوللم  
دُوزه بولمرم گلینجه غم فرقتونده ئوللم  
منیم ایمدین بو جانیم یتیشوب دوداقه قارداش

بولورم که درد الیندن تا پا بیلمرم فراغت  
مرضیمله درد فرقت ایده جاقدیلا شراکت  
سالاجاق منی ایاقدان قوتولام چتین سلامت  
دیرم اوزیمده احسن بیله اتفاقه قارداش  
اورگیم یاناردی هر دم غم و درد و محتبیلله  
علی گوگلمی آلودون سن اوزون محبتیلله  
گیدوسن ندور علاجیم قالورام بو حسرتیلله  
اوزولور الیم ئلیمدن دوشورام اوزاقه قارداش  
سنه گوز تیکوبدی صغرا گیدوسن عراقه سنده  
قویوسان قراگونیه بو مریضه نی وطنده  
یانا جاقدی غملی گوگلوم طوی اطاقوی گورنده  
یری وار که دود آهیم یته نه رواقه قارداش  
علی جان همیشه لطفون باجوا اولاردی شامل  
اولونوردی صحبتونله اورگیم ملالی زایل  
اولور آیریلیق ولیکن آرامیزدا ایمدی حایل  
گیدوسوز بو اتفاقیم دونوری نفاقه قارداش

خوش اولاً سعادتینه سیزیله گیدور سکینه  
 گه ایدر آنا محبت گه آتا او مه جینه  
 گه عمویله مصاحب اولاجاق او بی قرینه  
 اولی گاه عمه میله او ردیف ناقه قارداش  
 نچه وقتدور که تائب ایلوب بیله اراده  
 یازار او خشار آغلار آغلار گلی روز و شبده داده  
 سن اوزون شفاعت ایله اونا موقوف جزاده  
 که او سالماسون او گونده باشینی اشاقه قارداش



یا الانجیه قوشولوب اونلا همزبان اولما  
 او غورلیقا گیدنه یار و همعنان اولما  
 او که گیدور قویا بیت الحرام بامینه بُت  
 بیر ایله مرد تبهکاره نردبان اولما

زبانحال فاطمه صغرا علیها السلام دختر امام حسین علیه السلام  
 در هجرت کاروان اهل بیت از مدینه

حسین هوای صفا بخش کربلا نیله  
 ایدردی یشربی ترک آل مصطفائیله  
 ایدوب مریضه قزی ناله آه و وائیله  
 دیدردی کسمیون الفت بو بینوائیله  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 چتیندی همدل اولان همدلیندن آیریلسون  
 چتیندی بلبل شیدا گلیندن آیریلسون  
 ترانه اسف آور دلیندن آیریلسون  
 نجه اولار بو بلالی ئلیندن آیریلسون  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم



بلالی همره اولار اوز بلالی یولداشینا  
 علاقه مند اولی باجی عیاندی قارداشینا  
 سالار اودی باجی قارداش آدینی سوز باشینا  
 دولاندویرون منی قارداشیم اصغریں باشینا  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 صفای غنچه گل اصغریں دوداقینده  
 بو گلستانی ایدر ترک غنچه چاقینده  
 گیدر بو قافله نیله آنام قوجاقینده  
 دؤزنمرم من علی اصغریں فراقینده  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 مریضه ام مرضین ناتوان و خسته سیم  
 دورانمورام ایاقا درد لر نشسته سیم  
 یتیمه ام آناسیز غصه داشکسته سیم  
 بو قافله که کوچور پای بند و بسته سیم

منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 قبیله ئل هامی یکسر گیوب لباس سفر  
 عراقه یوز چویروب بو دیاری ترک ایلر  
 منیم بو جسمیمه بیر روح دور علی اکبر  
 بو قافله که گیدور روحیم اکبر یله گیدر  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 بابام فراقینه مشکلدی من دؤزوب دایانام  
 نه طاقتم که بابام باشینه دوروب دولانام  
 ئولونجه واردی یری نار حسرت یله یانام  
 بابام گیدور سفره یوخ یانیمدا قالسون آنام  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 کیمیم واریمدی قالوب گوگلیم منیم آلسون  
 مریضه ام بیله حالیمده قیدیمه قالسون

یارالی قلبیمه مرهم دانشدیروب سالسون  
 نجه روادی که قوینومدا اللریم قالسون  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 اگر بو قافله گیتسه نجه دؤزه بیللم  
 غبار حسرتی بو سینه دن نجه سیللم  
 بو یالقیز ایوده نجه شاد اولوب نجه گوللم  
 آغیرلاشار مرضیم قالمارام یقین ئوللم  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 نجه قویوب گیدوسوز سیز من فلک زده نی  
 و حال آنکه بولورسوز یوخ اوزگه یاد ایده نی  
 اولار نه یاده سالان نه گلوب نه بیر گیده نی  
 اماندی قویمیون آغلار من فلک زده نی  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم

قبیله سیز قالالا تک ایوده بیر مریضه نیدر  
 نقدر آینه سینه دن سیلر او گذر  
 خوشا رقیته نین احوالینه سیز یله گیدر  
 اون یله گتماقا بو گوگلوم آرزو ایلر  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 نجه دؤزر باجیدان اوتری باجی گوگلی آسه  
 نجه اولار باجیسیندان باجی علاقه گسه  
 سیز یله گتماقا گوگلوم ایله گلور هوسه  
 رقیته ئیله یول اوسته ویزم نفس نفسه  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 نولور بی بیم منه رخت سفر گیندیرسون  
 بابام ایله اوزی ناقه اوسته میندیرسون  
 کجاوه دن عموم عباس آننده آندیرسون  
 باجسیم علی اکبر یول اوسته دیندیرسون



منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم  
 بو شرحه نوحه سرا مصطفی اولوب بانی  
 یازوبدی دفتره تائب بو شعر زیبانی  
 گوزل گلوب قلمه واردی بو سوزون جانی  
 دیوبدی قسمری از لده گوزل بو عنوانی  
 منیم بو قافله دن قویمیون اوزولسون الیم  
 کجاوه لرده یروز اولماسا پیاده گلیم

### زبانحال حضرت مسلم علیه السلام

مسلم آدیمدور ای قوم اسلامه حامیم من  
 ئولدور میون حسینین قائم مقامیم من



سانمون که خودسرانه بو سرزمینه گلدیم  
 اثبات حق دن اوتری ای اهل کینه گلدیم  
 مأمور ایدوب امیریم ترویج دینه گلدیم  
 نیروی شاه عشقه ارشد نظامیم من  
 ای کوفیان واریمدور پیغمبره قرابت  
 تحقیر ایتمیون بیر شرم ایلون جماعت  
 سالدوز منی ایاقدان اشرار بی مروت  
 نسلاً حجازیم من، اصلاً تهامیم<sup>(۱)</sup> من

۱- از خواجه نصیر الطوسی - صَلَوَاتُ عَلَی النَّبِیِّ الْأُمِّیِّ الْهَاشِمِیِّ الْمَکِّیِّ

التَّحْذِیْرِ التَّهَامِیِّ صَاحِبِ الرَّقَارِ وَالشَّکِیَّةِ تَدْفُونَ فِی الْمَدِیْنَةِ.

عَلَّتْ نَدُورَ كَهْ قَتْلِيمِ تَشْكِيلِي نِي قُورُور سوز  
 ئُولدُور ماقا بو زاری سیز صف بصف دورور سوز  
 امریم یتوب تمامه یاره گینه وورور سوز  
 صیاد مرگین آخر محبوس دامیم من  
 بو عرصه گاهی چوخ تنگ ایتمون من فگار  
 سالدوز ستمله دلدن باغلاندى راه چاره  
 صدپاره دور وجودیم وورمون یارا دوباره  
 ئُولدور میون امانسیر اسلامه حامیم من  
 سیز بو غریبی مهمان اولده دعوت ایتدوز  
 بسو سرزمینه گلدیم یکباره بیعت ایتدوز  
 بو نقض عهده آخر نولدی که سبقت ایتدوز  
 فکر ایتدوز که شاه دینین غلامیم من  
 ایستمش منی امام برحق برگزیده  
 بو شهر شومه والی ای قرم بدعتیده  
 ایمدی منه ایدور سوز اسباب قتل چیده  
 شرم ایلیون امامین نایب امامیم من

راه وفاده یوخدور باش ویرماقیدا باکیم  
 خوشدور منه داغیلسون بو جسم چاک چاکیم  
 شور آرتورور باشیما آخدیقجا خون پاکیم  
 برج صداقتین بیر بدر تمامیم من  
 اولسام فنا بو یولدا بیللم که وار بقاسی  
 دگدیقجا یاره آرتار بو گوگلیمون صفاسی  
 صون دمده لیک وورمون ای قوم دل یاراسی  
 ایتمون منه شماتت شخص گرامیم من  
 بو کوفه ایچره گرچه بی یار و اقربا  
 بیر یالقیزام غریبم رنجور ابتلا  
 یوخ سس ویرن مسیمه حسرتله آشنایم  
 قوم قریشین اقا ذوالاحترامیم من  
 اودلار دل جهانی بو درد بی علاجیم  
 بو حالده یانیمدا نه وار آنام نه باجیم  
 جان اوسته بیر وفالی یاره وار احتیاجیم  
 جام لقای یارین خشگیده کامیم من



سيزلرده يوخ مروّت اتباع آل سفیان  
 ووردوز او قدر ياره سالدوز منی اياقدان  
 يوخسا من غریبی سيز بولموسوز مسلمان  
 دانشسرای دیسنده شاگرد نامیم من  
 قانه بویانمیشام من چون تیرخورده آهو  
 یاندی دلیم سوسوزدان ای اشقیای بدخو  
 جانیم یتوب دوداقه بیرجه ایچیم ویرون سو  
 گرچه می الستین سرمست جامیم من  
 اولسا اگر بو یرده بیر قاصد مدینه  
 عرض ایلسون حسینه گلمه بو سرزمینه  
 مهمانی نولدورلر بو یرده اهل کینه  
 کافرلرین قتیل تیغ و حسامیم من  
 مسلم غمینده تائب گل داده سینه داغلا  
 نسکلرین خیال ایت اشگین عذاره باغلاما  
 شه بیت دلنشیندور ذکر ایت دوباره آغلا  
 مسلم آدیمدور ای قوم اسلامه حامیم من

### ذکر مصائب محرم الحرام (اول محرم)

دوتوب ماتم بو آی پیغمبر آغلار  
 دیر زهرا حسین وای حیدر آغلار



باتوب یاسه بو آیدا کون و امکان  
 چیخوب عرشه بو آیدا داد و افغان  
 اولون شیعه بو آیدا سیزده نالان  
 بو ماتمه بتول اطهر آغلار  
 گرک شیعه بو غمده داده گلسون  
 ویروب سس زینبه امداده گلسون  
 دمادم آغلیوب فریاده گلسون  
 بو غمده یرلر آغلار گویلر آغلار  
 توکر صاحب زمان قانیاش عذاره  
 یتر غم دمبدم اول دلفگاره  
 گلر شوريله هر دم آه و زاره  
 مدام اوز جذینه اول سرور آغلار

بو آی چوخ ظلم ایدوبدور قوم کافر  
 باتوبدور قانینه شهزاده اکبر  
 اولوب مجنون غم لیلای مضطر  
 دیر ایوای اوغول اول مضطر آغلار  
 بو آی زینب دوتوب دلدن شراره  
 اولوب قاسم وجودی پاره پاره  
 آناسی باغلیوبدور باشه قاره  
 او قاره گون توکر اشک تر آغلار  
 کسوب سو یوللارین قوم بداختر  
 سولوب سوز عطشیدن غنچه گل لر  
 ال اوسته اوخلانوبدور تشنه اصغر  
 اوخ آغلار یاره آغلار اصغر آغلار  
 بو آی اولدی حسین عالمی تار  
 بو آی جان ویردی عباس وفادار  
 سالوب قوللارینی سو اوسته اشرار  
 حسین وای قارداشیم وای سویلر آغلار

بو آی آغلار قالوبدور آل یاسین  
 باتوبدور قانه انصار شه دین  
 اولوب دشت بلا قانیه رنگین  
 ایدوبدور قان ترابی احمر آغلار  
 بو آی زینب گرفتار غم اولدی  
 پیمبر گلشنی بو آیدا سولدی  
 دیار کربلا قانیه دولدی  
 او قانندان قانه دونموش دلر آغلار  
 بو آی قالدی شه لب تشنه یالقوز  
 یانوب دلدن او قارداشیز اوغولسوز  
 وورولدی قلبینه بیر تیر دلوز  
 او زخم تیره زخم خنجر آغلار  
 حسینی یخدی آتدان اهل کوفه  
 اولوب آماج گل جسمی شیوه  
 دوشوب قان پرده سینده گون کسوفه  
 سپهر دینه ماه انور آغلار



دیموب قاتل حسین بی یار و کسدی  
 قفادن باشینی لب تشنه کسدی  
 دو تولدی گون یوزی قاره یل آسدی  
 بو حاله گویلر آغلار یرلر آغلار  
 دوشوب گل پیکری توپراقلار اوسته  
 گل آچمیشدی یارالار دسته دسته  
 گلوب بیر دسته بلبل دلشکسته  
 ایدوب اول گل وجودی منظر آغلار  
 باتوبدور یاسه عالم آغلاشور قان  
 بو غمده تائب آغلا سنده هر آن  
 حسین آدین ايله هر سوزده عنوان  
 هامی ایلر بو وردی ازبیر آغلار

وورد کربلا، زبانه حال امام حسین علیه السلام  
 خطاب به خواهرش زینب کبرا علیها السلام

وادی درد و غصه دور کرب و بلا آنام باجی  
 صبر ايله وار باشوندا چوخ درد و بلا آنام باجی  
 روز ازله ویرمیشم دل هامی ابتلايه من  
 عالم عشقه دؤزم هر غم و هر بلایه من  
 گلیمش اول مراميله ایمدی بو کربلايه من  
 واردی رضایتیم یته هر نه قضا آنام باجی  
 گورماقا هر بلا و غم من بو مکانه گلیمش  
 عشق خدنگینه ایدوب سینه نشانه گلیمش  
 اوز قانیمایا بویانماقا داوطلبانه گلیمش  
 آئینه دلیم تاپار بوردا جلا آنام باجی  
 ای باجی باشند آتمیشام فکرت باش و جانیمی  
 فاش ایدرم عوالم مُستتر و عیانیمی  
 سو یرینه گرک ویرم گلشن دینه قانیمی  
 تا تاپا گلستان دین عمده صفا آنام باجی

بپله اولوبدی عهدیمیز حضرت کبریائیله  
 قانه باتام بو وادی عشقده من وفائیله  
 کوی وفایه گلمیش یتیمیش ایکی فدائیله  
 کرب و بلانی ایلیم رشک منا آنام باجی  
 ویردی خلیل حق اگر کوه مناده بیر فدا  
 ایلدی فخر هریره بیر او فدائیله منا  
 لیک او منایه فخر ایدر دهرده دشت کربلا  
 یتیمیش ایکی تن ایلرم بورددا فدا آنام باجی  
 ویرم ازله من فدا او غلوم علی اکبری  
 ظلمیله قوم اشقیا دو غرار او ماه پیکری  
 هجری جنون عشق ایدر لیلی زار و مضطری  
 ذکری اولار بیر عمر اونون واولدا آنام باجی  
 بسکه بو عرصه ده آسرباد محبت و وفا  
 رنگ به رنگ گل آچار باجی بو گلشن بلا  
 قاسم گل بدن ویرر بویره اوزگه بیر صفا  
 اللرینه یاخان زمان قانلا حنا آنام باجی

راه فراتی ظلمیله باغلار اوگون که اشقیا  
 سوز عطشله اودلانار جمله بنات مصطفی  
 باغ بستولده داخی قویماز عطش قالا صفا  
 اوج ایدر عرشه ناله واعطشا آنام باجی  
 نایره عطش سالار اود دل آل هاشمه  
 تشنه او شاقلاریم اولار یاسیله جمع باشیمه  
 حالیمی هر گورن یانار سوز نهان و فاشیمه  
 گوسترر اوندا قارداشیم رسم وفا آنام باجی  
 راه وفانی سیر ایدر همتیله قدم قدم  
 تشنه آلا شریعه نی تشنه چیخار او محتشم  
 مشکینی او خلار اشقیا قوللارینی ایدر قلم  
 اوندا حسینون اولار قذی دوتا آنام باجی  
 بوردا غم و مصیبتیم حد و نصاب دن گیچر  
 اصغر شیرخواره نین حلقینی ظلم اوخی بیچر  
 سویرینه سو سوز بالام ظلمیله قانینی ایچر  
 ثابت ایدر نه ظلم ایدوب اهل جفا آنام باجی



عالم عشقه گرک شوقیله امتحان ویرم  
 سینه مه اوخلاری دوزوب دسته به دسته سان ویرم  
 نهر فراتده گوزوم تشنه یارالی جان ویرم  
 دلده کی مقصدیم منیم حاصل اولا آنام باجی  
 فکر و خیال عالمی باشدان اوزوم آتام گرک  
 گوزدن آخان سرشگیمی اوز قانیما قاتام گرک  
 گون قاباقیندا ظلمیله قانه باتوب یاتام گرک  
 ال یارا پیکریم یارا سینه یارا آنام باجی  
 باجی بو خدمتیمده وار منله سنون شراکتون  
 یعنی منیم کیمی اولار عالم دینه خدمتون  
 گون کیمی آشکار ایدر حقی سنون اسارتون  
 دینه حمایت ایلروخ اُخت و آخا آنام باجی  
 تائب اوزینه حَقْدن لطف و عنایت ایستوری  
 آرتوق اولو او یازدیقی سوزده حلاوت ایستوری  
 چو خدی گناهی آغلوری بیرده شفاعت ایستوری  
 بیزده شفاعت ایلروخ روز جزا آنام باجی

### ورود کربلا، زیانحال امام حسین علیه السلام

سرزمین کربلا وادی ایمندور باجی  
 جلوه گاه نور وجه حق ذوالمندور باجی



محترم یردور بو یر دارالصفاى عشقدور  
 اهل عشق آنلار بو یر کرب و بلای عشقدور  
 من خلیل عشق بو صحرا منای عشقدور  
 قان شمیمی بو سوزه برهان مُتَقَدِّور باجی  
 دولدوروب دشت عراقی باشد کی شوریم منیم  
 من کلیم الله عشقم کربلا طوریم منیم  
 دلده آرئی جلوه جاناندی منظوریم منیم  
 جلوه گر بوردا حسینه نور ذوالمندور باجی  
 بو بیابان بلانین بیر بیوک غوغاسی وار  
 آل طاهانین بو یرده محشر کبراسی وار  
 زینیم بوردا حسینین یوم عاشوراسی وار  
 قانیمه باتماقلیقا بو یر معیتدور باجی

اوزگه بیر مقصود یله بو سرزمینه گلیمیش  
 ایتماقا حایل خدنگ کفره سینه گلیمیش  
 باش و جانیمدن گیچوب ترویج دینه گلیمیش  
 دین اسلامین رواجی بوردا منلندور باجی  
 عالم ارواحده نشر اولدی طومار غمیم  
 شقه آچدی باشیم اوستونده بلایا پرچمیم  
 هر مصیبتده باجی سنسن شریک اعظمیم  
 عهدیمین نقصانین تکمیلی سنلندور باجی  
 ای باجی اولده من عهد ایتیمیش جانانيله  
 گلشن اسلام و قرآنه ویرم سو قانيله  
 گلیمیش بو دشته یتیمیش بیر نفر قربانيله  
 کعبه مقصود بو وادی ایمندور باجی  
 باده عشقیله جام دل ایله سرشاردی  
 که وجودیم مویه مو مشتاق وصل یاردی  
 بو بیابان شاهراه محفل دلداردی  
 بوردا شمع جلوه دیدار روشندور باجی

بو همان یردور آتام جذیم ویروب باجی خبر  
 بوردا مظلوم ایلر آل اللهی اشرار کفر  
 ایستر ایتسون ظلمینی اشرار کینه مستر  
 لیک مظلومیتیم گون تک مبیندور باجی  
 دشمنیم مظلوم ایدر بو چولده آل هاشمی  
 ثلودوره لر بیر به بیر یتیمیش نفر یولداشیمی  
 خاک و خون ایچره یخالار او غلومی قارداشیمی  
 کربلا یتیمیش ایکی قربانه مدفندور باجی  
 اکبری باشندان قلجلار ایله قوم بد سیر  
 قان آخوب باشندان یوزینده شده مرجان دوزر  
 قرمزی قانيله صحرای بلانی خوش بزر  
 باخسا هر کیسه دیر بیر طرفه گلشندور باجی  
 قاسمی آتدان یخار ظلميله قوم اشقیا  
 اکبریم تک دینه ایلر تشنه لب جانین فدا  
 ام لایله اولار آغلار آناسی همصدا  
 ویرسه سس او غلی ثولن ثکلایه احسندور باجی



بوردا عباسین ایده للر چاک چاک اعضا سینی  
 قان ایدر لبریز جام دیده شهلا سینی  
 سو کنارینده یخاللار قد سرو آسائینی  
 اوندا بیللم ظاهراً فاتح بو دشمن دور باجی  
 اصغیریم سوز عطشدن غنچه گل تک سولار  
 هولدن اوچ شعبه لی پیکان ظلمه رام اولار  
 اوخلانار حلقی قزلقانیله قونداقی دولار  
 محفل جانان او قانیله مُزیندور باجی  
 خاک و خون ایچره یخار دشمن بو پابند غمی  
 کشف ایدر هر یاره جسمیمده رموز مُبهمی  
 خوش بَزَر اوخلار منیم سانسیز یارالی سینه می  
 گل وجودیم تیر ظلم خصمه مخزندور باجی  
 بیر زیارتگاه اولار بو سرزمین پُرمحن  
 ایسترم منده گلر بو تائب شیرین سخن  
 ذکر ایدر بو شاهبیتی دوره سینده سینه زن  
 سرزمین کسربلا وادی ایمندور باجی

### وداع حضرت علی اکبر علیه السلام بامادر

گل حلال ایت اکبرین گیتسه آنا میدانه گلمز  
 سو کنارینده سوسوز قربان اولار جانانه گلمز



ایله سرمستم آنا بو چولده جام وحدتیه  
 ویرماقا جان کوی عشقه عازم چوخ سرعتیه  
 گیت قوجا قلا دیزلرون اگلش آنا جان حسرتیه  
 ای بلا راحیلی بیرده یوسفون کنعانه گلمز  
 بوز بلا صحراسینین آسه آنا باد جفاسی  
 گلشن اقدیوین قویماز قالا ذوق و صفاسی  
 گل دویونجا گور من نالانی ای غم آشناسی  
 اکبرون مقتول اولار بو فرقه عدوانه گلمز  
 آلمیشام چون عشق تعلیماتین استاد وفادان  
 خط سیریم بو طریق عشق اولوبدور ابتدادن  
 ایچماقا جام شهادت شایقم دست قضادن  
 نولماقا وار افتخاریم منت اوزگه جانانه گلمز

عشق بازارینده اولدوم زخم خنجر مشتریسی  
 خوشلادیم منده اولام اهل محبت هم جلیسی  
 من و یرم جان کوی حقدده سنده اول محنت انیسی  
 عالم هجریمده صبر ایت باخماکیم پایانه گلمز  
 اوز باشیمدان فکر باش و جانیمی آتدیم کناره  
 قانه باتماقلیقدا بوللم وار تقرب بزم یاره  
 ویر دعای خیر سنده رهسپار ایت کارزاره  
 نولمه سم مقصود اله ای خانه سی ویرانه گلمز  
 باخما بیله حسرتیله آه چکمه یانه یانه  
 نوجوانم قلبیمی تیر غمه ایتمه نشانه  
 آخرین دیداریمیز دور زلفیمه گل ایله شانه  
 ظلمیله قانه باتار بو زلفه بیرده شانه گلمز  
 باغبان عشق آتامدور من گل خوشبوی عشقم  
 صیدیمه صیاد حاضر رام اولان آهوی عشقم  
 سُر مه چک بو گوزلریمه چون فدای کوی عشقم  
 گیتسه او غولون قان دولار بو دیده گریانه گلمز

گل حلال ایله آنا حقون من زار و پریشه  
 قوی گیدیم قانه باتوم سن اول غمه همدم همیشه  
 غم غم اوستن گلسه صبر ایت صبری بیر عمر ایله پیشه  
 صبر ایدر قربان و یرنلر ناله و افغانه گلمز  
 بیرده بیر ناخوش باجیم قالدی وطنده بیز گلنده  
 وار یقینیم منتظر یول گوزلوری ایمدی وطنده  
 سن آپار مندن نشانه قانلو بیر کوینک گیدنده  
 تا بوله صغرا باجیم اکبر باتوبدور قانه گلمز  
 باده عشق ایلوبدور اکبری سرمست و مدهوش  
 اوز الونله گل منی سنده آنا ایله کفن پوش  
 تا پاماقا یول بزم یاره شربت مرگ ایلوم نوش  
 بزم بزم خا صدور بو مجلسه بیگانه گلمز  
 من او نخجیرم که صیاد جفادن ایتمرم رم  
 اولموشام بو چولده قانه باتماقا دلن مُصمّم  
 گیت آنا سنده او غولسوز قالماقا بئل باغلا محکم  
 دور شمعه عشقه بو اکبر اولار پروانه گلمز



ایتماقا کشف عالم عشاقی کار آگاه عشقم  
 باش و جانیمدن گیچوب بیر رهسپار راه عشقم  
 اشتیاقیله بو چولده من فنا فی الله عشقم  
 گیچمه سم بو باش و جانان مقصدیم امکانه گلمز  
 خوشدی دین اوسته بو شهلا گوزلریم قانیله دولسون  
 پیکریم باشندان باشا پیکان ظلمه مخزن اولسون  
 نعشیم اوسته لیک سن زلفین سکینه قویما یوسون  
 گرچه قارداش ئولماقی آسان او باغریقانه گلمز  
 قتلیمه حاضردی جلادیم کسوب ایمدی کمینی  
 جاگزین ایتسون سنون قلبونده داغ آتشی نی  
 ال گوتور مندن گیت اول اوغلی ئولنلر هم نشینی  
 عزم ایدر اوغلون حضور حضرت جانانه گلمز  
 ای علی اکبر ایوینده تائیین وار بیر مریضه  
 اشک چشمیله گیجه گوندوز یازار دائم عریضه  
 ایسته جاناندان شفا آل سن اونیه هر مریضه  
 هیچ دوا دن منفعت بو درد بی درمانه گلمز

### وداع حضرت علی اکبر علیہ السلام

عزم قتال ایدوبسن ای خوش خصال اوغول گیت  
 منده آنالیق حقیق ایتدیم حلال اوغول گیت  
 هر چند یوخ بو چولده بیر کیمسه دادخواهیم  
 ای مظهر پیمبر سنسن امیدگاهیم  
 سندن صورا جهاندا یوخدور منیم پناهیم  
 اولسا گونومه قاره ای مه جمال اوغول گیت  
 یالقیزدی سرور دین سن اول غریبه یار اول  
 کوی وفاده اوغولوم گیت سنده جان نثار اول  
 قوی من قالوم اوغولسوز سن صاحب وقار اول  
 ای نوجوانیم ایتمه اوزگه خیال اوغول گیت  
 رخصت و یروب قتاله شاهنشاه مدینه  
 حالون عیاندی گیتسن بو زار و دلحزینه  
 دام جفا قور و بدور یوللاردا اهل کینه  
 صید ایتماقا سنون تک زیبا غزال اوغول گیت  
 گیت قوم کینه جسمون آلقان ایچینه سالسون  
 قوینومدا اللریم قوی اکبر بیر عمر قالسون

زهرایانینده باشیم اما منیم اوجالسون  
 گرچه اولار غمونده قدیم هلال اوغول گیت  
 سنسن علی جهاندا صبر دل و توانیم  
 سن ایمدی که گیدورسن ای مایه گمانیم  
 ساخلا ایاق دایان دور بیر باشوا دولانیم  
 من بو بویون فداسی شیرین مقال اوغول گیت  
 هر صبح و شامی ایتدیم من ترک استراحت  
 بو حده سن یتونجه چکدیم نقدر زحمت  
 ویردی ثمر بو جولده هر چکدیم ریاقت  
 ای سرو بوستانیم ای نونهال اوغول گیت  
 چوخ باخما حسرتیله یاندرما بو فکاری  
 وار هر سوزون بیان ایت ای سینه مین قراری  
 ناچارم آغلورام من سن شیون ایتمه باری  
 یول اوسته سن، سن ایتمه چوخ ابتهال اوغول گیت  
 بو جان مضطر اولسون سن تک ذبیحه قربان  
 سن ایمدی که گیدورسن ای محو عشق جانان  
 وار هر سوزون بیان ایت قویما اورکده پنهان  
 گلماقوا گیدورسن یوخ احتمال اوغول گیت

قربان دین سن، سن من هاجر وفایم  
 هر امره سن رضاسن منده علی رضایم  
 وار علّتی ولیکن مُستغرق بکایم  
 قلییمده چوخدی رقت ویرمور مجال اوغول گیت  
 قانون توکله بیللم بو قانلو چولده دشمن  
 هرگز دیمم بو رزمه گیتمه جوان اوغول سن  
 قویمور ولی محبت سندن کنار اولوم من  
 ای چرخ حُسنه حُسنی بدر کمال اوغول گیت  
 ایتدیم سنی کفن پوش ای سینه مین توانی  
 سن قانونیله گلگون ایت دشت کربلانی  
 گل تک وجودین اولسون خار جفا نشانی  
 ای زلف مشکبوسی سنبل کلال اوغول گیت  
 تائب نقدر عمرین وار نوحه ایله تحریر  
 آغلا حسینه دائم دلدن چک آه شبگیر  
 اول سوزون بیان ایت چرخ وار بو سوزده تأثیر  
 عزم قتال ایدوبسن ای خوش خصال اوغول گیت



عزم جهاد حضرت علی اکبر علیه السلام

شامیان گوردی قتاله بیر ملک منظر گلور  
صورتا گویا پیمبر صولتاً حیدر گلور



بیر برازنده جواندور قذی رعنا حسنی ماه  
ماه فرض ایتسه بیرى واقعه ایلوب اشتباه  
بیر وجاهت بیر ملاحه صنع حقّه جلوه گاه  
گوسترور هر بیر قدمده قدرت داور گلور  
دلره بیر جلوه سالدی طلعت رخسار دین  
گوز گوتور مزدی گورن اول سرو خوشرفتار دین  
جلوه سی آلدی حواس خمسه نی نظار دین  
هر باخان مبهوتیدی کیمدور بو سیمین بر گلور  
لشگر کفره یاخونلاشدیقجا اول احمد مثال  
قوم باطلدن اوزاقلاشدی هامی باطل خیال  
یوز ویروب نظم و نظام قوم کفره اختلال  
گوردیلر اردوی کفره حالت دیگر گلور

بیر بیره دگدی قوشون اهلی اوجالیدی قیل و قال  
بیر بیرین ایتدی مخاطب اشقیای بدمال  
بو ملک سیمائیه جایز دگل هرگز قتال  
دلری هر بیر قدم گلدیقجا جلب ایلر گلور  
بسیر بیرله ایتدیلر باب عقاید افتتاح  
بیلمدی اکبر قتالین قوم بد آئین صلاح  
جنگدن صرف نظر ایلوب یره توکدی سلاح  
گوئیا انصافه اهل کفر و بداخر گلور  
آخر الامر اول جوان باکمال هاشمی  
مرکز میداندا گوستردی جمال هاشمی  
بیر جمالی که ایدوب تکمیل خال هاشمی  
سس اوجالیدی هر طرفدن رزمه پیغمبر گلور  
قوم دل ظلمات ایله بولدی گلور خیر الانام  
هایهو قسوزاندی دگدی بیر بیره قوم ظلام  
آز قالب لشکر یزیدین ضذینه ایتسون قیام  
گور سنبوب حال تشنج شور شه لشگر گلور

باخدی بو اوضاعه ناگه ابن سعد دین تباہ  
گوردی دوشموش آیری بیر فکره او سنگین دل سپاه  
سویلدی ای قوم سفیانی ندور بو اشتباه  
کربلایه فکر ایدور سوز شافع محشر گلور  
سبز بیلہ فرض ایتمیون ای قوم پیغمبردی بو  
مصطفی محبوب حی خالق اکبردی بو  
شبه طاهادور حسین اوغلی علی اکبردی بو  
خلقتاً امار رسول اکرمه بنزر گلور  
سعدین اوغلی حکم نفس شومینی اجرا ایدوب  
اشقیانی حیلہ و تزویریلہ اغوا ایدوب  
عاقبت اهل جفانی مایل دعوا ایدوب  
موجه دریاتک گور و بلر زمره کافر گلور  
یوز دو توب اعدای دینه اول جوان پاکباز  
چرخ متانتله اودمده حُقه لب ایتدی باز  
سویلدی لشکر منم فرزند سلطان حجاز  
اسم جدیم فعل تکوینات ایچون مصدر گلور

حسیدر کزاره دعواده اولان قائم مقام  
دلده الفاظ گهر بار الدہ بیر کسکین حسام  
لشگر کفره اوزین ووردی او یالقیز مُستَظام  
سسلدی رزمه جماعت وارث حیدر گلور  
کوفیان باب کباریمدور منیم اول شاه عشق  
گوسترن عشاقه بو عالمده اصل راه عشق  
درسیم اونداندور اودور اولام فنا فی الله عشق  
بو حسین اوغلی ایدوب اوز درسینی ازبر گلور  
ای سپاه شام و کوفه من علی اکبرم  
خُلق و خُلق مَنطَقاً آئینه پیغمبرم  
قدرت حیدر نما وار منده سبط حیدرم  
مرتضایه وارث هیجا اولان اکبر گلور  
دشمنه ووردی زبس شمشیر تیز و جانستان  
هم یورولدی هم سوسوزدان اولدی خسته ناتوان  
محضر سلطان عشقه ایلدی عطف عنان  
شه باخوب گوردی جوانی العطش سویلر گلور



شاه دین گور جاق سوز لیتدان او سولموش نو گلین  
 کامینه چوخ رأفتیله ویردی خشگیده دلین  
 گوردی شهزاده اوزیندن چوخ آتا سوز دلین  
 داده عرض ایتسم سزادور ساقی کوثر گلور  
 شه باخوب مأیوس گوردی شاهزاده اکبرین  
 فکره دوشدی سوندوره دله سوز لوق اخگرین  
 ویردی اکبر کامینه لطفیله اوز انگشترین  
 سوز دل اسگیتماقا کافی او انگشتر گلور  
 باش و جان فکرین آتوب اول نوجوان باوقار  
 شهدن آیریلدی دوباره ایتدی عزم کارزار  
 اشقیایه حمله ایتدی اله تیغ آبدار  
 باخمادی هر سمتدن اشرار کین پرور گلور  
 حسنده بیر نیر اعظم امامت شرقینه  
 قویدی تیغ جانستاین فوج کفرین فرقینه  
 تیغ آتشبارین توش اولدی هرکس برقیینه  
 خرمن عمره گورردی شعله آذر گلور

حیدرانه حمله ایلردی عدویه یک تنه  
 هر طرفدن اوخ و وراردی دشمن اول زیبا تنه  
 اوز یاراسیندان چکوب تیری وورادی دشمنه  
 بو رشادتدن مقام بهته دشمنلر گلور  
 اول جوان هاشمی ایتدی ایله بیر کارزار  
 گور میوب مثلین گور نمز بیرده چشم روزگار  
 گزیدیزنده هانسی سمتی تیغ تیز و جانشکار  
 توپراقاهی باشدی قولدی پیکر بی سر گلور  
 جنگ ایلردی مرتضا تک اول سلیل مرتضا  
 ناگهان منتقد یتیشدی اله بیر تیغ جفا  
 اول جوان تشنه کامه ووردی بیر کاری یارا  
 یاده سالدیقجا او ظلمی گوزدن اشک تر گلور  
 شق اولوب باش مقصده امر قضا آچدی یولون  
 گوزلری قانیله دولدی گورمدی صاق و صلون  
 ضعف ایدوب قلبی عقابین بوینونا سالدی قولون  
 بولدی ساقی اجل اله دوتوب ساغر گلور

اول مه تابان چرخ حسن آل بو تراب  
 رمزاً ایلردی عقابه گوئیا بيله خطاب  
 سالما میداندا منی رحم ایت اماندور ای عقاب  
 گیتمه سم لیلا آنام میدانه بامعجر گلور  
 گون قباقینده منی یخما یره چو خودور یارام  
 خیمه گاهه نعشیمی حمل ایله ای رفرف خرام  
 گوزلری یولدا قالب ایمدی منی گوزلر آنام  
 سسلنر ای وای اوغول فریاده اول مضطر گلور  
 قانلو صحرا ده عقاب ایلردی هر یردن گذر  
 ازدحامیله کسردی رهگذارین دسته لر  
 یاره اوستوندن ووراردی یاره قوم بدسیر  
 نیزه اوسته نیزه خنجر اوستونه خنجر گلور  
 اشقیا ایچره سالانمازدی او باره <sup>(۱)</sup> صاحبین  
 گزدریردی هر طرفده پاره پاره صاحبین  
 حربیگه دن بلکه بیر چکسون کناره صاحبین  
 گوردی بیر عورت عقاب آلقانیله احمر گلور

وار او قانلو مرکبین گوردی بیر اوزگه منظری  
 حمل ایدر اوستونده بیر قانه باتان مه پیکری  
 شق اولوب باشی بویانمیش قانیله زلف تری  
 زلف تردن گل یوزه هر لحظه خون تر گلور  
 مرکب اوستونده ولی دو شמוש اوزیندن بی خبر  
 عارضین ازبس دو تو بدور پرده پرده خون تر  
 منخسف اولموش او خونین ابرده گویا قمر  
 ایتماقا بیر جمعی قاره گون او مه منظر گلور  
 خلقتینده ایلیوب قدرت نمایان ذوالجلال  
 گوزلری آهو باخیشلی سرو قامت قاش هلال  
 بلبری چون غنچه گل بدر کامل تک جمال  
 هاشمی خالی ویروب رخساره زیب و فر گلور  
 چوخ رقیق القلب اولی عورت بو دوزدور بر ملا  
 باشلادی علت اودور ثکلا کیمی داد و نوا  
 شاهزاده سس آلوب سسلندی گلدون گل آنا  
 گیت سکینه باجیما اخطاریله اکبر گلور



آخر عمریمده گلسون شور یله دل داغلاسون  
 باشین آپسون باشیم اوسته شیونیه آغلاسون  
 اشگیله مرهم سالوب سانسیز یارامی باغلاسون  
 قان گیدور بو عارض گلفامه رنگ زر گلور  
 بو مقالیه ایدنده درد دل مه جبین  
 آنلادی عورت آناسی باجیسی واردور یقین  
 گوزلری یولدا چکلر دلدن آه آتشتین  
 شیونه آغلار آناسی باجیسی گوزلر گلور  
 رفته گلدی آلیشدی نار حسرتله دلی  
 سویلدی ایمدی یتوررم بلبله بو نوگلی  
 ئولمه میش گورسون آزالسین دلده نار نسگلی  
 گورمه سه ساق اوز جوانین قلبینه اخگر گلور  
 بو خیالیه دوتوب عورت لجام مرکبی  
 تا یتورسون غرب خرگاهه مه چارده شبی  
 لیک بیلزدی قضا برعکس ایدر بو مطلبی  
 قرب خسفه هر قدمده اول مه انور گلور

قربة لله چکردی مرکبی اول دلفگار  
 زخمدار آهونی ایتسون مرگ دامیندن کنار  
 سنگدل صیاده توش اولدی شکار زخمدار  
 صیده باخ رمزیه اوز صیادینی سسلر گلور  
 صید مجروحه یتوب ناگاه صیاد جفا  
 باخمادی مجروح دور دلدن دوشوب اول مه لقا  
 خنجرین آلدی اله ووردی دوباره بیر یارا  
 سانما دنیا یه بیه بی رحم و کین گستر گلور  
 اولدی بی طاقت یخلدی مظهر خیر الانام  
 یوز خیامه دوتدی عرض ایتدی باباجان السلام  
 صون نفسه گل منی درک ایت اولور امریم تمام  
 گلماقون الله خوش ای شاه نه کشور گلور  
 من او آهویم نیچه اوچی منی ایلوب شکار  
 پیکریمده یاره لر نی تک سز یلدار زار زار  
 قانیم ایلوب بو بیابانی ایله بیر لاله زار  
 حشره تک کونه بو یردن لاله احمر گلور

دوشموشم قان ایچره یورقون گرچه یوخ بیر دادرس  
 یاره لر اولموش ولی آخر نفسده هم نفس  
 قانیم آخدیقجا سو تک آرتار بو گوگلومده هوس  
 قلییمه قوت حبیب حضرت داور گلور  
 یوخدی یارای قیامیم چوخ یارام وار خسته یم  
 اوزلوقومدان چیخمیشام صهبای مرگین مستیم  
 گوزلریم گوزلر یولون درک ایت منی جان اوستیم  
 بزم یاره اولماقا پیک اجل رهبر گلور  
 تائباً عشق حسینیله باشوندا واردی شور  
 یاز کتاب غم حسنین آدینه ایتمه قصور  
 اونداکه محشر گونی محشور اولار اهل نشور  
 اوردا مُستاجر سنیله الدهه بو دفتر گلور

### زبانحال حضرت علی اکبر علیہ السلام

گل داده یتیش شام اهلی بابا ووردی منه چوخ یاره ئولورم  
 اولموش هدف پیکان جفا بو پیکر صد یاره ئولورم  
 ویر بو خبری بی کس آنا ما سالسون باشینا قاره ئولورم



یالقیزلادی بو شام اهلی منی تاپدی منه ال هر دسته بابا  
 هر کس یتشوب بیر یاره ووروب هر زخم اوتوروب زخم اوسته بابا  
 ازبسکه آخوب قانی یار امین ایلوبدی منی دلخسته بابا  
 من بیر گلدیم تقدیر قضا مقهور ایلوب خاره ئولورم  
 لطف ایله منی گل قان آ پارور بیر حالده ام بیلیم اوزومی  
 خوشدور که گورم جان اوسته یوزون قویما بابا جان یولدا گوزومی  
 اتمامه یتوب امریم ئولورم گل قلیه بیر دوندیر یوزومی  
 خوش وجهیله تا اوز جانیمی من قربان ایلیم یاره ئولورم  
 هر چند ووروب هر بیر یتیشن ظلمیه منه پیکر یاراسی  
 گوز گوز آچیلوب یکسر بو بدن هر لحظه ویرور قان هر یاراسی  
 دلشاد اولورام بو نشئه ده من دگدیقجا منه خنجر یاراسی  
 خنجر یاراسی دگدیقجا ویرور لذت بو دل زاره ئولورم



دشمن لر آتان اوخلار گلی بو پیکرده نشست ایلر ییرینه  
 بو پیکریمین یوخ صاف یری ظلمیله دگوب اوخ هر ییرینه  
 سانسیز وورولوب نیزه یاراسی خنجر وورولوب خنجر ییرینه  
 من بی کسی هر لحظه گتورور زخم بدنیم زاره ئولورم  
 بو چولده بوگون سرمشق وفا عشاقه نشان ویزم باباجان  
 عشق عالمیدور جان و دلیله هر ظلمه توان ویزم باباجان  
 فخریله قزل قانه بویانوب هم باش همی جان ویزم باباجان  
 دین اوسته باشیم خوشدور چکیله ظلمیله بوگون داره ئولورم  
 دشمنلر آلوب اطرافیمی وار چوخ قصد ایدنیم یوخ دادرسیم  
 جسمیمده آچوب دل بو یارالار بو صوندم اولوبدور هم نفسیم  
 چکدیقجا نفس قان سو تک آخار آخدیقجا بو قان آرتار هوسیم  
 آرتار شعیفیم آرتدیقجا بابا جسمیمده منیم یاره ئولورم  
 من بیر یارالی آهوی حرم صید ایتدی منی صیاد اجل  
 بو عرصه اولوب چوخ تنگ منه بی یارم آچوب دشمن لریم ال  
 یوخدور سسیمه بیر سس ویره نیم سس ویر سسیمه فریادیمه گل  
 نوید نجات اولدوم یوزیمه باغلاندی ره چاره ئولورم

باشیمدن آخان قان گوزلریمی دوتدی ایلدی قان گوز یاشیمی  
 نه حالیمه وار بیر کیسه یانان نه پاک ایلین بو گوز قاشیمی  
 گل گوزلریمین سیل قانین اوزون آل بیرجه دیزون اوسته باشیمی  
 دونموش بو ایشیق گوندوز نجه گور دیدمده شب تاره ئولورم  
 بو پیکریمه چوخ یاره دگوب یوخ منده بابا یارای قیام  
 قویموب یارالار قلبیمده قوا ئولم یارالی ای شاه آنام  
 قیل ئولماقیمی اخطار آناما یول گوزلمه سین بیچاره آنام  
 عالمده داخی گورمز منی ساق بیرده او گونی قاره ئولورم  
 ئولسم من اگر بیلم باجیمین غصه اورگین قان ایلجه جاق  
 لیلا اولاجاق مجنون غمیم ساقدور نقدر قاره گیجه جاق  
 اما منه چوخ مشکلدی بو سوز شام اهلی سنی یالقیزلیه جاق  
 قان آغلوری جان اوسته بو گوزوم سن تک شه بی یاره ئولورم  
 تائب بیر اوزون مدتدی که یوخ سنده دیه سن سوز یازماقا حال  
 وور چنگ حسین دامانینه سن یالوار او شه شیرین دلون آل  
 گوز یاشیوی توک دائم یوزیوه بو طرزلیه یاز نوحه مه و سال  
 گل داده یتیش شام اهلی بابا ووردی منه چوخ یاره ئولورم

زبانحال امام حسین علیه السلام در بالین  
فرزند دلبدش حضرت علی اکبر علیه السلام

سو تک آخدیقجا یره پیکریوین قانی اوغول  
لاله زار ایلوری بو صفحه میدانای اوغول



خاک و خون پرده آئوب اورتوب عجب گل یوزیوی  
من فداگوزلریوه ناز ایلمه آچ گوزیوی  
ساخلا ما دله بیان ایت منه گیزلین سوزیوی  
نطقه گل جانیم او نطقون اولا قربانی اوغول  
آلدی آرامیمی تا خیمه لره گلدی سسون  
گلدیم آخر نفسونده من اولام دادرسون  
سسیمه سس ویر علی اکبر اگر وار نفسون  
ناز ایدوب بیر بیله یاندرما بو نالانی اوغول  
بویوب قانیله کیم بیله بو وجه حسنون  
یخدی بو قامت موزونوی صدپاره سنون  
گورسه لیل دؤزه بیلمز بو داغلمیش بدنون  
اولی مسجنون دولانار کوه و بیابانی اوغول

پر آسف حالیه بو قامت نورسته دوشوب  
یاره گل جسموه سانسیز وریلوب خسته دوشوب  
گوئیای قرمزی گلدور یره بیر دسته دوشوب  
باصفا گلشن ایدوب دامن صحرانی اوغول  
سن ادب معدنی سن رسم ادب باشه یتور  
نازیله یاتما بو قان ایچره علی دور بیر اوتور  
خیمه ده آل پیمبر هاموسی سندن اوتور  
ایمدی برپا ایلوب محشر کبرانی اوغول  
بیخورام پیکریوه یاره لرون قان ویروری  
صف مژگان کیمی اوخلار دوزولوب جان ویروری  
ظاهراً سن ولی باطنده آتان جان ویروری  
حل ایدر اوغلی ثولن بیله معمانی اوغول  
قالمیشام گور نجه بیر حالت گل یوزلی بالا  
بیر دانیس بلکه غمیم غملی اورکدن آزالار  
بیر غمی که منی بو صبریه بو حاله سالا  
گور نه احواله سالار غمزده لیلانی اوغول



آنا قلبی اولی نازک علی سوز یوخ بو سوزه  
 چوخ چتیندور بو غمه لیلی بیچاره دؤزه  
 گوزی یوللاردا قالب ایمدی آخار اشگی یوزه  
 بور یوب کرب و بلا دشتینی افغانی اوغول  
 دگی بیجا که گوزوم اشگ تريله دولوری  
 سزی وار طاقت و صبریم بيله تاراج اولوری  
 خیمه ده ایمدی سکینه یوزی گل تک سولوری  
 دونه بیلمز باجی قارداش دان علی جانی اوغول  
 آچ گوزون یا تما ای آهووش مجروحیم او یان  
 ای دلیم قوتی جسمیمده اولان روحیم او یان  
 غصه دریاسینه من غرق اولورام نوحیم او یان  
 چک گیلن ساحله بو غرقه طوفانی اوغول  
 پرده پرده یوزیوه باشدان آخوب خون ترون  
 باتدی بو پرده خونین ده روی قمرون  
 عالمی ظلمت ایدو بدور گوزیمه یوخ خبرون  
 ای امامت گونونون ماه درخشانی اوغول

اهل عشقه علی سن باب وفا باز ایلدون  
 خوش طریقیله اوزون عاشق جان باز ایلدون  
 هم منی هم اوزیوی یاخشی سرافراز ایلدون  
 حاصل اولدی آتاوین مقصد پنهانی اوغول  
 عهد قیلمیشدیم ازل گون علی جانانيله من  
 ایلیم عین حقیقت نه دی بو چولده علن  
 نامه عهدیمی امضا ایلدون قانيله سن  
 ئولماقون ایلدی محکم همین امضانی اوغول  
 سن یاتان یر اولاجاق شیعه لره یاخشی مطاف  
 گله جاق دسته به دسته بو یره شیعه صاف  
 اوخشیوب سینه ووروب قبروه ایله طواف  
 سنده ایسته گله اول تائب گریانی اوغول

## وداع حضرت قمر بنی هاشم علیهما السلام

اماندی گیتمه یالقیزام گیتمه قارداشیم گیتمه  
 کمکسیزم اوغولسوزام گیتمه قارداشیم گیتمه  
 بوگون منیم سرسپاهیم سن  
 ال گوتور مرم سندن  
 دوره می آلوب دشمن  
 بو چولده قارداشیم علمیم پایدار دور سنلن  
 بو عز و جاه و شوکتیم برقرار دور سنلن  
 تمام امن حرمیم استوار دور سنلن  
 اماندی گیتمه یالقیزام گیتمه قارداشیم گیتمه  
 بو چولده قارداش بولوسن کیمسه دادخواهیم یوخ  
 الیم ئلیمدن اوزولوب بیر امیدگاهیم یوخ  
 بو کثرت دشمن آرا یالقیزام سپاهیم یوخ  
 اماندی گیتمه یالقیزام گیتمه قارداشیم گیتمه  
 آسیر نقدری علمون ای رشید باصولت  
 جسارت ایلمز منه اشقیای بد فطرت  
 بو بیدقون یاتسا ولی دشمنیم تاپار جرأت  
 اماندی گیتمه یالقیزام گیتمه قارداشیم گیتمه

نقدر سن ساقسن ای شیر بیشه غیرت  
 بو چولده امن ایچره یاشار خانواده عصمت  
 ولیک سنسیز اوز ویرر نازلی قزلارا وحشت  
 اماندی گیتمه یالقیزام گیتمه قارداشیم گیتمه  
 هله آتام اوغلی سنون اللرین سلامتدی  
 خیامه بیر ایله نظر گورنه شور و وحشتدی  
 دگوبدی بیر بیره حرم خیمه ده قیامتدی  
 اماندی گیتمه یالقیزام گیتمه قارداشیم گیتمه  
 بو چولده غنچه گلریم قوی بوگون یانوب دولسون  
 صدای العطشه بو کربلا چولی دولسون  
 سن ئولمه بو بالالاریم تشنه لب هلاک اولسون  
 اماندی گیتمه یالقیزام گیتمه قارداشیم گیتمه  
 نه بیرجه فریاده یتن وار نه بیر نفر یاور  
 ئولوبدی فضل و قاسمیم وار نه عون و نه جعفر  
 نه وار بو تنگ وقتده دادیمه یته اکبر  
 اماندی گیتمه یالقیزام گیتمه قارداشیم گیتمه  
 ئولوبدی اکبریم دونوب شامه گوندوزوم قارداش  
 سسیمه یوخدی سس ویرن سنده دور گوزوم قارداش



گیدور سن ایمدی من نجه سندن ال اوزوم قارداش  
اماندی گیتمه یالقیزام گیتمه قارداشیم گیتمه  
قویوب اوز ایستکلیسین هیچ کیمسه بیله تک گیتمز  
وفالی قارداش ال اوزوب قارداشینى ترک ایتمز  
سن ایمدی گیتسن الیوه بیرده بو الیم یتمز  
اماندی گیتمه یالقیزام گیتمه قارداشیم گیتمه  
بو روحیمین وار بولوسن چوخ علاقەسی سنده  
گیدر بو روحیم سنیلە قالمارام داخی منده  
حیالی قزلاریم قالار قید ظلم دشمنده  
اماندی گیتمه یالقیزام گیتمه قارداشیم گیتمه  
بیر الی یوخدور ایله بول هرکس اولسا قارداشسیز  
دیمم که گیتسن قالارام من بو چولده یولداسسیز  
سن اولماسان من اولمارام قزلاریم قالار باشسیز  
اماندی گیتمه یالقیزام گیتمه قارداشیم گیتمه  
بو شاهبیتی تائباً گتدی مُلهم غیبی  
دیولمه سه یازانماسان یوخ بو نکته نین ربیبی  
عجب طریقله گلوب وار نه نقص و نه عیبی  
اماندی گیتمه یالقیزام گیتمه قارداشیم گیتمه

### عزم حضرت قمر بنی هاشم علیهما السلام به تصرف فرات

کوفیان گوردی فرات اوسته سوسوز سقاگلور  
بیر قوری سو مشکینه حاملدی بی پرواگلور



گوئیا آی دور او سقّانین یوزینده نوری وار  
عالمی گوزدن آتوب باشدایر اوزگه شوری وار  
مشگینی دولدورماقا معلوم اولان منظوری وار  
بولدولر نهري تصرف ایتماقا سقاگلور  
ایستدی دوتسون فراتین یوللارین اهل ستیز  
حیدرکزار تک آلدی اله شمشیر تیز  
دشمنه ووردی اوزین سردار سلطان حجیز  
سویلدی نهر آماقا بو فارس هیجاگلور  
اهل شامین قدرتین بیر حمله ده الدن آلوب  
خرمن عمر عدویه برق تیغی اود سالوب  
بیر شجاعت گوستروب لشکر هامی حیران قالوب  
حربگاهه حیدرکزار اوزی گویاگلور

برق تک تیغی او سردارین اولاندا شعله ریز  
 گوستروردی دمبدم اعدایه شور رستخیز  
 اختاروردی قوم کین روباه تک راه گریز  
 چون گوروردی باشی اوسته تیغ جانفر ساگلور  
 هر طرفدن مُنْهزم اول لشکر خناسیدی  
 جنگ عباسه باخانلاردان او که حساسیدی  
 گوردی گویا کربلا دشتی دولی عباسیدی  
 رُعب عباس هر طرفدن تا پموش استیلا گلور  
 ووردی هر یانندان داغیتدی فرقه لایعلمی  
 ضرب تیغیله یتیشدی آلدی نهر علقمی  
 نصب ایدوب فوراً فرات اوسته او سقا پرچمی  
 بیرق آسدیقجا گوردی قلبینه یارا گلور  
 بیرقی نهر اوسته گورجاق اهل بیت تشنه کام  
 خرده قزلار بیلدیلر نهری آلوب اول مستطام  
 آلدیلار یکستر سکینه دوره سین اللرده جام  
 بیریرینه ویرماقا قزلار نوید ماء گلور

گرچه لب تشنیدی اول سقای شاه کربلا  
 دولدوروب او چوندا سو میل ایلین بیر جُرعه تا  
 تشنه قزلار حالینی یاده سالوب اول باوفا  
 سویلدی ای نفس عجب فکره سر سودا گلور  
 باش و جانندان گیچمیشم شرط وفادن گیچمرم  
 تشنه قزلار نفسین اوز نفسیدن اصلاً سچمرم  
 گر پیمبر قزلاری سو ایچمیوب من ایچمرم  
 بیله بیر صاحب وفا گور فکریوه آیا گلور  
 ایتدی اعلان اوز وفاسین تاپدی عالی امتیاز  
 دولدوروب سو مشکینی سو ایچماقی بولموب مُجاز  
 تشنه آلدی نهری چیخدی تشنه لب اول پاکباز  
 گور بروزه کیمده بیله شیوه شیوا گلور  
 کتفده سو مشکگی دریادن چیخوب تشنه نهنگ  
 قصد ایدردی خیمیه مشکگی آپارسون بی درنگ  
 ایلمیشدی حیدر کزارین اوغلی ساز جنگ  
 گوردی دشمن آیری حال عباس ایدوب پیدا گلور



بیدقی بیر الدہ دوتموش کتفده بیر مشگ سو  
 بیر الینده تیغ تیزی آتش جان عدو  
 قان توکنلر دو تدیلار نہرین کنارین سوبہ سو  
 دمبدم اشرار کینہ موجہ چون دریا گلور  
 آتش جنگہ ووروب عباس نام آور آتک  
 ایلہ بیر جنگ ایتدی مثلین گور میوب چشم فلک  
 تیغ آتشبار الینده شعلہ جوالہ تک  
 توپراقا ہر ضربتیندہ بیر نچہ آدنا گلور  
 دوندروب ہر سمتہ یوز اول سر سپاہ بی بدل  
 گز دیرردی باشی اوستہ دشمنین تیغ اجل  
 ہی سالاردی توپراقا باشسیز بدن پیکرسیز ال  
 روز روشن چشم دشمن دہ شب ظلما گلور  
 جنگیلہ سرگرمیدی الدہ حسام آتشین  
 بیر شقی نخلین دالیندان ناگہان ایتدی کمین  
 ضرب تیغیلہ ایدوب عباسی مقطوع الیمین  
 حسرتیلہ باخدی گفتارہ او مہ سیمما گلور

سویلدی آیریلدون ای قول بو بدنن شاد گیت  
 خوش طریقیلہ گروردان اولموسان آزاد گیت  
 تا سو وار مشگیمدہ وار قلییمدہ استعداد گیت  
 بیلہ قولسوزلیق منہ درد و محن حاشا گلور  
 صنف عشاقہ گر کردور عشقین ایماسین سچہ  
 آب حیوان آختاران شایستہ دور قانین ایچہ  
 قول ندور عاشق گرک باشندان گیچہ جانندان گیچہ  
 تا گورہ معشوق حکمہ کلمہ مجرا گلور  
 گیتدون ای صاق ال بو چولده گرچہ یتدون ایمنہ  
 لیک سس گلمز تک الدن چوخ غم آوردور منہ  
 منتظر اول صول الیمی یولیوم ہمرہ سنہ  
 ایلرم ملک بدنن ایمدی رہ پیما گلور  
 صاق الی گیتدی ولیکن پوزمادی تدبیرینی  
 کربلا سقاسی آلدی صول الہ شمشیرینی  
 مرد مردانہ اوجا لدوب نعرہ تکبیرینی  
 صوت تکبیریندہ قلب دشمنہ پروا گلور

بیر بیرہ ووردی جفا اُردوسینین صاق و صولون  
 روی عباسہ ولی امر قضا آچدی یولون  
 بیر جفا گُستر یتیشدی سالدی ناگہ صول قولون  
 نالیہ شیر خدا بو سوزده فی المعنا گلور  
 تا ابو الفضلین بدنن اللری اولدی جدا  
 سوز غلط دوشمز دیسم زهرا دیدی واحسرتا  
 دوتدی سو مشکین دیشینده ملجأ آل عبا  
 آشیانین قصد ایدوب بی بال و پر عَنقا گلور  
 یرده بی صاحب گورنده اللرین اول محتشم  
 سویلدی گرچه بدنن ظلمیلہ اولدوز قلم  
 لیک بی صاحب دگولسوز سیز سیزه من صاحبم  
 توپراقا بی فاصله ایمدی قالان اعضا گلور  
 صادر اولدی امر اول افواج عدوان اوستونه  
 آتدی دورت مین اوخ آتان پیکانی پیکان اوستونه  
 اوخ یاغوب باران کیمی سقای عطشان اوستونه  
 تیر ظلمہ شاہباز ذروہ اعلا گلور

دیشده سو مشگی سوی اطفالہ امید نجات  
 سویلدی اعدایہ پور منبع آب حیات  
 بیر بیلہ یاغدر میون اوخ ای گروه بد صفات  
 ایتمیون اجرا خیالہ ہرنہ بیر ایذا گلور  
 من دیمم یارہ منہ حدیندن آرتوخ وور میون  
 پیکریم مجروح دور وار یارہ سی چوخ وور میون  
 اوخلیون بو سینہ می سو مشکیمہ اوخ وور میون  
 گور موسوز یوخسا خیمدن نالۃ الماء گلور  
 یارہ دگدیقجا منہ ویرانہ دل آباد اولور  
 پیکریمده یارہ قان ویردیقجا قلبیم شاد اولور  
 لیک اوخلانسا سو مشکیم زحمتیم برباد اولور  
 مشکدن سو گیتسہ ہر غمدن بو غم عظمٰا گلور  
 مشگہ تا اوخ دگمہ میشدی اول مہ برج شرف  
 نقشہ آمالی اوستہ سعی ایدردی جان بہ کف  
 تا مبادا اوخلانوب سو مشگی سو اولسون تلف  
 اوستونہ باخمازدی تیر فرقہ اعدا گلور



آرتروب امر قضا دلدۀ سوسوزلار رشگینی  
 کاسۀ چشمینده قان ایتدی سکینه اشگینی  
 تشنه لب سقائین اعدا اوخلادی سو مشگینی  
 نالیه بو سوزده اهل عالم بالا گلور  
 مشگدن سو آخدی عباسی ایدوب مایوس چوخ  
 اوزلیقیندان چیخدی سقا سوزده هیچ تردید یوخ  
 گلدی بو حالتده دگدی سجده گاهیندن بیر اوخ  
 ایلمدیده داده بو غمدن حضرت زهرا گلور  
 بوردا قولسوزلیق ووروب ارکان صبرین بیر بیره  
 دیزلرین دوتدی تیری روحینه راحت ویره  
 ایستدی ویرسین تکان عمامه سی دوشدی یره  
 انکساره عبد صالح معدن تقوی گلور  
 بیلۀ حالتده بساط ظلمینی نوفل قوروب  
 بیر جفا ایتدی گل باغ وفانی سولدوروب  
 پارچالاندی باش آخوب قان گوزلرینی دولدوروب  
 مرکب اوستن توپراقا اول تشنه لب سقا گلور

نه دیردی قانیه ممزوج اولوبدور گوز یاشیم  
 نه دیردی وای یارالی پیکریم نه وای باشیم  
 بیر دیدی آتدان دوشنده وای کمکسیز قارداشیم  
 ایتسون اثبات وفا کافی بو بیر ایما گلور  
 سو کنارینده ویرن جان تشنه قولسوز مُتقی  
 صون نفسه داده سسلردی امام برحق  
 الله خنجر آلدیلار اطرافین اون یدی شقی  
 امر قتلین نچه کافر ایتماقا اجرا گلور  
 خاک و خون ایچره یخیلمیشدی او جلدی مُنگمش  
 یوزده حال احتضاری دلدۀ آثار عطش  
 ایلوردی قوم کینه قتلی اوسته کشمکش  
 هر گلن اول با وفا قتلین بولوب باجا گلور  
 سویلدی لشکر منیم دوشدی بو غوغایه باشیم  
 مشگیم اوخلاندی علم یاتدی اولوب قان گوز یاشیم  
 سیز منی ئولدور میون باری گلونجه قارداشیم  
 دادیمه ایمدی شه بی یاور و تنها گلور  
 من دیمم ئولدور میون ای لشکر بی واهمه  
 صبر ایدون شاهیم ویرور سس نالۀ جانکاهیمه

قوللاریم گیتدی ایلمدن ای حبیب ذوالمنن  
 گوردی تا قولسوز منی ال تاپدی اشرار زمن  
 دل یاراسی ال یاراسی ووردی قارداش هر یتن  
 قان ایدوب طعن و شماتت بو دل سوزانی گل  
 بیر شجاعی که عدویه تنگ دوتسون عرصه منی  
 گورنه ظلم ایلر اونا آلسیز گورنده دشمنی  
 قولسوزام ایمدی منی یالقیزلیوب قوم دنی  
 حالیمی ایله مراعات ای کرامت کانی گل  
 باشیله جانندان گیچوب رسم وفادن گیچمدیم  
 نفسیمی قارداش سنون نفسوندن اصلاً سیچمدیم  
 تشنه لب نهر فرات آلدیم ولی سو ایچمدیم  
 عالمه ویردیم بوگونه بیر وفا اعلانی گل  
 ایلدیم مصروف مشگه همت دیرینه می  
 مایل اولدوم لعل پیکان دولدور اکنجینه می  
 اوخ گلنده هر طرفدن حایل ایتدیم سینه می  
 تا سلامت قورتارام پیمانه پیمانی گل

گلدی بی شرمانه بیر اوخ چوخ جسارت ایلدی  
 دگمه دی بو سینه مه مشگه اصابت ایلدی  
 قد سرو آسامی بوکدی قوس قامت ایلدی  
 ناامید ایتدی حیاتیندن بو سرگردانی گل  
 مشگه تا اوخ دگمه میشدی ای شهنشا جهان  
 شاهبازون شوقیله ایلردی عزم آشیان  
 اوخلادی افسوس اولو سو مشگیمی بو کوفیان  
 قزلاروندان ایتدیلر شرمنده بو عطشانی گل  
 مشگیم اوخلاندی سو گیتدی زحمتیم اولدی هدر  
 یاندی قلبیم گوزلریم توکدی یوزه خون جگر  
 خیمه گاهه گیتماقیمدان ایلدیم صرف نظر  
 گورماقا یوخدور گوزوم اطفال مه سیمانی گل  
 خیمه ده بیلم سکینه گوزلر ایمدی سو یولی  
 مشگی خالی گورسه دلدن اودلار مایوس اولی  
 نسکل ایتدیم مشگیمی اول نازنین گورسون دولی  
 سو آخوب گیتدی قجا دولدور دوم یرینه قانی گل



بیر وفا ویردیم بوگون اهل وفایه من نشان  
 اولدی اهل عشقه سرمشق و فاتا وار جهان  
 بیر فراته باخماقا ویردیم گوزیمی ترجمان  
 اولدی اثبات وفامین الله خوش برهانی گل  
 تا من آتدان دوشمه میشدیم قویمادیم یاتسون علم  
 سالدیلار آتدان منی اقا ییره قوم ظلم  
 یاتدی بیرق ایلدی دشمنلریم قدین علم  
 اوینادی یکسر یریندن لشکر سفیانی گل  
 قان ایچینه دوشموشم یکسر وجودیم زخمدار  
 دفع ضربت ایتماقا یو خودور الیم ای شهریار  
 دوره می قارداش آلوب غیظیله دورت مین نیزه دار  
 قصد ایدوب سانسیز قوشون بیر قانینه غلطانی گل  
 دوشموشم یورقون یارالی خسته جلدیم مُنگمش  
 پیکریمده سوز زخمیم دله آثار عطش  
 قتلیم اوسته ایلوری اون یدی قاتل کشمکش  
 نولدورولر سو یانیندا تشنه لب سقانی گل

باشیم اللرده قالوبدور ای شه گردون جلال  
 سیدی بو صون نفس گل باشیمی اللردن آل  
 قولسوزام من بوینوما بیر قوللارون رأفتله سال  
 آلماقا گوگلوده کی بو حسرت پنهانی گل  
 یوخ الیم پاک ایلیم قانه باتان گوزقاشیمی  
 لطف قیل گل آل آتام اوغلی دیزاوسته باشیمی  
 گوزلریمدن سیل اوزون قانه دونن گوزیاشیمی  
 بیرده جان اوسته گوروم وجه الله زیبانی گل  
 دوشموشم مجروح و لب تشنه لب دریاده من  
 شیریدیم صید اولموشام روبه صفت صیاده من  
 باشیم اوسته گلمه سن باش ویرمرم جلاده من  
 مقدمونده خوشدلیم قربان ایدم بو جانی گل  
 دوت ره تقوانی تائب دار دنیا دور فنا  
 عالم عقباده تقوی دور ایدن اوتدان رها  
 اولماسا تقوی گیدر زحمتلرون یکسر هوا  
 ایلین دعوت دیوب الله گتور تقوانی گل

زبانحال امام حسین علیه السلام در بالین برادر

ای منی قویان یالقیز قارداشیم اویان گلدیم  
پیکری دوشن قولسوز قارداشیم اویان گلدیم



ای منیم سپهداریم غم گونومده غمخواریم  
باوفا علمداریم آچ گوزون اویان گلدیم  
دوره می آلوب دشمن یالقیزام غریب من  
سن منیم امیدیمسن قارداشیم اویان گلدیم  
خیمه ده سسون آلدیم اوزگه حالته قالدیم  
حربگاهه یول سالدیم قارداشیم اویان گلدیم  
قسانه اشگوی قاتما گوزدن ئل لرون آتما  
بیله نازیله یاتما قارداشیم اویان گلدیم  
ای رشید نام آور خیمه ده قوپوب محشر  
قزلاریم یولون گوزلر قارداشیم اویان گلدیم  
ای جمالی گل رشگی گوزده قان اولان اشگی  
قانیله دولان مشگی قارداشیم اویان گلدیم

بیله جانندن دویمه رخت وصلتی سویمه  
دور حسینی تک قویما قارداشیم اویان گلدیم  
شیشه دلیم سیندی نخل حاصلیم سیندی  
دور منیم بئلیم سیندی قارداشیم اویان گلدیم  
ای جوان نورسته قید عشقه وابسته  
جان قویان بو دین اوسته قارداشیم اویان گلدیم  
قویدلار منی بیکس دور منه اوزون ویر سس  
دشمنین قباقین کس قارداشیم اویان گلدیم  
گوزلریم توکر قانیاش وار نه یار و نه یولداش  
سنده دی گوزوم قارداش قارداشیم اویان گلدیم  
جسمده یاران چوخدی زخمون سانی یوخدی  
پیکرون دولی اوخدی قارداشیم اویان گلدیم  
قانونه بویاندون سن بی پناه قالدیم من  
ال تاپار منه دشمن قارداشیم اویان گلدیم  
قوللاریوی کیم سالدی صبریمی منیم آلدی  
سینه ده الیم قالدی قارداشیم اویان گلدیم  
تائب اوز دلین داغلار اشگینی یوزه باغلار  
بو سوزی دیر آغلار قارداشیم اویان گلدیم



**زبانحال حضرت زینب علیها السلام با قمر بنی هاشم علیها السلام**

گوز یا شوه قربان گوزون آغلار نیه قارداش  
عباس نولوب تک گلوسن خیمیه قارداش



سولموش سوسوزوندان نجه گور غنچه دوداقلار  
اللرده سو جامی سو دیور تشنه قوناقلار  
عباسدن ایستردیله سو خرده او شاققلار  
بولمور بالا قزلار کیمه دردین دیه قارداش  
رنگون آنام اوغلی نیه گل تک سارالوبدور  
نه غم سنی بو صبریله بو حاله سالوبدور  
قدون بو کولوب بیله لون بئلده قالوبدور  
دوتموش بدنون رعشه دوشوب لرزیه قارداش  
خم اولدی قدون دشمنوین قذی دورلدی  
باخدیم سنه حسرت اوخی بو سینه می دلدی  
گلدون نیه تک قارداشون عباسه نه گلدی  
گلموبدی علمدار ندن خیمیه قارداش

ذی حقسن آنام اوغلی که جانان او سانوبسان  
قارداشوی جان اوسته گوروب بیله یانوبسان  
قارداش قانینا سن که بونوعی بویانوبسان  
زیبنده گرک جامه نیلی گیه قارداش  
عباس اوزی که واریدی رسم وفایه  
طی ایتیشیدی اولسا وفاده نچه پایه  
ویسر میشدی سو وعده حرم آل عباسیه  
بس سو او وفائیه گتورموب نیه قارداش  
عباسده قارداش واریدی ایله رشادت  
اولسونلا مبارز اونا ایتمز دیله جرأت  
سال میشدی مگر قوللارینی اهل شقاوت  
ال تاپدیلا اول شیر دل شرزیه قارداش  
کشف ایله چیخوبسان نیه بو نوع اوزیندن  
جاری اولی رخساره جگر قانی گوزیندن  
مطلق گورورم من نولوم آثاری اوزیندن  
رحلت یاخون اولموش سنی درک ایلیه قارداش

نه سزّدی کشف ایت آنام اوغلی بو فگارہ  
گوزدن توکوسن مه یوزیوه اشگ ستاره  
یوخسا ئولوب عباس من اولدوم گونی قاره  
حتم اولدی اسارت بو بلا دیدیه قارداش  
قارداش ئولوب عباس اونی یردن گوتوریدون  
حسرت یاراسین اودلی دلیندن بیتریدون  
قارداشلاری تک خیمیه نعشین گتوریدون  
شوریلہ قوریدوق اونا بیر تعزیه قارداش  
یوخدور بو بیاباندا ابوالفضلین آناسی  
تا شیونیلہ اوخشیه اول اشجع ناسی  
نعشین تاپارام قوزام اوزوم ماتم اساسی  
تا قارداشوا حسرت دل اولمیه قارداش  
تائب گیدوری دسته به دسته بو جماعت  
هر وقفه حسین قبرینی ایله زیارت  
یا الوار باجیسی زینبه تاپ سنده سعادت  
باجی دیه بیر وقفه سنی ایستیه قارداش

زبانحال امام مظلوم علیه السلام خطاب به زینب کبرا علیها السلام

دونوب قانه گوزومده ظلمیلہ اشگ تریم زینب  
وفالی قارداشیم ئولدی داغیلدی لشکریم زینب



باجی قانلو بولوددا آی تک عباسیم خسوف ایتدی  
ایچوب جام شهادت گرچه اوز مقصودینه یتدی  
منی دشمنلر ایچره لیک قارداشسیر قویوب گیتدی  
جسارت تاپدی بو چولده منه دشمنلریم زینب  
یانوب قلبیم دولوب قانیلہ گوگلوم محنتیم آرتدی  
دگل بیجا منی وار سزی بیر غم بیلہ آغلالتدی  
علمداریم ئولوب سیندی سپاهیم بیرقیم یاتدی  
اولوب مقتول اعدا با وفا سرلشکریم زینب  
جهانی یاندرار دلده اولان بو نسکلیم باجی  
گیدوب الدن ابوالفضلیم کیمی آرхам ثلیم باجی  
حیاتیمدن امیدیم قطع اولوب سیندی بثلیم باجی  
قالوب نه طاقتم دلده گلور نه دیزلریم زینب



یتیشدیم دادینه بیردم من نالان خونین دل  
ایله بیر حالده گوردوم منه یوز ویردی چوخ نسکل  
اونون اطرافینی دوتموشدی اون یدی نفر قاتل  
چالوردی قان ایچینه ال ایاق مه منظریم زینب  
اوزین قان ایچره بیلمزدی او جلدی مُنگمش باجی  
اونی یخیمیشدی یاره زحمتی سوز عطش باجی  
ایدردی قوم کینه قتلی اوسته کشمکش باجی  
باشی اللرده قالیمیشدی وفالی خواهریم زینب  
بو احوالی گورنده باجی اوزگه حاله قالدیم من  
چکوب تیغ عمر اعدا خرمینه نار سالدیم من  
یارالی قارداشیمین باشینی اللردن آلدیم من  
باشین آلدیم دیز اوسته آغلادی چشم تریم زینب  
زبس دشمن یارالی باشینه ویرمیشدی چوخ زحمت  
خیال ایتدی گینه وار باشی اوسته قوم دل ظلمت  
دیزیمدن باشینی گوتدی یره قویدی او مه طلعت  
باخوب اول حالینه آرتدی اورکده اخگریم زینب

یوزین سورتور یزه گوردوم اورکدن حسرته دولدوم  
منی گورمور گوزی قان دولدور ویدور گوزلرین بولدوم  
وفالی قارداشیمین گوزلرینین قانینی سیلدیم  
نه گوردوم او خلانوب گوزدن او ثانی حیدریم زینب  
سو وعده ایلمیشدی قزلارا اول غیرتی کامل  
سو مشکین او خلایمیشدی اشقیا اولموشدی سو زایل  
خیامه گلماقا اوز خجلتیدن اولمادی مایل  
سو سوز قزلاردان عذر ایستردی اول سیمین بریم زینب  
سو سوزلار فکرین ایتیمیشدی یتونجه جان دوداقینه  
سو مشکین حفظ ایده بولموشدی واجب اوز سیاقینه  
زبس ویرموشدی سینه اوخ گلنده اوخ قباقینه  
اورک باشیندن او خلانمیشدی اول مه منظریم زینب  
دوشن یرده باجی غربال گویدن غم آلنمیشدی  
غم آور حالیه قارداشیم آلقانه بلنمیشدی  
همی گل پیکریندن هم باشیندن یاره لنمیشدی  
توکردی اشگ خونین گوزدن اول تاج سریم زینب


یو خیدی قوللاری عباسیمین میدانده دوشموشدی  
 سومشگی اوخلانوب بیریان باتوب آلقانه دوشموشدی  
 علم بیر سمتده هر تک قولی بیر یانه دوشموشدی  
 قالبوب شهباز بی پر تک وفالی یاوریم زینب  
 شراره دوتدی قلبیم باخدیم احوال علمداره  
 یتیشمیشدی وجودینه زبس اندازه سیز یاره  
 رسا قدی سنان و تیغیله اولموشدی صدپاره  
 حقیقتده اولوب مظلوم اول مه پیکریم زینب  
 اورکدن یاندیم ایتدیم فکر یو خدور چاره سی گوردوم  
 ویرردی چشمه تک قان پیکر صدپاره سی گوردوم  
 تو گندی طاقتیم آنندا که اوخ یاره سی گوردوم  
 اونون آتی منیم اوخلاندی قلب مضطربیم زینب  
 او عباسی که دعوا موقعی بیدق او جاتمیشدی  
 باجی گوردوم ایله قان ایچره مظلومانه یاتمیشدی  
 اونون جسمینده اوخ سنبل کیمی باش باشه چاتمیشدی  
 پر آچمیشدی اوخیله اول هنرور سروریم زینب

منی رفتاردن سالدی فراقی زبده ناسین  
 آنا تک اوخ شاسین قارداشیمه دی عترت یاسین  
 اوزیمده شیونیه دوتموشام عباسیمین یاسین  
 قالبوب قوینومدا حسرتله نجه گور اللریم زینب  
 اگرچه اودلانور دللر عطش سوز و شرارینده  
 ولی سویله سکینه قالماسون سو انتظارینده  
 سو اوسته ثولدوروب سقانی دشمن سو کنارینده  
 سودان قطع امید ایتسونله تشنه لب لیریم زینب  
 یاز اغلا تائبا عباسه تاپسان هر قدر فرصت  
 نه ایسترسن ویرر باب الحوائج دور او مه طلعت  
 حسینین یاز دلینجه بو کلامی ایلمه غفلت  
 دونوب قانه گوزیمده ظلمیله اشگ تریم زینب



## زبانحال ام البنین خطاب به حضرت ابوالفضل علیهما السلام

لب تشنه کوی حقدہ قربان اولان او غولوی  
ام البنینی دایم آغلار قویان او غولوی




ای تشنه اهل بیت دشت بلاده سقا  
سن اوز وظیفون ایتدون بر وجه احسن ایفا  
نهر فراتی آلدون لب تشنه چیخدون اما  
ویردون ره وفاده لب تشنه جان او غولوی  
سن چیخمدون کناره هرگز وفا یولوندان  
گیچدون طریق حقدہ هم صاق و هم صولوندان  
مشگ اوسته سن گوتوردون ال هر یکی قولوندان  
سو مشگینه ستمله قانی دولان او غولوی  
ای جمله جان فدادن نسکل لی ماجراسی  
هر جانفداین اولماز سن تک او غول وفاسی  
بر شیوه وفاوین ام البنین فداسی  
اخذ ایلین وفاده نام و نشان او غولوی

دلشادیدیم ازل من دلدن بو ماجرایه  
ایلر بالام حمایت مظلوم کربلایه  
قورخوردوم اولسون اما غالب بد اقصایه  
صدشکر آناوه اولدی ورد زبان او غولوی  
قلیم یانوب اگرچه من قالمیشام او غولسوز  
لیک ایلرم تشکر سندن او غول شب و روز  
سن قویمادون حسینم قالسون او چولده یالقوز  
قربان ایدن او یولدا باشیله جان او غولوی  
بیر نچه ایل جهاندا چکدیم او غول ریاضت  
بو قد اعتداله یتدی او سرو قامت  
حیف اولمادیم گوریدیم وار سنده نه رشادت  
دعواوه قالدی حسرت بی کس آنای او غولوی  
ایکاش کربلاده منده او غول اولیدیم  
گوزیاشیمیلہ ابر باران کیمی دولیدیم  
صد پاره نعلشون اوسته بیر زلفیمی یولیدیم  
گوگلوده قالدی بیله حسرت نهان او غولوی

ای بوستان عشقه قامتده سرو نورس  
 اولمازیدی مبارز دعواده سنله بیرکس  
 ای شیرینجه او غلوم نولموشدی اللرون بس  
 تاپدی سنه او چولده ال کوفیان او غولوی  
 ای نوجوان واریدی سنده ایله رشادت  
 دورسون سنه مقابل ایتمزدی کیمسه جرأت  
 قولسوز گوروب یقیناً تاپموشدی لار جسارت  
 وورمیشدی لار او قدری تیر و سنان او غولوی  
 عشق عالمینده قانه باتمیش او خط و خالون  
 زهر ارسند اولوبدور کیفیت قتالون  
 اولسون او غول آنالیق حقیق سنون حلالون  
 ای مرتضا باخیشلی حیدر لسان او غولوی  
 سن فکر جانی باشدان کوی وفاده آتدون  
 لب تشنه سو یانیندا ظلمیله قانه باتدون  
 باشدان گیچوب آناوین یاخشی باشین او جاتدون  
 ای ایلین حسینون قدین کمان او غولوی

اهل وفایه عشقون یاخشی نشان ویروبسن  
 بو سهدور سو ایچموب سو اوسته جان ویروبسن  
 بیر باخماقا فراته گوز ترجمان ویروبسن  
 ای چشم خونفشانی تیره نشان او غولوی  
 لطف اولدی اوزلریندن تائب سوزون دوزلدی  
 یازدون آنا دلیل سوز یاخشی یرده گلدی  
 اولسا اکر مکرر سرمطلعی گوزلدی  
 لب تشنه کوی حقه قربان اولان او غولوی  
 ام البنینی دائم آغلار قویان او غولوی



با راهزن بطول سفر همعان مباح  
 آنکو دروغگوست بدو همزبان مباح  
 بر بام کعبه قصد یکی بُت نهادن است  
 ای مرد حق پرست بر او نردبان مباح



## احوالات حضرت علی اصغر علیہ السلام

گینه سودای عشق ایتدی منی عالمده دیوانه  
 بسنای صبریمی قیلدی ملال و غصّه ویرانه  
 ❖❖❖❖❖  
 دوشر یاده غریب کربلانیں تک قالان وقتی  
 گوگل مجروح اولور حسرتله بو باغیریم دونور قانه  
 وداع ایتماقلیقا بیره عیالین خیمیه گلدی  
 گوروب یکسر گلوب آل پیمبر شور و افغانه  
 سئوال ایتدی بوقدری شور و افغانه ندور علت  
 همین بو مطلبی کشف ایتدیلر گویا او سلطانه  
 روایت وار گتوردی اصغری بی خانمان زینب  
 عطشدن رنگی سولموش ویردی شاه جن وانسانه  
 دلی یوخدور سوسوزلیق دردینی تا ایلیه اظهار  
 ولی رمزیه اظهار عطش ایلر بو دُرْدانه  
 بالام بیر آز زماندور هوشدیدی تا سسون آلدی  
 آیلدی هوشدن سالدی اوزین گهواره دن یانه

آمر سوز عطشدن لبلرین بو سودا امر قارداش  
 باخار چوخ حسرتیه اود سالار بو کون و امکانه  
 سوسوزدان اودلانور بو عتمه سی ئولموش حسینم گل  
 آپار بیر جرعه سو تحصیل ایله بو طفل عطشانه  
 او سولموش غنچه نی زینبدن آلدی شاه مظلومان  
 باسوب آغوشه شوریه قویوب یوز قانلو میدان  
 گلوب صفلر قباقینده دایاندی فاطمه اوغلی  
 لب لعلین آچوب فرمایش ایتدی قوم عدوانه  
 بویوردی حضرت ختم رسالت جد پا کیمدور  
 او پیغمبر حضور حقّدن حاملدی قرآنه  
 حسینم من شرافت چرخینه مهر درخشانم  
 آتامدور شیر داور جانشینم شیر یزدانه  
 آنامدور حضرت پیغمبرین ریحانه سی زهرا  
 اونا مهریه دور نهر فرات ای اهل کین یانه  
 ندن راه فراتی باغلیوب سیز فرقه طاغی  
 بر چوله ظلم دریاسین گتوردوز بيله طغیانه

گورون آیار وادور سیل تک هریانه سو آخسون  
 ولیکن سویولی باغلانسون آل شاه مردانه  
 سزیلدار فاطمه اطفالی نی تک خیمه ده تشنه  
 دوتوب غفلت سیزی بیله باخور سوز کور کورانه  
 سولوبدور غنچه وقتینده یتوب جانی دوداقینه  
 سوسوز لوق غنچه لیقدا دوندرو بدور بیله خندانه  
 ایچوب آب فراتی وحش و طیر اولسون هامی سیراب  
 سوسوز لیقدان بالام آیار وادور اود دوتوب یانه  
 بالام یاندی سوسوزدان حالینه باخدیم اوزوم یاندیم  
 آلون باری و یرون بیر جرعه سو بو طفل عطشانه  
 یانقلی دل دیدی دشمنلره ازبس لسان الله  
 مؤثر اولدی مظلومیتی اول قوم طغیانه  
 او پوزقون حالی پوزدی سربه سر آغلادی اعدانی  
 اله دسمال آلوب یکسر توکوبلر اشگی دامانه  
 باخوب سعداوغلی گوردی لشکرینده اوزگه عالم وار  
 تماماً لشکر آغلار حال سلطان شهیدانه


دوتوب یوز سویلیدی یا حرمله قویما علی اوغلی  
 بو اندازه یانقلی دل دیسون بو اهل عصیانه  
 دوروب ساکت دایانما آل اله اوچ شعبه پیکانی  
 حسینین ویر جواین ای مخالف دین و قرآنه  
 او ساعت حرمله آیریلدی صفلردن روایت وار  
 باخوب سعداوغلنون فرمانینه اول خانه ویرانه  
 کمانین کتفدن آندیردی فوراً خصم پیغمبر  
 قویوب قلبینده هر قدری قساوت واردی میدانه  
 قویوب اوچ شعبه لی بیر اوخ کمانه اول جفا گستر  
 ایدوب حلقین نشانه اصغرین اوچ شعبه پیکانه  
 آتان قول قوه لی تیر جفا اوچ شعبه لی یارب  
 هدف بیر سودا مر هاردان دوزر بو ظلم سوزانه  
 کماندان تور تولوب اوچ شعبه لی اوخ گویده سسلندی  
 سسین آلدی اوخ استقبالینه چیخدی او دُر دانه  
 او سولموش غنچه نین بیجی بوغازین ظلم پیکانی  
 بویاندی اصغرین حلقی حسینین المری قانه



بوغازدان اصغری قولدان حسین اوخلاندی یا الله  
 چکوب بیر آه باخدی حسرتیله اوخلی قربانه  
 باسوب آغوشینه آغلار گوزیله اوخلی قربانی  
 سالوب حال اسفناکیله سوزش دور دورانه  
 گلوب خیمه قباقلنده دایاندی حالی چوخ پوزقون  
 صدا ووردی باجیسی زینب زار و پریشانه  
 باجی جان دورماگل اوخلاندی اصغر قلییم اوخلاندی  
 دم پیکانیه سو ویردی دشمن بو لب عطشانه  
 گل ای گلزار محنت بلبلای غم شریکیم گل  
 سولوب نشکفته غنچم گل خزان یتدی گلستانه  
 سو امیدیه میدانه آپاردیم بو لب عطشانی  
 رواگوردی ولیکن حرمله بیر ظلم خصمانه  
 بویادی لاله تک اوز قانینه غنچه گلی منده  
 گتوردوم تحفه میداندان رباب زار و نالانه  
 سوله گلسون آناسی بلبل شوریده تک داده  
 سموم ظلم اسدی گلشنه گل گیتدی تالانه  
 شفاعت ایستوری نائب قیامتده الی بوشدور  
 توکوب گوزیاشینی دائم وورار چنگین بو دامانه

### احتجاج امام مظلوم علی درمقابل کفار

رحم ایلیون ای گروه عدوان اوخلاندی بو سودامر الیمده  
 آخر گوروسوز بالام سوسوزدان اوز لبلرینی آمر الیمده



گوردو قجا بونون اسغلی حالین بیر غصه لی حاله قالمیشام من  
 غنچه گلیمی گورنده سولموش باخدی قجا سولوب سارالمیشام من  
 سو وعده ووروب بو شیرخواری آغلار آناسیندان آلمیشام من  
 سودسیر آناسیندان آیری دوشموش آهو بالاسی مکر الیمده  
 ای فرقه کین شعار و بدخو یاندیردی بو ظلم نه رواقی  
 وار هانسی طریقه ده مگر بو عطشان قویالار صغیر اوشاقی  
 مهمانوزا بیر ایچیم ویرون سو تا ایسلانا خشک اولان دوداقی  
 گل غنچه سی تک سولوب سوسوزدان بو حالیه جان ویرر الیمده  
 سو یوخدی بونا ویره آناسی مخیمده الی اورکده قالمیش  
 خرگاهدن العطش صداسی اهل حرمین گویه اوجالمیش  
 وار هر آنانین سوسوز بالاسی حسرتله اونی قوجاقه آلمیش  
 عرض ایلوری ای خدای رحمان رحم ایله بالام نولر الیمده

آیا نه روادی اهل کوفه هر سمتی سوی فراتین آخسون  
ایچسون اوسودان هاسی ولیکن یاندرسون عطش بالامی یاخسون  
خشکیده دلین دوداقین آسون حسرتنه منیم یوزیمه باخسون  
گل رنگین عطش ایله سارالدوب چون برگ خزان آسر الیمده  
بسدور داخی قوم بی مروت یالقیز لاموسوز بو بی پناهی  
بو چولده نه وار ایدن حمایت نه یاری قالب نه دادخواهی  
سیز منله طرفسیز ای جماعت بو سودامرین ندور گناهی  
مطلق گوروسوز بو طفل عطشان بیر شمع کیمی سُور الیمده  
گاهی چکور آه حسرتیله گه گوزلرینی دولاندیرور بو  
گاهی باخوری محبتیله بو اودلی دلیمی یاندرور بو  
دلسیزدی اسفل حالته سوز عطشینی آندیرور بو  
آمدیقجا دلین بو شیرخواره سوز عطشین دیر الیمده  
بو نهر فرات ای جماعت مهرته دی شبهه سیز آنامه  
عالمده سویی ثباح اولوبدی هر شاه وگدا او خاص و عامه  
علتندی بس حرام ایدور سوز بو بول سویی سیز منیم بالامه  
ذریه ختم انبیادی اوز لعل لبین آفر الیمده  
بیر غنچه دی گلستان دینه قویموبدی عطش قالا صفاسی  
انصاف ایدون ای گروه کینه بیر جرعه سویون ندور بهاسی

بیر جرعه ویرون بو دلحزیننه بو امرده واردی حق رضاسی  
بیر حالده دور بالام او حالی دنیا به ایدر اثر الیمده  
ضعف اوز ویروری عطش شراری بو دلسیزی یاندرورب یاخاندا  
گوندوز دُونُوری گوزیمده شامه اولدوز تک الیمده بو آخاندا  
الله بولوری نه حاله قلام ایستکلی بالام منه باخاندا  
سوز دلی سودامر بالامین هر قلبه سالار شرر الیمده  
نه سود ویریلوب نه سو جماعت اوچ گوندی بو سودامر اوشاقه  
ای قوم گورون نه نوع دُونُوسون بیر دلسیز اوشاق بو احترامه  
قونموش یوزینه ثلوم غباری جانی بالامین یتوب دوداقه  
بی حالدی دمبدم اوزیندن لب تشنه بالام گیدر الیمده  
بو گوگنیمی اصغرین بو حالی غنچه کیمی دُونُدروبدی قانه  
ازبسکه عطش آلوب قرارین حسرتنه باخور او یان بویانه  
بوخ چاره دوروب نظاره قیلام ناچار بو طفله یانه یانه  
عطشانندی اوزی ولیک ایمدی صهبای اجل ایچر الیمده  
تائب نقدر واروندی عمرون یاز نوحه حسینه ایله خدمت  
بو نوحه نی نظم ایدنده ایتدی لطفاً سنه اوزلری جماعت  
بی اجر دگل یاز آغلا ایسته بو ساعیه جمعیله زیارت  
گیت قبرینه عرض قیل بو شعریم بیر تحفه دی مختصر الیمده



زبانحال حضرت سیدالشهدا علیه السلام خطاببه خواهرش در مصیبت علی اصغر علیه السلام

ظلم اوخی اصغریمی قانه بویاندیردی باجی  
قان ویروب سو یرینه قلبیمی یاندیردی باجی



ایله سوز عطشیندن باجی جان یاندی بالام  
غنچه تک رنگی سولوب اود دو توب اودلاندی بالام  
ایم اوستونده همین حالیه اوخلاندی بالام  
جگریم یاندی منی جانہ دایاندیردی باجی  
گرچه یانمیشدی سوسوزلوق اودینا غنچه تریم  
زینبیم دلسیزیدی لیک بو نور بصریم  
دیه بولموردی یانورسوز عطشدن جگریم  
عاقبت اوز عطشین رمزیله آنذیردی باجی

نظریندن هامونی بو سودامر آتمیشیدی  
یوخوسوزلیق بالامی بسکه آغیرلا تمیشیدی  
استراحتله قوجاقیمده منیم یاتمیشیدی  
قویمادی ناوک دلدوز اویاندیردی باجی  
آشیان اولموشیدی بسکه بونون روحینه تنگ  
خوش دگولدی ایلسون ملک وجودینده درنگ  
تا هواده پر آچوب سسلنوب اوچ شعبه خدنگ  
شُعْفِیلَه گوزونی آچدی دولاندیردی باجی  
چوخ سُر خردا اوشاق قرمزی رنگی بیله دی  
اودی اوز میلجه اوخ دایه سی رفتار ایلدی  
بالامی قرمزی قونداقیله آخر بَله دی  
بونو دلخوش منی دلدن یارالاندیردی باجی  
چوخ بیوک نسکیله قانه باتوب ئولدی بالام  
قالار آغلار آناسی سِجْدی بالام بولدی بالام  
دُندی لبخندیله باخدی یوزیمه گولدی بالام  
او باخیشدا بویانان قلبیمی یاندیردی باجی

دَگه اوچ شعبه اوخ هاردان دُو زَر آلتی ایلیق او شاق  
 بالامین اولسون او احوالی بالالاردان اوزاق  
 اوخ دَگنده ایله بیر هولیه چالیدی ال ایاق  
 طاقت و صبریمی یکباره تالاندیردی باجی  
 بالام اوخلاندی دیمه قلبیمی غمگین ایلدیم  
 افتخاریله اونسی منایه تحسین ایلدیم  
 قانین آتدیم گوینه من کویلری رنگین ایلدیم  
 باشیمی درگه حقه او جالاندیردی باجی  
 سو خصوصینده چوخ اولموشدی بونون کشمکشی  
 عطشیندن باجی سولموشدی لب غنچه وشی  
 ظلم ایله ایچوب اوز قانینی سوندی عطشی  
 نسکلیله منی جانیمدن اوساندیردی باجی  
 ایله بیر حاله سالوبدور بالامی زخم گلو  
 اوزلیقیندن چیخادوب بیلمز اوزین سهلدی بو  
 ایسته قز حشره کیمی بو بالا بوندان ضورا سو  
 بالاما ظلم اوخی عطشانلیقی داندیردی باجی

گل الیمدن آل آپار باخبر اولسون آناسی  
 فکر ایدور ایمدی او بیچاره ایچوب سو بالاسی  
 بولموری وار بوغازیندا بالامین اوخ یاراسی  
 جسمدن روحینی پیکان آرالاندیردی باجی  
 ایله حالی بو محندن او غم آواره سینی  
 ویر قوجاقینه اونون بیرده بو مه پاره سینی  
 باغلاسون اصغریمین حلقینین اوخ یاره سینی  
 نجه گورسون بونی اوخ قانه بویاندیردی باجی  
 تائب اویما بو دنیا یه ایتیرمه اوزیوی  
 نوحه یازماقلیقاً صرف ایت گیجه وی گوندوزیوی  
 بیرده آغلار گوزیله ذکر ایله اول سوزیوی  
 ظلم اوخی اصغریمی قانه بویاندیردی باجی



## زبانحال حضرت رباب به طفل شیرخواره

نه دیدی اوخ سنه گوزدن آناوی آتدون اوغول  
یوخلاموردون نه سبب اولدی بیله یاتدون اوغول




ایستدی رفتار سنون مقصد پنهانویلن  
بویادی کوینگوی قرمزی اوز قانونیلن  
ویردی پیرایه سنه خلعت الوانویلن  
دلده کی گیزلین اولان مقصدیوه چاتدون اوغول  
تیر دلدوز ثلوم جامه سی بیچدیردی سنه  
رمزیه شرط محبت ندی سیچدیردی سنه  
گوردی تشنه بوغازون قانینی ایچدیردی سنه  
ایچدون اوز قانونی سو فکرین اودی آتدون اوغول  
آپاران وقتده میداننه سنی شاه زمن  
فکریم اوردایدی منیم ای یوزی گل غنچه دهن  
شه الینده ایله جلوه ایلدون دشمنه سن  
سنگدل دشمنی اوز حالوه آغلادتون اوغول

ایستدی سعداوغلی ندا حرمله بدسیری  
اوخلا خورشید الی اوستونده بنو قرص قمری  
آناوین اوندا قریلدی بالا بند جگری  
اوندا ییلدیم که سحر اولدوزی تک باتدون اوغول  
تیر حسرتله بر اودلی دلیمی دلدون عجب  
سو هوا سیله گیدوب قانون ایچوب گلدون عجب  
اوخلانوب ظلمیله یوزقون بالا دینجلدون عجب  
یوخلادون آغلار آنان بختینی یوخلادتون اوغول  
نه سبب اولدی که جاندان بیله تنز دؤیدون علی  
رخت وصلی بدنوندن نیه تنز سویدون علی  
سینه داغلی آناوی یاخشی مکر قویدون علی  
عالم وصلتی هجر عالمینه ساتدون اوغول  
اولمادی سو ایچه سن گل تک اوزون سولدی بالا  
سارالان رنگوه باخدیم اورگیم دولدی بالا  
یاندیم احوالوه سینم سودی خشک اولدی بالا  
آغلادون اشکویله سینه می ایسلادتون اوغول

بو اوخی که وریلوب سن کیمی مه پاره سینه  
 آن اوین کاش دگیدی دل صد پاره سینه  
 اولا قربان بو آنان حلقوین اوخ یاره سینه  
 اوخلانوب ظلمیله اوز قانوه سن باتدون اوغول  
 نجه بی شرم و ستم پروریمیش بو اوخ آتان  
 سودامر وقتی سنون قانوه ناحق باتان  
 هم سنی اوخلادی بیر تیریه هم یالقیز آتان  
 آتاوین قانینه اوز قانوی سن قاتدون اوغول  
 دلدن عالمده سنون غملروی آتماز آنان  
 آیری نسکلره نسکلریوی قاتماز آنان  
 داخی سنسز گیجه لر صبحه کیمی یاتماز آنان  
 بیله حالیه که سن قانه باتوب یاتدون اوغول  
 احمدی بیرده غلام آدلی حسین نوحه گری  
 خواستار اولدیلا تائب یازا بو نوحه لری  
 نه گوزل سوزدی آناسی دیدی وار چوخ اثری  
 نه دیدی اوخ سنه گوزدن آناوی آتدون اوغول

زبانحال حضرت زینب علیها السلام  
 دروداع امام حسین علیها السلام

دایان آنام اوغلی دایان باشوا دولانیم گیت  
 فداگیدن یوللاریوا بو بلالی جانیم گیت  
 آخور نجه گور عذاریمه حسرتیله گوز یاشیم  
 ای بلالی قارداشیم



بسو گلستاندا نقدر اودلانوب سولان گل وار  
 یانوب سولان هر گله بیر خوش ترانه بلبل وار  
 تیکوبله گوزلرین سنه دلدن نار نسکل وار  
 اولاردان آل درد دل ای خسته باغبانیم گیت  
 گلوب شکسته نی کیمی گور نجه دله قزلار  
 شبیه اولوبلا تک به تک بیر سولان گله قزلار  
 ایله دوشوبله وحشته آز قالور ئوله قزلار  
 اولاره ویر قوت دل طاقت و توانیم گیت



گستور او اودلی سینه ده اوز محبتون جوشه  
 بو آیریلقد اقلارون وصلدن آلا توشه  
 بو نازنین رقیه وی لطف قیل آل آغوشه  
 بابا دینده ویر جواب ای عزیز جانیم گیت  
 رقیه حسرتله سینه گور نجه باخار آغلار  
 شرار آهیله منی یاندرار یاخار آغلار  
 بولودکیمی دولوب یوزه گوزیاشی آخار آغلار  
 دانیشدیروب گوگلین آل ای شاه انس و جانیم گیت  
 بو خردا قز تاب ایلمز افتراقوه قارداش  
 یارالی قوش تک سخیلوب گل بوداقوه قارداش  
 سینه قانادلانور اونسی آل قوجاقوه قارداش  
 یوزیندن اوپ اشگینی سیل جسمده روانیم گیت  
 سنی گورنرم عیاندور بو سوز و سازوندان  
 دلیم یانار شراره هجر جانگدازوندان  
 آنام وصیت ایلوب گل اوپوم بوغازوندان  
 اورکده قالماسون حسین حسرت نهانیم گیت

روادگل حسرتیله من قالوم آنام اوغلی  
 گتور باشون بو سینه مه بیر آلوم آنام اوغلی  
 یوزون اوپوم بوینوا بیر قول سالوم آنام اوغلی  
 آلوم مشامه عطریوی ای گل جنانیم گیت  
 بونوع پوزما حالوی ای شهشه عطشان  
 شکسته حالوه حسین زینبون اولاقربان  
 دایان باشون اوسته دوتوم بو یول اوسته بیر قرآن  
 دالونجا سپسون سو یولا چشم خونفشانیم گیت  
 غم ایلمه بو دشته یوخدی بیر هوادارون  
 سینوبدی لشکرون سنون قالمیوب علمدارون  
 باشی قرالیلار قوشون من اوزوم جلودارون  
 باشیمدا وار قرخا یاخین یاسلی باغریقانیم گیت  
 نولوب هامی کمکلرین وار نه یار و نه یولداش  
 باخوب صاقا صولا بیله توکمه عارضه قانیاش  
 دایان گلوم رکابوی من اوزوم دوتوم قارداش  
 سوار ایدیم سالوم یولا مایه گمانیم گیت

گیدورسن ایمدی که گیدن یوللاروا من قربان  
گورنرم بیرده سنی ئولمه میش من نالان  
بیر آز ایاق ساخلا دایان ای شهنش عطشان  
دویونجا بیر گوروم سنی باشوه دولانیم گیت  
محالدورال چکه سن سن حسین بو سودادن  
ایدنرم منع سنی منده بو تمنادن  
باجوالیک صبر دل آل خدای یکتادن  
دؤزوم غم فراقوه حالیمه یانانیم گیت  
بو غمده آغلا تائب اگل همیشه فریاده  
یاز آغلا عشقیله گتور خلقتی شوريله داده  
ویرر حسین نجاتوه بیر برات عقباده  
دیر بهشته ای منیم غملی نوحه خوانیم گیت

### وداع امام حسین علیه السلام

بیرسی ایستیه گر عشقدن حساب دوتا  
سزادگل که گوزین غفلتیه خواب دوتا



باخا حسینه وداع ایلینده اطفالین  
گوره او شیونی عنوان اکتساب دوتا  
سالاندا یاده حسین وداع آخرینی  
یاخیندی کارگه صبری اعتصاب دوتا  
بالالاری مَلْشردی دوتاردی اطرافین  
بیلنمدی دله هانسن او غم نصاب دوتا  
ایله قیامتیدی آیریلاندا اهلیندن  
یاخونلا شوب که بلا دشتین انقلاب دوتا  
وداع ایدوب حرمی یوللاناندا میدانه  
رکابین اولمادی بیر کیمسه باشتاب دوتا



دولان دیراردی گوزین حسرتیله دوروبره  
 او نسکلیندن اود آزقالدی نه قباب دوتا  
 گوروب بو حالیه زینب او شاه غم حشمی  
 حسین قلبی رضا اولموب التهاب دوتا  
 دیدی گل ایلمه تعجیل بیر دایان قارداش  
 که محترم سنی بو آل بو تراب دوتا  
 بیر آز دایان آلا اطرافوی بو اهل حرم  
 سکینه ختم فتحانی انتخاب دوتا  
 بیر آز دایان گله خرده قزون یانینجا سنون  
 گون ایستی سینده سنه سایان رباب دوتا  
 بیر آز دایان باشون اوسته حسین دو توم قرآن  
 عروس الینده دیوم شیشه گلاب دوتا  
 دیمه که یوخدی سنون لشکرون علمدارون  
 قاباقدا بیرقون ای شاه مستطاب دوتا

قوشون بو قاره لچک لر اوزوم جلودارین  
 علم قباقدی کلثوم دلکباب دوتا  
 گورونمیوبدی گورونمز بو دار دنیاده  
 شه آتلاناندا بیر عورت اونا رکاب دوتا  
 گوردی قارداشینین ذوالجناحینی زینب  
 دیدی رضا دگولم قلبون اضطراب دوتا  
 نولوم آتینا باجی قارداشین سوار ایلدی  
 هانی او باجی بیله غمده صبر و تاب دوتا  
 گوزی باخا باخا قارداش گیدور نولوم یولونا  
 نه نوع دؤزماقا تصمیم او باحجاب دوتا  
 اوزون بو تائبه یارب طبع گویا ویر  
 حسین نوحه یازا الله بیر کتاب دوتا

### وداع امام حسین علیهما السلام با امام سجاد علیهما السلام

عهد آلوب مندن ازل گون حضرت جانان او غول  
سو کنارینده اولام دینه سوسوز قربان او غول



ثبت ایدو بدور آدیمه کلک قضا هر نه بلا  
عالم قالوا بلاده ویرمیشم لفظ بلا  
عهدیمی پایانه ویزم من بو چولده بر ملا  
باش و جانیه و ارام وابسته پیمان او غول  
عشقیمین هر عشقه بو آفاق ده رُجحانی وار  
آگهم من هرنه پیمان نامه مین عنوانی وار  
یتمیوب اتمامه لیکن عهدیمین نقصانی وار  
گیتسه گر باشیم یترا کماله بو نقصان او غول  
سالمو شام غوغای عشقه تک نه من اوز باشیمی  
ایتیمیشم شوریده سر یتیمش ایکی یولداشیمی  
ویرمیشم بیر بیر بو گونده او غلومی قارداشیمی  
بو منای عشقده دینه فدا عطشان او غول

بیر طرفده قارداشون اکبر قزلقانه باتوب  
بیر طرفده قاسمیم عالمیری گوزدن آتوب  
بیر طرفده قارداشیم عباس یورقوندور یاتوب  
اصغری بیر سمتده دلدن سالوب پیکان او غول  
دولدوروب اطرافیمی بو چولده اشرار زمن  
نه کمک وار نه قوشون نه بیر نفر داده یتن  
قالمیشام یالقیز او غول سوز یوخ سیمه سس ویرن  
حسرتیله خانه صبریم اولوب ویران او غول  
فرض اولابو عالم اسلام اگر بیر گلستان  
گللری احکام دیندور من یارالی باغبان  
ایمدی گوزم آز قالور سولسون وار آثار خزان  
گلستان دینه ویزم سو یرینه قان او غول  
ئولدورر باخما منی ظلمیله بو اشرار کین  
بو شهادتده سنون یوخ قسمتون ایله یقین  
اولمیوب حجت سیز اولماز لیک بو روی زمین  
من که باتدیم قانه سنسن حجت یزدان او غول




سنسيز اولماز عاليمين نظم و نظامی مُستقر  
اولماسان اوز خطّ سيريندن چيخار شمس و قمر  
مطلقا دنيا و مافيه اولاړ زير و زبر  
ای اولان قطب مدار عالم امکان اوغول  
گرچه ناخوشسان وجوداً خسته سن رنجور سن  
مخزن علم الله مندن صوراً گنجور سن  
حفظ استقلال دینه من کیمی مأمور سن  
ویرگیلن عیسی دمنله دینه تازه جان اوغول  
قصد ایدوب بيله یزید شوم و ملعون و لئیم  
اولماسون عالمده اجرا حکم قرآن حکیم  
باش و یروب حکمون گتورم اولینه حرف میم  
محکم اولسون حکم قرآن معنی قرآن اوغول  
آدیمه یازموش ازل گونده مشیت خامه سی  
بو لب دریاده لب تشنه ئولوم برنامه سی  
من که گیتدیم اگنیوه سن کی اسارت جامه سی  
خلقه قیل تعلیم ایمان معنی ایمان اوغول  
جانشینیم سن منیم بيله شووب جانان اوزوی  
منکه گیتدیم دین الیندن سنده دور دینین گوزی

بوگون ئولسن سنده حجت سیز قالار دنیا یوزی  
شیعه لر اوندا اولار مظلوم و سرگردان اوغول  
فوت اولور وقت شهادت ای عزیز ممتحن  
بو بلالی زینبیم بو نازلی قزلاریم بو سن  
دورماقا یوخ وقت تاپشور دوم سیزی الله من  
حافظ اولسون سیزلره خلاق انس و جان اوغول  
ای اوزی بیمار بیمار ده پاکی شفا  
بو بیاباندا من اولام کشته اهل جفا  
سن اولارسان دادخواه و ملجأ اهل وفا  
کسمه نازلی قزلاریمدان لطفوی بیر آن اوغول  
یثر به دوشسه گذارون ای امام اوغلی امام  
جدیمه بو صورت احوالی کشف ایله تمام  
اقتون عرض ایله ئولدوردی حسینون تشنه کام  
ئولدی دین اوسته اوزی قارداش کمک اعوان اوغول  
طعن ایدر هر دم حقیقت اهلینه اهل مجاز  
آرتورور بو غصّه دلدن تائبه سوز و گداز  
آغلاسون احوال اهل حقّه ایتسون سوز و ساز  
صبر ایدوب دؤزسون ویرر حق اجر بی پایان اوغول

زبانحالرباب دختر سه ساله  
امام حسین علیه السلام در شب شام غریبان

خیمه ده عمه لریم قوردی عزاخانه بابا  
منده گلدریم یانوا شام غریبانه بابا



بیر یانان خیمه سنون قزلاریوا منزلیدی  
بیر بیر یله هامی ماتم زده لر همدلیدی  
شمع محفل اولارا شعله آه دلیدی  
جمعیدی بیر نچه پر سوخته پروانه بابا  
قزلارون قاتمیشیدی خون جگر گوز یاشینا  
جاری ایلردیله گوز یاشلارینی اوز باشینا  
آنالار او غلونا او خشاردی باجی قارداشینا  
تک تک اولمرشدیلا اندوهیله همخانه بابا  
او چادر دا بابا جان اوز گه بیر عالم قورولوب  
اوز گه طرز یله بساط الم و غم قورولوب  
یاسلیلار یاسه باتوب مجلس ماتم قورولوب  
هره بیر یاندا گلوب ناله و افغانه بابا

هره بیر سمتده حسرت الی قوینوندا قالوب  
باجی قارداشین آنالار بالاسین یاده سالوب  
اصغرین درد فراقی آنامین صبرین آلوب  
بالا وای دلده توکر اشگینی دامانه بابا  
هامودان عرشه چیخار ناله یارب یارب  
هر او غولسوز آنانین دادینه لیلادی سبب  
خیل ثکلالره سرخیلدی عتم زینب  
سس ویرر شور یله هر دیده سی گریانه بابا  
آغلادی شور یله ازبس غمه باتدی بالالار  
شیونیه بی بی مین صبرین آزاتدی بالالار  
دل دیدی دوتدی دله آخری یاتدی بالالار  
چوخ مواظبدی بی یم جمع پریشانه بابا  
سنة گه ناله ایدردیم بابا گه قارداشیم  
اورگیم قانینی قاتمیشدیم آخان گوز یاشیم  
شور عشقون گیجه وقتی ایله دوشدی یاشیم  
گیتدی سینمده توانیم داخی تالانه بابا



فکر دیدار یله گوگلو مده زبس آر تدی شعف  
 جلوه لندی گوزیمه عزت ایام سلف  
 قویدوم اوز شور یله بو قورخولی میدانہ طرف  
 سو سیم وصلیله بو آتش هجرانه بابا  
 دولانوردوم چولی چوخ حسرتیله ناله کنان  
 گه گیدیردیم صاقا گه صول طرفه سرگردان  
 باشد اکی شور منه مصرعوی ویردی نشان  
 تا یئتوردوم اوزیمی محضر جانانه بابا  
 باشیم اوستونده آچوب طایر بختیم پرو بال  
 ایمدی که ایلیمیشم من باباجان درک وصال  
 دور نوازش ایله سنده منی آغوشوه آل  
 سالگیلن لطفیله مرهم دل سوزانه بابا  
 دوتولوب قلب ملولیم منیم ای شاه رمن  
 درد دل ایتماقا گلدیم بو گیجه یانیوه من  
 نولی بیر خوش دلیله سنده منی دیندیره سن  
 غصه دن خالی اولابو دل ویرانه بابا

یارالی پیگریوه حسرتیله من باخارام  
 یباندیروب شعله آهیله جهانی یاخارام  
 سن باتان قانی دوتوب زلفیمه منده یاخارام  
 بویانا خوشدی آتیله بالا بیر قانه بابا  
 بدنون سهلدی ظلمیله قزل قانه باتوب  
 یاره لر گلدیله چوخ نیزه قلج خاری باتوب  
 بتزیری سنبله اوخلار بیله باش باشه چاتوب  
 مایه شوردی هر بلبل خوشخوانه بابا  
 نچه ایلدور که حسینی ایلوب ثبت کتاب  
 گل قزیم سینه مه گلمه بیله افغانه رباب  
 اوزی مأذون ایلدی تائب اونا یازدی جواب  
 منده گلدیم یانوا شام غریبانه بابا  
 نوکرون تائبه شاها ایله بیر عطف نظر  
 قویما آئینه قلبین دوتا چوخ زنگ کدر  
 او یازار سالک او خور واردی بو سوزده چوخ اثر  
 ایسته قورسونلا مٹافوندا عزاخانه بابا

شام غریبان امام حسین علیه السلام  
زبانحال مادرش در خانه خولی

سینه مه گل بو کول اوسته ایلمه منزل او غول  
صحبت ایله منیله گل دیله شیرین دل او غول



بو نجه حال دور ای دیده گریانیمه نور  
بو نه منزلدی ویروب دور سنه بو قوم شرور  
دی گوروم سن هارا او غلوم هارا بو کنج تنور  
چوخ بیوک ظلم ایلیوب دور سنه بو قاتل او غول  
نه دلیلله سالوبلار بیله بیر حاله سنی  
بولدولر من آناوام یا نه بو اشرار دنی  
سنی بو حاله سالوب کیم بیله یاندیردی منی  
آناسی اولماسون عالمده گوروم خوشدل او غول  
کنج مطبخده ویروب یر سنه بو کفر شیم  
گلمیشم منده سنون منزلی دید ایلیم  
منه خوشگلدون ایله او غلوم آنان فاطمیم  
میهمانم سنه حرمت منه اول قاتل او غول

من سنی کوفه دیارینده قوناق بیلدیم ازل  
میزبانون سنه حرمت ایلیوب دور نه گوزل  
نازیله یاتما کول اوستونده بالا سینه مه گل  
ای منیم گلشن سینمده اولان بلبل او غول  
بو نجه باشدی باخاند اگوروم صاف یری یوخ  
بو نجه یوزدی که بیله بلشوب دور کوله چوخ  
بو نه عالمده آپوب دور من اپن لبلردن اوخ  
رقم داغی یازوب دور دلیمه کامل او غول  
باخارام باشوا آرتار دل مضطر یاراسی  
آناواکاش دگیدی باشوین هر یاراسی  
کیم ووروب دور باشوا بیر بیله خنجر یاراسی  
اولماسون خوش گونه عالمده گوروم نائل او غول  
ایتدون ای شمس امامت نیه بو طرز غروب  
دولدوروب قان گوزیوی عارضه کول اوتوروب  
آناوا داش یاراسین هانسی ستم پیشه ووروب  
رستگار اولماسون عالمده اونا قایل او غول  
واقف اولدوم بالا بو واقعه مطلبوه  
تعزیت صاحبیم گلمیشم اول شبوه



سن کول اوستونده یا تو بسان نه گلوب زینبوه  
 آیریلوب سندن ایدوب هاردا مگر منزل او غول  
 قتلگهده واریدیم دله غمیم دیده پُر آب  
 ایلوردوم آغاران زلفیمی قانونلا خضاب  
 ساربان گلدی بو داغلی دلیمی ایتدی کباب  
 حشره دین فاطمه نی یاندیری بو نیکل او غول  
 زخم کینیله بَرَنمیشدی سنون گل بدنون  
 یا خشی خوش منظریدی قانه بویانموش چمنون  
 نعضوین اوستونه بیر خرده قزون گلدی سنون  
 او خشادی قلبیمی یاندیردی او شیرین دل او غول  
 هانی عباس و فسا پرور لشکر شکنون  
 اصغرون نولدی هانی قاسم گلگون کفنون  
 دی گوروم هاردا قالبوب اکبر گل پیرهنون  
 یاتموسان تک باشوین بالشی اولموش کول او غول  
 نوحه خوان سلسله سیندن بیررسی آدی حبیب  
 ایستدی بو سوزی تائبده بو مطلبده گزیب  
 بو حسین قبرینی یارب بیزه سن ایله نصیب  
 آنا قولونجا دیاق سینه مه گل نوگل او غول

### زبانحال علیا مکرمه حضرت زینب علیها السلام

یستنده قتلگه اهل بیت شاه عرب  
 باخوب حسینیه عرض ایلدی خانم زینب  
 ای خدا بو قانینه غلطان حسینمدور منیم  
 گون قباقینده قالان عریان حسینمدور منیم



باش ویروب گل پیکرینده گل یارالار گل کیمی  
 باش باشا چاتموش جفا پیکانلاری سنبل کیمی  
 هر گل اوسته او خشارام شوریده سر بلبل کیمی  
 قتلگاهی گلشن رضوان حسینمدور منیم  
 بو یارالی کیم یاراسی چشمه قان ویروب  
 سینه سینده او خلارا چون مژگان سان ویروب  
 قالب بی روحی مین بی روح جسمه جان ویروب  
 قانه باتمیش عیسی دوران حسینمدور منیم

بو بدن دور پاره پاره یا بهاری گلستان  
 باش و یروب بوندا گل نسرین و سزخ و ارغوان  
 مَصْر عیندن نهر تک جاری اولور صحرايه قان  
 بو سو اوسته جان ویرن عطشان حسینیمدور منیم  
 بو بدن که نقش بند اولموش بونا آت دیرناقی  
 ایلیوبدور قانی چون یاقوت احمر توپراقی  
 نه باشی وار پیکرینده نه الی نه بارماقی  
 جسم پاکی زینت میدان حسینیمدور منیم  
 ای خدا مدّ نظرده بیر علامت گورسنور  
 جسمدور باشند باشا اما جراحت گورسنور  
 قالمیوب آثاری بیر شکل و شباحت گورسنور  
 بو یارالی قانینه غلطان حسینیمدور منیم  
 هیچ تانینمور چوخ دگوب یاره بو صد پاره تنه  
 چون گل خندان داغیلیمیش پیکری پیراهنه  
 باجی قارداشدا اولان ایستک تانتدیردی منه  
 یوخسا بیلیمزدیم که بو عریان حسینیمدور منیم

جسمینه باخدیم گوگل مین جام غم نوش ایلدی  
 عطرینی آلدیم منی بالمره مدهوش ایلدی  
 دلدله کی مهر و محبت مُطلقا جوش ایلدی  
 آخر ایتدی ایستگیم اعلان حسینیمدور منیم  
 گر سلیمان سریر جانندی بو باشسیز بدن  
 یوخ بونون انگشتیله انگشتی بیلیم نندن  
 یوخسا انگشتین کسوب انگشت اوسته اهرمن  
 بو جلال و حشتمی تالان حسینیمدور منیم  
 عطر یوسفدور بو گر دولموش بو دشتین دامنی  
 پاره پاره ایلیوب گُرگان اعراب دنی  
 بس هانی صدچاک اولان قانه باتان پیراهنی  
 پیرهنسیز یوسف کنعان حسینیمدور منیم  
 بو یارالار یورقونی کیم قان ایچینده دینجلور  
 باغریمی احوالینه باخدی تجا تیر غم دلور  
 زخمینه باد صبا دگجاق بهشت عطری گلور  
 خوش شیمی روح بخش جان حسینیمدور منیم



بو بدن که دوشدوقی یر بیلہ قانیلہ دولوب  
 گلشنہ بنزر بهاریلہ خزانسی بیر اولوب  
 پیکرینده گل یارالار هم آچوبدور هم سولوب  
 پیکری بیر گلشن ویران حسینیمدور منیم  
 بیر نفر آفاقده بیلہ گلستان گورمیوب  
 گل لرین گلچین الینده بیلہ خندان گورمیوب  
 گل لری اوسته اولاشبنم قزلقان گورمیوب  
 گل یاراسی اوسته شبنم قان حسینیمدور منیم  
 نه اولار عالمده یارب کربلا تک گلستان  
 نه گلر دنیا یه من تک بلبل اولسون باغریقان  
 خوش ترانم دلده اختارام گلیمدن بیر نشان  
 دلده ازبر گل آدی هر آن حسینیمدور منیم  
 بو یارالی کیم اولوب زخم جفانین خسته سی  
 گوئیایر ده دوشوب خندان اولان گل دسته سی  
 عطری خوشدور من کیمی وار بلبل دلبسته سی  
 ایلین اوز بلبلین خوشخوان حسینیمدور منیم

بلبلیم گلدیم بو گلشنده اولام گل همدی  
 ایلیم گوزیاشی زخم خار ظلمین مرهمی  
 حیف اولا گوزم گلوم اوستون دوتوب قان شبنمی  
 گل وجودی قانیلہ الوان حسینیمدور منیم  
 بلبلیم بو گلشنه گل تاپماقا یول سالمیشام  
 گیتیمشم چوخ صاق صولا سرگشته حیران قالیمیشام  
 اوز گلیم عطرین خدا آخر بو یردن آلمیشام  
 گل کیمی گل پیکری خندان حسینیمدور منیم  
 بو یارالی جسم کیم باشدان باشا مجروح دور  
 بولب دریاده یارب تشنه لب مذبوح دور  
 ناخدای کشتی دین رهنمای نوح دور  
 قان یمینده غرقه طوفان حسینیمدور منیم  
 بو شه نشه دور بولور سن ای خداوند قدیر  
 سینه سی اوسته آچوب طاق ظفر دلدوز تیر  
 بو سنق اوخ نیزه لر اوستی بونا اولموش سریر  
 ظلمیلہ مظلوم اولان سلطان حسینیمدور منیم

هانسی بیر شاهی رعیت قانینه غلطان ایدوب  
 شه لباسین هانسی بیر ملت سویوب تالان ایدوب  
 گون قباقینده یارالی پیکرین عریان ایدوب  
 عور جسمین قان ایدن پنهان حسینمدور منیم  
 هانسی شه بو شه کیمی عالمده خون دل ییوب  
 شه باجیسی هاردا من تک قارداشیم ایوای دیوب  
 هانسی شاهنشاه بیلده منسوجه پیکان گیوب  
 جسمده منسوجه پیکان حسینمدور منیم  
 بو شهنشاه که الهی قانینه غلطان اولوب  
 ملت اسلامه بوردایدی گون مهمان اولوب  
 اهل قرآنین الینده کشته قرآن اولوب  
 بو داغیلیمیش جلدسیز قرآن حسینمدور منیم  
 گتدی شوره مجلس ماتمده جمعی سینه زن  
 چکدی تائب رشته نظمه بیلده شیرین سخن  
 قسمت ایت قبرین دوتاخ بو نوحه نی یا ذوالمنن  
 ای خدا بو قانینه غلطان حسینمدور منیم

### زبانحال حضرت زینب علیها السلام در سر نعلش برادر در قتلگاه

نجه بی شرمدی بو فرقه کافر یارالی  
 سینه بیر بیلده ووروب نیزه و خنجر یارالی  
 ❖❖❖❖❖  
 باخا هر کیمسه آنام اوغلی بو زیبا بدنه  
 یری واردی ایده تشبیه صفالی چمنه  
 حیف بنزر یارالار رنگی سولان یاسمنه  
 که بهار اهلینی افسرده دل ایلر یارالی  
 تا جهان وار آنام اوغلی نه بیلده گلشن اولی  
 نه دوشربیر نفرین بیلده گلستانه یولی  
 هانسی گلشنی که اولسون بیلده عطریله دولی  
 ایتموسن گور نه بو صحرانی معطر یارالی  
 ایله عطرون بوریوب بو چولی ای جان جهان  
 قتلگه مطلق اولوب رشک گلستان جنان  
 نه گلستان ویروری هر گورنه روح روان  
 ترک ایدنمز بو گلستانی گورنلر یارالی



بدنون گلشنی باشندان باشا رنگین گل آچوب  
 اوخ اوخ اوستن وریلوب باش دینه سن سنبل آچوب  
 یاره لر نی کیمی جسمینده سز یلدار دل آچوب  
 تک به تک گلشنوین شرحینی سویلر یارانانی  
 من بو گلزار غمین قلبی یانان بلبلیم  
 بو سولان گل لرینین ناظر خونین دلیم  
 گل کنارینده نوا ایلماقین مایلیم  
 ناله مه مانع اولور قوم ستمگر یارالی  
 بلبلم خوشدی بو گلزار محن ده دولانام  
 بو یری مسکن ایدوب نار مصیبتله یانام  
 گلیمه همدم اولوب سایه سینه دالدا لانام  
 قالماقیم اولموری افسوس میسر یارالی  
 تا وارام قویسالا بو قتلگهونده قالارام  
 ایستمرم گل بدنون ترک کناره آلا رام  
 یوارام اشگیمیله زخمینه مرهم سالارام  
 ساغالا بلکه جراحات مکرر یارالی

گرچه یوخ صاف یری بو پیکرون ای شاه زمن  
 زخم کینیله دولوب باشندان ایاقه بو بدن  
 ساغالار هاموسی اما دگو مرهم گوتورن  
 داغلی سیننده کی داغ علی اکبر یارالی  
 داغیلوبدور باخورام پیکریوین هر یرینه  
 یتوروب ظلمینی بو قوم ستمگر یرینه  
 اوخی اوخ اوسته ووروب خنجری خنجر یرینه  
 یاره اوسته گوتوروب یاره بو پیکر یارالی  
 نه قویور قید محبت که ایدم ترک سنی  
 نه منه قالماقا فرصت ویروری قوم دنی  
 بو ایکی امر ایدوبدور ایله آواره منی  
 بولمورم نیلیوم آخر من مضطر یارالی  
 یوخدی گیرم بو بیاباندا سنون دفن ایدنون  
 گون قباقینده قالوبدور نیه عریان بدنون  
 باجون ئولسون هانی بس مندن آلا ن پیرهنون  
 آپاروب هانسی ستم پیشه و کافر یارالی  
 آتامین جانی او قربانین اولا قربانی  
 خنجر آلتیندا نولوب دلده غم پنهانی

آخوری ایمدیده خنجر یاراسیندان قانی  
 کربلا دشتین ایدوب قانی مُحَمَّر یارالی  
 آتامین جانی اولا بیر ایله مجروحه فدا  
 که دگل یاره لری قابل درمان و دوا  
 گوز آچوب پیکر مجروحده هرکاری یارا  
 اشگ خونین توکر احوالینه پیدر یارالی  
 آتام اول شاهه فدا لشکری اولدی مغلوب  
 هم سینوب لشکری هم خیمه سی اولدی مَنهوب  
 گون قباقینده اولوب جسمی ردادن مَسلوب  
 خاک و خون ایچره دوشوب پیکری بی سر یارالی  
 آتام اولسون اونا قربان که دوشوبدور مجروح  
 ایله مجروح که پیغمبره اولموش ممدوح  
 لبدریاده اولوب تشنه قفادن مذبوح  
 ال بیلکدن کیلوب جسمی سراسر یارالی  
 اولدی غم مطلعینه ذهنی سائل بانی  
 یازدی تائب بیله بیر نوحه غم افزانی  
 سوزده جان وار نه گوزلدور بو سوزون عنوانی  
 یازیلان سوز یارالی خامه و دفتر یارالی

### زیانحال حضرت زینب علیها السلام در قتلگاه

دور یاتما بیله قان ایچره او یان ای گل بدنی خندان یارالی  
 بی کس باجوین سس ویر سسینه زینب سسیوه قربان یارالی  
 قویما منی سرگردان یارالی



قارداش بیر او یان اولموش نجه گور ظلمیله اسیراشاره باجون  
 دوشموش ایله بیر درده یارالی تاپمور اوزینه بیر چاره باجون  
 ناچار گورور کوچ ایتمه لیدور گلیمش سنیه دیداره باجون  
 دور سال یولا بو رنجور غمی بو دردیمه قیل درمان یارالی  
 دور و بریمی دشمنلر آلوب داده یتیشن یوخ بیرجه نفر  
 ازبس اورگیم قانیله دولوب غربال گوزوم خون دل آکر  
 ای میر حرم قلبیم دو تولوب قلبیم آچیلار دیلنسن اگر  
 دیلنن دلیوین قربانی باجون ای قانه باتان عطشان یارالی  
 باخمازلا منیم قارداشیم تولوب قالموبدی داخی سینمده توان  
 صبریم کیلوب ایلوبدی حسین قارداش تولومی بو باغریمی قان  
 شوریه سنه من آغلاما قان بو فرقه دون ویرمزله امان  
 حسرتله دولوب بو داغلی دلیم درده گلورم هر آن یارالی



قول باغلی چکور شاماته طرف بی کس باجوی اشرار زمن  
 نه بیر سسیمه وار سس ویره نیم نه بیر کمکیم نه داده یتن  
 بیر کیمسه دیمز شاماته نجه قول باغلی گیدر قارداشی ئولن  
 جبراً آیرور سندن باجوی بو طایفه عدوان یارالی  
 چوخ تنگدی بو دنیا گوزومه سندن صورا غم همخانه سیم  
 گوزیاشی توکوب دلدن یانورام شمع آلمین پروانه سیم  
 شاهددی خدا بیلسم اوزومی عالمده حسین دیوانه سیم  
 بوینومدا گرک زنجیریم اولا آرامگهیم زندان یارالی  
 گر ویرسه امان شمریله سنان بیر عمر حسین بوردا قالا رام  
 بو قستگهی مسکن ایدرم دلدن یارالی دردون آلا رام  
 گوزدن توکرم اشگ تریمی بو یاره لره مرهم سالارام  
 بلکه ساغالا جسمونده اولان سانسیز یارالار عریان یارالی  
 قارداش باخورام بو گل بدنه شام اهلی وورب ازبس یارا چوخ  
 زخمیله دولوب باشندان ایاقا بو پیکریوین بیر صافیریوخ  
 خنجر وریلوب خنجر یرینه ظلمیله دگوب اوخ اوستونه اوخ  
 ازبس وریلوب نیزه یاراسی گل جسمون اولوب شانسان یارالی

ای کوی وفا قربانی حسین هرکس باخا بو زیبا بدنه  
 واردی یری گر تشبیه ایلیه گل پیکریوی عالی چمنه  
 افسوس اولا اوخ شور گل یارالار هر تک تکی سولموش یاسمنه  
 باخدو قجا باجون بو حالتوه بلبل تک اولور نالان یارالی  
 بو پیکریوین گلزاری حسین واقعه عجب خوشبو گل آچوب  
 ترتیبیله بو اوخلار دوزولوب گویا دیه سن باش سنبل آچوب  
 جسمونده اولان سانسیز یارالار هر تک تکی بیر نوعی دل آچوب  
 غم گلشنوین شرحین هره سی بیر طرز ایدر اعلان یارالی  
 تا واردی جهان قارداش نه بیله باذوق و صفا بیر گلشن اولی  
 نه بیر نفرین عالمده دوشر بیر بیله گوزل گلزاره یولی  
 وار هاردا بیله بیر گلشن اولا بو نکهت و بو عطریله دولی  
 بو وادی غم عطریله دولوب ای پادشه خوبان یارالی  
 دولدور موش ایله بو دشت غمی خوش عطریله بو صد پاره بدن  
 بیر گلشن اولوب بو قتلگهون رشگ ایلر اونا هر باغ و چمن  
 هر کیمسه گوره بو نکهتیله بو گلشنوی ای شاه زمن  
 مشکلدی دوشه بیرده باشینا شوق چمن رضوان یارالی

من بلبل بی بالم یارالی بو گلشن آرا خوشدور دولانام  
کامیمجه ایدم شور اوسته نوا دلدن شرر عشقیله یانام  
بیر مدّت اولام همدم گلیمه گل سایه سینه بیر دالدا لانام  
تا آیینه دلدن سیلینه بو زنگ غم سوزان یارالی  
بیر نوحه گر شاهنشده دین پاکیزه جوان اوز آدی غلام  
بو نوحه لرین بانی سی اولوب تا اینکه تاپوب بو رشته نظام  
تائب یوزینه گوزیاشی توکوب بو طرز یازوب دلسوز کلام  
ایسته گله لر جمعاً او گوزل قبره بو گلن قربان یارالی

زبانحال دختر سه ساله امام حسین علیه السلام  
در سر نعلش مقدّس پدر

کرب و بلا ده نازیله یاتما او یاندور ای بابا  
دور یولا سال رقیته نی شامه رواندور ای بابا



داده یتن تاپیملوری شمر دغا اسیری یم  
جور و جفائیله بوگون اهل جفا اسیری یم  
کوفه و شامه عازم کرب و بلا اسیری یم  
یولدا مُراقیم منیم شمر و سناندور ای بابا  
بلبله چوخ گران گلور صحن چمندن آیریلا  
ترک ایده گل بوداقینی سرو و سمندن آیریلا  
گور نه روادی سویگلون ای بابا سندن آیریلا  
آیریلقین رقیته وه درد گراندور ای بابا  
بلبلم عادت ایتمیشم قونما قاکل بوداقوه  
حیف اولاجبریله بوگون توش اولورام فراقوه  
دور بابا ساقلقون کیمی آل منی بیر قوجاقوه  
گوگلومی آل بو آیریلق وقتی اماندور ای بابا



سن دگوسن رقیه وه چوخ واریدی محبتون  
 سن دگوسن منه اولوب دائمی لطف و رأفتون  
 نولدی همین محبتون قطع ایلدون او الفتون  
 سَری ندور بو نکته نین دور منه آندور ای بابا  
 سن شه مشرقین سن بس نیه قانه باتمیشان  
 تختون اولوبدی خاک و خون حالی شکسته یاتمیشان  
 سینه وه او خلاری دوزوب طاق ظفر او جاتمیشان  
 هانسی شهین سنون کیمی بستری قاندور ای بابا  
 عطریله هانسی بیر چمن قتلگهون کیمی دولوب  
 سن کیمی هانسی گل بابا باد جفائیله سولوب  
 من کیمی هانسی بلبلین دردیله باغری قان اولوب  
 هاردا بهار گلستان بیله خزان دور ای بابا  
 سن نقتدر وفالیشان منده ایله وفالیم  
 سنده اورک یارالیشان منده اورک یارالیم  
 سنده باشی بلالیشان منده باشی بلالیم  
 قالب ایکی ولیک بیر روح و روان دور ای بابا

سن نجه قانه باتمیشان منده ایله باتام گرک  
 اشگیوی قانه قاتمیشان منده ایله قاتام گرک  
 سن قوری یرده یاتمیشان منده ایله یاتام گرک  
 شامده خوابگه منه غملو مکان دور ای بابا  
 بو نه علاقه دور مگر سن کیمی قانه باتماسام  
 زلفیمه قانوی یا خوب خون دل اشگه قاتماسام  
 بو نه وفادی سن کیمی من قوری یرده یاتماسام  
 گوزیاشیم اول علاقه شرح و بیان دور ای بابا  
 بیر بیله ساعت ای بابا گلمزیدی خیالیمه  
 جبریله سندن آیریلام باعث اولاملا لیمه  
 سیلی دست اشقیا نقش سالا جمالیمه  
 فکر ایدورم که بو نجه دور زمان دور ای بابا  
 وار اثری سز یلتمین ای بابا سنگ و آهینه  
 لیک مؤثر اولموری قلب سپاه دشمنه  
 باخموری بو سز یلتما ویرموری بیر امان منه  
 تاسنه کشف ایدم او که درد نهان دور ای بابا

ای بابا قوم اشقیا غارت ایدنده خیمه منی  
 چوللره قاچدی عترتون دلدۀ فغان و شیونی  
 آت قباقیندا قوغدیلار پای پیاده چوخ منی  
 آبله دور ایاقلاریم قانی رواندور ای بابا  
 سوگلی بیر قزام سنه ترک وفا من ایتمرم  
 بویری مسکن ایلم قویسالا شامه گیتیم  
 گیتیم اگر وصالوه من بولورم که یتیم  
 ئولدورر آیریلیق منی مطلب عیاندور ای بابا  
 قالماقا قتلاگاهده منده تمایل ایلم  
 دائم آلوب کنار یوی دردی می زایل ایلم  
 گون قباقیندا جسموه زلفیمی حایل ایلم  
 چون بو یارالی گل بدن جسمیمه جاندور ای بابا  
 ظلم اوتی گرچه یان دیروب بو دل پاره پاره می  
 بیر ستم آرتیرور ولی دلدۀ اولان شراره می  
 اهل جفا وورا وورا آلدیلا گوشواره می  
 یاره لنوب قولاقلاریم قانی نشاندور ای بابا

سویگلیم عدو بولور ای بابا آل هاشمه  
 باخموری خسته حالیمه چشم سرشگ پاشیمه  
 ناله ایدنده هر زمان قمچی وورالاً باشیمه  
 خون جگر عذاریمه گورنه رواندور ای بابا  
 ای بابا گل جنازه وی یوخدی بو چولده دفن ایدن  
 گون قباقیندا قالماقون سینده آرتورر محن  
 ویرسه امان بو کوفیان زلفیمی ایلم کفن  
 قالسا گوگلده بو محن آفت جاندور ای بابا  
 باخماز عدو بو مضطرب سینده التهابی وار  
 طعن ایدوری یتن منه لحظه ده مین عتابی وار  
 دوزدی اسیره ظلم اولی لیک حد و حسابی وار  
 بیر بیله ظلم اولور مگر رسم جهان دور ای بابا  
 وور بو طریق عشقده شوقیله تائباً قدم  
 بیتوه بیت اولور ثمن روز جزاده وور قلم  
 مطلع شعر خوش دوشوب ایله دوباره سن قلم  
 دشت بلاده نازیله یاتما او یاندور ای بابا



## کوچ اهلبيت از کربلاي معنی

گينه اور کرده منيم اوز گه بير خياليں وار  
همين خياليه مين محنت و ملاليں وار



نجه خيال، خيال ايلديقجا گوگلوں آسر  
گر اولسا ذکر دل سنگ خاره ايلر اثر  
بودور خيال يازام بير ملال عظماني  
اولونسا شامل اگر لطف حق رحمانی  
اودور بو نوعيله من ايمدی شرح حال ایدرم  
بیان حاليله دفع غم و ملال ایدرم  
جهاندا ايلسه هر بير قبيله کوچ اگر  
بو رسمدور که اوز ايستکلی سين وداع ايلر  
مسافرين بناشی اوسته دوتالا بير قرآن  
علاوه خوشدی دالینجا اگر ویريلسه اذان  
ندن دیار بلاده بو تاپمادی صورت  
گیدنده شامه طرف خانواده عصمت

اسیر لشکر کین دلدۀ سوز ناله و آه  
سالیندی قتلگه ایچره گذار آل الله  
گورنده آل پیمبر او قانلو میدانى  
سپهر طاقینه اوج ایتدی آه و افغانى  
مخدرات حرم باتدی سینه دن کدره  
بیوک کچیک هاموسی ناقه دن توکولدی یره  
گورو بله دشت بلا طرفه بیر گلستاندور  
ستمه گل لری پرپر دوشوبدی خندان دور  
بو فکريله ایده خاموش سوزش دلینى  
سراغ ایلدی هر یاسلى بلبل اوز گلینى  
تاپوب خانم باجیلار قان ایچینه قارداشینی  
آنا بالانی تاپوب قاتدی قانه گوز یاشینی  
اولاندا خرده اوشاق آغلاما قلیقا قانع  
اولاردی غیظله شمر جفا شیم مانع  
شماتیه دیردی که سینه داغلامیون  
ووراخ دواق سیزی یز اینجیداخ سیز آغلامیون

سراغ ایدردی او صحرا ده هرکس اوز کسینی  
 دولانندی لیلی تاپوب اکبرین جنازه سینی  
 نجه جنازه اولوب ظلم الیله صدپاره  
 وورویدی قوم عدو یاره اوستونه یاره  
 باخوب او حاله اورک یاندی بی قرار اولدی  
 اوغول اوغول دیدی اشگیله گوزلری دولدی  
 اوغوشدوروب اورگین شوريله خطاب ایلدی  
 ایاقه دور آنا و ناز قیلما یا ولدی  
 بدنده زخم جفا گلموری اوغول سانه  
 بو پاره پاره وجودین باتوب قزلقانه  
 اورک آلوروری گوردوقجا دوغرائان بدنی  
 سالور ایاقدان علی جان من فلک زده نی  
 گوروم چمنده اوغول آچماسون گل و سنبل  
 نه چون سولوب چمنیمده سنون کیمی بیر گل  
 اولیدی کاش الی شل کیم سالوب بو حاله سنی  
 ایدوبدی همدم اوغول شور و شیونیه منی

سنی الیمدن آلوب کیم قویوب منی نالان  
 گوروم منیم کیمی قالسون آناسی سرگردان  
 کیم ئولدوروب سنی ایلوب منی عزالی بالا  
 آناسی من کیمی اولسون باشی قرالی بالا  
 بو نه جفادی ایدوبدور سنه آنان ئولسون  
 اگر جواندی سنی ئولدورن جوان ئولسون  
 حیاتیتم ایمدی منه تنگدور مماتیمدن  
 جهانی ایستمورم دویموشام حیاتیمدن  
 اورکده داغ گوزوم یاشلیدور اوزوم نالان  
 غریب آنا و ام او یاندور بویوا من قربان  
 ایاقه دور بو اوغولسوز آنا و ناز ایتمه  
 یارالی قلبیمی معتاد سوز و ساز ایتمه  
 نه خواب نازدی ای نازنین حمیده خصال  
 دیار شامه روانم ایاقه دور یولا سال  
 گوزومده اشک قولوم باغلی سینه ده محنیم  
 سنان و شمر جفا جو مراقیمدی منیم



الین اوزه بالا سندن بو غمکشیده آنان  
 قولوندا بند رَسَن آیرِیلا اولور هاردان  
 اوجادان آغلاما قویموری بو لشکر کین  
 اوجادان آغلامارام او خشارام سنه گیزلین  
 اوزیمی خلق آرا من ناله دن اوسان دیزام  
 بو گیزلین آهیمیله کایناتی یاندیزام  
 او بلبلم که کنار اولموشام گلیمدن او غول  
 چتین سالام گل آدون حشره تک دلیمدن او غول  
 ایله یانوب اورگیم لاله تک دونوب قانه  
 نقدر عمریم اولا گیتیمم گلستانه  
 ساقام نقدر جهاندا قالار گوزوم آغلار  
 اوزومده ثولسم اگر تو پراقیم سنه آغلار  
 آنانی یاندیری دوزدی مصیبتی بالانین  
 ولیک یاندی دلی من تک هانسی بیر آنانین  
 بیانه گتدی خانم دلد واردی هر نسکل  
 بوشاتدی قلبینی درد دلی اولوب زایل

دوشور خیالیمه بو یرده اوزگه بیر مطلب  
 تاپوب حسینی نی قان ایچره حضرت زینب  
 گوروب که قارداشینین پیکرینده یوخ باشی  
 دولاندی کاسه چشمینده قانه گوزیاشی  
 یانوب او حاله ولیکن ایتیرمدی اوزینی  
 بهار ابری کیمی دولدوروب ایکی گوزینی  
 چکوب بیر آه دوباره او پیکره باخدی  
 شرار آهیله آفاقی یاندیروب یاخدی  
 یووب غبار غمین یوزدن اشک آلیله  
 بیانه گلدی خانم بو زبانحالیه  
 دور ای ویرن ره جاناندا تشنه جان قارداش  
 بو قانلو معرکه ده یاتما دور او یان قارداش  
 خدنگ ظلمیله بیله دولوبدی گل بدنون  
 یارالی بس هانی اگوننده کهنه پیرهنون  
 نه بی مروت و بی رحمیمیش بو قوم شرور  
 گون ایستی سینده قویوبلار یارالی پیکرون عور

بو گل وجودیوه تیغ و سنان دگوب چوخ چوخ  
 باجوى یاندىرى چوخ قلوبه دگن بیر اوخ  
 دگونجه قلوبه اوچ شعبه لی خدنگ ایکاش  
 دگیدی زینبوین قلیینه حسین قارداش  
 گولر بو گلشن جسمونده یاره لر گل تک  
 چاتوبدی باش باشا اوخ دسته دسته سنبل تک  
 بهار عمریوه باد خزان بو چولده آسوب  
 الی شل اولسون او که ال دوتان الیوی کسوب  
 او قدر یاره ووروب اشقیا بو گل بدنه  
 بو گول وجودده یوخ بیرجه بوسه گاه منه  
 دؤنه سزادی گوزوم یاشی بیر دولی ابره  
 یارالی پیکریوی یوخ سنون قویان قبره  
 اگر امان اولادفن ایتماقوندا سعی ایدرم  
 جنازه وی گوتوروب دفن ایدوب صور ایدرم  
 ایدیم نه چاره که فرصت بو کوفیان ویرمز  
 سنون جنازه وی دفن ایتماقا امان ویرمز

دیمزله صبر و قراریم منیم گیدوب پوچه  
 سنان و شمر ستم کار امر ایدور کوچه  
 دور اهل بیتوی بیر گور بو اضطرابیله  
 تمام قول قولاً باغلوبدیلار طناییله  
 نه غم توکوب باشیما گور منیم بو گردش پیر  
 ووروبلا عابد بیمار بوینونا زنجیر  
 عیالون ایمدی ایدور کوچ دلدۀ سلسله سی  
 منم بو قافله عشق امیر قافله سی  
 بو گل جنازه وی جبراً بو چولده ترک ایدرم  
 قویوب بو پیکری بی غسل و بی کفن گیدیرم  
 آنام ویروبدی بلا چکماقی منه تعلیم  
 قوی ایلوم بو بلایانی بیر به بیر تقسیم  
 سنون وفالی صحابه قالا یانوندا قوناق  
 منیمده همسفریمدور اسیر عورت اوشاق  
 چوخ ایسته سن بولورم سن علی اصغریوی  
 آل اوز قوجاقوه ساخلا او غنچه تریوی



دو یونجان نه سو ایچوب نه آموب سود اول سود آمر  
 سو سوزدی ایمدیده سو ایستوری علی اصغر  
 عطش قرارین آلوب نچه گوندی ایتموب خواب  
 یاتوت یانیندا اونی سن اوزون ایله سیراب  
 او سود آمر سنون ای شهریار تشنه جگر  
 رقیته ده منیله همسفر دی شامه گیدر  
 بودور خیالی که اوز عشقینی نشان ویرسون  
 خرابه یرده قوری توپراق اوسته جان ویرسون  
 علی اکبری قارداش سن ایله زیب کنار  
 گیدر منیله قولی باغلی عابد بیمار  
 یانیندا قاسمی سن ساخلا ای امام زمن  
 آناسی منله گیدر شامه دلده درد و محن  
 بدنده صاف یرون یوخ بوتون جراحتدور  
 دیمه بلالی باجون صدمه دن سلامتدور  
 جفا ایله منه بسکه تازیانه دگوب  
 سزیلدیری بدنیم یاسمن کیمی گو یروب

یتوب بلا چولنین ماجراسی اتمامه  
 عیالوی گوتوروب ایمدی عازم شامه  
 گلنده گل میشدیم بو یره جلالیله  
 سزا دگل گیدم ایمدی شکسته حالیه  
 دوشوب نظامه اولور عترتون روان قارداش  
 عیالون آردیجادور ویر اوزون اذان قارداش  
 یارالی امر ایله عباس اله علم آلسون  
 سفر آغردی اوزی قزلارون یولا سالسون  
 یارالی قارداشا دردین دیدی او مادر غم  
 اورک یاراسینا اشگین توکوب سالوب مرهم  
 دوشور خیالیمه بیر نکته چوخ ملال انگیز  
 سرشگ خونیه گوز جامینی ایدور لبریز  
 او گیر و دارده کلثوم زار و دلخسته  
 بلالی زینه یوز دوتدی سویلوب آهسته  
 وداع ایدوب گیدیروخ جمله یار و انصاری  
 ولیک گورمه میشوخ پیکر علمداری

گلون گزاق دولاناخ دشت کربلا فرشین  
 گیداخ تاپاق او علمدار باوفا نعشین  
 دولاندی آل پیمبر او وادی غمده  
 او باوفانی تاپوبلار کنار علقمده  
 نه گوردیلر یخلوب قان ایچینه اول سردار  
 یارا یرینه ووروب یاره لشکر خونخوار  
 نه بیر نه اوندی نه یوز بلکه یاره سی چو خودور  
 دوشوب او قامتی شمشاد شاخه سی یو خودور  
 زبسکه یاغدیروب اوخ اوسته اوخ او اهل مجاز  
 اوخیله پر آچوب اوج حقیقته شهباز  
 یانار او گل بدیننده یاراسی لاله کیمی  
 او ماهی دوره آلدی اهل بیت هاله کیمی  
 باخوب دیردیله نسکل دیننده چو خدی بونون  
 سنقدی گوگلی یانیندا آناسی یو خدی بونون  
 دگوبدی گل بدیننده یارا یارا یرینه  
 بو تشنه کامه گلون او خشیاق آنا یرینه

سکینه گوردی گله ایتماقا عجب یردی  
 گلوب قباقه سوسوز لبرین نشان ویردی  
 دیدی واروندی منه لطف خارق العاده  
 تعجیم نیه شامل دگل بو ائنده  
 بو بی علاقه لقا هیچ زمان سزا دگوسن  
 نولوب وفاوه عمو سن که بی وفا دگوسن  
 سن ای وفالی حیاتین لباسینی سویدون  
 کنار نهرده مشک اوسته باش جان قویدون  
 سو اوسته سن ایکی قولدان سن ای عمو گیچدون  
 فرات آلوب سو یرینه ولیک قان ایچدون  
 او اللرون عمو بوینومدا حقی چوخ چو خدی  
 فدا بو اللره بو اللر اوسته ال یو خدی  
 فدا اولوم عمو جان من یانقلی نسکلوه  
 اُپم او اللریوی یتموری الیم الیه  
 سبب ندور که یاتوبسان بونوع نازیله  
 اویان سکینه نی گور بیله سوز و سازیله



گر اولموسان سو خصوصینده مُنْفَعِل مندن  
 او یان سو ایستَمورم ای عمو داخی سندن  
 گلوب تکلمه کلثوم خواهر عباس  
 تو کردی دیده خونباری سوده الماس  
 فدا بو نعشوه که یاره اوسته یاره آلوب  
 کنار نهرده یالقیز دوشوب کنار قالوب  
 فدا بو پیکره کیم بیرجه صاف یری یو خدور  
 باتوبدی قانه بوتون زخم نیزه و او خدی  
 فدا اولوم بیله بیر جسم پاره پاریه من  
 کنار علقمی ایلوبدی صحنه گلشن  
 فدا بو نعشه دوتوب کربلانی خوش بوسی  
 یارالی جسمده نه وارالی نه بازوسی  
 بو ماجرا سنون عباس اولان گوزوندن ایراق  
 اسیر ایدوبله بو عصمت بناتین اهل نفاق  
 سنون بو حال سخشماز یقیندی غیرتوه  
 ایاقه دور اولان قربان باجون رشادتوه

ایاقه دور آل اله تیغون ای حمیده خصال  
 بو آل عصمتی دشمنلرین الیندن آل  
 بو نازیله که یاتوبسان سن ای وفا کردار  
 ایاقه دور ماقا معلوم اولان که عذرون وار  
 بو دور ما مقدا یقیناً سالوبلا صاق و صولون  
 حمایت ایلماقا یوخ سنون بدنده قولون  
 سنی یارالی سالوب قان ایچینده قوم عداوت  
 یارالیدور بدنون قان ایچینده راحت یات  
 یات استراحتیله ای یارالی یورقونسان  
 او یاتمارام سنی من ای وفالی یورقونسان  
 بو چولده نعشوین اوسته سنون آنان یو خدی  
 شکسته دلشن ابوالفضل نسکلون چو خدی  
 همان او نسکلوه منده یوخ دؤزوم قارداش  
 آنایرینه سنه او خشارام اوزوم قارداش  
 باجینی یاندیری قارداشین ثولماقی دوزدی  
 کباب ایدن منی دلدن ولیک بیر سوزدی

همین او نسکل اوخی داغلی قلبیمی دلوری  
 منی گورن دیه جاق قارداشی ئولن گلوری  
 مدینه ده خبر آلسا آنان سنی مندن  
 نجه حکایت ایدوم بو جفای دشمندن  
 نجه دیوم که یتوب یاره جسمینه چوخ چوخ  
 ووروبدی قوم عدو سجده گاهینه بیر اوخ  
 نجه دیوم سوکنارینده قوم کفر شیم  
 ایکی قولون ایلوبلر سو مشگی اوسته قلم  
 علاوه بیر گوزی یولدا قالان صغیرون وار  
 اوننی نه نوع ایدم ساکت ای وفا کردار  
 سئوال ایلسه مندن منیم بابام هانی بس  
 ندور جوابیم اونا نه دیوم من بی کس  
 او غملو دشته هرکس یاناردی اوز کسینه  
 دوشندی نازلی رقیه آتا جنازه سینه  
 زبسکه تیر محن داغلی قلبینی دلدی  
 آتا جنازه سی اوسته بالا دله گلدی

دیردی باد مخالفه گل کیمی سولدوم  
 یتیمه جانیمه وای ای بابا یتیم اولدوم  
 بسونوع نازیله توپراقلار اوسته یاتما بابا  
 عزیزه وم من نالانی گوزدن آتما بابا  
 ایاقه دور نجه گور دشمنه اسیرم من  
 گوزومده اشگ اورگیم داغلی دستگیرم من  
 سنون منیله بابا یاخشی الفتون واریدی  
 نه تیز علاقه وی کسدون محبتون واریدی  
 شکسته دور اورگیم اولموشام پیریشانحال  
 عزیزه وم بابا دیندیر منی قوجاقوه آل  
 شکسته حالیه باخسان گوزومده گوزیاشیما  
 عیان اولار که گلوبدور نه لر منیم باشیما  
 بو کوفه لشکری تاراج ایدنده خیمه لری  
 قوغوبلا آت قاباقیندا بو زار و خونجگری  
 ایاقلین آت قاباقیندا من ایلینده فرار  
 باتوب ایاقلاریم خار ایلوبدی قبابار



عدو جفاسی بابا نطقدن منی سالدی  
 بیری ووروب بیررسی گوشواره می آلدی  
 نه بیر امان ویروری اشقیای آهن دل  
 بو قلبیمی بوشادوب دردیمی ایدم زایل  
 باخولا نه قاریشوب خون دل بو گوزیاشیما  
 من آغلیاندا وورور قمچی شمر دون باشیما  
 اگر امان ویره دشمن کنار یوی آلام  
 نقدر عمریم اولاق تلگاهده قالام  
 وفا طریقه سینی ترک ایستمرم هرگز  
 کنار یوی آلام شامه گیتمرم هرگز  
 نوازش ایت دور ایاقه منی قوجاقوه آل  
 محبتیه دانشدیر قولوی بوینوما سال  
 اگر امان ویره دشمن شکایتیم چو خدور  
 هزار حیف بابا اله فرصتیم یو خدور  
 صغیر اوشاق نجه دؤزسون بو ظلمه تاب اولماز  
 اسیره ظلم اولی اقا بیله عتاب اولماز

بو رسم و قاعده نی کیم قویوب جهاندا مگر  
 آتا جنازه سی اوسته بالاسینی دوه لر  
 یتن دؤر منی یوخ کیمسه التماس ایده نیم  
 دویولموشم اوقدر نیلرنگ اولوب بدنیم  
 بوشاتدی قلبینی درد و ملالین آندیردی  
 شرار آهیله قلب جهانی یاندیردی  
 بویرده ساخلا الون تائبای داخی یازما  
 قوتار بو مطلبی گوزله اوزون سوزون آزما  
 تکبر ایلمه چوخ چوخ لیاقتون آزدی  
 یازانماسان سوزی سوز صاحبی اوزی یازدی  
 ایوینده واردی مریض اولموری مداوای  
 او صاحب علمه یاز شفا تقاضای

## احوالات کوفہ و شرح حال

## حضرت زینب علیہا السلام در کوفہ

دوشنہ یادیمہ کیفیت مصیبت زینب  
پوزور بو حالیمی محنت لو شرح محنت زینب



نقدر جور و جفا دشمن ایتدی دُوزدی دایاندی  
مین ایل گیچوب غم الیندن جهاندا ساعت زینب  
یازوبدی روز ازل خامه قضا بیلہ گویا  
بو قدر درد و مصیبت اولیدی قسمت زینب  
نلر گلوب باشینا یا نه لر چکوب بو جهاندا  
بیانہ گلموری تقدیریلہ مصیبت زینب  
اسیر قوم جفا جو اولوبدی کرب و بلا ده  
دیار کوفہ و شامہ اولوب عزیمت زینب  
او کوفہ کہ نچہ ایل اوردا ایلمیشدی خانم لیق  
واریدی اوردا زیاده جلال و شوکت زینب

همین او کوفہ ده دلده نوا قولوندا طنبای  
چکلدی کوی به کو محمل اسارت زینب  
علاوه بوندان آدی خارجی اولوندی مخاطب  
ایدردی اهل جفا دمبدم اهانت زینب  
گوزینده گوزیاشی اودلی دلینده آتش آهی  
سنت کجاوه اولوب مسکن سکونت زینب  
سنت کجاوه هارا فاطمه قزی هارا یارب  
بیلہ حنارتہ اولسون نه نوع طاقت زینب  
باخوب اسیرلرہ کف چالاردی کوفه نین اهلی  
گوروب بو حالتی آرتاردی دلده رقت زینب  
تمام کوفه نین اهلی گلوب ایدردی تماشا  
ایدردی هر بیر یی طرز هتک حرمت زینب  
دیردیلر گلوری خارجی اسیری بو شهره  
مزید اولاردی بو سوزدن اورکده حسرت زینب  
دیردی بارالها شرار محنته یانديم  
ایدوم نه چاره غمیلہ اولوبدی الفت زینب



اسیر اهل جفایم باشیمدا نچه عزالی  
 بو حالتیله داخی یوخ ایدن حمایت زینب  
 ایدردی کوفه لیلر جشن اگینده قرمزی جامه  
 هامی گلوب گیدن ایلردیلر شماتت زینب  
 گوروب بو عالمی زهرا قزی اورکدن آلیشدی  
 گلوب تلاطمه دریا کیمی شهامت زینب  
 کجاوه دن چیخادوب باش او دمده باشلادی صحبت  
 عقوله سالدی تحیر همین فصاحت زینب  
 آتاسی شیر خدا تک ایدردی حق سوزی تبلیغ  
 ایدردی دللره تأثیر طرز صحبت زینب  
 یانقلی دللریله خطبه کوفیانه او خوردی  
 یاناردی دلدن آخاردی سرشگ حسرت زینب  
 خطاب ایدردی که من یادگار خیر نسایم  
 یتر زمانه ده خیر الوریاه نسبت زینب  
 اسیر سویلمیون مرتضا علی قزیام من  
 ایا گروه شقی آز ایدون اهانت زینب

یانوب منیم اورگیم یدی قارداشیم گیدوب الدن  
 یوخ اودلی سینده ایمدی توان و طاقت زینب  
 او زینب واریدی یدی قارداشیم بو جهاندا  
 ایدردی هاشمیان فخر اوزیله خدمت زینب  
 ولیک شمره اسیر اولموشام جفائیله ایمدی  
 اورکده بسیلوب اول کینه جو عداوت زینب  
 یانقلی سوزلری سالدی دیار کوفیه غوغا  
 تمام کوفه نی مملو قیلدی هیبت زینب  
 باخوب بو حالده سعداوغلی گوردی کوفه نین اهلین  
 آیلدیری یو خودان قول نغز حضرت زینب  
 دیدی اماندی گلون چاره ایلون یاخون اولدی  
 تمام خدمتیمی نسخ ایده بلاغت زینب  
 او دمده خولی دیدی ایمدی من قرارینی آلام  
 دانیشماقا داخی اولماز دوباره قدرت زینب  
 بلالی باشین حسینین گتوردی نیزیه ووردی  
 کسیلدی صبر و قراری توکندی طاقت زینب

حسینون باشی گوردی ایدر تلاوت قرآن  
 آیشدی قلبی گلوب جوشه دلدہ رقت زینب  
 اورک آسوب بدن تیتردی توکوب یوزہ قانیاش  
 اولوب معاینہ برپا اودم قیامت زینب  
 گوروب کہ ناطق قرآن یوزی کولہ بلشوبدی  
 نہ قالدی سینہ دہ یارا نہ دلدہ قوت زینب  
 دیدی باجون سنہ قربان ووروب کجاویہ باشین  
 حسین تک بویانوبدور قانیلہ صورت زینب  
 دوشوبدی مشکله بو تائب فلک زده یارب  
 نجات ویر ایشینہ سن بحق عصمت زینب  
 قوجالیقیندا اولوب بستری یارالی بالاسی  
 شفاسین ایستور اونون ای خدای رحمت زینب  
 وفالی نوکرینین اوغلیدور مریض شفا ویر  
 بحق عصمت زهرا بحق عفت زینب

زبان حال حضرت زینب علیها السلام  
 در کوفہ خطاب بہ سر برادر

ای قویان داوودی حیران نغمہ قرآنی قارداش  
 بیرده قرآن قیل تلاوت لحنون قربانی قارداش  
 نیزہ باشیندا سسون، حقّی اعلان ویروری  
 دینہ عیسی نفسون، تازہ بیر جان ویروری



ای ایدن قرآن تلاوت آیه آیه سوره سوره  
 صوت قرآنون گتورموش زینب نالانی شوره  
 سس نہ سس قرآن نہ قرآن غبطہ داوود و زبورہ  
 گورمیوب داوود بیلہ صوت روح افزانی قارداش  
 ای جمالی شرح و مصداق آیه مشکات و نوره  
 نور حق ایله گلوبدور گل جمالوندا ظهورہ  
 طلعتون نوک جدانی دوندروب بیر نخل طورہ  
 ایلیوب محو تجلاً طورده موسانی قارداش



ای صفات ذوالجلاله آینه اسراره حاوی  
 گوندوزوم اولموشدی سنسبز لیل دیجوره مساوی  
 ناگهان قارداش ایشتدیم نیزه دن قرآن صداوی  
 روح پرور صوتون اولدی در دیمین درمانی قارداش  
 تا او خوش لحنیله ویردون زینب نالانه سس سن  
 بو کمکسبز بی پناهه یاخشی اولدون دارس سن  
 تازه جان ویردون بو مرده جسمه ای عیسی نفس سن  
 کوفه ده گتدون ظهوره معجز عیسائی قارداش  
 پیکرون توپراقلاز اوسته گون ایوینده قالدی بی سر  
 نیزه ده داره چکیلدی ظلمیله باشون برادر  
 تا او قائلو لب لریله سسلدون الله اکبر  
 تازه دن تجدید قیلدون قصه یحیائی قارداش  
 صوت تکبیرون او جالدی یتدی ناگه سمع جمعه  
 شعله سالدی جمالون نوک نی دن لمعه لمعه  
 وحشته دوشموش عیالون اولدی پروانه او شمع  
 آلدی اولدوز تک آرایه اول مه رخشانی قارداش

اوندا که گیچدی جدایه باشون ای شاه ولایت  
 حاضر اولدوم من وور یلسون بوینوما قید اسارت  
 فکره دوشدوم ایلیم تا دین اسلامه حمایت  
 اختیار ایتدیم او یرده ناقة عریانی قارداش  
 گون کیمی اولده باشون جلوه لندی کربلا ده  
 خاطریم یاندی آلیشدی گورمدیم صوندان جداده  
 کوفه دن آلدیم سراغین آردیجا ایتدیم اراده  
 تا ویرم انجامه سنلن باغلانان پیمانی قارداش  
 سچموسن زینب مر امین اولموسان واقف بو رازه  
 بیر کسیک باشیله ایمدی چیخموسان سن پیشوازه  
 زینبون نولسون ندور گل عارضونده خون تازه  
 قان اولور باغیریم گورنده گل یوزونده قانی قارداش  
 تازه قان گورم یوزونده سانما قارداش سهل سانام  
 سیلماقا یتمز الیم بو آتش حسرتله یا نام  
 باشیمی محملده یازام سن کیمی قانه بو یا نام  
 عالمه ویرم بو گونه بیر وفا اعلانی قارداش

ایتمیشوخ شرکت ازل گون هر بلا و غمده باشندان  
 گوز یاشیم قان اولدی گوردوم گوز لرون پُر قانلو یاشدان  
 سن که باشندان یاره لندون یاره لتم منده باشندان  
 ایلرم تعقیب ازل گون باغلانان پیمانی قارداش  
 ای ایدن باشی تجلی گون کیمی هر بیر دیاره  
 سالمو سان آردینجا قارداش بیر قمر یتیمش ستاره  
 جمع قیلام منده باشه یوزدن آز باشلاردا قاره  
 سایه تک شامه گتورم جمع سرگردانی قارداش  
 جور و ظلم اشتیادن سنده خسته منده خسته  
 سن قتیل قوم عدوان من طناب ظلمه بسته  
 سن اوخی قرآن جداده منده خطبه ناقه اوسته  
 ایلیاق هر یرده اعلان معنی قرآنی قارداش  
 کوفه شهرینده حسینیم یوخسا برپادور قیامت  
 بیر جدا بویدا دورو بدور باشون ای شمس امامت  
 زینبه هر لحظه قرعی مین قیامتدن علامت  
 یاخشی گوستردون بساط محشر کبرانی قارداش

بو یارالی باشون اولموش محتوی سانسیز یارایه  
 چوخ گیدوب قانی اوزینده یوخدی یارای وقایه  
 ضعفدن نوک جداده ایلوب تکیه عصایه  
 اول یارالی باشه قربان بو بلا کش جانی قارداش  
 ای ایدن زنجیر عشقه مین دل مجروحی بسته  
 هاردا منزل ایلیمیشدون بو گیجه ای دلشکسته  
 وار یوزینده کول نشانی یاتمیسان یوخسا کول اوسته  
 کول بولود تک چولقیو بدور نیر تابانی قارداش  
 بیر حسین مشهور صبحی نوحه خوان بادیانت  
 اولدی بانی بو کلامه یازدی تائب دلدده حسرت  
 آرزو ایله جمعا قبرون ایتسونلر زیارت  
 ایسته گلسونلر بو وقفه قبریون قربانی قارداش



## زبانحال حضرت زینب علیها السلام درکوفه

بیت اول فارسی از دیگری است.

ترویج دین اگرچه به قتل حسین شد  
تکمیل آن به زلف پریشان زینب است  
مقصود زینب از سفر کوفه و دمشق  
احیای دین و رونق آئین مذهب است  
در حال سیر بر سر نی آفتاب دین  
وَز پی به جلوه یک مه و هفتاد کوکب است  
زینب چو دید رأس حُسینش به نیزه گفت  
ماهَم گرفته ای تو و یا اول شب است



حسینم واریری گریان غمونده چشم حور اولسون  
جهان سندن صورا ماتمسرا تا نفخ صور اولسون  
هامی دل داغلانوب حسرتله دُنسون لاله تک قانه  
گلستانلار پوزولسون گللری گیتسونله تالانه  
قورولسون بزم غم اولسون هامی عالم عزاخانه  
داخی سندن صورا مَنسوخ آئین سرور اولسون

اینانموردوم قالا بو عشقوه دلداده لر باشسیز  
اسارت حالینه بیله دوشه آزاده لر باشسیز  
رعیت ئولدوره شاهی قالا شهزاده لر باشسیز  
خطور ایتمزدی قلیمدن بیله دور دحور<sup>(۱)</sup> اولسون  
باجون ئولسون حسین بو شهرده وار اوزگه بیر عالم  
رعیت جشن ایدور اما دو توب شهزاده لر ماتم  
شماتت ایلور آل عصمته بو قوم لایعلم  
دیین یوخ آل عصمتدن بو اهل کفر دور اولسون  
ویرن یو خدور نشان آفاقدہ بیر بیله هنگامه  
گیه شهزاده قز اوز اگینه بیر مُندرس جامه  
چیخا تازه لباسیله رعیت غره و بامه  
تماشاچی شریعت اهلینه اهل فجور اولسون  
کنیز آل هند اگلشسین عیش و نوش طاقینده  
خانم قزلار ولی بی پرده قالسون گون قباقینده  
صولوندا ساربانلار الدہ قمچی شمر صاقینده  
بو یرده کاش عباس وفادار و غیور اولسون

۱- دحور در اینجا به معنای نزدیک و روبرو آمدن.

نجه گورسون رباب آغلار علی اصغر فراقینده  
 گورنده سودامر واردی تماشاچی قوجاقینده  
 یانور دلدن گورور گل غنچه سی یو خدور بوداقینده  
 گلاب اشگه وار حقّی گوزی جام بلور اولسون  
 حرم آهوسی بیلمزدیم قالار بیله مکر قارداش  
 بلالی باشیمه غربال محنت کول آلر قارداش  
 جداده پیشواز زینبه باشون گلر قارداش  
 گمان ایتمزدی زینب چرخده بیله مرور اولسون  
 جمالون مُصحفینده اوزگه تفسیر و بیان واردی  
 مُبرهن سنگباران عداوتدن نشان واردی  
 جبینونده گینه بیر تازه یاره تازه قان واردی  
 یارالی باشوا قربان بو حیران و خسور اولسون  
 دییر قلبینده زینب تک بو بیر طرز بیانیه  
 او ظالم که جفای فاش ایدوب کین نهانیه  
 ووروب یاره دوباره گوزلرون دولدوردی قانیه  
 آلی شل هر ایکی گوزدن ایکی دنیا کور اولسون

یولوندا نه روادور عمرینی قور تارماسون زینب  
 جهاندا سنله همرنگ اولماقی اختارماسون زینب  
 باشون گورسون یارالی باشین اقا یارماسون زینب  
 محبت کسوتیندن زینبون بالمزه عور اولسون  
 وفامی ایتمرم هرگز حسین عشاقدن مستور  
 بلالی باشیمی یازام اله گلسون هامی منظور  
 یویانسون قانیه زلفیم عیان اولسون بو گیزلین شور  
 هامی شوریده سرمشقی بو شورانگیز شور اولسون  
 جدا اوسته او خور باشون عجب خوش لحنیه قرآن  
 حجازی لحنه اولسون بلالی زینبون قربان  
 نه شورانگیز او خورسان ایلورسن عالمی حیران  
 بو یرده کاش قارداش ایمدی داوود و زبور اولسون  
 جمالون جلوه سی مصداق اولوبدی مطلع نوره  
 جدانی دوندروب نور جمالون نخله طوره  
 باشون شوری گتورموش زینب شوریده نی شوره  
 هانی موسی سنون تک بیله سرگرم حضور اولسون




تماشاچیلره باشون اولوب قارداش عجب منظر  
 تسوکر لعل لبون دُرچ دهانوندان دُر و گوهر  
 گور و بدور کیم کیلمیش باش ایده کهف آیه سین ازبر  
 گور و بدور هانسی گوز نوک جدا می شکات نور اولسون  
 یری وار زینبون خون جگر گوز یاشینه قاتسون  
 توکوب قانه دُونن اشکین یوزین حسرتله ایسلاتسون  
 گورنمز میزبانون عزتیه غُرفه ده یاتسون  
 ولی سن تک قوناقین منزلی کنج تنور اولسون  
 اولان ای سو کنارینده قفادن تشنه لب مذبوح  
 لب عطشانوه مُستغرق دریای حیرت نوح  
 ایله بیر پایه ده هجرونده صبر ایله بو دل مجروح  
 که باخسون لب گزان صبرینده ایوب صبور اولسون  
 دورار گون نیزه قدرینجه حسین روز قیامتده  
 ولی واردی همین هنگامه دن آیت بو ساعتده  
 باشون ای شمس دین گورم جدا بویدا بو حالتده  
 یاخوندور زینبه قارداش عیان شور نشور اولسون  
 یغوبسان باشه باغ عشقده هر غنچه هر گل وار  
 کناریمده منیمده بیر نیچه شوریده بلبل وار

اولاردا عارض گلگون بولاردا سوزش دل وار  
 گورن یوخ باجی قارداش همنشین ییله جور اولسون  
 قویان اوز باشینه ای قرمزی قاندان شرف تاجی  
 براقی نوک نیزه سیر شام و کوفه معراجی  
 منیم تک گل میوب دنیا یه قارداشی ئولن باجی  
 دُو زوب تقدیر حقه هر مصیبتده شکور اولسون  
 گلوبدور جانه آل الله ظلم قوم باطلده  
 اوتور موش غم دیزینده باشی هر دل داغلی محملده  
 آنا او غلون گورور قارداش باشین باجی مقابله  
 یاخوندور قوت و اعصاب دللرده فتور اولسون  
 گوزی یاشلی سز یلدار نی کیمی بو عده شکلا  
 حجازی لر گلوب شوره عراقی لر ایدر غوغا  
 ولیکن آغلادور دشمن لری اوغلی ئولن لیلا  
 او قدری قالمور آثار جنون اوندا ظهور اولسون  
 حسینی ویردی دم تائب بو اشعاره رقم ووردون  
 او مرشد ایلدی ارشاد بو یولدا قدم ووردون  
 اونوندا حقی وار هر یرده سوز یازدون قلم ووردون  
 ایتیرمه حقی سندن رضا حی غفور اولسون

## ورود اہلیت بہ شام شوم

یاران بو غملی خاطریمہ تازہ غم گلور  
شرح ایلدیقجا نالیہ نوک قلم گلور



مدّ نظرده جلوه لنور شام محنتی  
نی تک نوایہ اودلی دلیم دمبدم گلور  
گویا اورک گوزوم بیله ایلور مشاہدہ  
شاماتہ اہلیت شہ محتشم گلور  
بیر اوزگہ حالتیلہ قولی باغلی خستہ دل  
صیاد اسیری بیر سوری صید حرم گلور  
بیر ناخوش و مریضدی سرخیل قافلہ  
بوینوندا قید او سرور حل و حرم گلور  
بوینوندا گون حرارتی زنجیری قزدیرور  
چوخ سوز و سازیلہ او شہ محترم گلور  
اما ایاقلاری رسن ظلمہ باغلیدور  
مجروح ایدوب ایاقلارینی قید دم گلور  
آغوشینہ آلوب بیر آنا بیر گوزل بالا  
پوزقون شکستہ حال اورکدہ آلم گلور

ایستور بالانی حفظ ایلہ معجری دوشور  
عصمتلی دور نوایہ او شانی عظم گلور  
ایستور یوزین دوتا قوجاقیندان دوشور بالا  
چوخ زحمت و مشقتیلہ لاجرم گلور  
معلوم اولان کہ حضرت باقر آناسیدور  
گوز چشمہ سی ویرور یوزینہ اشگ نم گلور  
زین العباد ایدندہ بو حالی مشاہدہ  
چوخ چوخ گران او سرورہ بیر بیله غم گلور  
سویلور منی ازلدہ آنام دوغمییدی کاش  
گوزم بو حالی قلییمہ درد و ورم گلور  
دنیاہہ باخ امام ئولومون آرزو ایدر  
گویا حیاتدن اونا خوشتر عدم گلور  
نوک جدادہ رأس حسین ابن فاطمہ  
دوشموش دالینجا زینب مریم شیم گلور  
بیلیم نقتدر قارداشینا وار علاقہ سی  
قارداش یولوندا سہل سانور ہرنہ غم گلور




اولده دل و یروب ایده شرکت حسینیه  
 هر یرده قارداشیله قدم بر قدم گلور  
 گون تک یغوب بیر آی نچه اولدوز باشا حسین  
 دلبسته لر دالینجا دوشوب منتظم گلور  
 قرآن او خور جداده کسیک باشیله امام  
 هر کلمه سینده پیکر اسلامه دم گلور  
 اوغلی ئولن آنا باجیدور قارداشی ئولن  
 هشتاددن قراگینن بیش و کم گلور  
 هر باش جدا باشیندا گچور آردیجا دوشوب  
 بیر قلبی یاره ایلوب اوزین ملتزم گلور  
 بیر نوجوان باشی که گورن حیف ایدور اونا  
 سالموش عذاره طره پر پیچ و خم گلور  
 اکبردی آدی اوز آناسین چولله سالوب  
 ایلوب گوزینده گوندوزی لیل ظلم گلور  
 چیکیننده بوینی حسرتیله دلده وای اوغول  
 گوز جامینی سرشگی ایدوب مثل یم گلور

بیگانه وار ولی اوجادان آغلیانموری  
 سس سیز سزیدیری اودی چوخ چوخ دژم گلور  
 بیر باش ووروبلا نیزیه داماده بنزیری  
 دشمن اولوب آناسینا اقا خدّم گلور  
 قاسم دیولله آدینا ایله گل اوزلیدور  
 رشک جمالینه گل باغ ارم گلور  
 گل تک جماله قانه باتان زلفینی توکوب  
 آغلار آناسی آردیجا حالی به هم گلور  
 بیر سودا امر باشی ووروب نوزه باشینه  
 دنیانی آغلادور دل نظاره هم گلور  
 گل غنچه سی دی سوز عطشدن ایله یانوب  
 نشگفته سولدوروب اونسی باد ستم گلور  
 بلبل لرین سالوب دالیسینجا او غنچه گل  
 جزء جلال ایدوب اوزینه ذوالحشم گلور  
 تائب حسینیه نوحه یاز عباسه دوت عزا  
 جان اوسته باشون اوستونه اله علم گلور

## زبانحال فاطمه بنت الحسین در مجلس یزید

منم آل بو ترابه بولوسن عزیز ای عمّه  
نجه بو جلالتیه من اولوم کنیز ای عمّه



منه پرورش ویرودور بابام عمّه عزتیه  
هامی نازیمی چکردی بولوسن محبتیه  
نجه طعن ایدوللر ایدمی منه گور شماتیه  
منیه بودور دوران ایدوری ستیز ای عمّه  
دیمز اهل کینه الدن آلوب اشقیا بابامی  
ستمیه آرترو لار یارالی اورک یارامی  
ویروری بو یرده نسبت منی بیر کنیزه شامی  
نجه شاهزاده بیر قز گور اولار کنیز ای عمّه  
من او بلبلیم مخالف یلی گلشنیمه آسدی  
اورگیم گلوبدی درده منه ناله همفیدی  
گیدوب الدن اعتزازیم منه بو ملال بسدی  
نیه تازه دن ایدوللر منی اشگریز ای عمّه

اوزون ای بی بی اورکدن بولوسن یارالیم من  
سالوب اوچیلار کمنده او حرم غزالیم من  
شه کربلا بابامدور اودی چوخ بلالیم من  
باشیما اولوب فلک گور نجه خاکبیز ای عمّه  
بو قدر جفایه اولسون نجه منده استقامت  
بیری طعن ایدر ستمله بیرسی منه شماتت  
اولونوب قرار خلقه اولاجاقدی بیر قیامت  
منه گونده نچه دفعه اولی رستخیز ای عمّه  
نیه چکموری خجالت بو یزید کینه بنیان  
بیزه ظلم ایدور بو قدری بیروخ آخر آل عمران  
بو دیار شامده یوخ نیه حق بولن مسلمان  
ویره امر ناحقیه حقه بیر تمیز ای عمّه  
بو یزید ال گوتور مور نیه اوز شقاوتیندن  
ایشی بیر مقامه مُنجر ایلوب عداوتیندن  
منی بیر کنیزه نسبت ویروری قساوتیندن  
دیموری منیم بابامدور او شه حجیز ای عمّه



من اگرچه دستگیرم بیر آسغلی حالتیم وار  
ولی شاهزاده‌ام خلق آراسیندا شهرتیم وار  
منیم آل عصمتیله بولوسن که اُلفتیم وار  
بو سوز اوسته شمع آهیم اولی شعله خیز ای عمّه  
بیزه نوحه خواندی تائب گلی داده سینه داغلار  
چکوب آه سرد اشگ ترینی عذاره باغلار  
همی او خشیوب سیزیلدار همی آغلادار هم آغلار  
اونی ایسته حی داور ایلسون عزیز ای عمّه

### احوالات خرابه شام

بنات فاطمیّه منزل اولدی ویرانه  
یتوب غم اوسته غم اول مجمع پریشانه



او غم قطارینی اشرار ایله فشاره سالوب  
رقیه رنگی غم و غصّه دن سولوب سارالوب  
یساتانمیوب گیجه لر گلدی شیون و داده  
ویرردی صبرینی صدیقه زینبیل باده  
یسوواردی صفحه رخسارین اشگ آلیله  
دیردی اوز اوزینه بو زبانحالیه  
غریبه قلییمی اودلانندیروب بو گردش پیر  
انیس اولوب منه عمریمجه ناله شبگیر  
ایندردی اوج اونون ناله سی حجاباته  
دیردی دردینی فیتاض اهل حاجاته  
گتوردی درده منی رنج و انزجار و تعب  
منیم بو حالتیمه شاهد اول اوزون یارب

گواهسن دلیمه لخته لخته قان دوزولوب  
 گوزل عمومذن آتامدان منیم الیم اوزولوب  
 عزیز عالمیدیم عزتیم گیدوب الدن  
 شکسته دور اورگیم غم منی سالوب دلدن  
 جهاندا دور کج روزگار کج روشن  
 منی صغیره لیقیمدا ایدوب خرابه نشین  
 نقدر جام گوگل لخته قانیله دولاجاق  
 نه وقته دین بو خرابه منه مکان اولاجاق  
 مدام گلشن فرقته عندلیم من  
 باشیم بلالی دور ازبس بلا نصیم من  
 اگرچه شه قزیم سبط شاه مؤتمن  
 ولی خرابه نشینم غریب بی وطنم  
 جهاندا بیرجه منیم تک بلا چکن یوخدور  
 گوزونی حسرتیله یوللارا تیکن یوخدور  
 نهادیمه غم هجران شراری اود ووردی  
 منی شکنجه و آزار جانہ دویدوردی

داخی من ایستهمورم بو حیات عاریه نی  
 قوتار بو عمریمی یارب قیل خلاص منی  
 صغیر اکن آتاسیز من یاشاماقی نیدرم  
 اودور که ئولماقیمی یارب آرزو ایدرم  
 مدام انیسیدی بو طرز درد و محنتیله  
 همیشه شامی ایدردی سحر بو عادتیه  
 اوقدر بیر گیجه داد ایتدی اول مصیبتہ توش  
 پوزولدی حالی دوشوب نطقدن اولوب خاموش  
 یوخی دوتوب گوزونی یوخلادی او نازلی بالای  
 باباسینی یوخی حالینده ایلدی رؤیا  
 شکایتہ دل آچوب اول بلالی گلدی دله  
 اورک لنوب باباسی محضرینده ایتدی گله  
 دیدی نه حالدیم ای بابا گوزوندن ایراق  
 نقدر گور منه ظلم ایلیوبدی اهل نفاق  
 بابا فراقون اوخیله بو باغریمی دلدیم  
 باشا ووروب باشون آردینجا شامه تک گلدیم



ایاقلاریمما باتوبدور او قدر خار بابا  
 اولوب ایاقلاریمین آلتی زخمدار بابا  
 دم زیارتوی آرزو ایدردیم من  
 عیادت ایتماقا گلدون غریب وقتده سن  
 بیر آزايدوبله او دم درد دل آتيله بالا  
 آچوب قولون باباسی بوینونا رقیه سالا  
 قولی دوشوب یانینا اول غم و بلایه دچار  
 امیدی یاسه دونوب اولدی خوابدن بیدار  
 باباسی یوخدی یانیندا گوروب او دلخسته  
 خرابه یرده یاتوبدور ولی تراب اوسته  
 گوزینده دوندی اونون اشک حسرتی قانه  
 دولانمادیروب یوزینی زینب پریشانه  
 دیدی علاج ایله ای عمه بتول شیم  
 یاتانمورام من دلخسته و دچار آلم  
 سزیتلی هم نفسمدور منیم نه مدتدور  
 بابامدان آیریلالی گولمیوب یوزوم بیردم

ئولونجه من بابامین سالمارام آدین دلدن  
 اوزون بولورسن ای عمه باباما شوکیم  
 او چوخ شوردی منی منده چوخ شوردیم اونوی  
 اودور که آیریلیقیندان منه یتور چوخ غم  
 دیردون عمه منه هی بابان ایدوبدی سفر  
 یولونا تیکمیشیدیم گوز اورکده داغ آلم  
 بو نصف شیده بو عالی سعاده یتدیم  
 عیادت ایتماقا گلدی منی او میر حرم  
 منی قوجاقینه آلدی آزل اوپوب یوزیمی  
 کمال لطفیله دل یاره نه سالوب مرهم  
 یوزومده نیلی سیلی گوروب گوزی دولدی  
 قسار ایاقلاریمما باخدی تاجدار اُمم  
 گورنده جسمده بو تازیانه یرلرینی  
 آخوب سرشگی گوزیندن ایدوب عذارینی نم  
 دیدی قزیم نیه بس گل یوزون اولوب نیلی  
 دیدیم ووروب یوزیمه سیلی شمر کفر شیم

دیدى ندن گویو و بدور بالا سنون بدنون  
 دیدیم او قدر و وروب تازیانه اهل ستم  
 ایاقلاریندا سوروشدی قزیم قبار ندور  
 ایاق یالین دیدیم ازبس خُرام ایلمیشم  
 دیدی قولاقلارون اولموش ندن قزیم یاره  
 دیدیم که یاره لیوب ظلم الیه قوم ظلم  
 دیدی قزیم سارالوبسان ندن ساری گل تک  
 اولوبدی گل یوزیوه اشگ حسرتون شبنم  
 دیدیم که یاتمیشام ازبس یوزوم قوری یرده  
 سارالمیشام ساری گل تک اودور که رُخ زردم  
 دیدی ندن بيله آشفته دور سنون حالون  
 ندور دلیلی که زلفین اولوب بيله درهم  
 دیدیم که آیریلالی سندن آغلاماقدان من  
 مجال ایدوب باشیما شانه ایلینمه میشم  
 دیدی که نازیوی مندن صورا چکر بالاکیم  
 دیدیم محبتیله نازیمی چکر عَمَم

سیلردی گوزیاشیمی باشیمه چکردی الین  
 آلاردی گوگلومی اول شهریار غصه حشم  
 دیمه لی درد لریم قالدی سینهدده دیمه میش  
 منی قویوب بيله گیتدی بابام هارا بیلیم  
 یاتانمورام دور الیمدن یاپوش دوروم ایاقا  
 خرابه نی دولاناق منله عمه جان باهم  
 بابام خرابه ده دور بلکه بیر تاپام بابامی  
 اورکده چوخدی سوزوم اونلا درد دل ایلیم  
 تاپانماسام بابامی محنت فراقینده  
 دُوزنمرم داخی من عمه جان یقین ئوللم  
 رقیّه نین سسینه هر یاتان بالا دوردی  
 یغیشدی آل عبا بزم درد و غم قوردی  
 خرابه کنجی نی دولدوردی شور و ناله و آه  
 قاریشدی بیر بیرینه عترت رسول الله  
 شرار آهیله اطفال سینه داغلادیلار  
 رقیّه آغلادی آل رسول آغلادیلار



و یروبله سس سه یکر مخدرات حرم  
 ایشیتدی بو سسی ناگه یزید کفر شیم  
 بو نصف شده سوروشدی بو وضع حال ندور  
 بو آغلاماق بو سزیتلی بو قیل و قال ندور  
 جواب و یردیله اول شوم کینه بنیاده  
 یاتوب رقیه باباسین گوروبدی رؤیاده  
 دوروب او نازلی بالا اوز باباسینی ایستر  
 بو سوزده رحمه گلوب اول لعین کین گستر  
 دیدی گلون آپارون رأس شاه عطشانی  
 و یرون او طفله یوزه توکمه سین جگر قانی  
 خرابیه سر سلطان انس و جان گلدی  
 رقیه جسمینه واقعه تازه جان گلدی  
 اولوب مماتینه باعث او باش حیاتینه  
 واریدی تازه حیاتلی ولی مماتینه  
 گوروب او باشی اورکدن خانم توان تاپدی  
 عزیز آل عبا بیر عزیز جان تاپدی

توکوب سرشگ یوزه چشم اشگباریندن  
 شکایت دل آچوب شرح روزگاریندن  
 دیدی دؤنوبدی بابا شامه گوندوزوم سنسیر  
 سولوبدی باد جفائیله گل یوزوم سنسیر  
 انیس دل منه بو ناله حزینمدور  
 قرانلیق ایوده چراغ آه آتشینمدور  
 گلن شماتت ایدوبدور منه عداوتیله  
 دؤنوبدی قانه بو گوگلوم بابا شماتیله  
 نجه هزار خزان دیده شاد اولای بیلمز  
 بو هجر ایوینده رقیته شاد اولوب گولمز  
 دوشوب وجودیمه اود هجرون احتراقینده  
 اولوبدی قان اورگیم وصلون اشتیاقینده  
 گیچر گونوم نچه مدتدی آه و زاریله  
 یولوی گوزله میشم چشم انتظاریله  
 گوزومی یولدا قویوبسان بابا نه مدتدور  
 مگر بو رسم و طریق ره محبتدور

نجه اولار باباجان بیر عزیزه ایام  
 خرابه گوشه‌سینی ایلیه اوزینه مُقام  
 وجود خسته‌سینه دست غم ویره مالش  
 تراب بستر اولا خشت پاره‌لر بالش  
 غم فراق اونون صبرینی الیندن آلا  
 مدام اللری قوینوندا حسرتیله قالا  
 نه‌نوع توکمز اوزه اشگ بیر بالا‌گوزدن  
 اولا اسیر آتاسی سالا اوننی گوزدن  
 ندن رقیّه‌وی مدّتی یاده سالمورسان  
 گلوب خرابه‌ده دردین اورکدن آلمورسان  
 خرابه‌ده دیموسن بس بالام رقیّه قالوب  
 سموم مُحْتِیله گل‌کیمی سولوب سارالوب  
 رقیّه‌نی بابا عالمده چوخ شور دون سن  
 آتوبسان ایمدی نولوب دویموسان مگر مندن  
 عیان اولور بو شکستیم بابا بو بیر سوزدن  
 سنون عزیزه ویدیم سالموسان منی گوزدن

وصال گلشنوه دائماً هزاره‌ایدیم  
 مَه جمالوه بیر عمر من ستاره‌ایدیم  
 او ساعتی که من آیریلیمشام بابا سندن  
 سزیتیم آغلاماقیم آیری دوشمیوب مندن  
 خرابه یرده خصوصاً مصیبتیم چوخ اولوب  
 یانان دلیم باباجان درد حسرتیله دولوب  
 مدام حسرت دل همنفس اولوب منیله  
 خوش آرزو میدی بیر روبرو اولام سنیه  
 هزار شکر که غمدن بو قلب دینجلدی  
 همین اورکده اولان مطنیم اله‌گلدی  
 قوتولماقا غم هجراندن بَرات آلدیم  
 وصال دامسنوی بو گیجه اله‌سالدیم  
 خلاص اولدی دلیم درد انفصالوندان  
 گوتورمرم الیمی دامن وصالوندان  
 بو ساعتیم بابا بیر عمریمین برابریدی  
 او عمر اصغریمین بو دقیقه اکبریدی



دلیسنده ناله گُلین ایستدی زینت آغوش  
گل اوسته او خشادی بلبل کیمی اولوب خاموش  
صغیر سستيله بیر عالی امتحان ویردی  
متاع وصلین آلوب مژده نقد جان ویردی  
سالوب او حال آسفناکی اود بو آفاقه  
آتاباشی قوجاقیندا یخلدی توپراقه  
او عندلیب ادب اونداکی خموش اولدی  
عزیز فاطمه‌نین یاسلی گل لری سولدی  
گلوبدیلر باشی اوستونده شور و افغانه  
خرابه گوشه‌سینی ایتدیلر عزاخانه  
ایدردی ناله خواتین شهریار عرب  
شرار آهیلله اودلاردی عالمی زینب  
یتیشدی بیر یره سوز سیندی خامه‌تائب  
مداد اشگیله ایسلاندی چامه‌تائب  
حسین آدین ایلوبدور الینده دست آویز  
اوناشفاعت ایده جدی روز رستاخیز

### زبانحال حضرت رقیه رقیه در خرابه‌شام

نجه عمه دؤزسون اسیر او شاق بو قدر بلایه خرابه‌ده  
قالوب ایستی گونده تاپانیمه گون ایوینده سایه خرابه‌ده  
دؤزه هر بلایه خرابه‌ده



من بینوانی خرابه‌ده غم و محنت و محن اینجیدور  
اورگیمده سلب قرار ایدوب بو قولومداکی رسن اینجیدور  
یتیشن شماتت ایدور منه گلن اینجیدور گیدن اینجیدور  
هله یتیمیزدی مصیبتیم منیم انتهایه خرابه‌ده  
من او بلبلیم بی بی جان ایدوب منی چرخ دون چمن آیریمی  
یتیشوب خزان گل و گلشنه ایلوبدی یاسمن آیریمی  
اوزولوب ئیلمدن الیم منیم اوزوم اولموشام وطن آیریمی  
یری وار که اوج ایده شیونیم یتنه نه سمایه خرابه‌ده

من او بلبلم که پریم سینوب هم اولوب خزان گل و گلشنیم  
 شه دینه سُوگلی بیر قزام بو خرابه کنجی دی مسکنیم  
 من اگرچه شه قزیم اولوب قوری توپراق اوستی نشیمیم  
 تاپا بولمورم بابامی گیدم اونا التجایه خرابه ده  
 داغیلوب جلالت و جاهیمیز آدیمیز اسیردی یوخ سوزوم  
 بولوسن بو نکته نی سن اوزون بو جهاندا شه قزیم اوزوم  
 نجه بو فشاره بو محنته من بینوا دایانیم دُوزوم  
 نجه من شکایت آچمیوم دلیمی خدایه خرابه ده  
 گوره سن بلایه دچار اولان تاپیلار منیم کیمی بیر نفر  
 گوره سن منیم کیمی هانسی قز بو جهاندا خون جگر ییر  
 هانی بیر اسیر که من کیمی گوزی یاشلی یوللارا گوز تیکر  
 چکوب آه سرد دروندن گلر آه و وایه خرابه ده  
 هانی بیر یتیم شکسته دل که ایشی منیم کیمی سخت اول  
 سُونه شمع عزتی طعن ایدن اونا دشمن قره بخت اول  
 اول اُمُتکاسی کلوخ اونون بو خرابه توپراقی رخت اول  
 نجه بیر صغیره دوام ایدر بیله ابتلایه خرابه ده

گتوروبدی جانہ منی محن دل زاردن کسیلوب توان  
 سالورام خیالیمه دمدم اوز اوزومله فکر ایدورم هر آن  
 دیورم بو شامده وار خدا گوره سن منیم کیمی باغریقان  
 تاپولار شبیه بلا چکن من بینوایه خرابه ده  
 اورگیم زبس یانور آغلورام باباواوی دیوب ایدورم فغان  
 دیوسن که صبر ایله سُوگلوب سفره گیدوب گله جاق بابان  
 چکوم انتظار نه وقته دین گله جاق بابام دی گوروم هاچان  
 اولاجاق شریک ملال و غم بو غم آشنایه خرابه ده  
 ندی عنتی منی بیر بابام بیله یرده یادینه سالموری  
 بو خرابه یرده گلوب ندن منی بیر قوجاقینه آلموری  
 بولوری اوزی که رقیه نین اورگینده طاقتی قالموری  
 بابا سسلوب گلی نی کیمی بالاسی نوایه خرابه ده  
 او بلاچولونده بابام حسین او گونی که گون تک ایدوب غروب  
 بی بی جان بو کاسه چشمیمی بو زمانه اشگیله دولدوروب  
 توکوب اشگ ناله ایدنده من ستمیله اهل جفا ووروب  
 بخصوص چوخ یتشوبدی غم من مبتلایه خرابه ده



یا خوری فراق اودی قلبیمی ولی وصل یاره چاتانمورام  
 بابامین خیال محبتین نه ایدیم باشمدان آتانمورام  
 منی سینه اوسته او بسلوب بو خرابه یرده یاتانمورام  
 بیله روزگاردن ایلم اودی چوخ گلایه خرابه ده  
 منیم اختیاریمی سلب ایدوب غم فرقت شه ممتحن  
 اولاکر منیم بابامی منه بو خرابه یرده نشان ویرن  
 ایلم خموش فراق اودون ویررم بو جانیمی مژده من  
 ایدرم ثبوت وفامی من هامو ماسوایه خرابه ده  
 بولورم که تائب نوحه خوان ایشی لنگ اولوب ایتروب اوزون  
 هامودان کسوبدی علاقه سین او بو دودمانه تیکوب گوزون  
 اولی حل مشکلی هر نه وار ایده ذکر بیرده ازل سوزین  
 نجه عمه دؤزسون اسیر اوشاق بوقدر جفایه خرابه ده

### زبانحال حضرت رقیه ۳۳۱ در خرابه شام

فاش ایلدی جفاسنی چرخ کهن منه  
 شایسته بو خرابه نی بولدی وطن منه



غربت خرابه کنجی اورکده فراق اودی  
 هر لحظه یوز ویروب غم و درد و محن منه  
 شام اهلی باخموری که منیم قلبیم اودلانونوب  
 دائم شماتت ایلوری هر بیر یتن منه  
 ظلمیله شمر سلسله بند ایلوب منی  
 آزار ایدور قولومدا کی بند رسن منه  
 بیر بلبلم ستمله سولوب گلشنیم منیم  
 ویرانه کنجی ایمدی اولوبدور چمن منه  
 شهزاده ام گیدوبدی زر و زیوریم منیم  
 اولموش گوزوم سرشگی عقیق یمن منه  
 پیغمبر اهل بیتیم اعدا بوله بوله  
 طعنیله خارجی دیوری هر گورن منه

اولدوم صغیر سنیلہ ہر محنتہ دچار  
 چو خدور بو شام شومده طعن ایلین منه  
 قلبی منیم تک هیچ قزین ای عمہ یانمیوب  
 اولماز نظیر بیرجه مصیبت چکن منه  
 قلبی یانان یتیمہ قزام دائم آغلارام  
 اولموش خرابه گوشه سی بیت الحزن منه  
 غمدن دونوبدی شامہ گونوم گولمیوب یوزوم  
 واردور یری دیسونله یوزی گولمین منه  
 دائم قالب یر اوسته یوزوم یولدادور گوزوم  
 ویرانه یرده یوخ خبر خوش ویرن منه  
 گوگلوم چوخ ایستوری بابامی عمہ قیل علاج  
 بارگران دی فرقت شاه زمن منه  
 قلبیم یانور ایدنده نواشیونیلہ من  
 هر دم وصالینی ویروسن وعده سن منه  
 هی سویلوسن سفردہ بابام بس هاچان گلور  
 چوخ باعلاقه دور او شه ممتحن منه

ایستکلیم بابامه بولور سن اوزون بی بی  
 چوخ باعلاقه دی او شه ممتحن منه  
 علت ندور بو یرده منی یاده سالموری  
 گلور محبت ایتموری اول مؤتمن منه  
 یتسم وصالینه ویررم مژده جانیمی  
 عشاق تاکه سویلیه جانانان گیچن منه  
 روحیم چوخ اینجیوب داخی من جانہ دویموشام  
 بوندان صورانه لازمه دور جان و تن منه  
 گیرم بابام سفردہ دی بس هاردا اکبریم  
 یو خدور اونون گلن یولونی گوسترن منه  
 بی حد گوگلوم ایستوری قارداشیم اکبری  
 مدتدی یوخ سراغ او مه پاره دن منه  
 ایستکلی قارداشیمدی اودور آختارار گوزوم  
 ویرمزله بیر خبر نه گلن نه گیدن منه  
 ویرانه دور اگرچه یریم گلسه قارداشیم  
 جنت اولار بو گوشه بیت الحزن منه



چوخ ایسترم اونی اودا چوخ چوخ سُور منی  
 چوخ مهرباندی عمّه او گُل پیرهن منه  
 علّت ندور سالوب نظربندن رقیه نی  
 بیر بیله کم علاقه دی بیلیم نندن منه  
 نولسم بو یرده غسلیمی ویر اشگویله سن  
 اوز کوینگیمی ایتگله عمّه کفن منه  
 تائب توکر عذاره سرشگ زلالینی  
 نوحه دیر او شاعر شیرین سخن منه  
 غرق گناه دور یخلوب آستانوه  
 سویلر شفاعت ایله قیامتده سن منه

زبانحال حضرت رقیه علیّه در خرابه شام  
 خطاب به رأس منیر پدر بزرگوارش

گوندوزوم ویرانه یرده غصّه دن شبدور بابا  
 دویموشام جانّه زبس روحیم معذبدر بابا  
 فرقتونده باغریقانم  
 دیده گریانم بابا



گل یوزومده رنگ آلیم سزلمیوبدور بی سبب  
 گورموشم اهل جنّادن بسکه آزار و تعب  
 اولموشام خسته داخی جانیمده واردی تاب و تب  
 مختلف آلام گوگلیمده مرگبدور بابا  
 گه بابا سندن صورا دلدن سالوب شیون منی  
 گه ووروب گاهی یخوبدور ناقه دن دشمن منی  
 گه دُگوب گه اینجیدوبدور شمر ذی الجوشن منی  
 ظلم دشمندن بو روحیم چوخ مُعذبدر بابا

صرصر غمدن اگرچه گل جمالم زرد اولوب  
 مونسیم بلبل کیمی بیر عمر آه سرد اولوب  
 درد هجرانون منه اما بیوک بیر درد اولوب  
 غصه دن معموره صبریم مُخرَبدور بابا  
 چوخ سُوردون سن منی عالمده ای شاه زمن  
 بیر اوزون مدتدی گوزدن سالموسان آیانندن  
 دویموسان یوخسا قزونندان گوزلرون قربانی من  
 یا بیر اوزگه سَری وار بیلیم نه مطلبدور بابا  
 گلشن هجرونده من بیر پرشکسته بلبل  
 آیریلانندان سندن اولموب بیر زمان هرگز گولم  
 قان اولوب باغیریم فراقوندا یاخوندور من ئولم  
 قلیبین قانیه گوز جامیم لبالدور بابا  
 اولموشام بیر قالبی روح روحیم ئولوب  
 آغلیاندا هر زمان طعن ایلیوب دشمن گولوب  
 چکمیشم نه درد و غم بیر مهربان عمم بولوب  
 حالیمه دلدن یانان عصمتلی زینبدور بابا

من بيله بیر ساعتی چو خدان ایدردیم آرزو  
 یتیمش مقصودیمه آختاردیقیم ساعتی بو  
 بیرده اولدوم آخر عمریمده سنلن روبرو  
 منزلیم تشریفویه چوخ مُرتَبدور بابا  
 ایتماقا باشون طواف اقلده تصمیم ایتیمش  
 باغلیوب احرام هر یرده دالینجا گتمیش  
 کعبه مقصودیمه آخر بو یرده یتیمش  
 خانه مقصد بو مأوی مُهذبدر بابا  
 پیشوازون فرضیدی ای خسرو والانسب  
 چیخما دیم من پیشوازه اولدی گر سوء ادب  
 بو قصور خدمته ناخوشلیقیم اولدی سبب  
 یوخسا عالمسن قزون چوخ مؤذبدر بابا  
 ایمدی که بو فیض عظمادن منیم چیخدی الیم  
 باری بیر امره مجازایت زایل اولسون نسکلیم  
 زلفیمیه گرد راهی گل جمالوندان سلیم  
 قالسا بو حسرت گوگنده درد اصعبدور بابا



من دیردیم بس ندن وصلی فراقه ساتموسان  
 یانه علت وار بو نالانی نظردن آتموسان  
 ایمدی معلوم اولدی کیم سن کول لر اوسته یاتموسان  
 کوللره آلوده بو عارض بو غبغبدر بابا  
 اوزگه عالم گور سنور سنده عجب عالمدی بو  
 قوی دوروم بیر یوز گوزون اشگیمله ایلوم شست وشو  
 وار نه علت گور سنور دو تقون یوزون ای ماهرو  
 آی خسوف ایلوب و یاکیم اول شبدر بابا  
 گوزلرون قربانی من ای تاجدار انس و جان  
 هاردا شهلا گوزلرون سرشار ایدوبدور بيله قان  
 لبلرونده وار سنون آثار چوب خیزران  
 خط رخسارونده قانیله مخضبدر بابا  
 شاهزاده قارداشیم اکبر منی چوخ چوخ سُور  
 یاد ایدر هر دم من نالانی ساق اولسا اگر  
 نه گلور نه یاد ایدور نه گلماقیندان وار خبر  
 بولمورم هاردا گرفتار اول شکر لبدور بابا

بو اوشاقلار ایچره چرخ سالدون اشاقه باشیمی  
 ترک ایدوب گیتدون منی قان ایلدون گوز یاشیمی  
 اوز یانونجا لیک آپاردون سودا امر قارداشیمی  
 اصغرون یوخسا سنه مندن مُقربدر بابا  
 فکریمه عباس عموم بیلم ندن بس قالموری  
 سُوگلدیم من اونا مدتدی یاده سالموری  
 گلموری ویرانه یرده بیر قوجاقه آلموری  
 ابر غیبتده نولوب اول مه مُخجبدور بابا  
 تائب ایستر هر ایکی دنیاده عالی احتشام  
 ایلیوب دامانوه بو نیتیه اعصام  
 بیر حسین آدیله آمالین ایدر حاصل تمام  
 اسم اعظمدر آدون حرز مُجربدر بابا

## ردّ غارت و تشکیل عزای آل الله درشام

خاتمه تاپدی جفای آل سفیان شامده  
اولدی بریا ماتم شاه شهیدان شامده  
آل طاها بزم ماتم قوردی ویران شامده



بلبلان غم ایدوب ویرانه نی غم گلشنی  
اوج ایدوب عرشه چیخوب آل رسولین شیونی  
بزم ماتم تک سیه پوش ایتدیلر ویرانه نی  
ویردیلر ماتمرا تشکیلی ویران شامده  
قوردولار ویرانه ده رسم عزائیله اساس  
خاندان مصطفی گیدی هامی قاره لباس  
یاسلار فرصت تاپوب جمع اولدیلار باشلاندی یاس  
ایتدیلر کسر نوا و داده جبران شامده  
دفن اولونموشدی همین ویرانه یرده بیر بالا  
قویموبلر قبرده قلبی ملالیه دول  
چکدیلر نازلی رقیه قبری اوسته بیر قرا  
بیر دلیلهر خانم اولدی نواخوان شامده

صحنه ویرانه نی دولدوردی فریاد و فغان  
جمع اولوب هشتاده دین یاسلی عزالی باغریقان  
صدر مجلسده اوتوردی زینب بی خانمان  
بزم ماتم ده اولوب سجاده دربان شامده  
عالم معناده گلدی بو عزایه مصطفی  
حاضر اولدی اورد اگوز یاشلی علی المرتضی  
الده زلفی واحسین دلده گلوب خیرالنسا  
زینبه همناله اولدی خیر نسوان شامده  
گورسنوب مجلسده شور یوم محشر دن اساس  
توکدولر بزم عزایه بیر پارا قائلو لباس  
سالدی هر قائلو لباس اوسته اوزین بیر اهل یاس  
شور محشر بر ملا اولدی نمایان شامده  
کوینگین گوتدی حسین زینب بی اقربا  
قویدی مجلسده آرایه باشلادی شور و نوا  
ایگلدی اوپدی دیدی ای خامس آل عبا  
عطریوه اولسون بو زینب جانی قربان شامده



نیلیوب دشمن سنه ایلر حکایت کوینگین  
 بسدی مین جور و جفادن بیر علامت کوینگین  
 پیکرونده گوسترور سانسیز جراحت کوینگین  
 کربلا ظلمین ایدر بو کوینگ اعلان شامده  
 بیر طرفده آرتروب کلثوم دلدۀ رشگینی  
 ایتدی جاری دیدۀ دن رخساره سیل اشگینی  
 قویدی عباسین قباقه اوخلانان سو مشگینی  
 و ابوالفضلا دلینده ایتدی افغان شامده  
 سویلدی اوخلی علم الدۀ او رنجور الم  
 بو علم ایلر حکایت حالون ای صاحب علم  
 تیر باران ایلوب گل پیکرون قوم ظلم  
 تیر غمکن وار یری دل اولسا شان شان شامده  
 اوزگه بیر وضعه دونوب بزم عزا هنگامه سی  
 هر اسیره قسمت اولدی بیر شهیدین جامه سی  
 ام لایله یتیشدی اکسبرین عمامه سی  
 زلفی تک اول جمعه اولدی پریشان شامده  
 سینۀ دن بیر آه چکدی لیلی مجنون نما  
 باغرینا باسدی اوغول عمامه سین دلدۀ نوا

آلدی اکبر عطربنی بیردن دیدی جان ای بالا  
 اولدی مدهوش ایلدی چاک گریبان شامده  
 قاسمین فکری پوزوب بی حد سرته حالتین  
 خون دل قاتدی توکوب رخساره اشگ حسرتین  
 اوغلونون قائلو لباسیندن آلاندا نکه تین  
 وای اوغول سسلندی اولدی دیدۀ گریان شامده  
 یوز قویوب گلدی انات شام بزم ماته  
 غم شریکی اولدی لار آل رسول اکرمه  
 واحسینا سسلنوب دلدن هامی باتدی غمه  
 داغ دیده دللر اولدی لاله تک قان شامده  
 قلب زینب آغلاماقدان نه دویوب نه دینجلوب  
 غصه پیکانی دوباره قلب مجروحین دلوب  
 بزم یاسی یغما قاناگه حسین باشی گلوب  
 ماتمینده اولدی حاضر شاه عطشان شامده  
 ایتدی مستاجر بو شعرین خواهشین اعزاز یله  
 چکدی تائب نظمه بیله شیوه ممتاز یله  
 هر ایکی یولداش تیکوبلر گوز حسینه آزیله  
 صبح مستاجر بو تائب اشگریزان شامده

زبانحال فاطمه دختر امام حسین

در سر قبر رقیه

دور رقیه باش گوتور بو خواب راحتدن باجی  
کربلایه عازموخ بیز شام محنتدن باجی



اولموشوخ آزاد ایمدی ایلروخ عزم وطن  
وار نه بیر قمچی ووران قوللاردانه بند رسن  
نه فشار زجر کافر وار نه بیر آزار ایدن  
آل طاهاقور تولوب قید اسارتدن باجی  
گرچه همدمدور بو یولدا ناله و شیون بیزه  
بو سفر اوسته ولی همره دگول دشمن بیزه  
پاسبان دور نه سنان و شمر ذی الجوشن بیزه  
وار نه بیر مأموریمیز اهل شقاوتدن باجی

دستگیر اولدوخ اوگون که کربلاده دشمنه  
همردیف اولدوم سنق بیر محمل اوسته من سنه  
یاتما بو ویرانه ده دور همره اول سنده منه  
ایلیاق بیر درد دل ایام محنتدن باجی  
باغیریمی قان ایلوبدور باجی درد حسرتون  
اولدی عریان ناقه ده یوللاردا بی حد زحمتون  
صرصر بیداد یله گل تک سارالدی صورتون  
رنگ زرد آلدی یوزین رنگ مصیبتدن باجی  
خرداجا سنیله سن دوشدون بیوک محنتله  
گه دچار اولدون جفای شمر شوم و کافره  
گه دگولدون گه یخلدون ناقه دن دوشدون یره  
طعنه گوردون گاه قوم بی مروتدن باجی  
تنگه گلدون قید قوم کین و بدفرجامه  
جانانه دویسدون مرغ بی پر تک فشار دامده  
روزگارون تیره شام اولدی بو ویران شامده  
باد غم عمرون گلین سالدی طراوتدن باجی



یا تموسان نازیله راحت گرچه کامه چاتموسان  
 سن نه گون گوردون ولی ویرانه ده خوش یا تموسان  
 ویرموسن سس عالمی بالمزه گوزدن آتموسان  
 یوخسا چوخ یورقون دوشوبسن رنج محنتدن باجی  
 کاش ئولیدیم ای باجی سندن قاباق قالدیم گئجه  
 بولمورم بو نسکلون یاددان چیخاردیم من نجه  
 سن قوری توپراقلار اوستونده یا تاردون هر گئجه  
 یاد ایدردون عزتوندن ناز و نعمتدن باجی  
 تا و ارام نسکل لرون گیتمز درون سینه دن  
 جان و یروبسن توپراق اوسته باغریقان قولدارسن  
 وای منه آگنوده کی اوز کوینگون اولدی کفن  
 درده گلم یاد ایدنده من او خلعتدن باجی  
 محنتون اندازه سیز پوزدی بو زار و مضطری  
 نیلی ایتمیشدی وجودون تازیانه یرلری  
 توکدی غتاله ویرنده غسلوی اشگ تری  
 سویلدی بالله ئولوب بو قز اذیتدن باجی

ایلوری عزم وطن بو عترت خیرالبشر  
 سن قالورسان گوشه ویرانه ده خونین جگر  
 گر باجیم صفرا سنی آلسا باجی مندن خبر  
 من نجه نقل ایلیم غملی حکایتدن باجی  
 شمر ظلمیندن واروندور دلدہ بیللم چوخ گله  
 کربلا زواریسنه دور سنده اول هم قافله  
 اوردا دردوندن عمون عباسی بیر حالی ایله  
 انتقامه ال آچار حتماً او غیرتدن باجی  
 ورد ایدوب اکبر آدین ویردون خرابه یرده جان  
 ایمدی اکبر قبری اوسته عزم ایدور بو کاروان  
 سنده ترک ایت گوشه ویرانه نی یا تما او یان  
 دور گیداخ دی اکبره آلام غربتدن باجی  
 ای آدی باب الحوائج وی دؤزن هر نسکله  
 تائبین وار حاجتی امری دوشوبدور مشکله  
 جانوه ویزم قسم جاناندن خواهش ایله  
 قورتارا بلکه اونی ضیق معیشتدن باجی

زبانحال حضرت فاطمه در سر قبر  
خواهرش رقیه در حال کوچ از شام

سری برآر از این بستر تراب رقیه  
کنند عزم وطن آل بو تراب رقیه



چه خفته ای تو به آسودگی به گوشه غربت  
بپای خیز و سرآور دمی ز خواب رقیه  
شدند هم سفرانت رها ز قید اسارت  
نه قید کینه به بازوست نه طناب رقیه  
به سر هوای عراق و به لب نوای حسینی  
قطار عشق رود سوی کوی باب رقیه

زبانحال حضرت زینب علیها السلام در سر قبر  
زهرای سه ساله در حال کوچ از کربلا

ای خرابه ده مدفون یات رقیه جان لایلای  
عمه سین ایدن دلخون یات رقیه جان لایلای  
ای شیرین دلیم لایلای نازلی سُو گلیم لایلای



گوندوزون گیجه بولدون شادا اولوب نه بیر گولدون  
سن خرابه ده ئولدون یات رقیه جان لایلای  
دمبدم غمه باتدون اهل بیتی آغلاتدون  
اشگه خون دل قاتدون یات رقیه جان لایلای  
ای گل اوزلی پثر مرده سینه سی گلن درده  
جان ویرن قوری یرده یات رقیه جان لایلای  
غصه ایتدی باغرون قان راحت اولمادون بیر آن  
چوخ دُگوبله یورقونسان یات رقیه جان لایلای  
درد و غصن آرتوخدی دردیوین سانی یوخدی  
دلده نسکلون چوخدی یات رقیه جان لایلای



کوچ ایدوب گیدر عَمَن دلدۀ نالہ و شیون  
 توپراق آتدا یاتدون سن یات رقیہ جان لایلائی  
 گیچمرم بو بیر سوزدن تیز دونر میش اوز اوزدن  
 سالدون عمہ وی گوزدن یات رقیہ جان لایلائی  
 عمر یون گلی سولدی شوریلہ بو یر دولدی  
 کونگون کفن اولدی یات رقیہ جان لایلائی  
 سینہ مہ شرر سالدون صبریمی منیم آلدون  
 بو خرابہ دہ قالدون یات رقیہ جان لایلائی  
 درس عشقی بولدون سن نہ دیوب نہ گولدون سن  
 چوخ زمان دُگولدون سن یات رقیہ جان لایلائی  
 خلق و خلقی ای آجمل خستہ سن دیمم دور گل  
 چوخ یورولموسان دینجل یات رقیہ جان لایلائی  
 تائب ایستہ سن منصب  
 یاز بیلہ گوزل مطلب  
 خوش دیوب خانم زینب  
 یات رقیہ جان لایلائی

### احوالات کوچ از شام

بنابہ پیشنہاد مرحوم حاج حسن فراہت نوحہ خوان سرودہ شدہ است.  
 سفارش ایلدی بیر نوحہ خوان پاک ضمیر  
 بو پیش واقعہ فی ایلیم بیلہ تحریر  
 او نوحہ خوان ایلہ بیر مرد پاک و صادق دور  
 ولایت اہلی تانور جالب علایق دور  
 اونون دلینجہ بو طرزیلہ شرح حال ایدرم  
 اونون بو یوردیقینا مندہ امتثال ایدرم  
 بنات حیدری آزاد ایدوب چو والی شام  
 عزیزمت وطن ایلردی آل خیر الانام  
 مینوب کجاوہ لرہ اہل بیت شاء عرب  
 او حالہ دولانوب باخدی بیر خانم زینب  
 گچیتدی مد نظر دن وقایع سلفی  
 دُر سرشگ تریلہ دولوبدی گوز صدفی  
 گیچن لری او بلالی خانم سالوب یادہ  
 دوبارہ یاندی یانان قلبی گلدی فریادہ

گوروب تماماً اولوب قاره پوش آل الله  
 پوزولدی حالی یانان قلدن چکوب بیر آه  
 اوز اوزینه او خانم سینه دن توان ویردی  
 بیوک کچیک حرم شاه دینه سان ویردی  
 گوروب که باغ وفا بلبلانی سرخوشدی  
 رقیه یوخدی ولیکن اونون یری بوشدی  
 رقیه یادینه دوشدی مصیبتی آرتدی  
 توکوبدی گوز یاشینی گل جمالین ایسلاتدی  
 زبسکه تیر محن داغلی قلینی دلدی  
 فغان ایده ایده بیر باش خرابیه گلدی  
 رقیه قبرینی گوردی غمی گلوب جوشه  
 او خرده قبرینی بیر چکدی جان تک آغوشه  
 سپردی سو او مزاره سرشگ آلیله  
 خطاب ایدردی خانم بو زبان حالیه  
 رقیه بیز گیدیروخ سنده دور گیداخ وطنه  
 نشیمن ایتمه بو مسکنده دور گیداخ وطنه

بونوع ایلمه ویرانه یرده خواب قزیم  
 ایدوبدی عزم وطن آل بوترا ب قزیم  
 نه یاتمیسان بیله ویرانه یرده نازیه  
 دور اول روان بیزیه قالما سوز و سازیه  
 همان او بلبلیدون سن گلیم بوداقینده  
 که چوخ زمانی یاتاردون بی بون قوجاقینده  
 بو گل بوداقیمی ایمدی نولوب که بوشلاموسان  
 تراب بسترین اما بونوع خوشلاموسان  
 نولوبدی گوزدن آتوبسان تمام دنیانی  
 نشیمن ایلموسن بیله کنج ویرانی  
 اویان خرابه ده نازیه بیله یاتما قزیم  
 بلالی عمه وی گوزدن بونوع آتما قزیم  
 ملال و غم گتورور بو یرون هوا سی بالا  
 بو غم فزا یری ترک ایله یوخ صفاسی بالا  
 همین بو یردی که گوگلون ملالیه دولدی  
 بهار عمر یوه آفت یتوب خزان اولدی



سنون بو یرده او گل رنگ صورتون سولدی  
 دانشدیقون دیدیقون صحبتون وطن اولدی  
 همین وطن که گلنده آدی چکردون آه  
 گیدور همان وطنه عترت رسول الله  
 همین بو یرده دیردون همیشه واوطننا  
 هامو گیدور وطنه ایمدی دینموسن اما  
 دین خرابه ده یوخسا وطن وطن دگوسن  
 وطن آدین گتوروب گوزیاشی توکن دگوسن  
 گیدور مدینه بو ئیل گلوب صدایه جرس  
 ندن سنون وطنه گتماقا یوخوندی هوس  
 بی بون بولور وطن عشقی باشوندا چوخ چوخدی  
 ولیک گتماقا واقعه قدرتون یوخدی  
 سنی قزیم او قدر اینجیدوبدی قوم عدات  
 یورولموسان بو قرا توپراق آتدا راحت یات  
 یات استراحتیله قبر ایوینده یورقونسان  
 اویاتمارام سنی ای دلشکسته پوزقونسان

سالوم گل اوزلی بالاهانسی نسکلون یاده  
 گلوم او ییاد غمونه فغان و فریاده  
 غمون نه بیردی نه اوندی نه یوز سانی یوخدور  
 اگرچه عمرون آز اولدی مصیبتون چوخدی  
 شکسته گوگلوی بی حد هجوم غم سیخدی  
 گهی دگوب سنی که شمر ناهقه دن یخدی  
 وجودون ایلدی که تازیانه لر نیلی  
 یوزون گوتدی قزیم گاه ضربت سیلی  
 گهی جفاسی قزیم اشقیای کج منشین  
 صغیر سنیه ایتدی سنی خرابه نشین  
 خرابه یرده زبس چکدون آه اوستن آه  
 قوتاردی آه سنون عمرون ایلدی کوتاه  
 حیات خرمنه سوز آه اود ووردی  
 سنی بو شهر جنایتده جانه دویدوردی  
 بور روحیمین بولوسن وار علاقه سی سنده  
 فراقوین غمی قویمور قالا دوزوم منده

خرابه گوشه سینی من اگرچه ترک ایدورم  
 ولی بو یرده قویوب روحیمی دوروب گیدیرم  
 چوخ ایسترم سنی ای صبر قلب مجروحیم  
 حسینه شوگلین هم قزیم منیم روحیم  
 قالور خرابه ده روحیم فقط گیدور قوری جان  
 جهاندا جسم قزیم روحسیز یاشار هاردان  
 دیمه زمانه ده سنسیز بالا دوزه بوللم  
 محبتون منی شامه چکر گینه گللم  
 دیوب بو سوزلری گوزیاشی عارضه آخدی  
 زنان شامه دونوب حسرتیله بیر باخدی  
 بویوردی بوردا منیم نازلی شوگلیم قالدی  
 سموم محتلیله بیر سولان گلیم قالدی  
 بو بیر بالادی که نازین چکوب حسینیم اوزی  
 چوخ عزتیله بیوتدی بو نازدانه قزی  
 آدی رقیه اوزی باغ مصطفی گلیدی  
 عزیز آل عبادی حسینه شوگلدی

بو بیر بالادی حسیندن صوراکلوب درده  
 توکوبدی حسرتیله گوزیاشین رخ زرده  
 حسیندن صوراً روحیه سی ایله ئولدی  
 نه شاد اولدی اورکدن نه بیر دیوب گولدی  
 قضا الی چمن عمرین گلین دردی  
 بهار عمرینی بوردا خزانه دوندردی  
 گتوردی جانه مصیبت غریبه لیق محنی  
 وطن وطن دیدی اما گورنمده ی وطنی  
 حسیندن صوراً شاد اولمیوب بو دنیاده  
 اولوبدی مونسی شیون گلوبدی فریاده  
 سالاردی قلیینه اوز دردینی دیتیمزدی  
 بیچردی غصه بوغازین غذا ییتیمزدی  
 بو نازنین بالا تک درد و غم چکن یوخدور  
 ئولوب غریبه بونون دلده نسکلی چوخدور  
 غریبه دور بو بالا بوردا یوخدی یاد ایده نی  
 رضای حقدن اوتور یاد ایدون بو غم زده نی



بونون قبیله سی یوخ بوردا حالینی بولسون  
 بو خرده قبرینی سیز قویمون خراب اولسون  
 اوزوزی محضر زهراده روسفید ایلون  
 غریبه دور بونی تیز بو یرده دید ایلون  
 دوروب ایاقه خانم محنت و ملالیه  
 گلوب کجاویه میندی شکسته حالیه  
 گلوب صدایه جرس لر قطار غم یریدی  
 همین محیطی غبار غم و آلم بورودی  
 دیسم غلط دگی بو حین ده او آزاده  
 رقیته نین دوه دن دوشماقین سالوب یاده  
 خیال ایدردی که آهو بالاسی تک ملوری  
 او قافله دالسینجا رقیته سی گلوری  
 شرار غمله دلین یان دیروب یاخاردی خانم  
 دالیه حسرتیله دمبدم یاخاردی خانم  
 دیردی قلیمه نار فراق اود سالدی  
 نجه گیدوم که رقیتم خرابه ده قالدی

حسیندن بو بلالی بالا امانتیدی  
 تمام نازینی چکماق منه وصیتیدی  
 بالام خرابه ده قالدی ندور علاج نیدیم  
 رقیته سیز نجه قبر حسین اوسته گیدیم  
 یولی قطار مصیبت گیدردی آغلاردی  
 رقیته قالماقینی یاد ایدردی آغلاردی  
 یول اوسته آه جگر سوزی نه سمایه یتوب  
 فسرده حالیه صحرای کربلایه یتوب  
 حسین مزارینه سالدی اوزین ملالیه  
 او توزلی قبره سو سپیدی سرشک آلیله  
 زبان حالیه سویلوب او غم کش دوران  
 بو توزلی قبریه اولسون حسین باجون قربان  
 اویان بو زینبه باخ گور نه باغریقان گلوری  
 سیاه زلفی آغارمیش قدی کمان گلوری  
 گوزونده اشک تری نی کیمی نوا دله  
 بو اربعینه گلوب قانلو کوینگون الده

بو پیرهن مننه سندن نشانه دور قارداش  
 ئولونجه آغلارام الده بهانه دور قارداش  
 مشام جانه بو کونکدن عطروی آلام  
 یارالارون انام اوغلی خیالیمه سالام  
 یارالارون سالارام یاده ایلرم شیون  
 حسین حسین دیرم سالمارام آدن دلدن  
 بو کونگی باسارام باغریما هماره حسین  
 اورک باشیندان اونی قویمارام کناره حسین  
 نقدر وار نفسیم داد و شیونه گللم  
 باسوب بو پیرهنون سینه مه حسین ئوللم  
 سینه گیدنده دویونجا من آغلینمه میشم  
 جنازن اوسته یانوب سینه داغلینمه میشم  
 غم فراقویله من بو باغریمی دلدیم  
 دویونجا آغلاماقا قبرون اوستونه گلدیم  
 نه ایمدی مانع اولان وار مننه نه بیگانه  
 فراغتیه بوگون گللم آه و افغانه

مزارون اوسته سنون ای شهید تشنه جگر  
 گلنده گل گتوریدیم گرک من مضطر  
 گل اولمادی گتورم قبرون اوسته قارداش من  
 قولومدا گتدیم عوض نقشه گل سوسن  
 ووروبدی اهل جفا بسکه تازیانه مننه  
 وجودیمین دولانوب رنگی رنگ یاسمنه  
 دیمه بلالی باجون ترک ایدوب بیر ایلدی سنی  
 بیر ایلده ویرمدی فرصت مننه گروه دنی  
 اولیدی گر مننه اشرار کینه دن فرصت  
 بیله یوبانمازیدیم ای شه فلک حشمت  
 یوبانماقیمی گذشت ایله دوت منی معذور  
 من ایمدی فرصت ایدوب گلیمش اوزوم رنجور  
 زمان فرقتی باشه یتورموشم قارداش  
 بو پوزقون اهل و عیالون گتورموشم قارداش  
 بو اهل بیت بو قزلار بو من بو بیمارون  
 بو آلتی گوشه لی قبرون بو خسته زوارون



گلوب تمامی گوتورسون بو قبردن توشه  
 بو توزلی قبریوی جان تک چکوبله آغوشه  
 طریقه باجی قارداشلیقی ایتیرمه میشم  
 رقیه نی بیله سانما اوزوم گتورمه میشم  
 بو امرده بولوسن زینبونده یوخ تقتصیر  
 حسین سالدی ایشی بیله گردش تقدیر  
 اونی گتورماقا منده چوخ اولدی جدیت  
 ولی او شوگلوه ویرمدی اجل مهلت  
 اوز عشقینی او بالا عالمه نشان ویردی  
 بابا بابا دیدی ویرانه یرده جان ویردی  
 اونون داسن کیمی قالدی جنازه سی یرده  
 کفن تا پولمادی گلدی بو خاطریم درده  
 خرابه گوشه سی داد و فغانیله دولدی  
 او نازنین بالایا کوینگی کفن اولدی  
 اونا ووریل میشیدی بسکه تازیانه حسین  
 آپاردی جسمده نیلی یرین نشانه حسین

منه اوزون او قدر ایستدوب او شیرین دل  
 قرار سیز اوزینه ایلیوب منی مایل  
 دونوب اودور غم هجرینده گوندوزوم شامه  
 گرک او قزدان اوتور بیرده من گیدم شامه  
 دوروب ایساقه خانم حسرتیله دلده فغان  
 حسین مزارینی ترک ایتدی گوزده اشک روان  
 مینوب کجاویه یکسر مخدرات حرم  
 مدینه سمینه یولاندی کاروان آلم  
 ایدوبله طی مراحل اورکده سوزش آه  
 مدینه یتیشوب عترت رسول الله  
 گیدردی روضه پیغمبره پریشان حال  
 ایدردی شیونیه کشف صورت احوال  
 توکردی گوزیاشی حسرتله سینه داغلاردی  
 حسینین نولماقینی یاد ایدردی آغلاردی  
 گیدردی گاه بقیعه او زار و دلخسته  
 اوزون سالاردی آناسی مزارینین اوسته

حسینون او خانم قانلو کوینگی الده  
 دیردی شیونیه نی کیمی نوا دله  
 عراقدن آناجان چوخ چکوب بلا گلدیم  
 نچه عزیزیم ئولوب باشدا بیر قرا گلدیم  
 حسینون گورتوروب قانلو کوینگی الده  
 ایدوب اونى اوزومه مایه عزا گلدیم  
 گیدنده گیتمشیدیم قامت رسائیه  
 ایدوب رسا قدیمی بار غم دوتا گلدیم  
 واریدی باشدا قرا زلف و معجر تازه  
 باشیم آغارمیش اولوب معجریم قرا گلدیم  
 زبس منی بو سفرده چوخ اینجیدوب دشمن  
 دونوب غمیه گوگل قانه بر ملا گلدیم  
 اویان بو زینبه باخ گور آنا تانور سان سن  
 نه نوعیله گور اولوب درده آشنا گلدیم  
 حسیندن صورا من شاد اولام آنا هیهات  
 سرور سینم اولوب دردیله فنا گلدیم

حسین حسین اولی وردیم بو دردیله ئوللم  
 اونون غمینده اولوب درده مبتلا گلدیم  
 بو قانلو کوینگی بو سینم اوسته جان ویرم  
 حسینون عطرینی اوندان آلا گلدیم  
 آنا بو کوینگیه باخسان حسینون بوله سن  
 گوروب نقدر وجودینده من یارا گلدیم  
 بدنده او خلاری سان ویرماقین اوزوم گوردوم  
 اوتوردی سینه مه پیکان ابتلا گلدیم  
 سویون یانیندا سویا باخدی تشنه جان ویردی  
 آلیشیدی داغلی دلیم درده بر ملا گلدیم  
 بلا چولونده او گون لرده کاش اولیدون سن  
 گوریدون اوردا نه گون لر گوروب آنا گلدیم  
 باشون آچوب باشی اوستونده بیر دوتیدون عزا  
 امانیم اولمادی من دوتمادیم عزا گلدیم  
 حسین حرم لری باشیمده عزم ایدوب شامه  
 دوباره من ایلدیم سیر کر بلا گلدیم



خانم بالا لاریوین تک به تک چکوب نازین  
 تمامیسین گتوروب ایمدی جابجا گلدیم  
 رقیه گلمدی اما خرابه ده قالدی  
 قویوب او خسته نی یالقیز یانا یانا گلدیم  
 خدا بولور نقدر وار محبتیم او قزا  
 نه حسرتیله من اوندان اولوب جدا گلدیم  
 اونون خرابه ده قالماقی اولدی چوخ نسکل  
 غم فراقی منی ایلیوبدی خونین دل  
 انیسیدی او خانم نوحه و نوائیله  
 رقیه وای دیوب آغلاردی هایهائیله  
 رقیه فکرینی بیردم باشیندان آتمزدی  
 او نازینی یادیندان بیر آن چیخا تمزدی  
 اگرچه اولموشیدی اول بلالی محو ملال  
 رقیه عشقی ولی فکرین ایتدی چوخ اشغال  
 دونوب رقیه فراقینده گوندوزی شامه  
 محبتی اونسی چکدی مجدداً شامه

اگرچه گیتماقینین اولدی سر مکسنونی  
 دیسم سزادی آپاردی او عشق او محزوننی  
 همین سفرده یول اوسته خیال ایدردی خانم  
 رقیه فکری باشیندا یولی گیدردی خانم  
 دوشردی یادینه شام ایچره گوردوقی گونلر  
 یاناردی قلبی توکردی عذاره خون جگر  
 دیردی تیر محن قلیمی بالا دلوری  
 بیله خیال ایدورم آغلوسان سسون گلوری  
 مشامه باد صبا عطریوی سنون یتورور  
 محبتون منی شامه مجدداً گتورور  
 گهی حسینی سالوب یاده سینه داغلاردی  
 باساردی سینه سینه کوینگیی آغلاردی  
 ایدردی یاد سوسوز نولماقین او دلخسته  
 یانقلی سینه دن آهی چکردی آه اوسته  
 دیردی من کیمی نار غمه یانان هانی  
 چکوب جهانده کیم بیر بیله بلایانی

ایدوب نظرده میچسم گهی او خردا قزی  
 زیاد اولوب غمی سولدی سارالدی گل تک اوزی  
 سالوب خیاله اونون ئولماقین قوری یرده  
 یانوب شراره غمله گلوب دیلی درده  
 دولوبدی خون ملاليله استخوان و رگی  
 گتوردی درده دونوب قانه قان اولان اورگی  
 غم اوسته غم ویروب اوز قلبی قانیله دولدی  
 او غصه سینه ده آخرده غصه مرگ اولدی  
 ویرنده گوشه غربتده جان او دلخسته  
 حسین کوینگین آلمیشدی سینه سی اوسته  
 دیسم سزادی تاپاندا اجل او مجروحی  
 که پیشوازینه گلدی رقیه نین روحی  
 فراهتی دیدی یازدون بو سوزلری تائب  
 ویرر جزا سیزه محشرده اوزلری تائب  
 سوزون یازیلدی گوزل کلک خوش نگارینه  
 مُطوّل ایتمه سوزی قورتار اختصارینه

### زبانحال حضرت زینب کبری علیها السلام

#### درس قبری برادر در اربعین

شامده دُوزوب دایاندیم ظلم اهل کینه قارداش  
 قانلو کوینگون الیمده گلدیم اربعینه قارداش



کوینگون منه اولوبدور مایه نوا و شیون  
 عطریوی بیر عمر آلام پاره پاره کوینگوندن  
 دلدن اودلانوب حسینیم شیونیه اوخشارام من  
 ورد اولوبدی قارداشیم وای زینب حزینه قارداش  
 زینبه قالوبدی سندن قانلو پیرهن نشانه  
 باغریما باسوب همیشه گللم آه و الامانه  
 کوینگون اورک باشیندان قویمارام بیر اوزگه یانه  
 همدم آه و ناله دور بو زار و دلحزینه قارداش



اشقیا گیدنده فرصت ویرمدی بو باغریقانه  
 باشون اوسته ایلیدیم بیر نوای عاشقانه  
 آغلیاندا ظلم الیله شمر ووردی تازیانه  
 حسرتیم اورکده قالدی یاندی اودلی سینه قارداش  
 خودسری بیر اربعینی ترک قیلما دیم سنی من  
 سَرِّ و ار بيله یوباندیم مندن ایلمه گله سن  
 گلماقا بو قبره فرصت ویرمه دی بو زاره دشمن  
 فرصت اولدی ایمدی گلدیم کربلا یرینه قارداش  
 ایمدی یوخدی اهل کینه الده یاخشی فرصتیم وار  
 عرض ایدوم سنه برادر دلدۀ هر شکایتیم وار  
 سن حسین اوزون بولور سن درد بی نهایتیم وار  
 دُؤزموشم جهاندا ظلم قوم مشرکینه قارداش  
 ایمدی کاش اولیدی قارداش قبر یوین کناری خلوت  
 قوللاریمی گوستریدیم ای شه نشه ولایت  
 نه قدر دگوب گوریدون منه قمچی عداوت  
 قوللاریم اولوبدی نیلی ای شه مدینه قارداش

تا شهادت امری یتدی بو دیارده تمامه  
 اولدی دستگیر اهلون اشقیای بدمرامه  
 چکدی قوم کینه عریان ناقه اوسته سوی شامه  
 یولدا گه دوشوب رقیه گه قالب سکینه قارداش  
 باخمادی اولوبدی زینب درد الینده خسته خولی  
 تازه دن بو دلغمینی ایتدی دلشکسته خولی  
 ظلمیله آپاردی قویدی باشوی کول اوسته خولی  
 پرده پرده کول او توردی گل کیمی جبینۀ قارداش  
 نیزه ده او خور نه گوردوم باشون ای یارالی قرآن  
 ابر تک مه جمالون دوتموشیدی خون الوان  
 باشیمی او دمده ووردیم چوب محمله حسین جان  
 پارچالاندی باشیم اولدوم سنله هم قرینه قارداش  
 آل عصمتی یارالی گتدی ظلم کوفه تنگه  
 کربلا یه گلمین لر گلدی کوفه ایچره جنگه  
 بَسَنز دَر دِیلر عیالون روم و دیلم و فرنگه  
 چوخ شماتت اولدی اوردا اهلیت دینه قارداش

داد او وقتدن حسینیم اهل بیت زار و خسته  
 وارد اولدی شامه عریان ناقه اوسته دست بسته  
 بعضی نین قوجا قدا طفلی ینگی یوزده دلشکسته  
 دمبدم آخاردی اشگی گل تک عارضینه قارداش  
 شامده عزیز عیالون بیر خرابه یرده قالدی  
 آغلادی خانم بالالار شور و شین گویه اوجالدی  
 لیک نازنین رقیه گل کیمی سولوب سارالدی  
 گوزلریندن اشگ حسرت آخدی دامیننه قارداش  
 قوردی بزم غم بالالار گوزده اشگ دلدن شیون  
 آه دلشین چکردی بعضیسی یا نقلی دلدن  
 بعضیسی دیردی عمه قورخورام یا تانمورام من  
 خون دل تو کردی گوزدن اشگ تریرینه قارداش  
 یستدی عساقبت تمامه ظلم آل بسو امیه  
 قور تولوب گلوب سلامت اهل بیت هاشمیه  
 گلمدی بسو اربعینه حیف نازنین رقیه  
 دفن اولوب خرابه ده اول پُر بها خزینه قارداش

سن رقیه قالماقیندان مندن ایلمه گلایه  
 نیلیوم اسیریدیم من امر و گردش قضایه  
 چوخ سُوردیم اول وفالی قز گلیدی کربلایه  
 عندلیب اولیدی بو غم غصه گلشنینه قارداش  
 دور گیداخ دیدیم منیله ای بلالی گلعداریم  
 سویلدی ایاقلاریمدا واردی عمه جان قباریم  
 چوخ دُگوبله یورقونام من گیتماقا یوخ اختیاریم  
 غربت اولدی خوابگاه اول طفل نازنینه قارداش  
 ذکر و وطن دلینده دوشدی دلدن اول وطنسیز  
 گوزلری باخوب یولا جان ویردی حسرتیله سنسیز  
 تا پمادیم کفن او طفله قالدی سن کیمی کفنسیز  
 کوینگیله اولدی مدفون آخر اول دفینه قارداش  
 چوخ سُور قویا بو تائب اول مزاره روی زردی  
 اشگیله یووب او قبری پاک ایده غبار و گردی  
 زینبین دلجه بیرده ذکر ایده بو غملو فردی  
 قانلو کوینگون ایلمده گلدیم اربعینه قارداش



## زبانحال حضرت زینب علیها السلام

## درس قبر امام حسین علیها السلام

زینبون عهدینده قارداش سست پیمان اولمادی  
خدمتین اسلامه تکمیل ایتدی نقصان اولمادی



تا شهادت شربتین نوش ایلدون بو چولده سن  
دوشدون ایسی قوملار اوستونده یارالی بی کفن  
کربلادن باغلادیم بار سفر شاماته من  
دلده تبلیغاتدن بیر اوزگه عنوان اولمادی  
بوردا گوردوم شورش یوم جزا هنگامه سین  
ایلدیم تنظیم خط سیریمین برنامه سین  
اگنیمه گیدیم وقاریله اسارت جامه سین  
بو اسارت عزت و وقر اولدی خذلان اولمادی

نیزه ده گوردوم باشون ای وجهی وجه باقیه  
خدمتیم بولدوم اولار رسم و سایه واقیه  
بیر بلوک یاسلی باشیمدا میندیم عریان ناقیه  
کسوت صبر و وفادن زینب عریان اولمادی  
دوشدی اولده آنام اوغلی گذاریم کوفیه  
وارد اولدی حسرتیله غم قطاریم کوفیه  
بیر یانار اود سالدی آه شعله باریم کوفیه  
سانما بیر دل شعله آهمیله سوزان اولمادی  
هایهو ایلولله گوردوم اشتیای بو الهوس  
سسلدیم یا اهل کوفه اسکتوا قطع اولدی سس  
هم نفسلر دوشدی سسدن هم باتوب بانگ جرس  
سس او جاتسون بیر نفر ذی روحده جان اولمادی  
دشمنه ویردیم نشان بیر استقامت کوفه ده  
باشلادیم شیر خدا تک خلقه صحبت کوفه ده  
حق سوزومده ایلدیم یرپا قیامت کوفه ده  
واضح اولدی سوز شهادت امری کتمان اولمادی

حقّون اهل باطله بیر نحو اعلان ایلدیم  
 حقّی باطلدن آیردیم خلقی حیران ایلدیم  
 آل سفیانی ایله رسوای دوران ایلدیم  
 هیچ کیم عالمده ایله رسوای دوران اولمادی  
 خلق مبّهوت اولدی من ایتدیقجا تبلیغات دین  
 بیریرین ایتدی مخاطب بو سوزیله مشرکین  
 کیمدی بو گویا گلوب نطقه امیر المؤمنین  
 حیف اولاً ظاهرده قارداش شیر یزدان اولمادی  
 خلقه تقریر ایلینده مقصد پنهانوی  
 بولدورنده دین یولوندا خدمت شایانوی  
 ناگهان قارداش ایشتدیم نغمه قرآنوی  
 نطقدن دوشدوم داخی گفتاره امکان اولمادی  
 تازه قان گوردوم یوزونده سینه دن یاندیم حسین  
 یتمدی آل پاک ایدیدیم قانی اودلاندیم حسین  
 باشیمی یاردیم اودور باشند یارالاندیم حسین  
 سانماسون عشاق زینب قانه غلطان اولمادی

سن اوزون گوردون حسینیم بی حیا ابن زیاد  
 امر ایدوب سجادی ئولدورسونله از روی عناد  
 قزلارونلا ال اله ویردوق یاراتدوق اتحاد  
 مانع اولدوخ قویمادوخ اجرا او فرمان اولمادی  
 قویمادیم گوزدن دوشه شهزاده قزلاردان بیری  
 پیای بند غم اولاً آزاده قزلاردان بیری  
 دوشدی اما قالدی بیر صحراده قزلاردان بیری  
 تاپسون اول شیرین زبانی بیر مسلمان اولمادی  
 نیزه ده باشون دایاندی قالمادی منده دؤزوم  
 ایلدیم احساس او سزی اشگیله دولدی گوزوم  
 گیتدیم اول نازلی بالانی آختاروب تاپدیم اوزوم  
 تاپدیم اول شیرین دلی امیدی حرمان اولمادی  
 گوردوم اوز مقصودینه بیر خسته بلبل تک چاتوب  
 گل بوداقین درک ایدوب دور عالمی گوزدن آتوب  
 بسکه یورقوندور آنام زهرا قوجاقینده یاتوب  
 کیم دیسیر اطفالینه زهرا نگهبان اولمادی



ایتد یقیم عهده او سوداده وفا ایتدیم حسین  
 باشون آردینجا دوشوب مقصودیمه یتدیم حسین  
 قزلارون سالدیم یانیمجا شامه دین گیتدیم حسین  
 من باشوندان آیریلام بیر لحظه بیر آن اولمادی  
 قوردی بیر مجلس یزید اوز کفرین اعلان ایلسون  
 اهل باطل ایچره قارداش حقی پنهان ایلسون  
 خواهش نفسیله نسخ حکم قرآن ایلسون  
 لیک گون تک جلوه لندی حق پنهان اولمادی  
 گوردوم ایستوردینی پامال ایتسون اول شوم لعین  
 اوز آنام زهرا کیمی آچدیم لسان آتشین  
 سویلدیم بیز اهل بیتوخ حامی قرآن و دین  
 حکم قرآنی دیریتدیم نسخ قرآن اولمادی  
 اولدی لعل لبزون اول بزمده گوهر فشان  
 خلقی دعوت ایلدون اسلامه ای معجز بیان  
 گنج علمی قانیله دولدوردی چوب خیزران  
 سانماسونلا گنج حقه دُر غلطان اولمادی

قالمادی طاقت آنام اوغلی دل دیوانه ده  
 گل جمال اطفالوه یر ویردیلر ویرانه ده  
 گلدیلر بسلل کیمی داده او محنت خانه ده  
 هیچیری اما رقتن تک خوش الحان اولمادی  
 چکدیلر ویرانه ده گرچه مشقت قزلارون  
 بسلدیم مین نازیه من ماه طلعت قزلارون  
 عاقبت گتدیم بو قبر اوسته سلامت قزلارون  
 حمد لله بی ثمر رنج فراوان اولمادی  
 ای گلستان بلاده خسته یورقون باغبان  
 وی ایدن عطری بو دشتی رشک گلزار جنان  
 قزلارون بیر دسته بلبل تک اولوبلار نغمه خوان  
 بیر رقیته گلمدی بوردا نواخوان اولمادی  
 چوخ یورولموشدی او خسته دوشدی یورقون شامده  
 یاتدی دینجسون بیر آرز دل زار و دلخون شامده  
 گنج تک ویرانسراده اولدی مدفون شامده  
 ارزش ویرانه بالا گیتدی ارزان اولمادی

سولدی گل لر گل یوزینده گوردی رنگ زردینی  
 یاندی دل لر گوردی دله سوز آه سردینی  
 چوخ ادبلیدی او شیرین دل دیمزدی دردینی  
 بولمدی بیر کیمسه دردین سزی اعلان اولمادی  
 حالینه یاندیم اونون گوردو قجا سوز و سازینی  
 قویمادیم گوزدن کناره اول بلا دمسازینی  
 خوش دلیله دیندیروب دائم چکردیم نازینی  
 اول بلا کشدن بیر آن غافل بو نالان اولمادی  
 بیر بولود نازلی رقتیم گوزلری تک دولمادی  
 داغ بر دل لاله لر باغری کیمی قان اولمادی  
 قزلارون سولدی سارالدی لیک او گل تک سولمادی  
 گولمه دی سندن صوراً بیر لحظه خندان اولمادی  
 غم هجوم ایلردی ازبسکه او رنجور غمه  
 نی کیمی دائم سز یلداردی ایدردی زمزمه  
 یوخلینمزدی آلا ردیم رافتیه سینه مه  
 بیر زمان آرام اول زلفی پریشان اولمادی

دائماً شوق وطن باشد اقبالوب آغلار گوزی  
 و ابا اولدی ئولنده اول و آخر سوزی  
 ویردی غربت یرده جان توپراقلار اوستونده یوزی  
 چوخ چالشدیم دردینه افسوس درمان اولمادی  
 لطف ایدوب تائب سنه سوز صاحبی طبع سلیم  
 ایستوسن اولسون یرون عقباده جنات نعیم  
 نوحه یاز آغلا حسینه شیونیه اول ندیم  
 شاه دینه آغلیان محشرده گریان اولمادی



زبانحال حضرت زینب علیها السلام در سر قبر مادر

آنا آنا عراقدن چوخ چکوب بلا گلدیم  
 ئولوبدی یدی قارداشیم باشدا بیر قرا گلدیم  
 حسینون قانلو کوینگین گتدیم ای آنا گلدیم  
 دلده مین نوا گلدیم



گیدنده گیتیمشدیم آنا قامت رسائیه  
 باشیمدا تازہ معجریم زلف مشکسائیه  
 باشیم نجه گور آغاروب چکد یقیم بلاییه  
 اولوبدی معجریم قرا قامتیم دو تا گلدیم  
 زبسکه بو سفرده چوخ اینجیدوب منی دشمن  
 گلوبدی درده خاطریم چیخمشام اوزومدن من  
 آنا او یان باخ گینه گور زینبون تانورسان سن  
 الیم ئلیمدن اوزولوب درده آشنا گلدیم

حسین منیم روحیمیدی ای یارالی دل مجروح  
 اوگون که گوردوم من اونون حلقینی آنا مذبح  
 قراریمی آلدی منی ایتدی قالب بی روح  
 قویوب بلا چولونده اوز روحیمی آنا گلدیم  
 داخی نجه زمانه ده شاد اولوب نجه گوللم  
 نه چکمیشم خدا بولور بیرده من اوزوم بوللم  
 حسین حسین وردیم اولار دلده بو سوزوم ئوللم  
 حسین فراقینده اولوب درده مبتلا گلدیم  
 ندور اونا محبتیم شرحینه بیان ویرم  
 وفا و مهر و عشقیمی عالمه نشان ویرم  
 بو پاره پاره کوینگی سینم اوسته جان ویرم  
 بو پیرهندن عطرینی من آلا آلا گلدیم  
 حسینون حالین آنا گر سئوال قیلسان سن  
 او قدر واردی نسکلی یاد اولاندا یا نام من  
 او حالینی ایدر بیان پاره پاره پیراهن  
 گلنده پیکرینده من چوخ گوروب یارا گلدیم

یارالاری سوکیمی قان ویرماقین اوزوم گوردوم  
 بدنده کی اوخلاری سان ویرماقین اوزوم گوردوم  
 سویون یانیندا تشنه جان ویرماقین اوزوم گوردوم  
 آلیشدی یاندی خاطریم درده بر ملا گلدیم  
 فرات سیل تک ووروب موج هر یانا آخدی  
 حسینوی سوز عطش لیک یان دیروب یاخدی  
 ویرنده جان حسرتیله نهر علقمه باخدی  
 اودور گوزوم یاشی یوزه من آخا آخا گلدیم  
 ثولونجه واریری یانا آغلیه بو دلخسته  
 یارالی جان ویرردی اول قید عشقه وابسته  
 او حالده چیخدی شقی شمر سینه سی اوسته  
 حسینی ذبح ایتدی سوسوز من آنا جانا گلدیم  
 قرار و صبریمی منیم بیر آسغلی غم آلدی  
 همین بو غم شراره سی سینه مه شرر سالدی  
 حسینیمین جسانزه سی یرده بی کفن قالدی  
 اونا کفن ایدنمدیم من یانا یانا گلدیم

بلا چولونده کاش اوگون ای آنا اولیدون سن  
 گوروب او حالی سینه دن حسرته دولیدون سن  
 یارالی نعشی اوسته بیر زلفوی یولیدون سن  
 یولانمادیم زلفیمی من دو تمادیم عزا گلدیم  
 سالوب زمانه تائی چوخ فشاره یازهرا  
 دونوب گوزینده گوندوزی لیل تاره یازهرا  
 ایدنموری گوگلده کی درده چاره یازهرا  
 دییر بو بابا ایتماقا دردیمه دوا گلدیم



## زبانحال حضرت موسی ابن جعفر علی

یتوب منیم عمروم ای خدا باشه محنت بی شماریه  
 بو صون نفسه رضا یولون گوزلوری گوزوم انتظاریه  
 باخوب یولا یا نام آغلارام آه و زاریه



آلوبدی بو درد غربتیم اودلی سینه دن اختیاریمی  
 نه بیر نفر دردیمه یتن واردی نه بولن حال زاریمی  
 نه واردی بیر اهل دل دیم شرح محنت روزگاریمی  
 بو هجر ایوینده گیجه گونوز همدم اولموشام آه و زاریه  
 بو غربت ایچره بیر عمر دور درد و محنتیه وار الفتیم  
 یریم بو محبسدی دائماً قید ظلمیه وار رفاقتیم  
 قبیله دن تلدن ای خدا آیری دوشموشم چوخدی حسرتیم  
 گوزومده یکسان اولوب منیم بو ایشیق گونوز لیل تاریه

غم اوز ویرن وقت هر کسه دردینه شریک غم آختارور  
 غریب دار و دیار اولان اهل دل آرار همدم آختارار  
 منیمده درد دل ایتماقا متصل گوزوم محرم آختارار  
 دیم نه رفتار ایدوبدیلر بو غریب دار و دیاریه  
 گلوبدی درده بو خاطریم دلده واردی چوخ غصه و غمیم  
 بو حبس تاریکده اولوب بو سزیتلی مدتدی همدمیم  
 دیمه لی دردیم اورکده چوخ لیک یوخ کناریمده محرمیم  
 دل اهلی تک درد دل ایده بو بلاکش روزگاریه  
 بو کنج زندان تار اولوب بیر نچه زماندور مکان منه  
 جفا الیه ایچر دوری خون دل بو دور زمان منه  
 بو یوندا زنجیر ظلم اولوب هم نفس منه هم زبان منه  
 انیس دور آه آتشین روز و شب دل داغداریه  
 نجه که غربت غمی منیم داغلی قلبدن صبریمی آلوب  
 اولوبدی ذکریم وطن و وطن نار هجر جانه شرر سألوب  
 وطنده نازلی قزلاریم گوز تیکوب یولا منتظر قالوب  
 یولومی گوزلله واقفم دائماً دل بیقراریه

ایدوبدی قان داغ حسرتیم لاله تک دل داغداریمی  
 او قدر قالمور خزان ایده صرصر حوادث بهاریمی  
 نولور گل اوزلی بالالاریم تک به تک آلیدی کناریمی  
 اولیدی جان اوسته همزبان باری بو وطندن کناريله  
 یانیمدا معصومه کاش اولا حالیمه باخوب سینه داغلیه  
 گوروب منیم احتضاریمی گل یوزه توکوب اشکین آغلیه  
 ویرنده جان غربت ئولکده گوزلریمی رأفته باغلیه  
 ویره بو آواره وطن جان کمال عز و قاریله  
 مزیت درد فرقتیم اودلی سینه ده قویمیوب دؤزوم  
 بو حال یاسیم بو غربتیم بو مصیبتیم پیرمرد اوزوم  
 بو واپسین دمه منتظر نوجوان اوغول گوزلوری گوزوم  
 ایدم بیر اظهار درد دل صون نفسه اول گلهذاريله  
 یاخونلاشوب گرچه رحلتیم آز قالور مرامیم گله اله  
 بو محنت روزگاردن قور تولام دل خسته دینجله  
 چوخ آرزو ایلرم ولی باشیم اوسته اوغولوم رضا گله  
 اورک غمین زایل ایلیم تا او خوش بیان غمگساریله

یتوردی اوز امتحانینی باشه اول شهنشاہ مُمتحن  
 دیار غربتده ویردی جان حسرتيله دلده غم وطن  
 غریب آتایه غریب اوغول گلدی ویردی غسل ایلدی کفن  
 او شاهی بی غسل و بی کفن قویمادی قالا احتقاریله  
 نه یاخشیدور جان ویرن زمان باشی اوسته اوغولن گوره آتا  
 آلا دیز اوسته باشین اوغول اشک چشمینه خون دل قاتا  
 چتیندی اما آتا باخا نوجوان اوغول قانینه باتا  
 حسین و اکبر غمی دوشور یاده بو غم سوگواریله  
 گوروب حسین ابن فاطمه نوبهار عمری خزان اولوب  
 دوشوبدی قان ایچره اکبری ضعفدن گل عارضی سولوب  
 باباسی تک شق اولوب باشی گوزلری قزلقانیله دولوب  
 سزیلدیری ال ایاق چالور یرده پیکر زخمداريله  
 بو منظره آلدی اول شهین سینه دن قرار و توانینی  
 قاتوب جگر قانینه او دم گوزلرینده اشک روانینی  
 چوکوب یره چکدی سینه جان کیمی گل اوزلی جوانینی  
 سو سپدی گل تک جمالینه اشک دیده اشگباريله



نقدر دیندیردی دینمدی نوجوان اوغول آچمادی گوزون  
 امیدی یأسه دونوب گوروب اکبری دیه بولموری سوزون  
 اگیلدی گل تک سولان یوزه حسرتیله قویدی سولان یوزون  
 اوغول جمالی ایدوب آتا عارضینی گلنار ثاریله  
 باخوب او صدپاره پیکره چکدی سینه دن آه شعله بار  
 نجه ایدر گلستانده باغبان گلوندن کنار خار  
 دلینده ناله ایدردی اول گل وجودون او خلاری کنار  
 چتین دؤزر باغبان گوره گل اولوب هم آغوش خاریله  
 بو غمده گل داد و شیونه اشگ توک رخ زرده تائب  
 حسین آناسی دیر آدون ثبت ایدلله دفترده تائب  
 متاع شعرین گیدر بیوک بیر بهایه محشرده تائب  
 بهشت اولار نوحه وه ثمن لطف حضرت شهریار یله

### زبانحال امام رضا علیه السلام

آتش زهریله یاندی خسته جانیم گل اوغول  
 گل جوادیم ای منیم روح روانیم ای اوغول  
 گل یاندیم اودلاندیم اوغول یاندیم یارالاندیم اوغول  
 اوج ایتدی چرخ اظلسه داد و فغانیم گل اوغول  
 چو خدی دردیم گوشه غربتده مهموم اولموشام  
 بی حیا مأمون الینده ایله مظلوم اولموشام  
 میل ایدوب زهر جفا ظلمیله مسموم اولموشام  
 گل ایاقدان دوشموشم یو خدور توانیم گل اوغول  
 شام تاره دوندی بو هجران ایوینده گوندوزوم  
 حسرتیله سینم اوسته اللریم یرده یوزدوم  
 انتظار ونله قالوب یولدا منیم آغلار گوزوم  
 قویما قالسون یولدا چشم خونفشانیم گل اوغول  
 نل اوزاق چاتمور الیم حسرتله مأنوس اولموشام  
 بیر قاناد سیز قوش کیمی ظلمیله محبوس اولموشام  
 اوز حیاتیمدن بو غربت یرده مأیوس اولموشام  
 بو جهاندا قالماقا یو خدور گمانیم گل اوغول

من و طندن دوشموشم آیری یو خومدور دادرس  
 بو سز یلتیم دور مننه هجران ایوینده همنفس  
 منده واردی گل جمالون گورماقا چوخ چوخ هوس  
 خوشدی گورسم گل یوزون رحلت زمانیم گل اوغول  
 هر کسین قلبینده واردی درد و حسرت یاره سی  
 ئل قبیلله اولسا یانینده اولار تیز چاره سی  
 نیلسون ایمدی بو غربت کش وطن آواره سی  
 حسرتیم چوخ یو خدی بیر حاله یانانیم گل اوغول  
 اودلی غملر آتشین ایلوبدی آه سردیمی  
 ایلرم شاهد بو حاله یوزده رنگ زردیمی  
 زنگیمه باخسان بولرسن بی مداوا دردیمی  
 ای طیب حاذقیم آرام جانیم گل اوغول  
 هاردا سان گلزار عمریمده اولان نورس گلیم  
 بلبری غنچه یوزی گل خوش ترانه بلبلیم  
 گل منیم آل گوگلیمین دردین وفالی شوگلیم  
 ای سویدای دلیم جانیمده قانیم گل اوغول

گل جوانیم گل بو مهجوره شریک محنت اول  
 حالیمه یان آغلا شور یله انیس حسرت اول  
 چوخ یانقلی سوزلریم واردور مننه هم صحبت اول  
 درددل ایتماق لقا شیرین زبانیم گل اوغول  
 گل اوغول بیرده گوروم اول عارض رخشانوی  
 سنده درک ایله بو جان اوسته عزیز جانوی  
 خوشدی جان اوسته ایشیتسم نغمه قرآنوی  
 ایتماقا قرآن تلاوت خوش بیانیم گل اوغول  
 رنج محنتدن بو غم لر یورقونی دینجلمدی  
 هیچ کیمین قلبین منیم تک تیر حسرت دلمدی  
 نامه یاز میشدیم باجیم معصومه گلسون گلمدی  
 اولماقا بو صون نفسده همزبانیم گل اوغول  
 چوخ علاقم وار منیم دلدن باجیم معصومه  
 انتظاریدیم گلوب شور یله قارداش وای دیه  
 وار باشیندا ابتلا سی واقفم گلموب نیه  
 مرگ اولوب مانع گله اول مهربانیم گل اوغول



من دیردیم باشیم اوسته شوریه آغلار باجیم  
 باجیلار تک او خشیوب اوز سینه سین داغلار باجیم  
 گوزلریمی جان ویرن ساعت اوزی باغلار باجیم  
 گوزلریمی یولدا قویدی دلستانیم گل اوغول  
 اودلانان سینمده درد بی علاجیم وار منیم  
 درد آلان بئر مهربانه احتیاجیم وار منیم  
 نه آنام وار باشیم اوستونده نه باجیم وار منیم  
 اودلوری دنیانی اودلی داستانیم گل اوغول  
 یوخدی بئر حالی ایدن حالیمدن آل هاشمی  
 تا گلوب گورسونله بو قانه دونن گوزیاشیمی  
 باری سن گل صون نفسه آل دیز اوسته باشیمی  
 هاردا سان ای نوگل باغ جنانیم گل اوغول  
 گل اوغول قویما منی دیداریوه حسرت قالوم  
 آیریلیق هنگامیدور بئر ایگیلوم عطرون آلوم  
 قوللارون سال بوینوما قول بوینوا منده سالوم  
 بوستانیمده اولان سرو روانیم گل اوغول

گل بو داغ حسرتی بو داغلی سینمدن گوتور  
 احتضاریمدور اوزون گل باشیم اوسته تیز یتور  
 بیرده جَدیم تربیتندن جَدیمین عطرین گتور  
 سندن آلسون جَدیمین عطرین روانیم گل اوغول  
 طوسدن بئر لاله در ای نوگل گلزار جان  
 یشریه گیتسن آپار مندن الونده ارمغان  
 داغ سینمدن اونسی ویر جمله احبابه نشان  
 داغلاسون هر بئر دلی داغلی نشانیم گل اوغول  
 خواهش ایتدی تائیه عطاری<sup>(۱)</sup> آدلی نوحه خوان  
 اولدی بئر سید ایوینده نظم بو شرح و بیان  
 قسمت ایت قبرینده یارب ایلیاق ورد زبان  
 شه دلینجه هاردا سان تازه جوانیم گل اوغول

۱- عطاری مرحوم حاج عباسعلی، نوحه خوان محله قره آغاچ.

وفات امام رضا علیه السلام

بو همان گوندور که اسلام عالمی مغموم اولوب  
حجت ثامن وصی مصطفی مسموم اولوب



منکسف اولموش همین بو گونده خورشید ولا  
عالم امکان اولوبدور سربه سر ماتمرا  
ذکر ایدر ایوای اوغولوی فاطمه خیرالنسا  
روضه جتنده پیغمبر بوگون مهموم اولوب  
بیر اوزون مدت غمیله حجت پروردگار  
گوشه غربتده اولدی اهل بیتیندن کنار  
دلده آه آتشیینی یوزده حال انکسار  
طوسده مأمون ایله عاقبت مسموم اولوب  
ساعتی که ظمیله دونموشدی شامه گوندوزی  
ال اورک باشینده غربت ئولکهده یرده یوزی  
دلده فریاد و نواسی یولدا حسرتله گوزی  
عرض ایدوب یارب منیم تک هانسی شه مظلوم اولوب

اوز قلیمدن منی مأمون دون ایتدی جدا  
ایلدی تزویرله اولده اظهاری وفا  
ویردی غربت ئولکهده آخر منه زهر جفا  
نقض عهدی عکس قولی فعلیله معلوم اولوب  
ای خدا بو غربتیم بو قلب ناشادیم منیم  
یولدا چشم انتظاریم دلده فریادیم منیم  
شدت زهر جفادن یاندی اکبادیم منیم  
راضیم هر بیر قضا روز ازل مرقوم اولوب  
اود سالوب زهر جفا یارب بو جسم و جانیمه  
تار اولوبدور روز روشن دیده گریانیمه  
من غریب ئوللم گلن بیر کیمسه اولماز یانیمه  
بو ئولوم بیز اهل بیته لازم و ملزوم اولوب  
گوشه غربتده جان اوسته منی یوخ یاد ایدن  
حالیمه نه بیر یانان نه بیر گلن نه بیر گیدن  
نه خبر گلدی منه یارب باجیم معصومه دن  
انتظار اولماق غریبه یوخساکیم مرسوم اولوب



ظلمیله گرچه منی مسموم ایدوب دست عناد  
 حق یولوندا بیلله عالمدور منه عین مراد  
 حسرتیم قالماز اورکده گلسه گر او غلوم جواد  
 فرقتینده او غلومون چوخ خاطریم مغموم اولوب  
 جان ویرردی حسرتیله گرچه غربتده رضا  
 باشی اوسته گلدی او غلی ایلدی داد و نوا  
 کربلاده جان ویرنده لیک شاه کربلا  
 چوخ تَحْشُرله قتیل اشقیای شوم اولوب  
 خاک و خون ایچره یخیلمیشدی او سلطان حجاز  
 یاره جسمینده سزیلداردی ایدردی سوز و ساز  
 یوز دوتوب درگاه لاریبه ایدوب ابراز راز  
 عرض ایدوب یارب منیم تک هانسی شه مظلوم اولوب  
 شاهد اول بو حالیمه آخر دمیم دور ای خدا  
 ایتموشم اولده هر عهد ایلرم ایمدی وفا  
 بو سپاه کوفه بو من بو زمین کربلا  
 هانسی مذهبه امامین قاتلی مأموم اولوب  
 دوندروب دور قانه دشمن گوزده کی گوز یاشیمی  
 خاک و خون ایچره سالوب یتیمیش یکی یولداشیمی

ایتمیشم قربان قرآن او غلومی قارداشیمی  
 بوردا عهد اولیم آخر بوگون مختوم اولوب  
 بو همین بیر ساعتی چوخدان ایدردیم آرزو  
 خوشدلم من هر قدر یاره وورا قوم عدو  
 جان ویرم نهر اوسته لب تشنه آخا هر یانه سو  
 لوح عمریمده سوسوز ئولماقلیقیم مرقوم اولوب  
 یاره آرتدیقجا اولور یارب باشیمدا شور چوخ  
 سنگسار ایلولله من عشق اوستیم ایداسی یوخ  
 روحیمه لذت ویرور بو جسمیمه دگدیقجا اوخ  
 دُوزماقا عشاق عالم دهرده موسوم اولوب  
 اولدی قربان دین حقه قارداشیم جدیم آتام  
 ووردیلار تک تک الهی رونق دین اوسته گام  
 منده بو دین اوسته ئوللم ایلرم تحصیل کام  
 یاخشی یرده ای خدا عمریم منیم مختوم اولوب  
 ملک صبرین تائیین اشغال ایدوب نیروی غم  
 ثامن آل محمد جانوه ویرم قسم  
 ایسته حقدن دینینی لطفاً اوزی قیلسون کرم  
 نوکرون مشغول ذمه صنفینه مضموم اولوب

ذکر وفات حضرت جواد الائمه علیه السلام

جواد آل پیغمبر اولوب مسموم جان ویردی  
 حسین سو دیوب جان ویرماقین عیناً نشان ویردی  
 اولوب مسموم جان ویردی



زبس غم ویردی یوز چکدی همیشه ناله جانکاه  
 محاقه مایل اولدی چرخ عزتده درخشان ماه  
 چکوب طول مصیبت رشته عمرین ایدوب کوتاه  
 جوان وقتینده جان اول شهریار انس و جان ویردی  
 ایرمی بش ایل عمرین ایلیوب اهل خبر مرقوم  
 بو آز عمریله اولدی اول شه دین لیک چوخ مظلوم  
 ایدوبلر عاقبت غربت ولایتده اونی مسموم  
 یانوب دلدن اونا هر لحظه یوز سوز نهان ویردی  
 خزانہ تا بهارین صرصر بیداد دوندردی  
 قضا گلچینی باغ عمرینین عشرت گلین دَرْدی  
 سارالدی گلشن دینین عطشدن نوگل وِردی  
 اونون باده صفاسین آفت باد خزان ویردی

اورکده سوز زهر کین جمالینده نولور گوردی  
 یانوب دلدن یره اوز سینه سین حسرتله سورتردی  
 باخاردی صاق صولا گاهی او شاه دین سو ایستردی  
 دیدیقجا العطش جام جگر بیر کاسه قان ویردی  
 کنیزی گوردی بو حالی بیر اوزگه حالتہ قالدی  
 گیدوب بیر جام سو گتدی امامین گوگلونی آلدی  
 سو جامین آلدی ام الفضل غیظله یره چالدی  
 سوسوز نولماقینه فتوا او بدعهد زمان ویردی  
 گوزی یولدا چکردی آه بو عنوان مقتلدی  
 دیردی ای خدا حسرت اوخی بو سینه می دلدی  
 نه وار جان اوسته بیر همدم نه بیر او غلوم علی گلدی  
 سسیمه نس نولن دمدہ نه اول شیرین زیان ویردی  
 اولان اوز عهدینه عشق عالمینده بند و وابسته  
 چکردی انتظارین او غلنون حان اوسته دلخسته  
 سو جامی الله حاضر اولدی اوز اوغلی باشی اوسته  
 آتائيله بالاد دل دردینه شرح و بیان ویردی



آتادان گلدی آخر دم او غول جویای حال اولدی  
 آتاگوردی جوانین سینه دن زایل ملال اولدی  
 حسینی جان ویرنده درک ایدن اما هلال اولدی  
 اورکدن اودلانونب احوالینه نی تک فغان ویردی  
 گوروب بیر زخم دار آهوکیمی دوشموش او دلخسته  
 چالورقان ایچره دست و پا وورالار زخمی زخم اوسته  
 باخور حسرتله سویلور العطش آهسته آهسته  
 هلالین قلبینه رقت او اندوه گران ویردی  
 خیال ایتدی اوزینه حق یانیندا آبرو ویرسین  
 گل مقصود زهرايه او چولده رنگ و بو ویرسین  
 او یالقز بیکس و لب تشنیه جان اوسته سو ویرسین  
 نشان اوز همتین گیزلین مرام اوسته عیان ویردی  
 گیدوب سو گتدی سیراب ایلسون اول شاه عطشانی  
 گلنده گوردی یولدا گوردی شمر شوم و نامسلمانی  
 گوزی یاشلو الینده قانلو خنجردن آخار قانی  
 دیدی گتمه حسینه خنجریم آب روان ویردی  
 دیدی یوخسا بساط ظلم و کینه قورموسان ظالم  
 حسینی ئولدوروب زهرا گلین سولدورموسان ظالم

ندن بس اشگویله گوزلرون دولدورموسان ظالم  
 دوباره دانه اشگین توکوب رخساره سان ویردی  
 دیدی قان ایتموشم دوزدور بو چولده قلب زهرانی  
 بوگون رحم ایتمیوب ئولدورموشم معنای قرآنی  
 ولی بو ناله و فریادیمین وار اوزگه عنوانی  
 دولانندی قانیله دولمش چوخور بیریر نشان ویردی  
 باخوب گوردی او یرده بیر او جا قامت خانم عورت  
 دوتوبدور خردا جا بیر قیز الیندن سینه ده حسرت  
 وورور باشسیر جنازه دورینه دوره او خوش فطرت  
 دیور قارداش سنون تک هانسی بیر مظلوم جان ویردی  
 باجون ئولسون اورکده قالدی چوخ گزلین سوزون قارداش  
 دیلونده العطش باخدی سویا حسرت گوزون قارداش  
 آتان ساقی کوثر تشنه جان ویردون اوزون قارداش  
 سنه قان سو یرینه تیغ تیز و جانستان ویردی  
 عزادار حسین فکری ایدوب ترغیب اولوب بانی  
 چکوبدور نظمه تائب بو قضایای غم افزانی  
 نصیب ایت قبرینی یارب دیاق اوردا بو عنوانی  
 جواد آل پیغمبر اولوب مسموم جان ویردی

### خطاب به ارض مقدّس کربلائی معلّی

کربلا ای معدن شأن و شرافت کربلا  
خاک پاکی کعبه اهل حقیقت کربلا



اولمیو بسن بی سبب سن بو صفتله مُتّصف  
تایمیو بسن کعبه تک بیجا یره شأن و شرف  
سن او یرسن اولیاء الله گلولر صف به صف  
سندله کی مدفونی ایله لر زیارت کربلا  
گر دیسم باجادی سنسن رشگ عرش کبریا  
سندله نازیلله یاتوبدور زینت عرش خدا  
تُربت پاک و ملیحون چشم حوره توتیا  
هاردا واردور عرشده بو افضلیت کربلا  
یوخدی بیر یر شأنده اولسون سنیلله همطراز  
سندله واردور هر مقدّس یردن آرتوخ امتیاز  
سن او یر سن بیرق دین تاپدی سندله اهتزاز  
اهتزاز ی قانیلله اولدی ضمانت کربلا

سن او یرسن خوشه چین عشقه سندله خوشه وار  
سندله زوّار سعادت مندله عالی توشه وار  
سندله عرش حقّه بنزر مرقد ششگوشه وار  
تایموسان اول مرقدیله اوج رفعت کربلا  
کربلا سندله یاتوب بیر تاجدار نشأتین  
روح زهرا جان حیدر مصطفایه نور عین  
غسلی قان کافوری توپراق گل آدی تشنه حسین  
نوش ایدن لب تشنه صهبای شهادت کربلا  
دفن اولوب سانسیز یارالی جسمیله اول خونجگر  
سینه سی اوسته یاتوبدور نازیلله بیر سودا امر  
ایمدی ده سوز عطشیدن اوز لب لعلین امر  
شه اونا لایلای دیر ساعت به ساعت کربلا  
کربلا سندله یاتوب عزّ و شرف سرمایه سی  
ویردی آرایش سنه عرش خدا پیرایه سی  
قانیله تفسیر اولوب سندله فدینا آیه سی  
گور سنوب ذبح آیه سیندن سندله آیت کربلا



سن منایه فخر ایلله ای تربت پاک و ملیح  
 رفعتون چو خدور منادن فی الحقیقت بالصریح  
 سن او قربانگاه سن وار سنده اکبر تک ذبیح  
 تار موی زلفینه دنیاچه قیمت کربلا  
 کربلا سنده حقیقت قانلاری جوش ایلدی  
 باده وحدت حسینی مست و مدهوش ایلدی  
 گیچدی اکبر تک جوانیندن کفن پوش ایلدی  
 قیلدی مین شوقیله قربان شریعت کربلا  
 کربلا سنده آسنده صرصر اندوه و درد  
 سولدی بیر گل اکبر آدلی گلستان عشقه ورد  
 غصه دن لیلانی مجنون تک ایدوب صحرانورد  
 چوللری گزدی او مجنون محبت کربلا  
 بعضی داماد اولدی سنده ظلمیله خونین کفن  
 وه نجه داماد لر هر تک تکی وجه الحسن  
 قاره پوش اولدی عزاسینده عروسان چمن  
 حشر اولونجا هر جوانه اولدی حسرت کربلا

سندله باتدی قانه بیر نیچه جوان گلغذار  
 قانلاری آخدی سن اولدون بیر صفالی لاله زار  
 لاله زاری که خزانی یوخ اولوب دائم بهار  
 لاله زارون پخش ایدر دنیاچه نکبت کربلا  
 سنده بیر دامادی آتدان یخدی اشرار عبوس  
 آستان دینده اولموشدی تازه خاکبوس  
 نعلش داماد اوسته مقتول اولدی شوریده عروس  
 ایلمدیده دللرده وار بو سوز او صحبت کربلا  
 کربلا سنده دونوب قانه اورکلر اودلانوب  
 سو کنارینده سوسوزدان نازنین قزلار یانوب  
 سنده بیر شرعه سو اوسته بیر سو مشگی اوخلانوب  
 ایللیوب عباسی حسرت قوس قامت کربلا  
 کربلا ای کربلا ای وادی درد و آلم  
 سنده یاتدی بیر علمدار یله بیر قائلو علم  
 دوشدی سقا سو یانیندا سرو تک قوللار قلم  
 تشنه لب قمری لره قویدی قیامت کربلا

سنده حسرت دللری چون غنچه قانه دوندروب  
 شاخ گلدن سنده زهرا اوغلی بیر غنچه دروب  
 افتخاريله اونسی بزم نگاره گوندروب  
 آرتروب اول مجلسه بیر عمده زینت کربلا  
 سنده بیر اوچ شعبه لی اوخ بیچدی حلق اصغری  
 اولدی اوز قانیله الوان هم یوزی هم تللری  
 زلفی تک ایتدی پریشان دل رباب مضطری  
 توکدی دائم گوزلری اشگ مصیبت کربلا  
 کربلا ای کعبه اهل وفارشگ منا  
 سنده ایتدی چوخ اوغوللار دینه قربان چوخ آنا  
 ویردی زینب لیک ایکی تشنه قوزی قربان فدا  
 زلفی مشکین چشمی شهلا ماه طلعت کربلا  
 سنده باتدی قانینه فرزند فخر ما خلق  
 توکدی ازبس سنده اشگین عترت ناموس حق  
 ابرگریان ایلدی اوز انفعالیندن عرق  
 یاغدی رار گوزدن همیشه اشگ خجلت کربلا

سنده اولدی لیل ظلمت چشم زینبده فلق  
 کشتی اقمیدی اولدی بحر خوندا مُغترق  
 عارض خورشید دینی دوتدی بیر خونین شفق  
 گون یوزینده وار همین قاندا علامت کربلا  
 سنده صید ایتدی حرم آهولرین صیاد کین  
 قول قولاً باغلاندی سنده عترت جبل المتین  
 نیزه لر باشین سریر ایتدی سر سلطان دین  
 قویدی قاندا باشینه تاج شرافت کربلا  
 تائبم ایل لر بویی مُستغرق اشگ ترم  
 حسرتیم وار دلده جمعیله زیارت ایسترم  
 بو رخ زردی او خاک مشک خیزه سورترم  
 قسمتیم گر اولسا بیر وقفه زیارت کربلا



## ملحقات جلد اول جوهر المصائب تائب

احوال حضرت زهرا علیها السلام بعد از وفات رسول اکرم صلی الله علیه و آله

ترک ایلدی بو عالمی محبوب کردگار  
زهرا گوزونده تیره وتار اولدی روزگار



آغلار گوزی بولود کیمی دولدی سرشگیله  
یاغدیددی گل تک عارضه چون ابر نوبهار  
گاهی ووروبلا اود قاپوسی یاندی ظلمیله  
که سیخدی پشت درده اونی قوم نابکار  
پهلوسی سیندی آلدی اورکدن قرارینی  
مسمار باتدی سینه سینی ایتدی زخم دار  
بیر ظلمده اولوندی که واضح دینرم  
اهل ادب سُور بیله سوز تاپسا استتار  
واردور بو قدر دوشدی یره گوشواره سی  
ابر سیاه زهره زهرانی ایتدی تار

گاهی عم او غلوسین چکوب اشرار بیعته  
قول باغلی دلشکسته و محزون و دلفگار  
گاهی آلوبلا حتمینی الدن جفائیه  
قلب رسولی ایتدیله معناده داغدار  
حقی چیخوب الیدن اولوب چوخ معاشی تنگ  
جانہ یتیشدی احمد محموده یادگار  
بیر گون اجازه آلدی علی ولی دن  
اثبات حق ایلیه اول معدن وقار  
باشه سالوبدی چادر عصمت وقاریله  
اولدی او دمه مسجده گوزیاشلی رهسپار  
طی طریق ایدردی یول اوستونده نازیله  
منت چکردی یر خانم اولسیدی رهسپار  
هر کس گوریدی فاطمه نین حال مشینی  
بیله سائاردی ختم رسل ایلوری گذار  
گلدی یتیشدی مسجده وارد اولوب ازل  
حسرتله سالدی منبر پیغمبره نظار

پیغمبرین یرینده نه گوردی که اگلشوب  
 چوخ نخوتیله کبریه بیر آیری نابکار  
 دوشدی آتاسی یادینه یاندی یانان دلی  
 دولدوردی ابر تک گوزونی اولدی اشگبار  
 بیر حالتیله آغلادی یاندیردی دلیری  
 آغلادی اهل مسجدی مسجده هر نه وار  
 یکباره مسجد اهلی او دم ویردی سس سه  
 بیر اوزگه عالم اولدی او ساعتده آشکار  
 گویا او گون پیمبر رحمت تاپوب رحال  
 وامصطفا سسیله دولوب مسجد و کنار  
 جلب ایلدی او حالیه زهرا جماعتی  
 سس یاتدی اوز یرینده اولوب خلق برقرار  
 بهت و سکوت مسجدین اهلین ایله دوتوب  
 اولدی بستول صحبتینه خلق انتظار  
 بیر خطبه فصیح او ساعتده باشلیوب  
 دخت رسول او شافعه موقف شمار

درج دهانین آچدی کمال وقاریله  
 ایسلوبدی لعل لبلی بیه گهر نثار  
 حمد و سپاس ذات حقه بی قیاس اول  
 کیم خلق ایدوبدی ماخلق اللهی هر نه وار  
 بیر خالق که لطفیله تعلیم ایدوب بیزه  
 تا وار حیات اولماقا حقه ثنا گزار  
 بیر خالق که نعمتین ارزانی ایلوب  
 اولماز بیانیله اول نعمتلی شمار  
 ایملر افاضه لایتناهی فیوضدن  
 شکره اولار اوفیض قبایلنده خواستار  
 آیتدی ذات پاکینه هر آشکار اولان  
 هر آشکارده گورونور حق آشکار  
 کتم عدم بو هستی ایجاد الینده دی  
 هر امره مقتدردی اودور صاحب اختیار  
 آویز ایدوبدی پرده خلقت ویروب اوزی  
 ویرانی وجوده گوزل نقشیه نگار



مطلق ویرر جزاده بد اندیشه بد جزا  
 پاداش نیک آلاز اولاهر کیمسه نیک کار  
 اعمالوزی نظرده دوتون بيله یاتمیون  
 بیدار اولون معاشر انصار زینهار  
 من دختر عزیزه ختم رسالت  
 گنجینه ابدیه منم در شاهوار  
 عصمت نماندور یوزیمه عصمت الله  
 من بیر عقیقه من عفتدی پرده دار  
 مرضیه یرده گویده ده منصوره آدلانان  
 صدیقه ام اوزومده صداقت منه شعار  
 انسیه آدلی حورم و مشهور فاطمه  
 زهرای ازهرم بولوسوز صاحب اشتهار  
 ذاتیمدی نور خلقت و ماهیتیمدی نور  
 گرچه سانورسوز عنصر خاکی منی شمار  
 معصومه و ذکیه و حُزه مُلقبم  
 دارای نفس طاهره ام صاحب وقار

باب کبار دور منه پیغمبر عزیز  
 مطلق رسول حقّدی اول خسرو کبار  
 نور نبوتیله ایدن روشن عالمی  
 کفرین بناسین ایلین عالمده تارومار  
 بیر نوریدی آتام که بو چرخ وجوده  
 ظلمات کفری زایل ایدوب آفتاب وار  
 مندن سلام اولاه آتامین روح پاکینه  
 گیتدی اوزی ایدوب سیزی اللهینه سیار  
 سیزسوز ایدردوز اونلا همیشه معاشرت  
 سیزسوز که ایلدوز اونون آئینین اختیار  
 سیزسوز آتام پیمبریله عهد باغلادوز  
 بسنیان دینین ایتماقا عالمده استوار  
 گیتدی اوزی جماعت ایچیندن او محترم  
 قرآنی قالدی خلق آرا عنوان یادگار  
 قرآندی سوق ایدن سیزی راه سعادت  
 انفاسی جهلدن ایلین دهرده کنار

باشدان ایاقه مخزن اسرار حقدور  
 بیر کنزدور که بطنی دولی دُر شاهوار  
 قرآندی راه دینه فروزنده بیر چراغ  
 ظلماتدن چکر ایشیقا پیروین نه وار  
 قرآندی بیر کلام الهی که هانسی لب  
 گفتارینه آچیلسا اولار قلبی نوربار  
 قرآندی حج و صوم و صلوة و زکوة ایچون  
 بیر رهنمای عادل و کامل تمام عیار  
 قرآندان اهل بیتینی اما آیرمیوب  
 پیغمبر خدا او رسول بزرگوار  
 قرآن و اهل بیتی سفارش ایدوب آتام  
 قرآن کیمی شریفدی بو عترت طهار  
 بو قبر کیم غمیله قباقینده دور موشام  
 مدفندی مهربان آتام بو گوزل مزار  
 الله اوزی سچوبدی مقام رسالته  
 قیلام اونون آدیله بو عالمده افتخار

یاددان چیخوبدی یوخسا زمان جهالتوز  
 کیم بیریروزه دائماً ایلردوز انزجار  
 هتک ایلوب مدام آنالار احترامینی  
 اولمازدون امر زشتدن اصلاً فروگذار  
 اوز قزلاروزی دفن ایلردوز دیری دیری  
 ایلوب ایله جنایتی سیز ایلمدوز عار  
 گلدی آتام ویروب سیزه اخلاق درسینی  
 انسایتدن ایلدی عالمده بهره دار  
 تار حلت ایلدی قیدوب جاهلیته  
 ایستدوز نفاق و تفرقه دنیاده برقرار  
 قویدوز بابام جنازه سینی یرده بر ملا  
 سیندیردوز عهدی اولمادوز عهدوزده پایدار  
 قرآن که حامل اولموش اونا مهربان آتام  
 احکام دین اوندا اولوب تک به تک نگار  
 کیمدور هوای نفسیله تفسیر ایدن اونی  
 کیمدور عوض ایدن ندی احکام کردگار



کیمدور دین که فاطمه محروم ارشدور  
 قرآندا هانسی آیه لره اتکاسی وار  
 قرآن اجازه ویرمز آتام قولوجا بیری  
 بیر سوز دیه معاشر انصار زینهار  
 ایلور آتام دینجه ولی بو منافقین  
 . جعل حدیث ایلموری شرم و ننگ و عار  
 ایلور اوزونه اوز آتاسی ارثینی حلال  
 اما دیور که ارث بتوله حرام اولار  
 قرآنی آیه آیه تلاوت ایدوم گورون  
 احکامینی دانوللا نجه قوم بدشعار  
 بیر نچه آیه سورة نمل و نساء دن (۱)  
 راجع به ارث ایستدی قرائت او دلفگار

وَوَرَّثَ سُلَيْمَانَ دَاوُدَ الْخَ آیه ۱۵ نمل

فَهَبْ لِي مِنْ لَدُنْكَ وَلِيًّا يَرْبُئِي وَ يَرِّثُ مِنْ آلِ يَعْقُوبَ وَاجْعَلْهُ رَبِّ رَضِيًّا

سوره مريم آیه ۵. يَوْصِيكُمْ اللَّهُ فِي أَوْلَادِكُمْ لِلَّذِي مَثَلُ حَظِّ الْأُنثَيْنِ سوره نساء

وَأُولُوا الْأَرْحَامِ بَعْضُهُمْ أَوْلَىٰ بِبَعْضٍ فِي كِتَابِ اللَّهِ إِنَّ اللَّهَ بِكُلِّ شَيْءٍ عَلِيمٌ احزاب آیه ۷

قانع ایدوب او جمعی براهین قاطعی  
 بعداً بویوردی احمد محموده یادگار  
 وارث اولوبلا ارثه هر اولاد انییا  
 آیانندن بتول اولی بو حکمدن کنار  
 غیظیله دوندی غاصبه یوز دوتدی فاطمه  
 فرمایش ایتدی بیرگون اولار موقف شمار  
 ای کفر کیش او گونده گریبانوی دوتوب  
 اوز حقیقی اوگون آلام سندن آشکار  
 بیر گوندی که حکومتی الله الینده دی  
 محبوب آتام او حاله یاخیندان ایدر نظر  
 دوتدی یوزین او دمده جوانان یشریه  
 فرمایش ایتدی افضل نسوان روزگار  
 یا ایها الشباب شریف و سلیم و راد  
 وی تک تکوز جهانیده دین خدایه یار  
 علت ندور بو حالیه خاموش اوتور موسوز  
 حق بتولی ضایع ایدور قروم نقار

آیا اولار دوروب باخاسوز سیز گوره گوره  
 مرضیه حقین الدن آلا توده شرار  
 جانلاردا وار جوانلوقوز اللرده زور و زر  
 بئل لرده واردی تیغ شرربار و جانشکار  
 خاموش اوتورمیون بیله یکسر قیام ایدون  
 آیلون کمرده دامن همترل استوار  
 نولدی دلاوران سلحشور و جنگجو  
 کیم اهل کفره عالمی ایلردی تنگ و تار  
 ایتدوز نه یاخشی دهرده مردانه سیز قیام  
 تاپدوز نه پست وضعیله سیز حال انفطار  
 دوشدوز اوزاق حقیقت و حقدن جهانده  
 گوزم سیزی قباقداز بونیتته دچار  
 زهرا لزومی وار دیمه لی سوزلرین دیه  
 تا تاپیمه حقایق احکام استتار  
 آگاه ایده سیز یله مواجهه دی نه خطر  
 بلکه بو ورطه دن چکه امت اوزین کنار

قول فصیح و نطق درخشان فاطمه  
 تولید وحشت ایسلدی دللرده برقرار  
 دلر دولوب غمیله گلوگیر اولوب هامی  
 جمله قاریشدی بیریرینه گوزلر اشگبار  
 بیر جنبش نهانی جوانلاردا گورسنبوب  
 مولر بدنلرینده اولوب راست تارتار  
 اولدی یاخون که یوز ویره مسجده انقلاب  
 بیر شورش عظیمه اولوب خلق انتظار  
 احساس ایدوب بو عالمی اول خصم تیره دل  
 تغییر تاپدی حالی اولوب وحشته دچار  
 فرمایشات فاطمیه شاهد ایستدی  
 رد فدک ایچون اولاه عنوان استوار  
 بیر شاهد ام ایمن اولوب بیرده مرتضی  
 بیرده حسن حسین او ایکی ماه گلعدار  
 ناچار اولوب خلیفه یازوب مهر ایلدی  
 رد فدکدن اوتوری ایدوب حکم برقرار



چیخدی بتول دوشدی یولا بین راهده  
 ناگاه اولدی جانی بد فطرته دچار  
 ایتدی سئوال امر هارا ایتدی ای بتول  
 ویردی جواب حق سوزومه ویردیم انتشار  
 فرمان یازیلدی تاکه فدک ردّ اولامنه  
 آلدی او حکمی پاره لدی اول ستم شعار  
 سویلوب حسینه حسن و مرتضا علی  
 ذی نفع دور شهادتی بو یرده ردّ اولار  
 اماکه امایمن او چونکه عرب دگول  
 بوردا عجم شهادتینین انتفاسی وار  
 پیغمبرین قزی ایشیدوب اولدی خشمناک  
 چکدی شکسته دلدن اودم آه شعله بار  
 سویلوب نجه که پاره لدون سن بو نامه نی  
 بطنون او نوع پاره له سون حی دادگار  
 بیرده بو یوردی سنله داخی من دانیشمارام  
 دشمن دیدی ارادتیمی قیلام آشکار

زهرا دیدی شکایتیمی حقه ایلمرم  
 دیوان ایدر سنیه اوزی مالک شمار  
 جانی جواب ویردی که حقونده من سنون  
 قیلام دعا خلوصیه هر لیل و هر نهار  
 گویا بتولی دل یاراسیله یارالیوب  
 پیغمبر خدادن او ایتمزدی شرم و عار  
 بو بیر خبردی که ایلدیم زینت کتاب  
 ایکاش سوز بیله اولای رب کردگار  
 اما وار اوزگه بیر خبر اولدوقجا شرح او سوز  
 گوزلر دولار سرشگیله بعضی یازان یازار  
 زهرا یول اوسته جانی بی شرمه توش اولوب  
 تاکه تاپوب فدک جریانیدن اختبار  
 زهرادن ایستدی او ستم پیشه نامه نی  
 بو امره راضی اولمادی زهرای خوش تبار  
 زهرا یه بیر جسارت ایدوب خصم کفر کیش  
 یوخ شرحه یا امام زمان دلدۀ اقتدار

جَدَن یسْخَلدی تو پراقا افسرده دل ملول  
 قالدی نه حاله من دیمورم ای شه کبار  
 اما او حالیه گینه ویرمزدی نامه نی  
 بیر ظلم ایدوب دوباره که شرحینده دل یانار  
 زهرا جمالین ایلدی نیلی بیر ال یری  
 اولدی ایشیق گونوز گوزونه مثل شام تار  
 جبریه آلدی فاطمه دن نامه نی او دم  
 پاره ایدوب ایله او غدار روزگار  
 تو پراقلار اوسته دوشدی ایدوب ضعف فاطمه  
 نسوان هاشمی خانمین دورین آلدیلار  
 قولتوقلارینا گیردیه امالائمه نین  
 تا دودمانینه گیده ناموس کردگار  
 حفظ ایتماقا نظاره بیگانه دن اونی  
 یثرب خانم لاری چکوب اطرافینه حصار  
 ای کاش روز عاشر شهر الحرامده  
 بو بانوان سالدی بلا دشتینه گذار

زهرایه خاطر اوردا ووروب ال اله اوگون  
 زهرا قزین تاییدیه محزون و دلفگار  
 بیرجه گوریدیلر ایله بیر گیر و دارده  
 زینب قالب نه حاله نجه انکساری وار  
 دشمن ایچینده بیر سسینه سس ویریدیلر  
 دورین آلوب اولیدیه رأفته غمگسار  
 دشمن اونا جسارت ایدنده آچاندا ال  
 تک تک اولیدیلر او غریبه معین و یار  
 دخت بستولی دشمن الیندن آلدیلر  
 باری ایدیدیلر ایله بیر ورطه دن کنار  
 مانع اولیدیلر دوشه بیر گوز او قامته  
 آخر حجاب محضیدی اول بانوی کبار  
 عرض ایتمورم او وقتده قالدی نه حالته  
 اول بانوی مُحجبه اول معدن وقار  
 واردور بو قدر گوردی سکینه او عالمی  
 واعمتا دلینده اولوب چشمی اشگبار



سسلندی دور ایاقه اماندور رقیه جان  
 عمم باشینا سال باجی اسباب استار  
 ناموس کسریا قزی دور معدن حیا  
 سالسون مباد قامتینه اشقیا نظار  
 گور عمه می نه حاله سالوب ظلم اشقیا  
 خسته اولوب وجودی دوشوبدور بی اختیار  
 آغلا رقیه جان دیمورم هرگز آغلاما  
 حقوندی آغلاماق سنون ای ماه گلغذار  
 اما بابام جنازه سینی بوشلا ای باجی  
 گل آغلا حال عمه مه چک آه شعله بار  
 سن آغلا باجی منده ویروم سنله سس سه  
 بو دشت نینواده ایداق شور برقرار  
 واعسمتا دیاق باجی لحن حجازیله  
 ویروم سنله سس بیزه بو شکسته سنق قطار  
 بلکه مخالفین عراقین یانوب دلی  
 چوخ ظلم ایتماقا اولارا شرم اولار حصار

بلکه امان اولار باجی بو بی امانلارا  
 فرصت تاپا بو عترت پیغمبر کبار  
 بزم عزا قوراخ باباما قتلگاهده  
 نوحه سرا اولاخ هامومیز دلده آه و زار  
 قارداشینی باجی آنا ایستکلی اوغلونی  
 گل تک آلاکناره ایده ناله چون هزار  
 بورد ا قویاخ عزای حسینی بناسینی  
 بیزدن بو بیر عزا قالا عنوان یادگار  
 تعقیب ایدوب بو شیوه نی بیزدن صوراکلن  
 ساخلاللا بو عزانی بو دنیاده پایدار  
 تا کیم آراده گیتیمه مظلوم آتام قانی  
 زنده اولار آتام آدی تا واردی روزگار  
 پرچم ووراللا هریره نام حسینیله  
 دینه او پرچم آرتوری بی حد اعتبار  
 قاره علم آسر هامونی بیریره یغوب  
 مدهوشلر اولالا او مجلسده هوشیار

اهل عزا ویره‌لله امام زمانه سس  
 ابر بهار تک دولوب آغللا زار زار  
 لیل و نهار آغلار او مظلوم جدینه  
 آغللا شیعه‌لر اودی هر لیل و هر نهار  
 هر حالده امامینه تابعدی شیعه‌لر  
 هر یول گیدوب اولالا همین یولدا رهسپار  
 عنوان اولار حسین آدی تشکیل مجلسه  
 خُرد و کبار او آدیله مجلسده جمع اولار  
 تعلیم ایده‌لله خلقه او مجلسده دین ندور  
 احکام دین تاپار حسین آدیله انتشار  
 قرآنی زنده ساخلار او مجلس جهانده  
 خلقه دیه‌لله معنی قرآنی آشکار  
 عالم بیلر حسینه او قرآندی آبرو  
 قرآنه ایلیوبدی حسین جانینی نثار  
 یعنی مطیع اولوبدی او قرآنه شاه دین  
 باش اگمیوبدی اوزگه‌لره میر تاجدار

قرآن یولوندا باشی گیدوب نیزه باشینه  
 عزت تاپوب قویوب باشینا تاج افتخار  
 نوک جداده رونق دینه تلاش ایدوب  
 بیدار ایدوب یاتانلاری هر یرده هر نه وار  
 قرآن سسی محیطدی عالم اونا محاط  
 تسخیر اولوب او صوتیله هر شهر و هر دیار  
 قائب اوزاتما مطلبی چوخ طول گیتی سوز  
 ختم ایله بو کلاموی بر وجه اختصار  
 دلده دیمه بو سوزلری سن بلکه یاز دله  
 دوز دوت حسین گیدن یولی گتمه بیر آن کنار  
 آزادمرد ئولوبدی حسین ابن فاطمه  
 نامرده اگمیوب باش او احراره شهریار  
 سنده باش اگمه اوزگیه احراردن ساینل  
 اول بنده حیّ فرده بیوک اعتزاز آپار  
 محمود صادری بو سوزی یازدیروب سنه  
 ایسته خدادن اولسون اونا هر نفسده یار



### زبانحال پسران مسلم ابن عقیل ؑ

رحم ایت ایکی غریب بی غمگساره حارث  
ئولدورمه ظلمیله باخ پروردگاره حارث



شرم ایت رضای حقّی ظالم کناره آتما  
حقّی رعایت ایله ناحقّ قانه باتما  
قانون ایکی یتیمین بیریرلرینه قاتما  
آماده اولما قهر پروردگاره حارث  
ظالم قبیله ئلدن بیر ایلدی بیز اوزاقوخ  
غربت زده یتیموخ دلخسته فراقوخ  
اینجیتمه وورما دوگمه آخر سنه قوناقوخ  
دانما رسوم عُرفی چیخما کناره حارث  
ساخلار هامی قوناقی عالمده گوز ایوینده  
حرمت ایدر دیمز بیر غیظیله سوز ایوینده  
شرم ایله اوز قوناقون ئولدورمه اوز ایوینده  
ویرمه شقاوتون چوخ سن آشکاره حارث

ظالم ایکی سارالمیش رخساریه نظر قیل  
غم بوطة سینده قالموش سیر مذاب زر قیل  
قهر ایتمه بیله قهر قهاردن حذر قیل  
دنیا نی دوتما گیتمه عقباده ناره حارث  
ایله دوتوبدی وحشت هیچ بولموروق نیداخ بیز  
آزاد ایله گجیله بو شهری ترک ایداخ بیز  
شهر مدینه راهین باهم دوتوب گیداخ بیز  
ملک وطن گوراق بیز بلکه دوباره حارث  
مین داغ حسرتیله وار قلبده یارامیز  
الدن گیدوب آتامیز یوخ خویش و اقربامیز  
مدتدی کیم وطنده آغلار قالبوب آنامیز  
یوللاره حسرتیله ایلر نظاره حارث  
چشم جهان گوروب نه بیر بیله ظلم و بیداد  
نه بیز کیمی قتیلی سن تک نه شوم جلاد  
بیز تک بلالی آهو سن تک جفالی صیاد  
صیاد امان ویره گر خوشدور شکاره حارث

آزاد قیلیموسان سال اللّهی یاده ظالم  
 ئولدورماقا قوناقی ایتمه اراده ظالم  
 زنده آپار بیزی سن ابن زیاده ظالم  
 بلکه او رحم ایده بیز زار و فگاره حارث  
 ظالم سنه اولوب گر مال و منال منظور  
 کس زلفیمیزی ایتمه بیز بینوانی رنجور  
 قول تگ بیزی آپار سات ای بی حیای مغرور  
 سالما بیزی بو قدری رنج و فشاره حارث  
 ای قان توکن شقی ویر باری بیزه اجازه  
 اهل نمازوق آخر حاضر اولاق نمازه  
 بیر یوز دوتاخ حضور جانان بی نیازه  
 شکوه ایداخ خدای ذوالاقتداره حارث  
 اذن صلوٰۃ اولوندی گوزدن توکوبله قانیاش  
 مشغول اولوب نمازه باهم او ایکی قارداش  
 رمزاً دیردیلر ای سر فوج قوم او باش  
 اهل نمازه ایتمه تیغون اشاره حارث

عرض ایتدیلر خدایه دلرده آه سوزان  
 ایلور بیزی بو ظالم ظلمیله قانه غلطان  
 ای مُنتقم الهی قیل عدلویله دیوان  
 بو سوزده یاندی دلدن دوتدی شراره حارث  
 غیظیله چکدی تیغین ناحق قانه باتدی  
 قانین ایکی یتیمین بیربیرلرینه قاتدی  
 باشسیز بدن لرینده گوتدی فراته آتدی  
 آتدی سویا دوباره ایتدی نظاره حارث  
 نه نوع عرض ایدوم من یارب او دمده نولدی  
 چون لاله روی دریا قرمز قانیله دولدی  
 سو اوسته قول بویون اول باشسیز بدنلر اولدی  
 یعنی آخا آخادن دوشمز کناره حارث  
 بانی اولوب رسولی تائب ایدوب کتابت  
 ایله ایکی یتیمین قبرین الهی قسمت  
 بو خوش زبان حالی جمعاً ایداخ قرائت  
 رحم ایت ایکی یتیم بی غمگساره حارث



## نوحه اول محرم الحرام

ویردی باش حسینون چون مه عزاسی  
ماسوانی دوتدی واحسین صداسی  
دوتدی شیعه لر ماتم آچدی لار قرا پرچم  
باشلانوب عزاسی باشلانوب عزاسی



تک نه شیعه لر بو غمده سینه داغلار  
فاطمه سزیلدار اشگ عذاره باغلار  
ذکر ایدر دمادم واحسین وای آغلار  
اوغلونون عزاسینده غملی ماجراسینده  
آغلار اوز آناسی آغلار اوز آناسی  
دل دولور بو آیدا وصفی غم فزادی  
هر یانا باخورسان مجلس عزادی  
وار اثاث ماتم هر طرف قرادی  
قاره پوش اولوب عالم بیر جهان دوتوب ماتم  
واردی غم اساسی واردی غم اساسی

اوزگه عالم اولمرش برمه عزاده  
چوخ آسر نسیم درد و غم فضاذه  
نغمه حسینی واردی کسربلاذه  
قان اولوب بو آی دلر تشنه لب سولوب گل لر  
قالمیوب صفاسی قالمیوب صفاسی  
اولسا هانسی یرده گر حسین عزاسی  
گلسه هانسی ایودن واحسین صداسی  
یول سالار او بزمه فاطمه آناسی  
سلنر حسینم وای نور هر دو عینیم وای  
سینه ده نیواسی سینه ده نیواسی  
فاطمه سزیلدار گوزده قانیاش آغلار  
عارضه آخیردار اشگی بیر باش آغلار  
سس ویرر بتوله جمله داغ داش آغلار  
غم داشوب آشوب باشندان هی گلور داغ و باشندان  
واحسین صداسی واحسین صداسی

کربلا ده سولموش گلشن و چمن لر  
 هم دوشوب ایاقدان سرو لر سمن لر  
 قانیله بویانموش زلف یاسمن لر  
 گلستان خزان اولموش طرفه گلری سولموش  
 واردی غم هواسی واردی غم هواسی  
 دوغرار اهل کوفه اکبر جوانی  
 نه جوان نه اکبر لیلی نین توانی  
 قانی گلشن ایلر دشت نینوانی  
 زلفه قان یاخار لیلا اکبره باخار لیلا  
 دلده وای بالاسی دلده وای بالاسی  
 چوخ وورالا یاره قاسم جوانه  
 تل لرین بویالار ظلم الیه قانه  
 سیر ایدر آناسی غم له یانه یانه  
 سسکنر جوانیم وای طاقت و توانیم وای  
 قان اولان حناسی قان اولان حناسی  
 اوخ آتاللا سقا اوسته دسته دسته  
 ایلیلّه ساقی جامینی شکسته  
 قوللارین سالالار نهر علقم اوسته

جان ویرر فرات اوسته تشنه لب او دلخسته  
 سینه ده یاراسی سینه ده یاراسی  
 شاه دین الینده شیرخواره اصغر  
 تشنه لب سولار چون غنچه گل تر  
 اوخ بیچر او نازک حلقینی سراسر  
 قان دورار دوداقینده شاه دین قوجاقینده  
 جان ویرر بالاسی جان ویرر بالاسی  
 اوج ایدر سپهره آه و وای زینب  
 نینوانی چولقار چوخ نوای زینب  
 هم اولار آناسی همصدای زینب  
 اوز قزین سؤر زهرا سس سه ویرر زهرا  
 سینه ده نواسی سینه ده نواسی  
 تائبو آیدا عاشق نوا اول  
 نوحه خوان شخص شاه کربلا اول  
 حضرت ولی عصره همصدای اول  
 فاطمه رضا اولسون تا سینه عطا اولسون  
 دردیمن دواسی دردیمن دواسی



## ورود کربلا، زبان حال امام مظلوم خطاب به خواهر

ای بلالی زینب حاضر اول بلایه  
 قافلم یتیشدی دشت کربلایه  
 بوردا امتحان ویزم دین یولوندا جان ویزم  
 ای بلالی زینب



بو دیار محنت دشت کربلادی  
 آدی کربلادی مرکز بلادی  
 من خلیل عشقه کعبه وفادی  
 حاصل اولدی منظوریم آرتدی باشدا کی شوریم  
 ای بلالی زینب ای بلالی زینب  
 بو منای عشقین وار گوزل صفاسی  
 یتیمیشه یاخین وار مه لقا فداسی  
 باشلاریندا واردور دین حق هواسی  
 بوردا جوش ایدر قانلار قان ایچله قربانلار  
 ای بلالی زینب ای بلالی زینب

عهد آلوبدی مندن ذات پاک جانان  
 جانیمی ایدم بو دین حقه قربان  
 قویمارام که نقصان تاپسون عهد و پیمان  
 من و ارام سوزوم اوسته هر بلا گوزوم اوسته  
 ای بلالی زینب ای بلالی زینب  
 دین دی گلستان من غملو باغبانی  
 دوزم مرم گورنده آفت خترانی  
 قویمارام که سولسون بیله گلستانی  
 سو یرینه قان ویزم باغ دینه جان ویزم  
 ای بلالی زینب ای بلالی زینب  
 گللریم بو چولده تشنه سولسا سولسون  
 قانلا باغبانین چشمی دولسا دولسون  
 گر خزان بو عمریم باغی اولسا اولسون  
 باغ دین بهار اولسون حکمی پایدار اولسون  
 ای بلالی زینب ای بلالی زینب

واردی بیر ئلیم باش فکرینی آتالار  
 قانه دین یولوندا تشنه لب باتالار  
 توپراقا بو چولده قانلارین قاتالار  
 لاله رنگ اولار بویر شوريله دولار بویر  
 ای بلالی زینب ای بلالی زینب  
 اکبریم دوشر گل جسمه یاراسی  
 کربلانی چولقار عطر دلرباسی  
 نعشی اوسته اوخشار شوريله آناسی  
 آه و زار ایدر لیلا چوللره دوشر لیلا  
 ای بلالی زینب ای بلالی زینب  
 قاسم جوان بو سینه مین قراری  
 یعنی مجتبانین نازلی یادگاری  
 جان ویرر بدننه زخم بی شماری  
 آغلادار منی آغلار داغلی قلیمی داغلار  
 ای بلالی زینب ای بلالی زینب

قارداشیم ابوالفضل گوسترر وفاسین  
 توپراقا سالالار قامت رساسین  
 آرترار کنار علقمین صفاسین  
 باغ عشق اولار علقم عطریله دولار علقم  
 ای بلالی زینب ای بلالی زینب  
 من اوزوم یخلام دله سوز و سازیم  
 سوریانیندا قان دور آب دستمازیم  
 قانلو قتلگهده واردی بیر نمازیم  
 نوللم اول نماز اوسته عشق بی نیاز اوسته  
 ای بلالی زینب ای بلالی زینب  
 اولسا بیر حقیقت گر اوزونده تائب  
 عیبوی گورر سن اوز گوزونده تائب  
 بیرده یاز اثر وار بو سوزونده تائب  
 بوردا امتحان ویزم دین یولوندا جان ویزم  
 ای بلالی زینب ای بلالی زینب



## مهلت در شب عاشورا، زبان حال امام مظلوم بخواهرش

دشمن و یروبدی مهلت ای کربلای زینب  
یاتسون بنات عصمت راحت بلالی زینب



دی نازنین اوشاقلار ایتسونله استراحت  
سن صبحه تک دعا قیل منده ایدوم عبادت  
بو لیل غمفزانین صبحینده وار قیامت  
بو بیر قیامتین وار چوخ شرح حالی زینب  
صبح اولسا نوجوانلار قانه باتار بو چولده  
بو خاک کربلایه قانین قاتار بو چولده  
صاحب علمله پرچم باهم یاتار بو چولده  
پیر و جوان دوشه لر یورقون یارالی زینب  
لیلا تاپار جوانین قان ایچره قانه غلطان  
یرده گورر دوشوبدور گل تک وجودی خندان  
بلبل کیمی گل اوسته شوريله باشلار افغان  
دلدن یانار سز یلدار اوخشار یارالی زینب

سویله سریّه آلسون اوز قاسمین کناره  
اوغلون دویونجا گورسون باری او قلبی یاره  
اولسا سحر سالالار قان ایچره پاره پاره  
بیر عمر اونی ایده لر باشی قرالی زینب  
اصغر آناسی چکسون آغوشه دلرباسین  
اوپسون بوغازین آلسون بیر عطر جانفزا سین  
اولسا سحر بوغازدان اوخلار عدو بالاسین  
بلبل کیمی قالار اول شور و نوالی زینب  
ای درد و غم شریکیم غم لر یتر غم اوسته  
ماتم ویرر سنه یوز بو چولده ماتم اوسته  
عباسیمی یخاللار بو نهر علقم اوسته  
قوللارینی سالالار تندن آرالی زینب  
ای فاطمه باخیشلی ای یادگار زهرا  
اوغلانلارون گیت ایله قربانلیقا مهیا  
یوز گوزلرین اوپ ایله حسرتله قیل تماشا  
باس باغریوا دویونجا باشی بلالی زینب

بیر بو گیجه بو چولده امکان و مهلتیم وار  
 من ایلرم عبادت تا الله فرصتیم وار  
 اولسا سحر عیاندور شور قیامتیم وار  
 وار شرکتون سنونده مهر و وفالی زینب  
 باجی گرک حسینون درک شهادت ایتسون  
 برنامه سین قوتارسون عالی مرامه یتسون  
 سعی ایله سنده قویما قانیم آراده گتسون  
 مندن صورا قیام ایت ای کربلالی زینب  
 قانه باتام گرک من تا کشف مطلب اولسون  
 جانندان گیچم جهاندا احیای مذهب اولسون  
 مندن صورا گرک دور غوغای زینب اولسون  
 تا نهضتیمده گلسون نقصین کمالی زینب  
 تائب سوزی اوزاتما قیل مختصر کلامی  
 احیای دین و قرآن اولموش حسین مرامی  
 زنده ایدوبدی زینب نهضتله بو قیامی  
 تضمین ایدوب همیشه بو ایده آلی زینب

### زبان حال حضرت قمر بنی هاشم علیّه السلام

گل یخدی منی بو قوم کینه  
 لب تشنه شریعت اوسته قارداش  
 مین یاره آلوب بیر اوخلی سینه  
 دین اوسته دیانت اوسته قارداش  
 حق اوسته حقیقت اوسته قارداش



قول دوشدی آزالمادی یقینیم  
 شور آرتروب اوخلانان جبینم  
 باش گیتدی ولیک قالدی دینیم  
 وار شکر او سعادت اوسته قارداش  
 باش فکرینی اوز باشیمدان آتدیم  
 دین اوسته دوشوب یارالی یاتدیم  
 غفلتله یساتانلاری اویاتدیم  
 وار فخر بو همت اوسته قارداش



گل گور نه آسغلی حالیم وار  
 سینمه نچه جراحیم وار  
 نه مـعرکه قـیامیم وار  
 صدپاره بو قامت اوسته قارداش  
 ناموس و شرف رعایت ایتدیم  
 نه یول دیدی دین او یولدا گیتدیم  
 قانه بویانوب مرامه یتدیم  
 ناموس و شرافت اوسته قارداش  
 من سانماره وفانی آزدیم  
 لوح دله نقش دینی قازدیم  
 دین درسینی اهل دینه یازدیم  
 قانیله بو تربت اوسته قارداش  
 دین حکمینه من اطاعت ایتدیم  
 باش جانیله دینه خدمت ایتدیم  
 بیر بی کس امامه نصرت ایتدیم  
 جان گیتدی او نصرت اوسته قارداش

اوخ مشگیمه دگدی غم گتوردی  
 سو گیتدی بو دردی می یتوردی  
 بو یاره لی جسمده اوتوردی  
 هر یاره جراح اوسته قارداش  
 من چیخمادیم اوز ازل سوزومدن  
 سو گیتدی ال اوزدوم اوز اوزومدن  
 دنیانی سالوب بیر اوخ گوزومدن  
 بو یاسلی حالت اوسته قارداش  
 هرچند که تا پیمیشام سعادت  
 بو سینه ده واردی لیک حسرت  
 اطفالدن اولموشام خجالت  
 ئولم بيله خجالت اوسته قارداش  
 ایکاش که من ایده بولیدیم  
 بو گوزلریمین قانین سیلیدیم  
 بیرده یوزیوی گوروب ئولیدیم  
 بو طرفه زیارت اوسته قارداش

چوخ واردی اثر بو بیر سوزومده

ایکاش ئولم یوزون یوزومده

اشگیله دولان گوزون گوزومده

بیر آغلیه حسرت اوسته قارداش

یر اوسته بو جسم خاکساریم

گوزلر یولی چشم انتظاریم

گلسون باشیم اوسته شهریاریم

هنگام شهادت اوسته قارداش

گر قیدیمه بیله وقت قالسان

یول قانلو جنازه م اوسته سالسان

قانلو باشیمی کناره آلسان

عزت یتر عزت اوسته قارداش

تائب دی سزیلدا الدهه خامه

آغلا بو یارالی تشنه کامه

سقا اوزی عرض ایدر امامه

باخ تائبه رأفت اوسته قارداش

### زبانحال امام مظلوم دربالین برادر

ای درک ایلین سوسوز شهادت

قرآن و شریعت اوسته قارداش

باش فکرین آتوب تاپان سعادت

دین اوسته دیانت اوسته قارداش

حق اوسته حقیقت اوسته قارداش



گوزدن هامی ماسوانی آتدون

قولسوز یخلوب یارالی یاتدون

دین پرچمینی بوگون اوجاتدون

فخر ایله بو همت اوسته قارداش

ای زاهد پاک و عبد صالح

بیر عمر دوتان ره مصالح

یسخدی سنی اشقیای طالع

دیرینه عداوت اوسته قارداش



دور گور نه آسفلی حالتیم وار  
 گوزدن آخان اشگ حسرتیم وار  
 خم قامتیه قیامتیم وار  
 صدپاره بو قامت اوسته قارداش  
 سن حفظ شرف رعایت ایتدون  
 هر حالده دین یولیه گیتدون  
 قانه بویانوب مرامه یتدون  
 ناموس و شرافت اوسته قارداش  
 ای ذروه عشق شاهبازی  
 دین اوسته سنان جناح نازی  
 آلدون شه دادن امتیازی  
 بو طرفه شهادت اوسته قارداش  
 دانشکده علی ده تحصیل  
 ایتدون او که درس دینه تجلیل  
 شرحی ندی یازدون ایتدی تکمیل  
 قانیله بو تربت اوسته قارداش

قلبونده ملاله یول ویروبسن  
 شور اوسته صاقیله صول ویروبسن  
 یعنی سو یولوندا قول ویروبسن  
 احسنت بو خدمت اوسته قارداش  
 آلام سوزیوی یسواش سوزوندن  
 یانام سینه چوخ سنون اوزوندن  
 سیللم قانی قان دولان گوزوندن  
 باخ حالیمه رأفت اوسته قارداش  
 من قیدیوه ای یارالی قالام  
 قانلو باشوی کناره آلام  
 قول بوینوا رأفتیه سالام  
 قویام یوز او صورت اوسته قارداش  
 شوریده ایدوب هوای دینون  
 آرتوب او هواییله یتینون  
 بیر قرمزی گل آچوب جینون  
 آثار عبادت اوسته قارداش

ای ضایغم بییشه شجاعت  
وی صاحب غیرت دیانت  
چکدون باشا شربت شهادت  
بیر کلمه غیرت اوسته قارداش  
ای جان وفا حسینه جانان  
پروانه شمع دین و ایمان  
بال و پریوی ایدوبله سوزان  
قرآن و شریعت اوسته قارداش  
دلرده قالوبدی چوخلی سوزلر  
اشک غمیله دولوبدی گوزلر  
قزلار یولوی خیّمده گوزلر  
آغلایا بو حسرت اوسته قارداش  
قالدیم داخلی چاره سیز نیدیم من  
نعشون نجه ایمدی ترک ایدیم من  
سنسیز نجه خیمیه گیدیم من  
یا نام بيله خجلت اوسته قارداش


جسمون ایلیوبله پاره پاره  
گلمز بو یارالارون شماره  
دگموش سینه یاره اوسته یاره  
یا نام بو حکایت اوسته قارداش  
دربار اولی قانه سن باتان یر  
توپراقلارا قانوی قاتان یر  
یورقون یارالی دوشوب یاتان یر  
شاد اول بو جلالت اوسته قارداش  
فیض آماقا بو گوزل رواقدان  
زوار گلر ییاخین اوزاقدان  
دویمازلا زیارت ایلماقدان  
مهر اوسته محبت اوسته قارداش  
بیر زایرم ای یارالی منده  
واردور گوزوم ای وفالی منده  
آچدیم بو یولی اوزوم گلنده  
بیر رسم و طریقت اوسته قارداش



مــنــدن صــورا قــنــز لــا ریم گــلــر  
 گــوزــدن یــوزــه گــوز یــاشــین الــر  
 نــه چــکــمیشــم او نــدا مــن بــولــر  
 صــد پــاره بــو قــامــت او ســتــه قــار دــاش  
 تــائــب بــیــزــه طــر فــه نــو حــه خــوانــدی  
 بــیــزــدن دــم آــلــوب ســوز یــ رو انــدی  
 ای ســتــه بــو مــزاره با غــری قــانــدی  
 ســودای ز یــار ت او ســتــه قــار دــاش

زبانحال امام حسین علیه السلام خطاب به  
 خواهر در شهادت علی اصغر علیه السلام

گــلــســتان دینــدن بــیــر غــنــچــه گــل دــر دیم با جی  
 مــحــضــر جــانــانــه مین شــوقیــله گــونــدر دیم با جی



قــانــه با غــرین مــن کیمــی بــیــر با غــبان دــونــدر میــوب  
 شــاخ اــقید گــلینــدن بیلــه غــنــچــه دــر میــوب  
 اــفــتــخــاریلــه او نی جــانــانینــه گــونــدر میــوب  
 مــن حــسینــم غــنــچــه دــر دیم یــاره گــونــدر دیم با جی  
 مــن بــلالی با غــبانــم ســولــدی غــنــچــه گــل لــریم  
 گــل لــریم ســولــدی گــوز و مــده او لدی قــان اشــگ تــریم  
 گــل کــنــاره گــور نــجــه وار بــیــر اــســفــلی مــنــظــریم  
 الــلــریمــده او لدی خــنــدان غــنــچــه وــر دیم <sup>(۱)</sup> با جی

اللیریم اوسته بالام گیتدی لب عطشانیه  
 آچدی سوتدن حرمله اوچ شعبه لی پیکانیه  
 ایتدی رنگین اُنوگون زلفین یوزین آلقانیه  
 یوز گوزوم قانلو قوزی قربانی قایتردیم باجی  
 گون الی اوستونده گیتدی چرخ دینین اولدوزی  
 تاپدی پیرایه گوزل طرزیه بو سولموش یوزی  
 اُنوکی پیراهنی قانیه اولدی قرمزی  
 قانه غلطان کوکب رخشانی قایتردیم باجی  
 نچه گوندوز ایلمزدی نازیه خواب اصغیریم  
 هم سوسوز هم آج قالب اولموشدی بی تاب اصغیریم  
 ایچدی قان پیکان دمیه اولدی سیراب اصغیریم  
 یاتدی راحت باغیریمی من قانه دوندردیم باجی  
 اوخ دگنده اولمادی طاقت او جالسون شیونی  
 دوشدی دلسیز حسرتیه دولدی دشتین دامنی  
 دردیمی آرتوردی دله ایله یاندیردی منی  
 حشره دین جان یولداشیمدور دله بودردیم باجی

گلستان معرفتده غنچه بیر گلدی بالام  
 گوزلریم آغلار قالار بو نکته نی بولدی بالام  
 لبرلی قاچدی دونوب باخدی منه گولدی بالام  
 گوگلومی آلدی ثولن دم اولدی همدردیم باجی  
 اللیریم اوسته بالام حیران دولاندیم آغلادیم  
 گه گیدوب آغلار گوزیه گه دایاندیم آغلادیم  
 گه باخوب اوخلی قوزی قربانه یاندیم آغلادیم  
 آغلادیم من گولدولر اعدای نامردیم باجی  
 سس چکوب بو غمغزا صحرا ده گلدیم شیونه  
 وای بالام وای دله آخدی اشک حسرت دامنه  
 اولمادی بیر کیمسه سس ویرسون او حالتده منه  
 شیعه اولسیدی یاخیندا داده سسلردیم باجی  
 بیر غریبیم یالقیزام نه وار منی یاده سالان  
 غم لیم نسکل لیم نه قیدیمه واردی قالان  
 اوخلی قربانی قوجاقیمدن نه واردی بیر آلان  
 کربلایه یاغدیرار اود بو دم سردیم باجی



ذکر از ایثارگری امام حسین علیه السلام در راه اسلام

ای شایعه حسین کربلا ده  
قربان ره شریعت اولدی  
باشی او جالوب سر جداده  
دارای مقام رفعت اولدی



تدبیر سران آل سفیان  
ایلوردی بنای دینی ویران  
بو نقشه نی پوزدی شاه عطشان  
وارون ایله بیر سیاست اولدی  
آل اموی سیاستیله  
سیخمیشدیلای خلقی قدرتیله  
پیغمبرین اوغلی نهضتیله  
حامی حق و حقیقت اولدی  
شاهنشاه ملک رادمردان  
تاج سر ملت مسلمان  
اوز جانینی ایدوب فدای قرآن  
دین اهلینه درس عبرت اولدی

آز قالور گوردوم بالام زوچی بدنن ال اوزه  
مُحتَضِرْدی آننا دست اجل قان تر دوزه  
باغریما باسدیم بالامی قویدوم اونلان یوز یوزه  
ارغوانی اولدی قانیله رخ زردیم باجی  
آل بالامی ویر رباب بی کس و بیچاره  
بیر دویونجا اوخشاسون شوریه بو مه پاریه  
اوخ یاراسیندان او پوب سالسون اونی گهواریه  
همصدا اولسون اونا گوز یاشلی هر فردیم باجی  
ایستدیم اعلان ایدم اوز عشقیمین میزانینی  
دو تدوم اوجومدا گویه سپدیم بالامین قانینی  
ایلدیم رنگین او قانیله فلک دامانینی  
قالدی گویلرده او قان اعجاب گوستردیم باجی  
مطلع شعری یازوب فرسادی اولدی خواستار  
تائب ایتدی بو سوزی تعقیب دلد آه و زار  
خوشدی گلگونلر او قبر اوسته دیسونلر اشگبار  
گلستان دین دن بیر غنچه گل دردیم باجی

باش آگمه دی قوم اشقیایه  
 ویردی باشینی سر جدایه  
 سالدی سر مسلمینه سایه  
 بو سایه وقار امت اولدی  
 سو اوسته دوشوب یارالی عطشان  
 گل یاره لریندن آخدی آلقان  
 اوز قتلگهین ایدوب گلستان  
 هر یاره گل شریعت اولدی  
 ویرموبدی یزیده دست بیعت  
 کسدی الین اهل کفر و بدعت  
 بجدل ایلین زمان جسارت  
 زهرایه بیوک قیامت اولدی  
 قان تربت کربلایه قاتدی  
 قان ایچره دوشوب یارالی یاتدی  
 دنیاده یاتان لاری او یاتدی  
 بیدار یاتان جماعت اولدی  
 یرویردی بلالره گوز اوسته  
 مردانه دایاندی بیر سوز اوسته

دوشدی یارالی سوسوز یوز اوسته  
 دارای جلال و عزّت اولدی  
 اوز قتلگهینده قان وضوسی  
 اسلامین اولوبدی آبروسی  
 جان اوسته حقیله گفتگوسی  
 خلقه طلب شفاعت اولدی  
 مقتله دلینده سوز و سازی  
 قانیله دوشاندی جانمازی  
 اول حالده قیلدیقی نمازی  
 دین اهلینه بیر وصیت اولدی  
 بسیر قانلو قیامیه او سلطان  
 کاخ اموی نی ایتدی ویران  
 آخدی قانی درس دین و ایمان  
 یرده یازیلوب کتابت اولدی  
 تائب دی یاز آغلیان گوزیله  
 سال رابطه اول شهین اوزیله  
 آخر گوره سن اونون سوزیله  
 قسمت سنه باغ جنت اولدی



قیام حضرت زینب علیها السلام بعد از  
شهادت برادر در حال اسارت

شهادته یتیشوب شهر عشق سلطانی  
ایدوبدی نوحه سرا اهل بیت طاهانی



حسین فاطمه باشه ویروب او صحراده  
ازلده مطرح اولان بیر عظیم پیمانی  
اوزی جوانلاری یکسر جوان و پیر و صغیر  
ایدوبله جانلارینی دین حق قربانی  
گوروب علی قزی زینب گرک بو موقفده  
کمرده محکم ایده همتیله دامانی  
حسین مرامینی هر یرده ایلیه تعقیب  
ویره تجلی اونا وار نقدر امکانی  
قیام کرب و بلانی گرک ایده تکمیل  
که قویمیا قالا بو انقلاب نقصانی  
اولا اسیر دوشه چوللره نتیجه آلا  
مدام اولا جریاندا حسینون قانی

یغوبدی باشینه شوريله بدو نهضتده  
یتیمه قزلاری گوزیاشلی فوج ثکلانی  
حسین قتلگهینده دوتوب حسینه عزا  
ایدوب حسینه عزاخانه قانلو میدانی  
یانقلی دل لریله روضه خوان اولوبدی اوزی  
اولوب رقصیه شیرین زبان نواخوانی  
ووروبلا ال اله قارداش بالاسی عمه ئیله  
او سرزمینده پوزوب آغلادوبلا اعدانی  
حسین مجالسی دنیا بویی اولا برپا  
قوروبدی مجلس او چولده خانم اولوب بانی  
همین مجالس غم یادگار زینبدور  
اودور که رونقی وار چوخ قویدی بنیانی  
بلا چولونده یغوبدور حسین تعزیه سین  
ایدوبدی ترک گوزیاشلی غملی صحرانی  
دوباره مجلس ترحیم کوفه ده قورولوب  
گلوب او مجلس ترحیمه عالی و دانی

نه نوع مجلس ترحیم مکتب قرآن  
 نه مکتب ایلین احیا نفوس دنیانی  
 جدا باشیندا همین حانده حسین باشی  
 تلاوت ایلدی قائلو لبیله قرآنی  
 همان او مکتب قرآن مدیری زنیب اولوب  
 او حالی شرح ایدرم اولسا لطف ربانی  
 گوروب علی قزی اوضاع اوزگه عالم دور  
 ویرر او شهر نشان شور حشر کبرانی  
 بیوک کچیک گلین عورت او شاق کنیز و حرم  
 جوان و پیر گلوب گورماقا اسارانی  
 آت او یسنادولا گهی کوفیان بدکردار  
 دو توبدی هلله و هایهوی او سامانی  
 بیرسی طعنیه ایلور بناته استهزا  
 دیله یاره لوری بعضی آل طاهانی  
 چالولا بعضیلری کف گولولله بعضیلری  
 بیرری توکور یوزینه اشک چشم گریانی

بیری دیور بولار آیا هارا اسیریدیلر  
 جواب آلور تانوری بانوان بطحانی  
 خیال ایلدی زهرا عزیزه سی زینب  
 تاپا چتیندی بیله بیر وسیع امکانی  
 که نفع دینه ایده استفاده موقعدن  
 او استفاده اولا درد دین درمانی  
 مصمم اولدی بعنوان بهره برداری  
 همین او یرده ایده بیر بیوک سخنرانی  
 اگرچه بیر نچه شرط ایستوری اولا موجود  
 که صحبت ایلله صحبت ایدن همان آنی  
 بیرری بودور که او ناراحت اولمیه دلدن  
 سوسوز آج اولمیه هم خسته اولمیه جانی  
 بیرری بودور شنونده اونا ایده حرمت  
 اونیه ایستیه رفتار غیر انسانی  
 بیرری بودور که اولا بیر محیط چوخ آرام  
 سوزون دیه یتوره خلقه متن عنوانی



بیری بودور که او خوفیله اولمیه تهدید  
 امان تا پانه ایده حس شر اعدانی  
 بیری بودور ایله ناراحت ایلین بیر وضع  
 او گورمیه که اولا موجب پریشانی  
 بیری بودور تائیته خلق صحبت ایلینی  
 ایشیتماقا اولا حاضر کلام گویانی  
 شرایطین بیری ده اولمادی اونا موجود  
 شماتت اولدی اونون احترام شایانی  
 نه زینبی تانیان نه قولاق ویرن سوزونه  
 نه اولدی بیرجه نفر دیندیرن او نالانی  
 اولوبدی شربت اونا اشک حسرت چشمی  
 امانی خوف طعامی اولوب جگر قانی  
 محیط شهر نه آرام بلکه چوخ بی نظم  
 آلوبدی شهر اوزینه بیر عظیم غوغانی  
 بویاندا آغلار او شاقلار باخور گلور درده  
 گورور او سمتده تهدید قوم نادانی

گینه او وضعیله ویرموبدی فرصتی فوته  
 ایدوبدی داد سخن مرتضا سخندانی  
 ایدوب او وقتده فرمان اسکتوا صادر  
 سکوت محض ایلوب کوفه نی او فرمانی  
 جرسرین سسی قطع اولدی ناقه لر دوردی  
 داخی نفس چکه بیر کیمسه اولموب امکانی  
 تمام کوفه نی دوتدی ابهت زینب  
 ایدوبدی قالب بیروح زشت و زیبانی  
 اراده ایلدی خلقه اوزون تانتدیرسون  
 گتوردی ظاهره عیناً وقار زهرانی  
 شروع ایتدی کمال وقاریله سوزونی  
 گتوردی اوز یرینه حمد ذات یکتانی  
 دیدی صلوة و سلام اوز آتام پیمبر ایچون  
 که ایلوب بیزه تعلیم حکم یزدانی  
 همین او جمله کوتاهیله تانتدیردی  
 هامو اسیرلری یسعی آل طاهانی

هامو بولوب که اولاردی بنات پیغمبر  
 مسخر ایلدی افکاری آلدی اذهانی  
 خطابه باشلادی بیر آتشین بیانیله  
 دوشوبدی حیرته هرکس گوروب او تیانی  
 سسین آلان دیدی بس مرتضا علی دانیشور  
 مجسم ایلدیلر گوزده شیر یزدانی  
 قاریشدی بیریرره آغلاشدیلار او ساعتده  
 چو ابر گوزلری یاغدیددی اشک بارانی  
 گوروب بو حالی خطاب ایتدی دختر زهرا  
 که ای جماعت مکر و گروه نفسانی  
 مگر دگولسوز او کسلر که حق یولون آزدور  
 کمال جهلیله دوتدوز طریق شیطانی  
 بابام پیمبره ایمان گتوردوز اولده  
 دوباره سیز صورا سندیردوز عهد و پیمانی  
 سیز ای جماعت کوفه همان او کسلر سیز  
 حقیقت اهلینه ویردوز عداوت اعلانی

فساد و شرّیله دولدوردوز ارض آفاقی  
 تملقیله بُیوتدوز گرویه بطلانی  
 حرامزاده لری ایلدوز امیر اوزوزه  
 سیزون آلوزله آچوبلار ید تعدانی  
 سیزون مثالوز اولار بیر پارا گیاهه مثل  
 کثیف یرده بیتر اولماز ارز ارزانی  
 نه قابلیت اهلی اولار نه بیر نفعی  
 ثمر قیافه سی ویرمز مگر پشیمانی  
 هوای نفسوزه پابند اولدوز عالمده  
 او پیس مرامیله ایتدوز ذخیره عصیانی  
 نتیجه دوتا جاقذور سیزی خدا غضبی  
 جزاده سیز گوره جاقسوز عذاب نیرانی  
 اوزوز رجالیمیزی ئولدوروب اوتانمورسوز  
 اوزوزده آغلیوسوز ای گروه سفیانی  
 خدایه آند اولاشایسته دی چوخ آغلیه سوز  
 جهاندا آز گوله سوز ای جماعت جانی



ایله جنایتوزون رنگ رنگ و عاریله  
 جهاندا ایلموسوز لگه دار دامانی  
 داخی او لگه ننگینی پاک ایدنمز سوز  
 نجه یوماق اولی بیر بيله ننگ عظمانی  
 جهاندا هیچ بولوسوز ایتوسوز کیمی مقتول  
 بلا چولونده توکوسوز ستمله نه قانی  
 پیمبرین قانینی توکوسوز او صحرا ده  
 او قانیله بویوبسوز او قانلو صحرائی  
 حسین فاطمه ئولدور موسوز تانور دنیا  
 پیمبر او غلیدی هم جسم مرتضا جانی  
 نجه حسین که اونی چوخ شوردی پیغمبر  
 باساردی باغرینا جان تک او ماه سیمانی  
 اوپوب دیردی بودور سید شباب بهشت  
 آلاردی عطر گل گلستان رضوانی  
 پیمبرین قزی زهراده باغبانلیق ایدوب  
 نقدر زحمتیله بسلدی او زیبانی

همان حسین که سیزون اهل خیروزه ملجأ  
 بلاگونونده سیزه سس ویرردی هر آنی  
 همان حسینی اوزوز ایلدوز قوناق دعوت  
 سوسوز شهید ایلدوز سو یانیندا مهمانی  
 حسینه نامه یازان شخص لر هایاندادیلار  
 نجه اوتانمادیلار دانسدیلار او امضانی  
 ایا جماعت کوفه سیز ایله یوخلاموسوز  
 که یوخدی سیزلره بیرده آییلماق امکائی  
 سیزون بو غفلتیه یاتماقوز اولوب باعث  
 بویاندی قانه حسینیمله یار و اعوانی  
 سیزون بو یاتماقوز ایتدی حسینه عرصه نی تنگ  
 بسنی اُمّیه آچدی وسیع میداننی  
 سیزون بو یوخلاماقوز حقی ایلوب باطل  
 مسلط ایلدی دانایه قوم ناداننی  
 سیزون بو یوخلاماقوز اولدی ننگ قرآنه  
 شکست ایلدی بسو ملت مسلمانی

سیزون بو یا تماقوزی گوردی بال و پر آچدی  
 اسیر ایلدی کفار اهل ایمانی  
 ایله خطا و جناياته مرتکب اولدوز  
 که ممکن اولمیه جاقدور جهاندا جبرانی  
 همان سوز اوسته سزاوار سوز هلاکته سیز  
 گوروم سیزی دو تا قهر و عذاب ربانی  
 چالشد یقوز سیزون ای کوفیان هدر گیده جاق  
 کس یلسون اللروز آلدوز نتیجه خسرانی  
 اوزوزی یا خشی بو دنیاده سیز ذلیل ایلدوز  
 گورنمه سوز داخی خوش روزگار بیر آنی  
 نولونجه آغلیون ای کوفیان بد کردار  
 که آغلاماق اولی پاداش جهل و نادانی  
 نقدر آغلیه سوز لیک ویرمز ایمدی ثمر  
 یانون توکون یوزوزده دیده دن جگر قانی  
 گرک سیز آغلیه سوز هایهائیله شب و روز  
 ستمله قویموسوز آغلار بنات زهرانی

بو آغلاماق گوروم اولسون مدام هم نفسوز  
 جهاندا گورمیه سوز بیرده روی خندانی  
 باخور سوز ایمدی بیزه آغلوسوز حیا سیز لر  
 سیز ایتموسوز بیزه روشن جهانی ظلمانی  
 ایله بیوکدی گناهوز جماعت کوفه  
 دو تو بدی جَو سماواتی سطح غبرانی  
 اولون عذاب خداوند گاره آماده  
 که حق دچار عذاب ایلر اهل طغیانی  
 بنی امیه سیزی ایلیوبدی چوخ اغفال  
 سیزون آلوزله ووروب حقّه خطا بطلانی  
 علی قزی ایلدی ایله دلنشین صحبت  
 که اولدی خلق او کو بنده نطق حیرانی  
 ایدوب یاتا نلاری بیدار منطقیه خانم  
 ظهور ایدوب هامودا جنب و جوش پنهانی  
 اولوب هامی ایله موقوفده غرق احساسات  
 توکوبله یوزلرینه اشک چشم گریانی



یزید و آل یزیدی ایدوبدیلر نفرین  
 قیلوبلا سرزنش اتباع آل سفیانی  
 سیاست اموی لر داخلی شکست اولدی  
 تاپوبدی لرزه همین دستگاه بنیانی  
 همین او خطبه اورکرده بیر اثر قویدی  
 همیشه ایلدیلر دلده یاد او عنوانی  
 دولاندی دوره او گون که قیام ایدوب مختار  
 اولاردا اولدولا مختار یار و اعوانی  
 شراکت ایتدیله اول انتقامی آلماق ایچون  
 قتیل ایتدیله ابن زیاد نادانی  
 اگرچه تائب آلوندی او انتقام ولی  
 گرک گله اوزی قان صاحبی آلا قانی  
 او گون که حجت قائم اوزی ظهور ایلر  
 آلا ر او قانی ایدر چون بهشت دنیانی  
 نه وقت اولار که گوراخ ایلوب ظهور امام  
 قوروب جهاندا عدالتله عدل دیوانی

حسین خادمی یهدی ایدوب سنی ترغیب  
 بو شرحی یازماقوا دم ویروب اولوب بانی  
 او بانیه اوزیوه بیر برات حج ایسته  
 خدا نصیب ایلله طوف بیت اعلانی  
 هامو گیدن لريله سیزده باغلیون احرام  
 گیدون مناده کسون روز عید قربانی  
 حسین عاشقی سوز وار باشوزدا شور حسین  
 چوخ ایستوری اورگوز قبر شاه عطشانی  
 مراجعتده سالون کربلایه اوز یولوزی  
 گیدون زیارت ایدون قبر شاه خوبانی

زبانحال حضرت زینب علیها السلام خطاب به سربرادر

باشون او خور نیزه ده قرآن یارالی  
 زینب اولاً لحنه قربان یارالی  
 نیزه ده سن ناقه ده من  
 حقی ایداخ عالمه اعلان یارالی  
 کوفه دولوب ای شه خوبان سسوندن  
 مرده اولان جسمه یتور جان سسوندن  
 واله اولوبدور هامو قرآن سسوندن  
 لحنون ایدوب عالمی حیران یارالی  
 گل باجی قارداش ایللیخ بیز شراکت  
 سن ایله خوش لحنیله قرآن تلاوت  
 شیرخدا تک ایللیوم منده صحبت  
 کفره وراق بیر خط بطلان یارالی  
 جلوه سالان گون کیمی هر بیر دیاره  
 یغ باشا بیر ماهیله یتمیش ستاره  
 باشه یغوب منده نچه باشد اقاره  
 شامه گلوم حالی پریشان یارالی

باشوا قربان اولاً بوزار و خسته  
 یوخسا یاتوبسان بو گیجه کول لر اوسته  
 کول اوتوروب گل یوزه ای دلشکسته  
 کیم ایللیوبدور سنی مهمان یارالی  
 ای سالان اوز اوز زینینی سوز و سازه  
 نیزه باشیندا گلوسن پیشوازه  
 گل تک اوزونده گینه وار خون تازه  
 باغیریم او قاندان آلوری قان یارالی  
 سانما قانون یوزده گوروب سهل سائام  
 سیلماقا یتمور الیم آهیله یائام  
 باشیمی یازام اودی قانه بویائام  
 زلفیم اولار قانیله الوان یارالی  
 سال اوزیوی درگه سلطانه تائب  
 اول بو حسین شمعینه پروانه تائب  
 نوحه دی یان اوخشا یانا یانه تائب  
 لطف ایدر اول سرور عطشان یارالی



## اربعین حسینی زبانحال امام سجادیه پدر بزرگوار

دیوار شامه گیدوب دوباره گلیدیم بابا  
زیارته بو پوزقون مزاره گلیدیم بابا  
بابا بلالی مریضم بو خاک شفایه دخيلم



خدایه شکر ایلرم که ایتدی عمریم وفا  
مزاریوه قویدوم اوز تاپوب بو گوگلوم صفا  
ای ویرن عیسایه دم مریضوه ویر شفا  
شفا خیالیه بو دیاره گلیدیم بابا  
گیدنده بوردان بابا مریضیدیم ناتوان  
نحیف بیر ناقهده یولی اولوردوم روان  
ایدردی طعنه منه جفاشیم ساربان  
بو یولدا چوخ چوخ دوشوب فشاره گلیدیم بابا  
بو بیر سفرده مین ایل گیچوبدی هر ساعتیم  
مریضیدیم واریدی شکسته بیر حالتیم  
غذا اولوب خون دل گوزوم یاشی شربتیم  
دوام ایدوب رنج بی شماره گلیدیم بابا

نه من کیمی بیر مریض اولار اولابی دوا  
نه سن کیمی بیر طبیب اولار که حاذق اولا  
نه وار مزارون کیمی جهاندا دارالشفا  
طبیب حضورینه بو مزاره گلیدیم بابا  
دوشوبدی بو یولدا چوخ بلایه ازبس باشیم  
دلیم یانوب قان اولوب گوزومده کی گوزیاشیم  
واریدی هشتاده دین یانیمدا یول یولداشیم  
امیر اولوب او پوزقون قطاره گلیدیم بابا  
بو مدتی من بابا بلا هم آغوشیم  
بلا گوروب زایر مزار ششگوشه یم  
بو عده قاره گین عزالی چاووشیم  
بو جمعیله محضر نگاره گلیدیم بابا  
گل اوزلی قزلار گلوب کناره قبرون آلوب  
سرشگیله سو سوب یوزون قویوب قول سالوب  
ولیک شاماتده باجیم رقیه قالوب  
غمیله اونندان دوشوب کناره گلیدیم بابا

ویرنده غربتده جان دلینده ذکر وطن  
 تا پولمادی بیر کفن گوگلده آرتدی محن  
 شه قزینا اولدی اوز معجری آخر کفن  
 او حاله دلدن دوتوب شراره گلدیم بابا  
 یا بابا بلالی مریضم بو خاک شفایه دخیلم  
 بو تائیین اود توکن آه دل سردی وار  
 آینه قلبدده حسرتیله گردی وار  
 دیر دخیلم سیزه چوخ دیمه لی دردی وار  
 دوا آلام درد بسی شماره گلدیم بابا  
 یا بابا بلالی مریضم بو خاک شفایه دخیلم

### زبانحال حضرت زینب علیها السلام دراربعین

بو توزلی قبری گلیمشم ایتماقا زیارت من  
 رقیه وی گتور میوب گلیمشم خجالت من  
 بو اربعینه گلنمدی حیف اولا او مه پاره  
 ووردی قلبیمه یاره



نه غم ویر و بدی یوز دؤزوب من دایانمیشام قارداش  
 سنون یولوندا هر غمی سهل سانمیشام قارداش  
 یارالی باشون آردیجا چوخ دولانمیشام قارداش  
 گتورموشم بو سیردن غملو بیر حکایت من  
 زبسکه بو سفرده چرخ اینجیدوب منی دشمن  
 خمیده قامت اولموشام بار درد و غمکن من  
 اویان یارالی گور باجون زینبی تانورسان من  
 عیار غم گتورموشم بیر خمیده قامت من



گلوب بو خردا قزلارون قبریوه اوزون سالدی  
 دیونجا آغلیوب حسین جمله کام دل آلدی  
 رقیه لیک گلمدی شهر شامده قالدی  
 او شوگلون گلنمیوب گلیمشم خجالت من  
 گلردی اولسیدی اگر قدرتی او دلخسته  
 عزیمت ایلردی گلن وقتده بو بیر دسته  
 اوزون سالاردی اودا بو آلتی گوشه قبر اوسته  
 گلنمدی علاجسیز ایلدیم عزیمت من  
 او نازنینین اورگی بسکه دردیله دولدی  
 گیدوب وجودی دمدم گل کیمی یوزی سولدی  
 حیات شمعی عاقبت سوندی غصه مرگ اولدی  
 او حالتیله اولموشام چوخ شکسته حالت من  
 یاناردی دلدله گل آدون ای گل اوزلی دُرْدانه  
 توکردی اشگ حسرتین عارضه یانا یانه  
 باخاردی خردا قزلارا غصه لی یتیمانه  
 باخوب توکردیم عارضه گوزدن اشگ حسرت من

لباس شادی آگینه شوگلون گیینمزدی  
 اولوب گلوگیر غذا میل ایدوب یینمزدی  
 نجیبیدی بیر نفره دردینی دیینمزدی  
 او قزدا وصفه گلمین گورموشم نجابت من  
 نه شاد اولوب او قلبدن نه دیوب نه بیر گولدی  
 گوزینده دائماً ایشیق گوندوزی گیجه بولدی  
 بولنمدیم نه دردیله نازنین بالان تولدی  
 اگرچه هر دم ایلدیم حالینه نظارت من  
 اونی یاتیرداردیم اوزوم مهریله قوجاقیمده  
 ایدردی عندلیب تک ناله گل بوداقیمده  
 دیردی عمه جان منیم وار قابار ایاقیمده  
 او سوزدن آلمیشام دله بیر بیوک جراحت من  
 بو داغلی دل قان گوتوروب پرده پرده قان اوسته  
 عیاندی مین سوز بیله بیر شرح و بو بیان اوسته  
 یارالی باشوی باسوب باغرینا او جان اوسته  
 نه لر دیدی یانار دلیم ایلینده صحبت من

قویاندا سنله یوزیوه سینه داغلادیم قارداش  
 او آغلادی سن آغلادون منده آغلادیم قارداش  
 او نازنین گوزلرینی ئولدی باغلادیم قارداش  
 او طفله ایلدیم قرا معجرینی خلعت من  
 دیمه وفا یولون حسین بو سفرده من آزدیم  
 وفا و مهر لفظینی بلکه قلبیمه یازدیم  
 یوخودی ئل قبیلهمیز قبرینی اوزوم قازدیم  
 اوزوم اونسی دفن ایلدیم ای شه ولایت من  
 زبسکه چوخ محبتیم واردی اول دل آرامه  
 غم فراقینده دونوب گوزده گوندوزوم شامه  
 او نازدانه دن اُتور من گرک گیدم شامه  
 اونیه همسایه اولام تا دم قیامت من  
 بو سوزده تائباً دولور اشک آلیله گوزلر  
 داشار سرشگ دیده لر ایسلانور هامی یوزلر  
 دوباره تکرار ایله چون دلنشین گلوب سوزلر  
 بو توزلی قبری گلمیشم ایلیم زیارت من

زبانحال حضرت زینب علیها السلام  
 سر قبر برادر دراربعین

نظر به اینکه در کتاب قبلی کاتب خوشنویس یک صفحه از این  
 احوالات ناقص نوشته بود لذا مجدداً در این کتاب چاپ شد.

سندن صوراً بیر پرچم اوجاتدیم آنام اوغلی  
 افکارده روحیه یاراتدیم آنام اوغلی



ایتدون هدف اوستونده سن اقبال شهادت  
 دوشدون لب دریاده سوسوز تنده جراحت  
 دین اوسته قبول ایتدیم اوگون منده اسارت  
 پرچم هدف اوستونده اوجاتدیم آنام اوغلی  
 اوز قانوینه یازدیقون عنوانی دیریتدیم  
 اجرا ایلیوب امریوی قرآنی دیریتدیم  
 دین اوسته ئولن خون شهیدانی دیریتدیم  
 هر باشدا حسین شوری یاراتدیم آنام اوغلی



سندن صوراً من دوشمه دیتم اصلاً هیجانندان  
 تعقیب ایلدیم زنده مرامون دل و جانندان  
 سعیم قانونی قویمادی دوشسون جریانندان  
 بیر نهضت عظمایه ال آتدیم آنام اوغلی  
 گوردوم که دوروب کوفه ده بی شرم جماعت  
 من باشلادیم اول وقتده انگیزه لی صحبت  
 برپا ایلدیم نطقیمیله شور قیامت  
 غفلتله یاتان خلقی او یاتدیم آنام اوغلی  
 گفتاریمیله عاقلی جاهلدن آیردیم  
 برهان گتوروب ناقصی کاملدن آیردیم  
 حقی او بیاناتیله باطلدن آیردیم  
 آل اموی فکرینی قاتدیم آنام اوغلی  
 غفلت داغلینی حقّه طرف آشدی جماعت  
 احساس حقیقتله دولوب داشدی جماعت  
 بیز آغلادوخ احساسیله آغلاشدی جماعت  
 دل قانیمی گوز یاشیمه قاتدیم آنام اوغلی

سالدیم آتامی مرتضوی لحنیله یاده  
 ووردوم چوخ آغیر ضربه اوگون اهل عناده  
 سالدیم یولومی مجلس فرزند زیاده  
 اوز وقریمی من اورد اچوخاتدیم آنام اوغلی  
 کبر ایلدی منده قاباقا کبریله چیخدیم  
 اول بدسیری قدرت ایمانیه سیخدیم  
 بی پرده دیوم اوز ایوین اوز باشینه یخدیم  
 حق قولیه قلیین یارالاتدیم آنام اوغلی  
 قصد ایتدی او ملعون منی غرق گذر اولدوم  
 بو حالده آماده رفع خطر اولدوم  
 قصد ایتدیم اونی منده دوروب حمله ور اولدوم  
 میدانندان او ملعونی چیخاتدیم آنام اوغلی  
 من کسمدیم اوز شهریمی خسته بالالاردان  
 آلدیم غم دل قلبی شکسته بالالاردان  
 دوشدی بیری صحرا ده یول اوسته بالالاردان  
 تاپدیم اونی دل دردین آراتدیم آنام اوغلی

گزیدیم نچه شهری غم و آه و آسفیله  
 ویردیم باشا اوز عمریمی عالی شرفیله  
 بازار محبتده دولاندیم هدفیله  
 قرآنی آلوب عمریمی ساتدیم آنام اوغلی  
 محو ایتماقا قرآنی یزید ایتدی تقلالاً  
 دل آچدیم اودور صحبتی بی وحشت و پروا  
 ایتدیم اونی ممن آیه قرآنیله رسوا  
 قرآن باشینی عرشه اوجاتدیم آنام اوغلی  
 وار باخما بو قوللاردا دیدیم قید اسارت  
 یابن الطلقاتما بیزه کبر و کیاست  
 باش آگمیوب آگمزله سیزه آل رسالت  
 سندیردیم او ملعونی ساراتدیم آنام اوغلی  
 همته قباقدان هامی دشواری آپاردیم  
 هر مشکلی آسان ساندیم کاری آپاردیم  
 تدبیریمیه منبره بیماری آپاردیم  
 منظوریمه مقصودیمه چاتدیم آنام اوغلی

منبر نجه منبر آنام اوغلی نجه صحبت  
 صحبت نجه صحبت نه فصاحت نه بلاغت  
 واقعه او منبرده بالان ایتدی قیامت  
 دل زخمینی بیر قدر صاغاتدیم آنام اوغلی  
 باطل لر آرا حقّی بیان ایتدی او منبر  
 جوشه گتوروب دللری قان ایتدی او منبر  
 شخصیتون اعلان جهان ایتدی او منبر  
 هر بیر بولانان قلبی صافاتدیم آنام اوغلی  
 دین اوسته گیدوب هر یانا غمخانه ده قالدیم  
 یار غم اولوب طعنه بیگانه ده قالدیم  
 مخلوقی آیتماقلیقا ویرانه ده قالدیم  
 آییلار بویی ویرانه ده یاتدیم آنام اوغلی  
 ویرانه ده سولدی بالالار گوز قباقیمدا  
 گلدی دیله دلخسته رقیه قوجاقیمدا  
 یاندیم او دینده قباریم وار ایاقیمدا  
 دلدن هامی آرامیمی آتدیم آنام اوغلی



تاپدی باشون احساس نشان ویردی رقیه  
 درد دلینی شرح و بیان ویردی رقیه  
 آغوشه آلوب باشوی جان ویردی رقیه  
 من قبله جان اوسته اوزا ندیم آنام اوغلی  
 بیر گل که ییوتدون اونی گلخانه ده قارداش  
 سولدی غمیله غصه لی کاشانه ده قارداش  
 دفن ایتدیم او گنجی دل ویرانه ده قارداش  
 من ارزش ویرانی چو خاتدیم آنام اوغلی  
 تائب هامی کیفیتتی گور کیف و کمیله  
 خدمت ایله اسلامه ثبات قدمیله  
 نهضت یارات افکارده عالی قلمیله  
 زینب دیوب افکاری او یاتدیم آنام اوغلی

### غزل عبرت آمیز

هر ساغر او لعل لب خندانہ یتیشمز  
 هر تشنه اولان چشمه حیوانہ یتیشمز  
 ❖❖❖❖❖  
 عشق ئولدورر آخر منی یوخ حاجت مرگیم  
 هرگز بو شکسته گمی طوفانه یتیشمز  
 خوش وقت اله چاتسا غنیمدی عزیزیم  
 مصرین یلی دائم دل کنعانه یتیشمز  
 یوخ شُبّه الیم قسادی نه دامن یاریم  
 ایشدن دوشن اللرا یله دامانه یتیشمز  
 آهیمدی منیم هر دل شب منتظرانه  
 طومار شکایتدی که پایانه یتیشمز  
 عاشق هارا، شیرین لبی اُیماق هارا یارب  
 کوثر سویی کیم خار مُغیلانه یتیشمز  
 بی حوصله عشقی ایلمز جوشش عشاق  
 کاروانیله تنگیشمه بیابانه یتیشمز  
 هر ملکده کی خرج جگر پاره سی اولسون  
 بیر حلقه اوزوک داد سلیمانہ یتیشمز

عشقیں ایله بیر عالمی وار فکره سخیشماز  
تعداد بلایاسی اونون سانه یتیشمز  
چوخ یاخشی بوغاز قانی یازار قصه عشقی  
بیر مرحله دور عشق که پایانه یتیشمز  
صهبا سین ایچوب مست اولی هر عاشق صادق  
صوری اولان عشاقه او پیمانہ یتیشمز  
باب حرم عشق آچیلوب محرم عشقه  
محرم یتر اما اورا بیگانه یتیشمز  
بازار محبتده بوغاز قانین آلا آر  
گوهرده ایله قیمت شایانه یتیشمز  
وار چوخلی بوغاز قانی ویرن عشق یولوندا  
سیرینده ولی شاه شهیدانه یتیشمز  
ویردی بوغازین قانین آلوب لطف نگاری  
بو لطف الهی هامی قربانه یتیشمز  
سس گلدی نه ایسترسن اوزوم ایلرم اعطا  
ای دوست هیچ احسان بیله احسانه یتیشمز

بو قان ایله بیر لعلدی صرافی خدادی  
نه ارزشی وار فکرت انسانه یتیشمز  
سن ماملکون ویرموسن الله یولوندا  
هیچ عاشق جانباز بو امکانه یتیشمز  
منده قویارام باشوه بیر تاج شفاعت  
مختصدی سنه سایر سلطانہ یتیشمز  
تائب ساتوب اوز عمرین آلوب عشق حسینی  
بی عشق حسین دل سر و سامانه یتیشمز  
دائم گل آدون دلده اولوب مرغ غزلخوان  
افسوس الی اول صحن گلستانه یتیشمز  
ایسته او صفابخش گلستانوه گلسون  
گلزار مگر بلبل خوشخوانه یتیشمز



## زیانحال زوّار امام رضا علیه السلام

ای شه خراسان ملجأ غریبان  
 بر حضور پاکت آمدم مهمان  
 ما غریب و بی یاریم، بر قبر تو زوّاریم  
 یا امام هشتم، یا امام هشتم



تحت قبة تورشگ باغ جنت  
 کحل چشم حوراگرد آستان  
 زمـرۀ ملائک هست پاسبانت

ما غریب و بی یاریم، بر قبر تو زوّاریم  
 یا امام هشتم، یا امام هشتم  
 تحت قُبْنِ اولموش رشگ باغ جنت  
 گرد آستانون چشم حوره زینت  
 آختارور ملائک افتخار خدمت

ما غریب و بی یاریم، بر قبر تو زوّاریم  
 یا امام هشتم، یا امام هشتم

پروریده در دل مهر چون تو شاهی  
 کرده با هوایت طیّ طول راهی  
 از ره عطوفت سوی ما نگاهی

ما غریب و بی یاریم، بر قبر تو زوّاریم  
 یا امام هشتم، یا امام هشتم  
 مهریوی ایدوب بیز دلدۀ پروریده  
 باشد شور عشقون گوزده اشگ دیده  
 گلموشوق اوزاقدان درگه امیده

ما غریب و بی یاریم، بر قبر تو زوّاریم  
 یا امام هشتم، یا امام هشتم  
 ماگدای مسکین تو عزیز شاهی  
 ما ذلیل و مضطر تو امیدگاهی  
 بر تو میهمانیم خواهی و نخواهی

ما غریب و بی یاریم، بر قبر تو زوّاریم  
 یا امام هشتم، یا امام هشتم

بیز گدای مسکین سن شه شهانسان  
بیز ذلیل و پوزقون سن عزیز جانسان  
بیز سنون قوناقون سنده میزبانسان

ما غریب و بی یاریم، بر قبر تو زوّاریم  
یا امام هشتم، یا امام هشتم  
تو غنی ولی ما زار و بینوائیم  
رهروان عشقیم گرچه لنگ پائیم  
مُستمند و عاجز طالب عطائیم

ما غریب و بی یاریم، بر قبر تو زوّاریم  
یا امام هشتم، یا امام هشتم  
سن شه غنی بیز زار و بینوایوخ  
رهروان عشقوخ گرچه لنگ پایوخ  
مستمند عاجز طالب عطایوخ

ما غریب و بی یاریم، بر قبر تو زوّاریم  
یا امام هشتم، یا امام هشتم

ای صفای عالم بهر ما صفا بخش  
ما مریض عشقیم لطف کن شفا بخش  
دردهای مارا از کرم دوا بخش

ما غریب و بی یاریم، بر قبر تو زوّاریم  
یا امام هشتم، یا امام هشتم  
ای صفای عالم دل لره صفا ویر  
بیز مریض عشقوخ لطف قیل شفا ویر  
دلده دردی میز وار سال نظر دوا ویر

ما غریب و بی یاریم، بر قبر تو زوّاریم  
یا امام هشتم، یا امام هشتم  
ای امام ثامن تو بلا نصیبی  
ما غریب زوّار تو شه غریبی  
بهر درد دلها شافی و طبیبی

ما غریب و بی یاریم، بر قبر تو زوّاریم  
یا امام هشتم، یا امام هشتم



سن غریب اولوبسان چوختلی حسرتیله  
تاپموشوق سنی بیز درد غربتیله  
بیز غریبه سن باخ چشم رأفتیله

ما غریب و بی یاریم، بر قبر تو زوّاریم  
یا امام هشتم، یا امام هشتم  
ای شه خراسان جان فدای کویت  
وی صفای دلها خاک مشگبویت  
چشم یک جهان از هر طرف به کویت

ما غریب و بی یاریم، بر قبر تو زوّاریم  
یا امام هشتم، یا امام هشتم  
ای شه خراسان لطفاً ایله دعوت  
بو مزاره هر ایل جمع اولابو هیئت  
تائبیله قبرون ایلیاق زیارت

ما غریب و بی یاریم، بر قبر تو زوّاریم  
یا امام هشتم، یا امام هشتم

### ولادت امام زمان

دنیاپه گلدی رحمت رحمانی  
رحمتی دولدوردی هامی دنیانی  
سپهر دین ده اون ایکیمجی کوکب  
باش ویردی ایتدی عالمی نورانی  
صاحب زمان تولدی مبارک  
مبارکدی مبارکدی مبارک



گلجاق جهان اول صفای عالم  
صفائیه یاراتدی اوزگه عالم  
مهدی موعود بقیة الله  
رسول خاتمه وصی خاتم  
صاحب زمان تولدی مبارک  
مبارکدی مبارکدی مبارک  
عدلیله دنیانی دولدوران گلدی  
محکمه عدالت قوران گلدی

قوروق پوزان لارا خبر ایلون

قوروق پوزان لارا حد ووران گلدی

صاحب زمان تولدی مبارک

مبارکدی مبارکدی مبارک

گلدی ایدن نوری گون گوزون خیره

گلدی سالان عالمیری تسخیره

گلدی اولان هر علمه علمی چیره

اهل جهالتی چکن زنجیره

صاحب زمان تولدی مبارک

مبارکدی مبارکدی مبارک

بیر شانه باخ خامه قدرت حق

صاق قولوندا ثبت ایلوب جاء الحق

حق گلدی گیده جاق باطل آرادان

باطل گیدندی بو اولوب محقق

صاحب زمان تولدی مبارک

مبارکدی مبارکدی مبارک

دنیا یه قید ظلمی قیران گلدی

پرچم انسانیت ووران گلدی

گردن کشلر گردن کش لیق ایتمه سون

گردن کشلر بوینون سیندیران گلدی

صاحب زمان تولدی مبارک

مبارکدی مبارکدی مبارک

صورتده حسن پیغمبر بدلی

ملاحظته گوزل لرین گوزلی

صبح صادقده اول نور ازلی

سالدی بو عالمه بیر نور جلی

صاحب زمان تولدی مبارک

مبارکدی مبارکدی مبارک

غایب اولان ذات ازل یولوندا

سائر اولان او لم یزل یولوندا

گوزل لر گوزی اوزیده منتظر

مینر گوزل گوزی قالب یولوندا



صاحب زمان تولدی مبارک

مبارکدی مبارکدی مبارک

گلدی جهانی دولدوران وفاسی

سنق گوگل لرین اولان صفاسی

توان ویرن روان ویرن برملا

مین مریضه بیر نگه شفاسی

صاحب زمان تولدی مبارک

مبارکدی مبارکدی مبارک

عالمیره شادلیق بریدی گلدی

هر مشکلین آچان کلیدی گلدی

مظلوم اولان شیعه لرین آقاسی

امیدسیز لرین امیدی گلدی

صاحب زمان تولدی مبارک

مبارکدی مبارکدی مبارک

بیر مدتی غایب قالار او مولا

چولده گزر شیون سالار او مولا

بیرگون گلر الینده ذوالفقاری

اوز جَدینون قانین آلا ر او مولا

صاحب زمان تولدی مبارک

مبارکدی مبارکدی مبارک

تائب غرق اولموسان بحر محنتده

دوت مولا آتگین بیله حالتده

او غلون مریضدور یالوار آقاوا

گیدر او غلووا باش چکر غربتده

صاحب زمان تولدی مبارک

مبارکدی مبارکدی مبارک

## استغاثه از محضر مبارک حضرت ولی عصر (عج)

ای کل جهان فدای جانون  
یوردی بیزی هجر جانستانون  
گل صاحب عصر گوزلوری یول  
بـوملت آخر الزمانون  
ای کفری تزلزله سالان گل  
اوز جدی حسین قانین آلان گل



ای گلشن دین باغبانی  
افسرده اولوبدی گلستانون  
ای سرو روان گلشن قدس  
گوزلور سنی صحن بوستانون  
ای کفری تزلزله سالان گل  
اوز جدی حسین قانین آلان گل  
ای کشور عشق شهر یاری  
مسجود شهاندی آستانون

ای مایه عشق و مهربانلیق  
دنیا بویی واردی مهربانون  
ای کفری تزلزله سالان گل  
اوز جدی حسین قانین آلان گل  
یاددان چیخاسان مگر بیر آنی  
تا یاد ایدم آیری بیر زمانون  
صید ایتماقا واردی اهل عشقی  
ابروی کجون کیمی کمانون  
ای کفری تزلزله سالان گل  
اوز جدی حسین قانین آلان گل  
شیرین سوزیله دولار بو دنیا  
آچسان دهن شکر فشانون  
گر واسطه سوز اولماسیدون  
وصف اولمازیدی گوزل بیانون  
ای کفری تزلزله سالان گل  
اوز جدی حسین قانین آلان گل



عزم وطن و سیاحت ایتمز  
هر کیم تا پاکوی دستانون  
نه پاییده وار سنه علاقم  
کاشفدی مقام امتحانون

ای کفری تزلزله سالان گل

اوز جدی حسین قانین آلان گل

لبخند و ورار چمنده گل لر  
گل تک گوله غنچه دهانون  
گول گولسون اورکدن اهل عالم  
وار قلبده درد بی کرانسون

ای کفری تزلزله سالان گل

اوز جدی حسین قانین آلان گل

حیرت زده چوللری دولانما  
هر قلبده وار سنون مکانون  
دلر سنیلندی قلب عالم  
هر دله دی عشق حکمرانون

ای کفری تزلزله سالان گل  
اوز جدی حسین قانین آلان گل  
آت پسرده غیبتی یوزوندن  
ظاهر ایله طلعت نهانون  
دنیا یوزون ایله نور باران  
ای نور خدای جاودانون

ای کفری تزلزله سالان گل

اوز جدی حسین قانین آلان گل

گل ایله جوان جهان پیری  
معنا قیل او صورت جوانون  
پهن ایت یر اوزونده خوان احسان  
ای جامعه ریزه خوار خوانون

ای کفری تزلزله سالان گل

اوز جدی حسین قانین آلان گل

جدون قانی قویما یرده قالسون  
عریان ایله تیغ جانستانون

آلِ قانینی جدّوینِ عدودن

مَنکوبِ ایله خصمِ بی‌امانون

ای کفری تزلزله سالان گل

اوز جدّی حسینِ قانینِ آلان گل

سنِ یوسفِ مصرِ فاطمی سن

وارِ سوقده قیمتِ گرانون

مینِ یوسفِ اولار سنه خریدار

واردی ایله اعتزاز و شأنون

ای کفری تزلزله سالان گل

اوز جدّی حسینِ قانینِ آلان گل

تائبِ گدایِ آستانون

بیرِ عمرِ دی ریزه خوار خوانون

لطفِ ایله عزیزِ عالمِ اولسون

بو نوحه نگارِ نوحه خوانون

ای کفری تزلزله سالان گل

اوز جدّی حسینِ قانینِ آلان گل

## تمه‌الکتاب

بعون‌الله‌الملک‌المنان با یاری حضرت باری در  
سایه حضرت بقیة‌الله‌الاعظم مهدی موعود صاحب‌الزمان  
دیوان جلد اول جوهر‌المصائب با ملحقات اثر قریحه  
تائب تبریزی تدوین و از چاپ درآمد اینک در اختیار  
شیفتگان حضرات معصومین علیهم‌السلام  
قرار داده می‌شود. از قارئین محترم التماس دعا دارم.  
انشاء‌الله جلد دوم جوهر‌المصائب منتشر خواهد شد.

السلام علی من‌التبع‌الهدی  
ذره‌بی مقدار حاج صادق تائب

محل فروش:

تهران: ناصر خسرو، کوچه حاج تائب، انتشارات پیری.

تبریز: درب‌گجیل، کتابفروشی عزیزاده.

تبریز: خیابان تربیت، کتابفروشی امیدزدانی.

تبریز: اول خیابان شریعتی، انتشارات منشور.



## موضوع از صفحه تا صفحه

نام کتاب	۱	۱
شناسنامه کتاب	۲	۲
مقدمه کتاب	۴	۴
فی التوحید	۵	۷
وصیت و وفات حضرت رسول اکرم	۸	۱۸
حضرت فاطمه زهرا <small>علیها السلام</small>	۱۹	۸۲
حضرت علی <small>علیه السلام</small>	۸۳	۱۳۴
فاطمه صغرا <small>علیها السلام</small>	۱۳۵	۱۴۸
حضرت مسلم ابن عقیل <small>علیه السلام</small>	۱۴۹	۱۵۲
اول محرم	۱۵۳	۱۵۵
ورود کربلا	۱۵۷	۱۶۴
حضرت علی اکبر <small>علیه السلام</small>	۱۶۵	۱۸۹
حضرت ابوالفضل <small>علیه السلام</small>	۱۹۰	۲۱۷
حضرت علی اصغر <small>علیه السلام</small>	۲۱۸	۲۳۶
وداع امام حسین <small>علیه السلام</small>	۲۳۷	۲۴۷

## موضوع از صفحه تا صفحه

شام غریبان	۲۴۸	۲۵۴
کوچ از کربلا	۲۵۵	۲۹۱
احوال کوفه	۲۹۲	۳۰۷
ورود شام	۳۰۸	۳۱۱
مجلس یزید	۳۱۲	۳۱۴
خرابه شام و رد غارت	۳۱۵	۳۴۳
کوچ از شام تا وفات حضرت زینب <small>علیها السلام</small>	۳۴۴	۳۶۸
اربعین	۳۶۹	۳۸۱
حضرت زینب در سرقبر مادر	۳۸۲	۳۸۵
حضرت موسی ابن جعفر <small>علیه السلام</small>	۳۸۶	۳۹۱
حضرت امام رضا <small>علیه السلام</small>	۳۹۲	۴۰۰
حضرت امام جواد <small>علیه السلام</small>	۴۰۳	۴۰۴
توصیف کربلا	۴۰۵	۴۰۹
ملحقات		
حضرت زهرا <small>علیها السلام</small>	۴۱۰	۴۲۹

از صفحه	تا صفحه	موضوع
۴۳۳	۴۳۵	پسران مسلم
۴۴۱	۴۳۴	اول محرم و ورود کربلا
۴۴۴	۴۴۲	شب عاشورا
۴۴۸	۴۴۵	حضرت قمر بنی هاشم <small>علیه السلام</small>
۴۵۴	۴۴۹	حضرت علی اصغر <small>علیه السلام</small>
۴۶۱	۴۵۹	قتلگاه و شهادت امام <small>علیه السلام</small>
۴۷۷	۴۶۲	قیام حضرت زینب بعد از شهادت
۴۹۰	۴۷۸	اربعین
۴۹۳	۴۹۱	عبرتنامه
۴۹۸	۴۹۴	امام رضا <small>علیه السلام</small>
۵۰۸	۴۹۹	حضرت ولی عصر عجل الله تعالی فرجه